











## ARISTOTE

LIS STAGIRITAE,

RHETORICORVM

LIBRI III,

QVOS M. ANTONIVS

MAIORAGIVS

vertebat.



VENETIIS PER IOANNEM  
PATAVINVM,

ARISTOTE

LIBRARY

UNIVERSITY OF CHICAGO

LIBRARY

UNIVERSITY OF CHICAGO

LIBRARY

LIBRARY



UNIVERSITY OF CHICAGO

LIBRARY

# ARISTOTÈ

LIS STAGIRITAE,

RHETORICORVM

LIBER I,

M. ANTONIO MAIO

RAGIO INTER

PRETE.



**P**HETORICA *Dialectica* ex altera parte respondet. ambæ enim in eiusmodi rebus sunt, quæ à cunctis hominibus quodammodo cognosci, atq; intelligi possunt: nec sunt in aliqua definita, ac certa scientia. Quocirca omnes homines utrarunq; sunt aliquo modo participes. omnes enim aliquò usq; & exquirere, & rationem reddere; & defendere, & accusare aggrediuntur, at ex imperitorum numero quidam hæc temerè, casuq; faciunt; quidam autem habitu quodam animi, longo usu comparato, cum autem hæc utroq; modo fieri contingat, perspicuum est, certa uia, atq; arte comprehendendi poss. licet enim causam intueri, cur & qui ex usu, & qui fortuitò hæc faciunt, id, quod uolunt, assequantur. hoc autem ipsum iam artis opus esse, nec

mo est quin fateatur. Sed qui hactenus de Arte dicendi conscripserunt; paruum quandam eius particulam confecerunt, probationes enim solæ ad artem pertinent, reliqua uerò sunt additamenta. at isti nihil de entymematibus loquuntur, quod corpus est, ac fundamentum fidei faciendæ, de ijs uerò, quæ sunt extrarem posita, plurima pertractant. nam criminatio, misericordia, iracundia, cæteraq; huiusmodi animi perturbationes nequaquam ipsius rei propriæ sunt, sed ad mouendum iudicem pertinent. Quod si id in omnibus iudicijs fieret, quod in aliquibus ciuitatibus etiam hoc tempore fit, atq; in illis præcipuè, quæ bonis legibus fundatæ sunt, nihil sanè isti haberent, de quo uerbum facere possent. omnes enim existimant, legibus hoc caueri oportere: quidam etiam eo utuntur, et prohibent oratorem quicquam extra causam dicere, quemadmodum Athenis fit in Ariopago. Et rectè quidem hoc sentiunt: neq; enim còuenit iudicem distorquere, atq; inflectere ad indignationem. uel inuidiam, uel misericordiam, idem enim est, ac si quis eam, qua usus est, regulam obliquam, ac tortuosam efficeret. Prætereā non dubium est, eius, qui controuersiam habet, nullas alias esse partes; quàm docere, rem aut esse, aut non esse, aut factam aut non factam fuisse. utrùm autem magna sit an parua, iusta an iniusta, si lator legis non definiuit, ipsum per se iudicem intelligere oportet, non autem ab actoribus discere. Maxime uerò expedit bene institutas leges omnia, quæcunq; possunt, complecti, ac definire, minimamq; partem ipsis iudicibus relinquere primò, quia longè facilius est, unum, aut paucos inuenire,

quàm multos, qui bene sentiant, & leges ferre, ac uerè iudicare possint: deinde, quia legumlationes longo tempore, diligentiq; consideratione fiunt, iudicia uerò plerunq; subita atq; repentina sunt, ut difficile sit, ipsos disceptatores æquitatem, atq; utilitatem rectè perspicere, ac tueri. illud tamen maximum omnium, quòd legislatoris iudicium non de singulis, neq; de præsentibus rebus est; sed de futuris, & de uniuerso genere, sententiæ uerò moderator & iudex de præsentibus iam, & definitis rebus disceptant, ac statuunt, qui sæpenumerò uel amore, uel odio, uel utilitate propria mouentur ita, ut nullo pacto ampliùs ueritatem intelligere, ac uidere satis queant; cùm propria uoluptas, aut molestia uero iudicio tenebras offundat; In cæteris igitur rebus (ut antea dixi) quamminimis iudicem ipsum dominum constituere oportet. uerùm utràm facta res sit an non facta, futura an non futura, sit nec ne sit, iudicibus ipsis omnino statuendum relinquere necesse est, neq; enim ullo modo fieri potest, ut hæc legislator præuideat. Quæ cùm ita se habeant: perspicuum est, eos ad artem ea reducere, quæ sunt extra propositam materiam, quicunq; res alias explicant, ut quid proœmium, quid narrationem habere oporteat, & quid unaquæq; aliarum partium. nihil enim aliud sibi proponunt, quàm, ut iudicem aliquo modo afficiant: de artificiosis uerò probationibus ne uerbum quidem faciunt, quibus solis acer in argumentationibus, & argutus orator sit, Atq; hac de causa cùm eadem uia atq; ratione deliberationes, & iudicia tractentur; sitq; deliberationis tractatio speciosior, & ciuitatibus utilior, quàm conuentorum &

iudiciorum: de illa quidem nihil dicunt, de iudicijs autem omnes artem conscribere aggrediuntur. nam in de liberatiuo genere longè minus prodest ea, quæ sunt extra causam, dicere: minusq; calliditatis, ac fallaciæ capax est sententiæ dictio, quàm iudicium, sed magis aperta est, ac popularis. hîc enim disceptator ipse de suis, ac proprijs rebus iudicat. itaq; nihil aliud opus est, quàm ostendere, rem ita se habere, quemadmodum is ait, qui sententiam dicit. In iudicijs uerò nequaquam hoc satis est, sed auditoris animum occupare permagni interest; quoniam de alienis rebus futurum est iudicium, itaq; sæpe iudices ad uoluptatem se se referentes, & ad gratiam audientes, litigantibus gratificantur, non uerè iudicant. Atq; hoc in causa est, ut multis in locis (sicut antea dixi) lex prohibeat, aliquid extra causam dicere, quod in sententijs ipsi disceptatores, quorum de re agitur, satis diligenter obseruant.

Iam uerò illud certum, atq; exploratum est, eam uiam atq; rationem, quæ ad artem pertinet, totam in probationibus esse positam. probatio autem ac fides, quæ iam est argumenti conclusio. tunc enim maximè credimus, cum rectè conclusum esse putamus. rhetorica porro conclusio, probatioq; uocatur enthymema: hoc enim omnium probationum plurimum ualet. Est autem enthymema syllogismus ac ratiocinatio quædam. de omni uerò syllogismo tractare Dialecticæ proprium est uel uniuersæ, uel certè cuiusdam partis eius. Non dubium est igitur, cum, qui perspicendi facultatem habet, ex quibus propositionibus, & quo pacto collocatis syllogismus fiat, acerrimum in argumentando, & argu-

tissimum oratorem futurum: modò præterea intelligat, quæ sit materia, quam tractent; & in qua uersentur enthymemata, & quomodo à demonstratiuis syllogismis distinguantur, eiusdem enim facultatis est, & quid uerum, & quid uirile sit, intelligere. Huc accedit, quòd homines ipsi à natura ad ueritatem satis informati sunt, et in maiori rerum parte ueritatem consequuntur quapropter eiusdem hominis est, qui ad uerum conijciendum aptus sit, etià ad res probabiles ita se habere, ut facile eas indagare queat. Iam igitur cur ij, qui de Arte dicendi scribunt, quæ sunt extra causam persequuntur, et cur ad iudiciale genus magis inclinarunt, satis ostensum est.

**UTILIS** est autem Rhetorica propterea, quòd res ueræ, ac iustæ natura meliores, ac potentiores sunt, quàm contrariæ, quòd si non rectè iudicia exerceantur, necesse est, eas à falsis, & iniquis superari. hoc autem uituperatiõe, ac reprehensione dignum est. præterea apud quosdā homines, etiam si exquisitā scientiā haberemus, non facile esset argumentis, ab ea ductis, dicendo persuadere. quæ enim à scientia proficiscitur oratio, minus, operamq; doctores requirit, quod in persuadendo fieri non potest. Sed omnem probationem, & orationem à communibus ac probabilibus ducere opus est, ut in Topick etiam diximus, cum doceremus, quomodo cum imperita multitudine congregiendum sit. iam uerò etiam opus est, res contrarias dicendo persuadere posse, quemadmodum in syllogismis ac differendi ratione fieri solet: non quidem, ut utrumq; faciamus, neq; enim, quæ mala sunt, persuadere oportet, sed ne lateat nos, quomodo hoc fieri possit; & si quis huiusmodi oratione non iuste



utatur, eam refellere ualeamus. Ex alijs autem artibus nulla est, quæ in contrarias partes differat, uerum Dialecticæ, ac Rhetoricæ tantum hoc proprium est, ambæ enim eodem modo in utranq; partem differunt, & contraria colligunt sed tamen res, quæ his artibus subiectæ sunt, non eodem modo se habent. semper enim, quæ ueræ, ac meliores natura sunt, illæ facilius etiam probantur, & persuadentur. dico autem, ut generatim, & plerumq; sit. præterea si turpe est homini, non posse sibi ipsum corpore opitulari; quanto turpius erit, oratione sed defendere non posse, quæ magis, quam usus corporis, hominis propria est? Quod si quis obijciat, maxima incōmoda eum importaturum, qui iniuste hæc dicendi facultate utatur, hoc iam commune est cum alijs bonis omnibus, præter uirtutem, & cum eis præcipue, quæ maximas utilitates adferre solent: ut cum fortitudine corporis, cum bona ualeitudine, cum diuitijs, cum arte imperatoria, quibus si iuste quis utatur, plurimum prodesse, sin iniuste, non mediocriter obesse potest. Iam igitur, dicendi Artem non esse in aliquo certo ac definito genere, sicuti neq; Dialectica est, & magnò pere utilem esse, perspicuum est: præterea officium eius esse, non persuadere, sed ea uidere, quæ ad persuadendum accommodata sint; quod etiam in alijs omnibus artibus usu uenit. neq; enim medici officium est sanare, sed usq; cò rem perducere, quò ratio curandi patitur. non fieri potest, ut is bene, atq; ex arte curetur, qui bonam ualeitudinem recuperare nullo modo possit. Illud etiam manifestum est, eiusdem artis esse, & quod appositum est ad persuadendum, & quod uidetur appositum



inuenire, quemadmodum Dialecticæ est uerum syllogismum, & qui uerus uidetur, intelligere. fallax enim & captiosus disputator non ex facultate, sed ex uoluntate, atq; delectu debet æstimari. sed ea est differentia, quòd in arte dicendi tam is, qui fallacibus utitur argumentationibus, quàm is, qui scientia contentus, eas refugit orator uocatur: in differendi uerò ratione distincta sunt nomina. nam qui studio fallendi ducitur, sophista, qui autem facultatem quidem habet fallendi, sed ea non utitur, dialecticus appellatur. Sed agè iam de ipsa arte dicere aggrediamur, & quòmodo, quibusq; argumentationibus ea, quæ proposita sunt, assequi poterimus, rursus ergo, tanquam à principio, naturam eius definiendo aperiamus, deinde etiam de reliquis dicamus.

EST igitur Rhetorica uis quædam, ac facultas inueniendi, quid in quaq; re sit ad persuadendum accommodatum, hoc enim nullius artis alterius officium est: nam artes aliæ singulæ tantum ea docere, ac probare contendunt, quæ materia illius sunt, in qua uersantur: ut medicina, quid salubre, quid insalubre sit, geometria, quæ sint euenta, quæ magnitudinibus accidunt, arithmetica numeros, eodem modo aliæ artes, & scientiæ. Rhetorica uerò de omni, penè dixerim, proposita quæstione appositè ad persuadendum dicere potest. Atq; ideò dicimus, eam non in aliquo proprio, aut definito genere artis suæ uim habere. Probationum autem aliæ quidem expertes artis, aliæ uerò artificiosæ sunt. Expertes artis eas uoco, quæ nostra opera non pariuntur, sed extrinsecus assumuntur, ut testimonia, & quæstiones, & eius generis cetera: artificiosas

autem eas, quas artis praesidio discimus, & cum inhaerent in ipsa re, reperiri industria nostra, atque inde erui possunt ita in superiore genere de tractandis argumentis, in hoc etiam de inveniendis cogitatum est. Earum vero probationum, quas dicendo acquirimus, tria genera sunt, nam aliae in uita, ac moribus oratoris posita sunt; aliae in permouendo, atque afficiendo, prout opus fuerit, auditore; aliae denique in ipsa oratione, cum aut probatur, aliquid, aut probari uidetur. Quae à uita, & moribus probatio nascitur, ea tunc fit; cum ita habetur oratio, ut eum, qui dicit, dignum, cui fides habeatur, uideri faciat, probis enim uiris & magis, & celerius credimus; atque hoc generatim in omnibus quidem rebus: at in ijs praecipue, quae certo sciri non possunt, sed uarie traduntur, omnino bonorum uirorum sententijs acquiescimus. hoc autem etiam ipso genere orationis consequi oportet: neque satis est, est oratorem. ante conceptam de se, bonam opinionem ad dicendum adferre. neque enim audiendi sunt quidam artis scriptores, qui oratoris ante perspectam probitatem in arte collocant; tanquam si boni mores, ad tempus oratione expressi, nullam ad persuadendum uim haberent, quin ausim dicere, maximam fere omnium uim fidei faciente in moribus exprimendis esse positam. Alterum genus probationis, quod ab auditoribus proficiscitur, fit, cum motum aliquem animi miscet oratio. neque enim eodem modo de aliqua re iudicamus; cum moremur & gaudemus, aut cum diligimus & odio prosequimur: qua in una re tantum eos laborasse dicimus, qui hactenus de Arte dicendi conscripserunt, sed de his omnibus

figillatim tractabimus, cum motiones animarum explicabimus, tertium probationis genus oratione fit; cum aut uerum, aut, quod ueri speciem habet, concludimus; ex eis argumenta ducentes, quæ in quaq; re sunt ad persuadendum accommodata. Cum igitur omnes artificiosæ probationes per hæc fiant: perspicuum est, cum solum hæc tria consequi posse, qui differendi rationem, & morum atq; uirtutum cognitionem, & perturbationum animi naturam percipit; ut sciat, quid unaquæq; perturbatio sit, & qualis, & ex quibus excitetur, & quòmodo. Itaq; fit, ut Rhetorica sit propago quædam, & quasi pullulatio Dialecticæ; & facultatis eius, quæ de moribus tractat. quam rectè ciuilem scientiam appellabimus. atq; ideo Rhetorica sibi habitum, ac formam scientiæ ciuils inducit: & qui huic arti incumbunt, partim ignorance rerum, partim inani gloria ducti, partim alijs etiam humanis, causis ciuilem se tenere scientiam profitentur; cum particula tantùm quædam, & imago Dialecticæ sit, quemadmodum initio diximus, neutra enim earum alicuius definitæ rei scientia est; ut quærat, quòmodo res ea se se habeat: sed facultates quædam sunt inueniendi, quid in quaq; re probabiliter dici possit. Iam igitur de utriusq; ui ac potestate, quòq; modo inter se coniunctæ sint, satis (ut opinor) dictum est. In probationibus autem, quæ aut uerè demonstrant, aut tantùm uidentur demonstrare, quemadmodum in Dialecticis inductio est, & uerus syllogismus, & præterea tantùm apparens syllogismus; ita etiam in hac arte: exemplum enim inductio est, anthymema: uerò syllogis-

mus. uoco autem ego enthymema quidem, oratorium  
sylogismum, exemplum autem inductionem oratoriam.  
omnes enim oratores cum aliquid dicendo probare uo-  
lunt, aut exemplis, aut enthymematibus utuntur: &  
præter hæc nihil habent. Quare si omnino necesse est,  
eum, qui probare aliquid uelit, aut syllogismo, aut in-  
ductione uti, quod ex ijs, quæ sunt a nobis, in libris  
Analyticis explicata, perspicuum est: necessitas cogit,  
ut utriusq; illorum natura utriq; eorum par, atq; ea-  
dem sit. Quæ autem differentia sit exempli, & en-  
thymematis facile ex topick intelligi potest. ibi enim  
de syllogismo, & inductione iam antea dictum est. nam  
cum ex pluribus, & similibus ita, ut uolumus, rem se  
habere ostendimus, ibi quidem inductio est, at in hac  
arte exemplum. neq; illud dubium est, artem ipsam,  
facultatemq; dicendi hoc utrunq; in se bonum habere. ut  
enim in libris de differendi ratione, quos Methodicos  
inscripsimus, iam a nobis antea dictum est, sic etiam in  
his de Arte dicendi res se habet. Cum uero, quibusdam  
propositis, aliud quiddam ab eis eorum causa contingit  
eò, quod illa uel generatim uera sint, uel plerunq; fiant;  
in Dialectica quidem syllogismus, in Rhetorica uero  
enthymema uocatur. sunt enim dictiones quædam ora-  
torie, quæ potissimum exemplis constant, sunt etiam,  
quæ totæ argumentis & enthymematibus conficiantur:  
sicuti oratores quidam exemplis magis, quidam argu-  
mentis delectantur. orationes autem, quæ constant  
exemplis, sunt quidem ad dicendum accommodatæ non  
minus, quàm aliæ, sed illæ, quæ sunt enthymematibus  
refertæ, maiore quodam impetu, animos commouent.

Verum quæ sit urtiusq; causa, quoq; modo sit utroq; utendum, alio in loco. postea, dicemus nunc autem de ijs, quæ tractare cœpimus, magis enucleatè, distinctèq; differamus. Nam quod probabile est, id est eius nature, ut per se esse non possit; sed alicui semper probabile sit, id autem duplex est: aliud enim simul, atq; auditum est, ex vi sua probatur, & creditur, aliud autem arte indiget, ut propositis rationibus demonstratur, nulla uerò ars est, quæ, quid in singulis rebus fieri debeat, consideret: ut medecina non docet, quid Socrati, aut Calliæ salubre, sit, sed quid homini sic affecto, aut cunctis, qui eodem morbo laborant. hoc enim ad artem spectat, quod autem singulare est, atq; indiuiduum, id infinitum habetur, & nulla scientia comprehendi potest, neq; igitur Rhetorica probabile quæ reteiusmodi, quod unius alicuius opinionis conueniat, ut Socratis, aut Hippiae, sed, quod omnibus, qui ita animo sunt affecti: quemadmodum etiam Dialectica. nam neq; illa ita ratiocinatur, ut undiq; arripiat sine ullo discrimine, quæ alicui uideantur, siquidem etiam deliris hominibus probabilia quædam uidentur: sed ex ijs argumentatur, quæ ratione allata probari possunt. Rhetorica uerò ex ijs, quæ in consultationem uenire consueuerunt. Est enim artis oratoriae proprium munus ea tractare, de quibus consultamus, & quorum adhuc artis traditas non habemus, & apud auditores eiusmodi, qui per multas rationes acutè rem intelligere non possunt, neq; procul posita ac longinquiora spectare. deliramus autem de rebus illis, quæ uidentur in utranq; partem cadere posse: de ijs uerò, quæ nullo modo fieri

potest, ut aliter aut fuerint, aut futura sint, aut sint, nemo est, qui deliberet; si modò, ea ita se habere intelligat, neq; enim in rebus eiusmodi quisquam aliter, quàm eo modo tantum, consilium dare potest. Accidit autem ijs, qui aliquid ratione concludunt, ut quædam aliquando colligant ex rebus antea conclusis: quædam autem ex rebus, quæ nondum quidem conclusæ sunt, sed probatione indigent eò, quòd minimè probabiles esse uideantur. quorum alterum necesse est, difficile esse ad intelligendum ob longitudinem, disceptatorem enim ruidem esse ponimus, atq; in disciplinis minimè uersatum: alterum autem ad persuadendum haudquaquam accommodatum eò, quòd neq; ex rebus manifestis, neq; ex probabilibus proficiatur, itaq; necesse est enthymema, atq; exemplum ex rebus eiusmodi esse, quæ nihil in se firmitatis habent; sed aliter atq; aliter se habere possunt, ut exemplum quidem inductionis, enthymema uerò syllogismi speciem ac imaginem habeat. Ex paucis autem, & sæpè ex paucioribus enthymema fit, quàm primus ille atq; integer syllogismus. siquid enim notum, atq; exploratum fuerit, id sanè nihil attinet dicere: quoniam ipse auditor illud adiungit: ut si quis probare uelit, Doricum certamen uicisse, in quo uictor corona donatur, satis erit dicere. Vicit enim Olympia, quòd autem in Olympijs uictor corona donetur, non opus est addere: omnes enim hoc sciunt. Pauca uerò necessaria sunt eorum, ex quibus oratorij syllogismi conficiuntur. maiori enim ex parte, quæ in iudicium, ac deliberationem ueniunt, etiam aliter se habere possunt. solent enim homines de ijs rebus deliberare, & cogitare, quas in uita gerunt;



quæ uerò aguntur, eiusdem generis omnia sunt; neque  
 quicquam, penè dixerim, eorum ex necessitate fit. hæc  
 autem ipsa, quæ plerumque fiunt, nec eodem modo se  
 semper habent, necesse est ex propositionibus eiusdem  
 naturæ confirmari; sicuti necessaria ex necessarijs pro-  
 bantur: quod ex analyticis libris clariùs intelligi potest.  
 Quare perspicuum est, eorum, ex quibus enthymemata  
 fiunt, aliqua quidem esse necessaria; sed plurima  
 ex eis esse talia, quæ plerumque tantum sine ulla neces-  
 sitate fiunt. ducuntur enim enthymemata ex uerisimili-  
 bus, & signis. itaque necesse est; ut horum utrumque al-  
 teri eorum respondeat, atque idem sit. nam uerisimile est  
 tanquam id, quod plerumque fit: non tamen absolute,  
 sicuti quidam existimant; sed quòd in eis uersetur, quæ  
 aliter etiam euenire possunt: & quòd ita se habeat ad  
 id, cuius est uerisimile sicuti se habet id, quod gene-  
 ratim atque uniuersè fit, ad id, quod fit sigillatim & in  
 parte. Signorum uerò duò sunt genera: quorum alte-  
 rum ita se habet ad id, cuius est signum, sicuti quod in  
 parte fit, ad id, quod in uniuerso genere, alterum au-  
 tem sicuti, quod in uniuerso genere fit, ad id, quo  
 in parte. quin ex his ipsis id signum, quod necessarium  
 est, indicium uocatur uel propria nota, quod autem  
 non est necessarium, caret certo ac proprio nomine,  
 quo ab alijs distinguatur. At uerò necessaria illa uoco  
 ex quibus syllogismus ac firma conclusio fit. quocirca  
 genus hoc signorum tecmerium dicitur, hoc est, indi-  
 cium ac propria nota, cum enim id, quod dixerint,  
 nullo modo solui posse existimant: tunc opinantur,  
 id signum tecmerium esse, atque ita ipsum appellant.

tanquam, quod iam probatum, atq; confectum sit.  
 prisca enim Grecorum lingua τέκμαρ, idem erat, quod  
 extremū atq; ultimum, genus autem illud signorū quod,  
 ita se habet ad id, cuius signum est, sicuti singulares ad  
 uniuersum genus, tale est, ut, si quis affirmaret, signum es-  
 se uiros sapientels esse etiam iustos, quia Socrates erat sa-  
 piens, & iustus hoc quidem certē signū est sed, facile dissol-  
 ui ac refelli potest, etiam si uerum fuerit id, quod dicitur.  
 nihil enim in se firmi habet, neq; necessariō concluditur.  
 Quod si quis ita dicat, Hunc hominem agrotare signum  
 est eō, quod febris laborat; aut, Hęc mulier peperit, quo-  
 niam lac habet: iam hoc erit firmum, & necessariē con-  
 clusum. atq; hoc signorum genus solum tecmerium ac  
 propria nota uocatur, solūmq; si uerum fuerit id, quod  
 dicitur, refelli non potest. Alterum genus signorum, quod  
 ita se habet ad id, cuius est signum, sicuti, quod est in  
 uniuerso genere, ad id, quod in parte est, fit hoc modo, ut,  
 si quis diceret, Hunc hominem febris laborare signū est eō,  
 quod crebrō respirat. sed hoc facile solui potest, etiam si  
 uerum fuerit, quoniam accidit etiam eum, qui febris non  
 laborat, aliquādo crebrō respirare. Quid igitur uerisimi-  
 le sit, et quid signum, et propria nota, quāq; ratione dif-  
 ferant, satis pro tempore dictum sit. planius enim, atq; di-  
 lucidius de his omnibus, et qua de causa partim quidem  
 nihil certi concludant, partim autē cōclusionem firmant  
 stabilem; habeant, in Analyticis libris iam antea disputa-  
 uimus. Quod autem exemplum sit idem, quod inductiō,  
 et quibus in rebus inductiō sit, ostensum est. sed tamen non  
 ita se habet, ut pars ad totum, neq; ut totum, ad par-  
 tem, neq; ut totum, ad totum, uerū, ut pars ad partem,  
 & quod



Et quod simile est, ad id cui est simile. cum enim am-  
 bo illa, quæ sumuntur, sub eodem genere posita fue-  
 rint, et alterum altero notius et apertius sit, tunc id  
 exemplum est, ut, si quis probare uelit, Dionysium  
 appetere dominatum regium, cum salutis suæ custodes  
 petat; et dicat, Pisistratum antea custodes petiisse, cum  
 regnum appeteret, et, cum eos impetrasset, tyrannidem  
 occupasse; Theagenemque idem Megaris fecisse, et alios,  
 quoscunque nouerit, idem fecisse, omnes exemplum fient  
 Dionysij, quem adhuc ignorant, an ea de causa custo-  
 des petat. hæc enim omnia sub eodem genere ac propo-  
 sito continentur; quod, quicunque regnum appetit, cu-  
 stodes salutis suæ petit. iam igitur unde probationes  
 illæ ducuntur, quæ speciem habent demonstrandi, decla-  
 ratum est. In ipsis autem enthymematibus maxima  
 est differentia, quæ omnes ferè plurimum fallit: atque  
 eadem est enthymematum differentia, quæ in differendi  
 ratione syllogismorum est. nam enthymemata quædam  
 sunt ipsius artis dicendi propria; sicuti syllogismi etiam  
 quidam Dialecticæ proprii sunt. quædam autem ad alias  
 artes, et facultates pertinent; quæ uel iam inuentæ  
 sunt, et excultæ, uel nondum planè cognitæ, peni-  
 túsque perspectæ sunt. Itaque sæpe fit, ut auditores fal-  
 lant: et qui eiusmodi enthymemata magis, quam con-  
 ueniat, amplectuntur, artis oratoricæ finem transiliunt,  
 hoc autem, quod dico, clarius et apertius erit, si pluri-  
 bus uerbis explicetur. Eos enim ego Dialecticos, et  
 oratorios syllogismos uoco, qui ducuntur ex locis, in  
 quibus latent argumenta. Loci uerò dicuntur ij; qui  
 communiter de rebus, quæ ad mores, et ad naturam,

Et ad ciuilem scientiam pertinent, Et deniq; ad alia multa, quae specie inter se differant, argumenta continent: ut locus, qui ex maiore, Et minore dicitur, neq; enim ex hoc loco magis de rebus iustis, quam de rebus naturalibus, aut de qualibet alia re, uel syllogismo concludere aliquid, uel enthymemate probare licet. atqui haec sine dubio specie differunt. Propria uero cuiusq; artis argumenta sunt, quae constant e propositionibus, ab arte illa ipsa desumptis, exempli gratia, in rebus naturalibus propositiones sunt, ex quibus nemo poterit aut enthymema, aut syllogismum formare, qui ad uitam, Et mores pertineat, Et in moralibus rebus sunt aliae propositiones, ex quibus nihil concludit potest, quod ad naturam spectet: atq; eadem est in ceteris omnibus ratio, illa uero argumenta, quae communiter ex locis sumuntur, neminem possunt huius, aut illius artis peritum facere, quoniam nullam habent certam sibi subiectam materiam: atqui proprias artium propositiones quanto quis exquisitiores elegerit, tanto magis a proposito suo aberrabit, Et in alia scientia uersabitur, quam in Dialectica, aut Rhetorica. si enim ad alicuius artis principia peruenit: iam non erit Dialectica, aut Rhetorica, sed erit illa ipsa ars, cuius ea principia fuerint. maiorem autem partem enthymemata fiunt ex propositionibus illis, quae propriae peculiareq; sunt alicuius artis, e communibus autem locis longè pauciora. Quemadmodum igitur in Topick, ita etiam in hoc opere distinguendae sunt enthymematum species, Et loci, unde sumuntur argumenta: uoco autem species enthymematum, proprias cuiusq; generis propositiones, locos uero sedes argumentorum.

æqualiter omnibus communis. prius igitur de formis enthymematum, quàm de locis, dicamus. ac primò Rhetoricæ genera uideamus; ut, cùm ea, quot numero sint, explicuerimus, sigillatim deinde cuiusq; generis elementa, propositionesq; tractemus.

**S** V N T autem Rhetoricæ genera numero tria: tot enim etiam auditorum genera reperiuntur. nam ex tribus rebus oratio constat, ex eo qui dicit, ex materia de qua dicitur, ex eo apud quem uerba fiunt. quin etiam cuiuslibet orationis finis ad auditorem refertur. Necesse est autem, ut is, qui audit, uel auscultator tantum sit, uel etiam disceptator, disceptator uerò, qui uel de præteritis statuatur, uel de futuris: & de futuris quidem statuit, ut is qui in concione dicentem audit: de præteritis autem, ut iudex. at uerò auscultator de oratoris facultate iudicat. Quare necesse est tria causarum esse genera, deliberationis, iudicij, exornationis. Deliberationis autem duæ sunt partes; altera suasio, altera dissuasio. nam & qui priuatè de re aliqua deliberant, & qui publicè concionantur, semper horum alterutrum efficiunt. iudicij uerò partes sunt accusatio, & defensio: qui enim in iudicio uersantur, horum alterum facere oportet. exornationis deniq; partes sunt laus, & uituperatio. Quin etiam horum trium generum tempora distincta sunt. nam deliberationi futurum tempus datur: qui enim deliberat, siue suadeat, siue dissuadeat, de futuris deliberat. iudicio uerò præteritum tempus est propositum. nam de rebus iam factis semper hic quidem accusat, ille autem defendit, exornationis maxime quidem proprium est præsens tempus. qui enim

laudant, uel uituperant aliquem, ea quæ tunc in eo sunt, considerant; sed tamen etiam præterita reminiscences commemorant, & de futuris coniecturam faciunt. Fines præterea cuiq; generi propositus est; & cum tria sint genera, tres etiam erunt fines. nam in deliberando finis est utilitas, & detrimentum. qui enim suadet aliquid, illud, tanquam melius, suadet, & qui dissuadet, tanquam deterius, dissuadet: alia uerò omnia huc referuntur; ut siquid iustum aut iniustum, honestum aut turpe dicatur. in iudicijs, quid æquum, aut iniquum sit, quæritur: siqua uerò sunt alia, huc referuntur, in exornationibus, qui laudant & uituperant, honestum & turpe sibi proponunt; & reliqua omnia huc referunt. Quòd autem hi sint fines, unicuiq; generi propositi, illud aperte declarat, quòd de alijs rebus interdum ne contendunt quidem; ut in iudicio, quin, fecerit, aut quin læserit: sed nemo unquam, iniuste se fecisse, fateretur: alioquin omnis statim controuersia tolleretur. eodem modo, qui consulunt, alia sæpenumero non curant; sed nunquam faterentur, se uel inutilia suadere, uel ab utilibus retrahere. quin sæpè non uerentur dicere, non esse iniustum, aut finitimos populos, aut eos, qui nihil læserunt, in seruitutem redigere. simili ratione, qui laudant aut uituperant, non illud attendunt, utrum is, de quo dicunt, utilia an inutilia fecerit: sed etiam in magna sæpe laude ponunt, si quis, utilitate propria neglecta, honestum aliquid effecerit: ut Achillem in eo laudant, quòd opitulatus est Patroclo sodali suo, quamuis sciret ea de causa se moriturum, cum liceret ei uiuere. huic igitur

mors eiusmodi in primis honesta fuit, uita uerò fuisset utilis. Perspicuum est autem ex ijs, quæ dicta sunt, non aliter hæc tractari posse; nisi quis primò eorum propositiones habuerit, propositiones uerò rhetorum, sunt propria rerum notæ, uerissimilia, & signa: nam omnis syllogismus ex propositionibus conflatur, enthymema uerò syllogismus quidam est, qui constat ex prædictis rhetorum propositionibus. Sed quia, quæ fieri nullo modo possunt, ea neq; possunt iam esse facta, neq; postea fieri: (nam ea tantum fiunt, quæ fieri possunt, eodem modo, quæ nunquam fuerunt, neq; futura sunt, ea, non fieri potest, ut aut facta sint, aut unquam fiant.) ideo necesse est, ut qui consulit, & qui in iudicio, & qui in demonstratiuo genere uersatur, propositiones habeat de eo, quod fieri potest, aut non potest: ex quibus intelligatur, utrùm res facta sit an non facta, & utrùm futura sit an non. Præterea, cum omnes, qui laudant & uituperant, qui suadent & dissuadent, qui accusant & defendunt, non solum prædicta demonstrare conentur; sed etiam, rem uel magnam uel paruum esse, uel bonam uel malam, uel honestam uel turpem, uel æquam uel iniquam, aut per se consideratam aut aliarum comparatione: perspicuum est, eos etiam oportere de magnitudine & paruitate rerum, & de maiori & minori propositiones habere, atq; illas & generatim et sigillatim; ut, quod maius bonum aut minus, quod maius peccatum aut meritum, & de alijs eodem modo. Sed hætenus dictum est, quarum rerum præpositiones sibi parare oratorem necesse est. deinceps uerò de unoquoq; genere separatim dicemus: ut, quæ sint

ea, ex quibus deliberatiuo conficitur; & ex quibus orationes demonstratiuæ, tertio uerò, de quibus est iudicium:

A C primò quidem uidendum est, in quibus bonis aut malis uersetur is, qui deliberat: neq; enim uersatur in omnibus; sed in eis tantum, quæ naturam eam habent, ut & fieri & non fieri possint. quæcunq; uerò necesse uel iam sunt, uel posthac erunt, uel quæ fieri non potest ut aut nunc sint, aut aliquando fiant; de ijs sanè deliberatio non est. Neq; tamen de omnibus, quæ contingere solent, est deliberatio: cum aliqua uel à natura, uel à fortuna bona sint, quæ aut contingere, aut non contingere possunt, de quibus nemo deliberare potest. Sed planum est in ijs esse deliberationem, de quibus consultamus. ea uerò sunt, quæ ad nos tantum referri possunt: & quorum principium agendi in nostro arbitrio potestateg; situm est. nam usq; eò consultando procedimus; donec inuenerimus, utrum à nobis ea fieri, an non fieri possint. Singula igitur diligenter enumerare, atq; in species digerere, de quibus statuere solent, & quantum fieri posset ex ueritate perpendere, nihil opus est in presentia, neq; enim hoc Rhetoricæ artis officium est, sed alterius, quæ diligentius & accuratius ueritatem inuestiget. tantum uerò abest, ut aliquid Rhetoricæ detrahamus, ut etiam ei longè plura concedamus, quàm re uera concedi debeant. Quod enim antea diximus, uerum est: nempe Rhetoricam ex analytica scientia, & parte ciuilibis facultatis, quæ in moribus uersatur, esse conflatam. similis est autem partim quidem Dialecticæ, partim uerò sophisticæ di-



spitationibus. Quòd si quis uel Dialecticam, uel hanc artem, non tanquam facultates, sed tanquam scientias, exquisitiùs tractare uoluerit, imprudens earum naturam penitus euertet eò quòd, illas ornandi studio captus, transeat in scientias, quæ iam res aliquas certas, in quibus uersentur, subiectas habent; non autem rationes, & argumenta tantum. uerùm nos, quæ utilitatem afferant huic arti: in præsentia pertractemus, ita tamen, ut exquisitam eorum explicationem ciuili scientiæ relinquamus.

RES igitur maximæ, de quibus omnes ferè consultant, & de quibus deliberantes in concione sententiam dicunt, quinque numero sunt, hoc est, de uestigalibus, de bello & pace, de custodia regionis, de ijs quæ importantur & exportantur, de ferendis legibus. Itaque si quis de uestigalibus benè consulturus est, eum redditus ciuitatis nosse oportet, quot, qualesuè sint: ut, si quis negligentia relictus sit, adiungatur, & si quis minor est, quàm confici possit, augeatur. præterea publicos ciuitatis sumptus nosse debet: ut, si quis superuacaneus est, adimatur; & si quis maior est, quàm conueniat, minuatur. non enim solùm bona amplificando ditiores euadunt homines, sed etiam sumptus detrahendo, hæc autem non tantum ex priuatarum rerum scientia possunt intelligi. sed etiam historiarum peritum esse oportet, qui benè de his consulturus sit, ut sciat, quòmodo aliæ nationes, ad hanc rem idoneas rationes inuenerint. Qui uerò de bello & pace consulturus est, copias ciuitatis nosse debet; & quæ paratæ iam sint, & quæ parari possint: qualesq; sint & illæ, quæ sunt in promptu;

illæ, quæ præterea possunt adiungi: quin etiam quæ bella gesserit, & quo exitu. neq; tantum propriæ ciuitatis bella, sed etiam finitimarum ciuitatum expêdere opus est; & præterea uires eorum, contra quos bellum fore existimatur: ut cum potentioribus pax habeatur, cum inferioribus, in eorum, quibus consilium datur, arbitrio sit, utrum bellum gerere uelint, copias quoq; spectare oportet, utrum similes an dissimiles sint: nam hac de causa sæpe contingit, uel superiores in bello uel inferiores esse. præter hæc etiam opus est, nō tantum suæ Reip. bella, sed aliorum etiam populorum animaduertere, & quem exitum illa habuerint, spectare: nam è similibus rebus similia euenire consueuerunt. De custodia regionis qui dicturus est, scire debet, qua ratione custodiri possit, & quot ei rei copię, qualesq; sint uecessariæ, præterea locos, ubi præsidia sint collocanda, quæ, nisi sit peritus regionis, scire non poterit. Atq; hæc ideo noscenda sunt, ut, si minor sit, quàm oporteat, augeatur custodia, si qua redundans, auferatur, & ad locos magis opportunos traducatur. De arnona uidendum erit, quanta, qualisq; ciuitati sufficere possit, & cuius generis sit ea, quæ ibi nascitur, & quæ aliunde importatur: & quæ sint eæ res, quas exportare, & quas importare oporteat; ut conuentiones, & pactiones cum eis fiant, quibuscum opus est. duo sunt enim hominum genera, quos obseruare necesse est, ne à ciuibus offendantur; nempe, qui potentiores sunt, & qui rebus suppediandis utile esse possunt. Hæc omnia subtiliter uidendi facultatem habeat oportet, qui de ciuitatis securitate consulturus est, Sed illud non parui pon-



deris est ferendarū legum rationem intelligere, cū in legibus posita sūt totius ciuitatis salus. Itaq; scire necesse est, quot sint Rerump, genera, & quæ cuiq; generi prosint, & quæ interitum adferant: siue illa Reip. propria sint, siue aliena, & ei contraria, uoco autem ea propria Reip. quæ interitum adferant, quoniam, uno excepto optimo ciuitatis statu, reliquæ omnes Resp. e: cū remittuntur: & cū efferuntur intereunt: ut popularis status non solum remissus sit imbecillior, & tandem in paucorum dominatum delabitur sed etiam, si uehementer efferatur, interit, quemadmodum uitia prauitatesq; nasi, qui uel grypus, uel simus sit, non tantum remissæ ad mediam rectamq; formam ueniunt, sed etiam uehementer auctæ, ut si ualde fiat grypus, aut simus nasus, eò tandem perueniant, ut ne nasi quidē formam nasus habere uideatur. Illud autem inferendis legibus utilissimum est, non solum aduertere & considerare, quisnam Reip. status antea cōto tempore profuerit; sed etiam apud exteras nationes, quæ Reip. species, quibus hominibus conueniant. itaq; perspicuum est ad legum ferendarum scientiam plurimum conducere terrarum peragrationem, in qua multarum gentium instituta, legesq; licet agnoscere. at uerò in consilijs publicis historiarum, & antiquitatis cognitio mirificè utilis est. Sed hæc omnia uidere, ciuils scientiæ non autem Rhetoricæ proprium officium est. Res igitur maximæ, quarum cognitionem cum habere oportet, qui benè consulturus sit, hæc ferè sunt. deinceps uerò dicamus, quòmodo uel ex his ipsis, uel ex alijs, quæ in deliberationem cadunt, & ad suadendum, & ad dissuadendum argumenta ducere possimus.

EST Autem & priuatim singulis, & publice  
 ferè omnibus finis quidam propositus, ad quem aciem  
 mentis dirigentes, omnia uel expetunt, uel fugiunt: Atque  
 (ut in summa dicam) ea est felicitas, & partes eius.  
 Quare sumamus, exempli gratia, non subtiliter qui-  
 dem, sed simpliciter, quid felicitas sit, & ex quibus  
 constent eius partes. de hac enim, & de ijs quæ ad hanc  
 referuntur, & de contrarijs huic omnes suasiones, &  
 dissuasiones esse solent: quæ enim felicitatem efficere  
 possunt, aut aliquam eius partem, aut ex minore maio-  
 rem, ea sunt amplectenda, quæ uerò illam uel corrumpunt,  
 uel impediunt, uel contraria sunt, omnino sunt fugienda.  
 Ponamus igitur, felicitatem, esse uitæ prosperitatem,  
 cum uirtute coniunctam, uel possessionem earum rerum,  
 quibus uita contenta sit, uel uitam cum securitate iun-  
 cundissimam, uel bonum, firmumque statum possessionu-  
 num, & corporum, cum facultate custodiendi, atque  
 amplificandi: omnes enim ferè consentiunt, felicitatem  
 aut unum horum, aut plura simul esse. Quod si felici-  
 tas est huiusmodi: necesse est, eius partes esse nobilita-  
 tatem, gratiam, amicitiam proborum hominum, diui-  
 tias, bonam prolem, multitudinem filiorum, facilem  
 senectutem, præterea corporis uirtutes, ut bonam uale-  
 tudinem, pulchritudinem, uires, magnitudinem, cer-  
 tandi robur: quin etiam gloriam, honorem, prosperam  
 fortunam, uirtutem, atque eius partes, prudentiam,  
 fortitudinem, iusticiam, temperantiam. hac enim ra-  
 tione nullius rei ad bene, beateque uiuendum indigebitis,  
 cui bona omnia & quæ in eo sunt, & quæ extrinsecus  
 adueniunt, affatim adfuerint: nam, præter hæc, nulla

bona sunt. In ipso uerò sunt ea, quæ uel in animo sunt, uel in corpore. extrinsecus adueniunt, ut nobilitas, amici, pecuniæ, honor, opes etiam atq; fortunam adesse oportere censemus: sic enim fiet uita securissima. Hæc igitur singula, quid sint, definiendo aperiemus.

**NOBILITAS** gentis, & ciuitatis ea est, si ipsa ex sese suos ciueks genuit, uel saltem uetustam originem habuit, & si primi ductores eius illustres fuerunt. & si multi principes, atq; imperatores ex ea nati sunt, quos æmulari alij studeant. Priuata uerò nobilitas uel à uiris uel à mulieribus pendet, & cum utriq; legitime coniuncti sunt, & quemadmodum etiam in ciuitate, cum primi auctores generis clari fuerunt uel uirtute, uel diuitijs, uel alia re, quæ in precio apud homines sit, & si ex ea familia multi illustres fuerunt & uiri & mulieres, & iuuenes & seniores. Bona uerò proles, & multitudo filiorum, quid sit, omnibus notum est. Atq; in Rep. bona proles esse intelligitur, cum multi, boniq; iuuenes in ea fuerint: & bona dicitur uel ex uirtute corporis, ut, cum magnitudinem, pulchritudinem, uireks, certandi robur habet; uel ex uirtute animi: nam temperantia, & fortitudo iuuenis uirtutes sunt, priuatim autem bona proles, & multitudo filiozem intelligitur, cum quis multos, & huiusmodi uirtutibus instructos, habet filios & maris, & foeminas. Foeminarum uirtus in corpore, uenustas, & magnitudo est, in animo, temperantia, & sedulitas, studiumq; suorum operum, modò tamen ne incidat in illiberalitatem, similiter autem & priuatim & publice, & in uiris & mulieribus ut hæc singula sint studere oportet.

nam qui impudicas habent mulieres, ut Lacedæmonij, dimidia ferè felicitatis parte carent. Diuitiarum partes, sunt pecuniæ, prædiorum multitudo, regionum possessiones; & præterea supellectilium copia, & pecudum, & seruorum: quæ res multitudine, & magnitudine, & pulchritudine excellent, & omnia secuta, liberalia, & utilia sint. Dicuntur autem utiila ea, quæ magis fructuosa sunt, liberalia uerò, quæ animi uoluptatisq; gratia possidentur. fructuosa illa uoco, undè redditus uestigialiaq; capiuntur, uoluptuaria, è quibus nihil, præter usum, capitur, quod aliquo precio dignum sit. Securitatè ille finis est, ut eo in loco, atq; eo modo prædia possideantur, ut eorum usus in domini arbitrio sit. id uerò alicuius proprium esse, aut non esse dicitur, cùm in eius potestate est alienare: dico autem alienare, donare, & uendere omnino diuitem esse magis in usu, quàm in possessione situm est: nam huiusmodi rerum actus, atq; usus ipsæ diuitiæ sunt. Bona existimatio, est uirtute præditum ab omnibus iudicari, uel tale aliquid in se habere. quod omnes expetant, aut multi, aut boni uiri, aut prudentes. Honor autem, est signum gloriæ, ex plurimis in alios meritis comparatæ. Iustè uerò maximeq; honore afficiunt ij, qui iam beneficia contulerunt. uerùm tamen etiam ille solet honorari, qui alijs benefaciendi facultatem habet. Id autem beneficium honore dignum putatur, uel quod ad salutem uitamq; tuendam pertinet, uel ad opes, uel ad huiusmodi bonum aliquod, cuius non sit facilis acquisitio, quodq; sine magno labore paratur, uel semper,

uel eo in loco, uel eo tempore: multi enim propter res quasdam, quæ parue uidentur, honorem assequuntur, sed id aut propter modum, aut propter occasionem accidit. Honoris species sunt immolationes, monumenta uel carmine uel soluta oratione conscripta, præmia certa, luci, superiores insidendo loci, sepulchra, imagines, & publica cibaria, & quibus barbari utuntur, habitus adorantium, & conspectus euitationes; numera, quæ apud singulas gentes in precio sunt. Etenim munus est & possessionis largitio, & honoris indicium. quo fit, ut auari, & ambitiosi munerum sint appetentes, nam utriq; in eis inueniunt, quod concupiscunt: est enim in illis utilitas, quam appetunt auari, & honor, cui maxime student ambitiosi. Corporis uirtus, est bona ualetudo. Quæ ita accipienda est, ut morbo uacuum sit corpus, & ad usus bene constitutum. multi enim sano corpore sunt. ut Herodicus dicitur, quos nemo tamen ob eam ualitudinem beatos iudicaret eo, quod uel ab omnibus humanis actionibus, uel ab earum maxima parte se abstinent. Pulchritudo non eadem est in omni ætate, sed diuersa. nam adolescentis pulchritudo est, si corpus ita constitutum habet, ut ad labores sustinendos utile sit, uel ad cursum, uel ad inferendam uim; & si quandam ore suauitatem præferat, quæ spectantes uoluptate compleat hac de causa pentathli pulcherrimi habentur, quod ad uim inferendam, & ad celeritatem simul apti sunt. Viri autem, & qui iam constanti ætate sit, pulchritudo est; ut corpus ad militares labores idoneum habeat, & oris suauitatem, cum quodam terrore coniunctam, præferat, Senis deniq; pulchritudo est, si corpus habeat

necessarijs laboribus largè sufficiens, & si nullam ore  
 tristitiam ostendat eò, quòd ijs morbijs careat, qui sene-  
 ctutem deprauare solent. Vires ex eo intelliguntur,  
 cùm quis eam facultatem habet, ut alterum moueat,  
 quomodocunq; uoluerit. Necesse est autem alterum mo-  
 uere. uel trabendo, uel impellendo, uel tollendo, uel de-  
 primendo, uel collidendo. quare robustus ille ualensq;  
 aut his omnibus, aut quibusdam horum ualebit,  
 Magnitudinis uirtus ea est, cùm quis & longitudine,  
 & altitudine, & latitudine multos alios antecedit, mon-  
 dò ne tantò maior sit, ut propter exuperantiam corpo-  
 ris motus tardiores efficiantur. Decertandi robur ex  
 tribus consistat, magnitudine, uiribus, & celeritate.  
 nam & qui celer est, robustus appellatur: qui enim cru-  
 ra quodammodo uibrare, & celeriter mouere, atq; ex  
 longinquo loco potest, & natura cursor est, qui uerò  
 premere, fortiterq; tenere, ad luctam est idoneus, qui  
 longè à se pellere. plagamq; inferre potest, & erit pugil.  
 Sed qui in utrisq; ualet, hoc est lucta, & pugillatione,  
 pancratiastes erit, qui in tribus illis omnibus, pentathlus  
 uocatur. Bona senectus est, cùm tardè, atq; sine  
 tristitia aduenit: neq; enim, qui celeriter senescit,  
 bona senectute frui dici potest, neq; , qui serò quidem  
 fit senes, uerùm cum multis, magnisq; doloribus. Ad  
 bonam uerò senectutem & corporis uirtutes, & for-  
 tuna bona concurrant oportet. nam, nisi sine morbo  
 fuerit, & nisi uires conseruet: non erit expers mole-  
 stiarum, ac dolorum, nec uitam producere poterit, nec  
 prosperam fortunam retinere, Est etiam alia ratio, qua  
 quis etiam sine uiribus, & bona ualetudine diu uiuendi



facultatem inueniat : multi enim sine corporis uirtutibus in longum tempus uitam prorogant. sed in præsentia nihil opus est de huiusmodi rebus exquisitè disputare.

Gratia uerò, bonorumq; uirorum amicitia quid sit, ignorari non potest, modò, quid sit amicus, intelligatur.

Est enim is amicus, qui quæcunq; arbitratur ei, quem amat, bono esse, eius ipsius causa facit. cui igitur multi sunt huiusmodi, is gratiosus dicitur: cui uerò boni uiri tales sunt, is bonos amicos habere prædicatur.

Prospera fortuna est, cùm, quæ à fortuna proueniunt bona uel omnia, uel plurima, uel maxima alicui uel fiunt, uel iam præstò adsunt. Est autem fortuna nonnullorum causa, quæ etiam ab artibus efficiuntur: sed plerunq; eorum causa est, quæ nulla arte fieri possunt, ut eorum, quæ natura quidem fiunt, sed etiam contra naturam fieri possunt. nam bonæ uoletudinis ars causa est, pulchritudinis autem, & magnitudinis ipsa natura.

Omnino bona illa profiscuntur à fortuna, quæ maxime soleat inuidiam concitare. quin etiam eorum bonorum, quæ præter omnem rationem eueniunt, fortuna causa est: ut, si cæteri fratres deformes sunt, hic autem formosus, aut si besaurum alij non uiderunt, hic autem inuenit, aut si is, qui propè stabat, iaculo percussus est, hic autem minime, uel, qui antea solebat frequentare, tunc non uenit. cùm alij, semel tantum uenientes, interfecti sunt. hæc enim omnia fortunæ beneficio contingere uidentur. De uirtute, quoniam in exornatione maxime proprius est eius locus, cùm de laudando uerba faciemus, tunc quid statuendum sit, accuratè explicabimus. Quæ igitur spectare oportet

tet eos, qui suadent, tanquam futura, aut praesentia, perspicuum est, & rursus qui dissuadent: sunt enim eis, quae iam dicta sunt, contraria: Sed quoniam deliberanti proposita est utilitas, & qui, deliberant, non de fine ipso, sed de ijs, quae spectant ad finem deliberant; ea uerò sunt, quae in singulis actionibus profunt. & quod prodest, bonum est ideò de bono atq; utili generatim mihi dicendum, & quae sint eius initia atq; elementa, quaerendum arbitror.

PONA MV S ergo bonum id esse, quod ipsum propter se sit expetendum; & cuius gratia solemus aliud expetere: & quod res omnes expetunt, uel saltem illae, quae sensu praeditae sunt, uel intelligentiam habent, uel si eis intelligentia daretur, & quaecunq; ratio atq; intelligentia cuiq; dictaret. & quaecunq; singulis in rebus unicuiq; ratio tribuit, atq; assignat, ea sunt unicuiq; bona. Illud quoq; bonum est, quo praesente res bene se habet, nec quicquam amplius desiderat, & quod per se sufficiens est. quin etiam, quod haec ipsa conficiendi, & custodiendi uim habet, bonum est, & quod haec eadem consequuntur, & quod contraria depellit, Atq; interimit. Duobus autem modis aliquid esse consequens dicitur, uel enim simul, uel postea: ut, si quis discit, consequitur, ut sciat, sed postea, si bene ualet, consequitur, ut ualeat, sed simul. Quae conficiendi uim habent, tribus modis didicuntur. partim, ut bene ualere, & corpus habere bene constitutum, conficiens est bonae uoletudinis, partim, ut cibaria, quae salubria sunt, & conficientia sanitatis, partim, ut exercitatio corporis, quae plerunq;



runq; bonam efficit ualeitudinem. His ita positis, necesse est, bonorum adeptiones esse bonas, atq; etiam malorum depulsiões: huic enim simul malum non habere consequens est; Ut autem postea bonum habere: item etiam pro minore bono maioris adeptio, & pro maiore malo minoris bona est: nam id totum, quo maius minori præstat, sit illius quidem adeptio, huius autem depulsião. Virtutes etiam bonas esse necesse est, nam, qui eas possident e benè affecti sunt; & ipsa multa, ac magna bona conficiunt: atq; earum laus in actione consistit. sed de singulis uirtutibus, quæ, qualesq; sint, alio in loco dicendum erit. Voluptas præterea bona est: omnes enim animantes naturæ instinctu eam expetunt. quare & quæ iucunda sunt, & quæ pulchra, bona esse, necesse est, iucunda enim sunt efficiētia uoluptatis; rerum autem pulchrarum aliquæ iucundæ sunt, aliquæ ipsæ per se se sunt expetendæ. Vt autem sigillatim aliqua dicamus, hæc esse bona necesse est, primò felicitatem, quia per se expetenda est, & se ipsa est contenta, & eius gratia multa alia expetimus: deinde iusticiam, fortitudinem, magnanimitatem, magnificentiam, atq; alios huiusmodi animi habitus: sunt enim hæc uirtutes animi, tum bonam ualeitudinem, pulchritudinem, cæteraq; eius generisq;, quæ corporis uirtutes sunt, & multarum rerum bonarum conficientes; ut bona ualeitudo uoluptatis, & uita. itaq; res optima uidetur esse bona ualeitudo, quoniam duas res efficiat, quæ plurimi ab hominibus æstimantur; hoc est uoluptatem, & uitam. Diuitiarum usus, fructusq; bonus est: hæc enim est possessionis uirtus, &

multorum commodorum conficiens. Amicus, & amicitia bona sunt; nam amicus propter se est expetendus, & multorum bonorum efficiens: honor præterea, & gloria, sunt enim res iucundæ, multaq; commoda adferunt: & plerunq; accidit, ut in hominibus ea sint, propter quæ honorantur, dicendi quoq; facultas, & agendi, quoniam ex eis multa bona proveniunt. Item ingenij acumen bonum est, & memoria, & docilitas, & animi celeres motus, cæteraq; eius generis omnia: nam eiusmodi facultates bonorum conficientes esse solent: eodem modo scientiæ omnes, & artes, uiuere quoq; ipsum: nam etsi nihil aliud boni consequatur, propter se tamen ipsum expetendum est, id etiam, quod iustum, est bonum: nam ad communem utilitatem pertinet. Hæc quidem ferè sunt, quæ omnes bona esse confitentur. sunt alia, de quibus controuersa est, quæ illis argumentis bona esse probantur; Cuius contrarium est malum, illud bonum est, & id, cuius contrarium bonis prodest: ut, si nostros ciuicis esse timidos maxime conducit hostibus: perspicuum est, ciuib; maxime prodesse fortitudinem. & omnino, quod inimici cupiunt, & quo gaudent, eius contrarium utile nobis esse uidetur: ideo rectè dictum est ab Homero, Certè læticia Priamus afficeretur. neq; tamen hoc perpetuò uerum est: nam interdum fieri potest, ut eadem res aduersarijs utilitatem adferat: unde prouerbio dicitur, homines ab infortunijs, & malis conciliari: quoties idem utrisq; detrimentum adfert. Id etiam bonum est, in quo nihil nimium esse potest: quod enim maius est, quàm conueniat, id est malum. Et, cuius causa multi labores suscepti

sunt, aut multi sumptus facti, bonum iam esse uidetur, & iam finis existimatur, multarumq; molestiarum finis, quicquid autem finis rationem habet, id certe bonum est, unde huiusmodi dicta uulgò iactantur, Certe Priamo gloriam, & Turpe est manere diu, & pro uerbum illud, In foribus hydriam: & quod multi expetunt, & pro quo digladiari inter se consueuerunt, quod enim omnes expetunt, id bonum esse suprà diximus, multi uerò, tanquam omnes, uulgò uidentur, & quod est laudabile, nemo enim id laudat, quod bonum non est, & quod etiam inimici ac maleuoli homines laudant: nam, quod illi laudant, qui mala inde perpessi sunt, pèrinde est, ac si iam omnes bonum id esse fateantur, quemàmodum enim illi sunt improbi, quos amici uituperant, sic illi boni, quos neq; inimici uituperant; ideò se contumelia affectos à Simonide poëta Corinthij existimarunt, quòd ita cecinisset, Corinthios non incusat illum: & quod aliquis ex prudentibus & bonis uiris, ac mulieribus præcellere iudicauit; ut, Vlysses Pallas, Helenam Theseus, tres illæ deæ Paridem, Achillem Homerus: & omnino quæcunq; alijs consultò præponuntur, statuunt enim homines ea facere, quæ suprà dicta sunt, & quæ mala sint inimicis, amicis autem bona: & quæ fieri possint. hæc autem duobus modis intelliguntur, uel quæ quoquo modo fieri possunt, uel quæ facile nulloq; negotio, facilia uerò dicuntur ea, quæ uel sine molestia, nel breui tempore confici possunt: difficile namq; uel molestia, uel temporis longitudine definitur. Bona quoq; illa sunt quæ ita fiunt, ut homines uolunt. uolunt autem uel nihil

habere mali, uel saltem minus mali, quàm boni; quod tunc euenit, cum poena uel nos latuerit, uel pusilla fuerit. Et, quæ propria sunt, & quæ nullus alijs possidet, & quæ reliquis præstant, bona sunt: in his enim honor spectatur: & quæ ipsis congruentia sunt; qualia sunt, quæ uel propter genus, & familiam, uel propter eius ipsius facultatem alicui conueniunt: & quæ sibi de esse putant, etiam si parua fuerint; nam nihilominus ea sibi agenda esse statuunt: & quæ sine labore ad exitum perducuntur, nam sunt ex eo genere, quæ fieri possunt, tanquam facilia; dicuntur autem ea sine labore ad exitum perducì, quæ uel omnes, uel multi, uel pares, uel inferiores rectè perfecerunt: & ea, in quibus gratificantur amicks, aut inimicks dolorem inferunt: & quæcumq; illi student agere, quos admirantur: & ad quæ natura sunt aptiores, & in quibus exercitationes, facilius enim ea, meliusq; se perfecturos existimant: & quæ nemo uir abiectus aggreditur: sunt enim ea maiori laude digna: & ea, quorum appetentes sunt, nam ea non solum iucunda, sed etiam alijs meliora esse uidentur: & ea præcipuè, ad quæ natura procliues sunt, ut uictorie studiosi, si uictoriam sperent, bonoris auidi, si honor proponatur, auari si pecunie, & ceteri eodem modo. Ac de bono quidem atq; utili ex ijs, quæ dicta sunt, argumenta sumi possunt.

S E D quoniam sæpè accidit, ut duo proponantur, quæ ambo sint utilia, sed, utrum utilius sit, dubitant: deinceps de maiori bono, magisq; utili nobis dicendum est, id igitur, quod præstat, est tantum, quantum id, quod superatur, atq; amplius: superatum autem in eo,

quod præstat, inclusum est. & maius quidem, atq; plus  
semper ad aliquid, quod minus sit, refertur: magnum  
autem & paruum, & multum & paucum cum mul-  
torum magnitudine, multitudinēq; conferuntur, &  
quidem quod præstat, magnum est, quod autem supe-  
ratur, paruum: atq; eadem ratio est de multo & paucō.  
Quoniam autem id bonum esse dicimus, quod ipsum pro-  
pter se, non propter aliud, est expetendum, & quod  
res omnes expetunt, uel quæ, si eis mens atq; intelligen-  
tia daretur, expetrent, & quod efficiendi, & con-  
seruandi uim habet, uel cuius eiusmodi sunt consequen-  
tes, & quoniam id cuius gratia, est finis, & contrā fi-  
nis est, cuius gratia fiunt alia, idq; priuatim alicui bo-  
num est, quod illi est accommodatum, necesse est, ut, quæ  
plura sunt uno, & paucioribus, maiora sint bona, modò  
in eis unum illud, atq; illa pauciora connumerentur.  
hoc enim modo præstant, & quod in eis inclusum est,  
superatur, & si, quod maximum est in aliquo genere,  
maximo alterius generis præstabit, etiam genus gene-  
ri, & contrā si genus generi præstabit, etiam quod est  
maximum maximo: ut, si maximus uir maxima mu-  
liere maior erit, etiam simpliciter uiri mulieribus ma-  
iores erunt: & si mulieribus uiri maiores sint, etiam  
maximus uir maxima muliere maior erit, eandem enim  
habent rationem exuperantiæ generum, & eorum, quæ  
sunt in ipsis generibus maxima: & quando huic illud  
fuerit consequens, hoc autem illi non fuerit, certè hoc  
maius erit. Tribus autem modis aliquid consequi dici-  
tur, aut uno & eodem tempore, aut deinceps, aut ui-  
ce potestate: nam usus eius, quod consequitur, in alte-

ro consistit. uno uero & eodem tempore uita bonam  
 ualitudinem consequitur, sed non contra; neque enim  
 bona ualitudo consequitur uitam: deinceps autem, ut  
 disciplinam consequitur scientia: ut hac potestate, ut sa-  
 crilegium facere plus est, quam furari: nam qui sa-  
 crilegium facit, etiam furabitur. Illa quoque maiora  
 sunt, quae rem magnam magis exuperant: necesse est  
 enim, ut etiam illam maiorem exuperent, & quae ma-  
 iori boni conficiencia sunt, ea maiora sunt bona: hoc  
 enim maioris boni natura postulat, ut maius bonum con-  
 ficiat. & contra, maius illud bonum est, cuius confi-  
 ciens est maius: ut, si, quod est salubre, magis est expe-  
 tendum, quam, quod est iucundum: certe bona uale-  
 tudo uoluptate maior erit: & quod propter se expe-  
 tendum, eo, quod propter aliud: ut uires corporis re-  
 bus salubribus praestant: haec namque propter aliud, illae  
 uero propter se expetuntur. Quod est boni proprium,  
 & quod rationem finis habet, eo maius est, quod non  
 habet, nam hoc alterius gratia est, illud autem sui ip-  
 sius, ut exercitatio sit bonae ualitudinis gratia. Et quod  
 minus eget alio, uel alijs, maius est, quia magis, quam  
 alia, se ipso est contentum, illud autem minus indigere  
 dicitur, quod uel paucioribus, uel facilioribus indiget.  
 Et quando res aliqua sine altera non est, aut non esse  
 potest, altera uero sine hac, certe illa maior est, id  
 enim magis quam alia, se ipso contentam est, quod non  
 indiget. itaque maius bonum uidetur: & si hoc alicuius  
 rei principium fuerit, illud autem non fuerit: & si  
 hoc causa fuerit, illud autem non, eadem fere rationes  
 quoniam sine causa, & sine principio fieri non potest.



at aliquid sit, aut fiat. Et, cum duo principia sunt, quod à maiore principio proficiscitur, maius est; & cum duæ sunt causæ, quod à maiori causa nascitur, maius est, & contrà propositis duobus principiis, quod rei maioris principium est, illud est maius, & propositis duabus causis, quæ maioris rei causa est, illa est maior. Ex ijs, quæ dicta sunt, perspicuum est, utroque modo posse aliquid maius uideri. nam, si hoc principium est, illud autem non est, uidebitur esse maius, & contrà, si non principium hoc est, illud uerò est principium, quod enim ultimum finisque est, maius est; non, quod principium: quenià admodum Leodamas, cum Calistratum accusaret, dixit, eum, qui consilium dederat, magis in culpa esse, quàm, qui scelus commiserat, neque enim scelus illud commissum fuisset, nisi eius auctor & consiliarius extitisset. at uerò, cum accusaret Chabriam; dixit, eum magis peccasse, qui fecerat, quàm, qui consuluerat: neque enim flagitium extitisset, nisi esset inuentus, qui faceret. huius enim gratia deliberant, ut, quod statuum fuerit, efficiant. Et, quod rarius est, affluentius est præstantius: ut aurum ferro: quod quamuis minùs sit utile; tamen eius possessio maioris æstimatur, quia difficilior est. quod in aliquibus rebus contrà se habet: siquidem, quod uulgare est, ei, quod est raram, anteponitur; quoniam frequentior est usus. id enim, quo sæpius utimur, præstat ei, quo rarius: unde dicitur, Optima quidem aqua. Et omnino, quod difficilius est, procliuiore maius eò, quod etiam rarius est. & contrà, nonnunquam, quod procliuius est, difficiliori præstat: sic enim se habet, ut uolumus. Præterea id maius



est, cuius contrarium, est maius, & cuius priuatio, maior: & uirtus non uirtute, & uitiositas non uitiositate maior est. nam illæ fines sunt, hæc autem non sunt fines. Et quorum opera pulchriora aut turpiora sunt, ipsa sunt maiora, & quorum uirtutes aut uitia maiora, etiam opera, maiora sunt, quoniam, ut se habent causæ & principia, ita etiam euenta. atq; ut euenta se habent, ita etiam causæ & principia, & quorum exuperantia magis expetenda, aut melior est, ut acutè uidere magis expetendum est, quàm olfacere, ergo etiam uisus olfactu præstantior: & sociorum studiosum esse, magis decet, quàm pecuniarum, quare studium sociorum comparandorum, quàm pecuniarum laudabilius est, & conuerso ordine rerum meliorum exuperantiæ meliores sunt, & honestiorum honestiores. Et, quorum cupiditates honestiores, & meliores sunt, ea quoq; meliora sunt, & honestiora: maiores enim rerum maiorum sunt appetitiones, atq; idè honestiorum, & meliorum sunt etiam meliores, & honestiores cupiditates. Et, quarum rerum scientiæ pulchriores, & exquisitiiores sunt, ipsæ quoq; res sunt pulchriores, & exquisitiiores: quemadmodum enim scientia se habet, ita etiam uerum, & unaquæq; scientia, quod ipsius est proprium præcipit, ac tradit, atq; hac de causa rerum exquisitiiorum, & pulchriorum etiam scientiæ sunt eadem ratione tales. Et quod prudentes homines uel cuncti, uel multi, uel plures, uel præstantissimi maius bonum esse iudicarent, aut antea iudicarunt, id esse tale necesse est, siue simpliciter in omnibus rebus, siue in ea re, cuius periti sunt,

iudicauere. est autem hoc etiam in alijs omnibus commune, ut prudentes intelligant, & quid, & quantum & quale; prout unaquæq; ars, & scientia tradit. At nos, hoc loco de bonis uerba facimus; nam antea bonum id esse statuimus, quod res omnes, si prudentiam haberent, sibi eligerent, ex quo perspicuum est maius id esse bonum, quod prudentia magis expetit: & id, quod melioribus adest, siue simpliciter, siue ex ea parte, qua meliora sunt; ut fortitudo robori præstat: & quod uir melior eligeret uel absolute, uel quatenus melior est; ut iniuriam accipere potius, quam inferre. Id etiam, quod iucundius est magis est expetendum, quam minus iucundum. nam omnia uoluptatem sequuntur; & eius ipsius causa iucundè uiuere cupiunt: quibus rebus boni, finisq; natura iam a nobis supra definita est. iucundius autem illud, est quod & minus habet molestiæ, & diutius perdurat; & quod pulchrius est minus pulchro: nam pulchrum aut est iucundum, aut propter se expetendum. Ea quoq; maiora bona sunt, quorum sibi homines, aut amicis auctores esse malunt, quorum autem minimè uolunt auctores esse, ea maiora sunt mala: & diuturniora bona breuioribus, & stabiliiora incertioribus; nam diuturniorum usus tempore præstat, stabiliiorum autem uoluntate; quoniam quod stabile ac firmum est, uoluntatibus nostris præstò semper adest: & eo pacto, quo à coniugatis, & castibus similibus alia consequuntur; ut, si fortiter se gerere pulchrius, & magis expetendum est, quam temperanter, etiam fortitudo magis erit expetenda, quam temperantia, & fortius esse magis, quam esse temperantem. Et, quod omnes

expetunt, maius est, quàm, quod non omnes, & quod plures, quàm quod pauciores; bonum enim id esse diximus, quod omnes expetunt, itaq; maius id bonum est quod magis expetitur: & quod aut aduersarij, aut hostes, aut disceptatores, aut qui uerè iudicare possentur. illud enim perinde est, ac si omnes tale esse faterentur; hoc autem, ac si qui in sua potestate rem habent, & eius ualè sunt intelligentes. Atq; interdum illud maius habetur, cuius omnes participes sunt; labes enim atq; ignominia est, non illud participare: interdum illud, cuius nemo, aut pauci sunt participes: id enim est rarius: & quæ laudabiliora; nam eadem sunt honestiora: et ea, quibus maiores honores tribuuntur; honor enim tanquam æstimatio quædam est: & quibus pœnæ maiores constitutæ sunt: & quæ maiora sunt eis: quæ omnes magna esse confitentur; aut quæ magnorum speciem præ se ferunt. Et, quæ in partibus diffecantur, maiora uidentur: nam in eis apparet plurimū rerum quædam exuperantia. undè etiam Pœta scribit Meleagrum ab uxore ad bellum hac ratione fuisse concitatum;

Quot mala concurrunt, quoties crudeliter urbem

Diripiunt hostes: pereunt iuuenesq; senesq;

Illicet ignis edax euertit tecta domorum;

Abducunt alij natos. =

Præterea componendo, & quasi superstruendo fit, ut maius aliquid uideatur; quemadmodum Epicharmus facere consuevit. nam partim eadem ferè ratione, qua diuisio, etiam compositio, magnam ostendit exuperantiam, partim quia principium, & causa rerū magnarum esse uidetur. Quoniam autem id, quod difficilius est, &

rarius, habetur maius, accidit, aut etiam occasiones, etates, loci, tempora, facultates res magnas efficiant. siquid enim supra uires, & supra etatem, & supra aequalis, & si opportunè, si loco, si tempore gestum fuerit, maius magnitudinem habebit & in rebus honestis, & in bonis, & in iustis, atq; etiam in contrariis: quo sensu factum est epigramma in uictorem illum Olympiorum;

Hic humeris antè, imposita mihi corbe, redibam

Ex Argo, pressus piscibus, in Tegeam:

& Iphicrates, se ipsum laudans, ita dicebat; Ex quibus inijs ad hæc perueni: Atq; id, quod innatum, & institutum est, assumpto & aduentitio maius, quoniam etiam difficilius est, unde Poëta inquit, Ipse meo didici Marte: =

& rei magnæ maxima pars, ut Pericles, cùm funebrem orationem haberet, dixit, iuventutem è ciuitate bello sublatam, non aliter, ac si uer ex anno tolleretur: & quæ in grauiori tempore sunt utilia, ut in senectute, & in morbo. Et, duobus propositis, id quod fini propinquius est, etiam maius. & quod priuatim alicui prodest, maius est ipsi, quàm, quod omnibus absolutè: & quod fieri potest, melius, quàm, quod non potest; illud enim in ipso est, qui deliberat, hoc autem non: & quæ in ipso fine uitæ manent; nam magis finis rationem habent, quæ sunt ipsi fini accommodata, atq; uicina. Et, quæ, rei ueritatem spectantes, sumimus, anteponenda sunt ijs, quæ, ad opinionem. eorum autem, quæ ad opinionem spectant, hæc definitio est; ut ea sint, quæ nemo aggrediretur, si illa clam hominibus fore existimaret, hinc est, quòd quibusdam accipere beneficium,

quàm facere præstantius uideri posset: illud enim, etiam si lateat, expetitur, conferre autem beneficium in alterum, si lateat, non sanè uidetur quisquam expetere. Et quicquid magis optant homines esse, quàm uideri, maius est; nam ad ueritatem magis accedit: ideo sunt, qui dicant iusticiam tenuem pusillamque rem esse; quoniam præstat iustum uideri, quàm esse, sed bene ualere non item: & quod ad multas res est utilius, ut ad uiuendum, & ad bene uiuendum, & ad uoluptatem, & ad res honestas conficiendas; quam obrem diuitiæ, & bona ualetudo maxima esse bona uidentur, quoniam omnes commoditates in se habent: & quod minus habet molestiæ; & quod uoluptati coniunctum est nam plura sunt uno; est enim illic & uoluptas, quod est bonum, & indolentia. Et duobus propositis, id, quod eidem rei adiunctum, efficit, ut totum maius sit, magis est expetendum. Et, quæ cum præsentia sunt, clàm esse non possunt, maiora sunt, quàm, quæ latent, quoniam ad ueritatem magis accedunt, itaque locupletem esse maius bonum uideri potest, quàm existimari: & quod amabile, & carum est, his quidem solum, illis autem cum alijs bonis coniunctum quare non æqualis pœna legibus est constituta, si quis altero captum oculo cæcauerit, & si quis, duos oculos habenti, alterum effoderit: nam illi id ereptum est quod maxime carum erat. Iam igitur, unde sumenda sint argumenta & in suadendo, & in dissuadendo, ferè dictum est.

**MAXIMUM** autem, & potentissimum omnium ad persuadendi facultatem, & bene consulendum id est, si quis Resp. omnes cognititas habeat, & uniuscuiusque mores, instituta, atque utilitates intelligat: omnes enim

utilitate mouentur. Illud autem utile est, quod ciuitatis  
statum conseruat, præterea decretum id firmum est,  
quod ab illo ordine factum fuerit, in cuius potestate  
omnia constituta sunt. summæ uerò potestates secundum  
Rerump. status distributæ sunt quot enim Rerump.  
genera sunt, totidem etiam sunt summæ potestates.  
Sunt autem Rerump. genera quatuor, democra-  
tia, oligarchia. aristocratia. monarchia. itaq; sum-  
ma potestas, quæ de rebus iudicet, aut est eorum  
generum aliqua pars, aut totum. Ac democratia  
quidem, est Reip. status. in quo sortitione tantum ma-  
gistratus distribuuntur. Oligarchia uerò est, in qua ex  
censu magistratus eliguntur. Aristocratia dicitur illa,  
in qua magistratus distribuuntur ijs, qui disciplinam  
perceperunt: disciplinā, autem eam intelligo, quæ à lege  
constituta, sit. nam, qui permanent in institutis ciuitatis,  
in aristocratia magistratus gerunt: necesse est enim,  
huiusmodi uiros optimos uideri, unde etiam aristocratia  
nomen habet. Monarchia est, ut nomen indicat, in qua  
unus omnium dominus est: quæ, si definita est, & ordi-  
nem quendam seruat, regnum uocatur, si uerò inordi-  
nata, atq; ex unius libidine, tyrannis appellatur. Opor-  
tet igitur, finem uniuscuiusq; Reip. cognitum habere:  
nam ea singulæ quærunt, quæ ad finem suum tendunt,  
est autem democratia finis libertas, oligarchia diuitia,  
aristocratia quæ ad disciplinam legesq; ciuitatis perti-  
nent, tyrannidis custodia. Perspicuum est igitur,  
oportere distincta, & cognita habere omnia, quæ ad fi-  
nem spectant, ut mores, ut instituta, res utiles. nam  
omnes, quacumq; eligunt, ad finem suum referunt



Et, quoniam fides non tantum argumentis fit; sed etiam oratione, quæ dicentis mores exprimit (credimus enim ei, qui ita affectus esse uidetur, ut aut uir bonus appareat, aut beneuolus, aut utrunq; .) opus est uniūscuiusq; Reip. mores bene cognitos habere: mores enim cuiusq; ciuitatis, oratione expressi, necesse est, ut ad persuadendum uim habeant maximam, qui quidem ex eis, quæ antè dicta sunt facile cognosci poterunt. nam ex eo, quod sibi quæq; ciuitas proposuit, aperte mores cognoscuntur: proponunt autem ea sibi, quæ ad finem referuntur. Sed iam quæ sibi proponere debeant illi, qui suadent aliqua, tanquam futura, & instantia, & undè possint argumenta de eo, quod utile est sumere, & præterea de moribus, & institutis, quibus singuli ciuitatum status reguntur, quibus rationibus, & quomodo possimus dicendi copiam habere, quantum decuit in hac arte querere, diximus: nam in libris de Rep. de his accuratius pertractatum est. Deinceps autem de uirtute & uitio, de honestate & turpitudine dicamus: laudanti enim, & uituperanti sunt hi propositi fines simul etiam illud commodum consequetur, ut, dum hæc agimus, etiam illa declaremus, undè mores nostros ostendamus, quod erat secundum probationis genus: ex iisdem enim locis & nos ipsos, & alium quemlibet ita ornabimus, ut tanquam probis uiris, & uirtute præditis fides habeatur. Et, quoniam sæpe fit, ut uel animi gratia, uel serio, studioseq; laudemus non tantum hominem, aut deum, sed etiam ea, quæ anima carent, & quodcumq; animal nobis uisum fuerit: eodem modo, quo in superiori genere fecimus, etiam de his rebus uidendum, undè propositiones sumende sint.



quare non exquisitè, sed exempli tantum gratia de his etiam dicamus.

**P U L C H R V M** igitur id est, quod, cum propter se sit expedendum, est etiam laudabile, uel, quod, cum bonum sit, est etiam iucundum, quatenus bonum. Quod si pulchrum est huiusmodi: necesse est, uirtutem esse pulchram; quoniam, cum sit bona, est etiam laudabilis. uirtus autem est, ut fere uidetur, facultas comparandi, quæ bona sunt, & eisdem conseruandi, & facultas, multa, & magna in alijs merita conferendi, & quæ potest omnes omnibus in rebus adiuuare. partes autem uirtutis sunt iusticia, fortitudo, temperantia, magnificencia, magnanimitas, liberalitas, mansuetudo, prudentia, sapientia. Necesse est autem, omnium uirtutum eas esse maximas, quæ sunt alijs utilissimæ, si quidem uirtus est facultas beneficia conferendi. Atq; hac de causa iusti, & fortes uiri maxime honorantur: hi enim in bello, illi uerò etiam in pace multis utiles sunt. deinde liberales iteò sunt in honore, quod fortunas suas erogant; neq; de pecunijs digladiantur, quarum reliqui mortales magnò opere cupidi sunt. Est autem iusticia uirtus, per quam singuli res suas habent, et eo modo, quo lex præcipit, iniusticia uerò, per quã aliena contra legem possidentur. Fortitudo est uirtus, per quam homines res honestas in periculis aggrediuntur; easq; gerunt, ut lex præcipit, & se legum ministros præbent. timiditas uerò uitium est contrarium. Temperantia uirtus est, cuius opera homines ita corporis uoluptates moderantur; ut lex iubet. intemperantia uitium est contrarium. Liberalitas est. quæ

pecunijs suppeditandis pluribus benefacit; cui contraria est illiberalitas. Magnanimitas est uirtus, quæ maxima in alios beneficia confert, huic contraria est animi paruitas. Magnificencia uirtus est, quæ in sumptibus faciendis amplitudinem sequitur: huic etiam animi paruitas, & tenuitas est contraria. Prudentia est uirtus rationis, per quam de bonis rebus, & malis, quæ ad beatam uitam pertinent, homines bene consulere possunt. Ac de uirtute quidem, & uitio, deq; partibus eorum, quantum ad hanc præceptionem attinet, satis in præsentia dictum est. nam cætera dignoscere, non est difficile: planum est enim, eas res, quæ uirtutis efficientes sunt, necessario honestas esse, quoniam ad uirtutem referuntur; & quæ à uirtute proficiuntur, quales sunt uirtutis significationes & actiones. Quoniam autem signa, & huiusmodi res, quæ sunt alicuius boni opera, aut affectiones, honestæ sunt; necesse est, ut quæcunq; fortitudinis opera, aut signa sunt, uel fortiter gesta, sint etiam honesta. Et, quæ iusta sunt opera, quæq; iuste fiunt; non tamen, quæ iuste patimur, sunt honesta. nam in hac sola uirtute, non semper, quod iuste fit, est honestum; in luenda enim pœna, quæ legibus imposita est, turpius est iuste, quàm iniuste plecti: sed in alijs uirtutibus uno atq; eodem modo se res habet. Et ea, quibus premium propositum est honor, honesta sunt: & quæ magis honore, quàm pecunia compensantur: & quæ, cum sint expeienta, potiùs aliena causa, quàm sua fiunt: & quæ sunt absolutè bona: & quæ neglecta propria salute, pro patria geruntur ab aliquo: & quæ bona dantur à natura: & quæ non illi ipsi, qui habet,

habet, fructum afferunt; nam, quæ afferunt, eius ipsius gratia sunt: & quæcunq; mortuo sæpius, quàm uiuo, contingere solent; nam, quæ uiuo fiunt, ipsius gratia facta uideri possunt: & quæcunq; opera fiunt aliorum causa; minus enim ipsius gratia: &, quæ in alienis negocijs curandis, benè conficiuntur: non autem in suis, et quæ propter eos fiunt, à quibus beneficium acceptum fuerit; hoc enim iustum est: & benefacta in alios; quoniam ad proprium fructum non referuntur, & eorum contraria, propter quæ solent homines erubescere. nam propter turpia, cum aut ea dicunt aut faciunt, uel cum dicturi facturiq; sunt, erubescunt, quemadmodum Alceæo poëtæ respondit Sapphò. cum enim ille dixisset, Cupio tecum quædam loqui, sed me deterret pudor: illa sic inquit; Si te bonarum, aut honestarum rerum desiderium teneret; neq; lingua tua flagitium aliquod proferre tentaret; non sanè pudor oculos tuos occupasset, sed de re iusta liberè uerba fecisses. Et ea, de quibus homines anguntur, cum tamen non metuant, sunt honesta. de ijs enim anguntur, & solliciti sunt homines, quæ rectè ad gloriam tendunt. Honestiores etiam eorum uirtutes, & opera sunt, qui natura sunt meliores, ut uiri, quàm mulieris, & uirtutes illæ, quibus alij magis frugi possint, quàm illi, in quibus sunt; qua de causa iustum, & iusticia honesta est, Qui etiam hostes potius ulcisci quàm cum illis in gratiam redire, honestum est. nam par pari referre, iustum est: quod autem iustum, est etiam honestum, præterea uiri fortis est, non pati se inferiorem esse. Victoria quoq; & honor in rebus honestis sunt: expetuntur enim, etiam si nullum fructum ferant; &

quandam uirtutis exuperantiam ostendunt. Et, quæ memoriam alicuius ornant, honesta sunt, & quanto magis ornant, tanto sunt honestiora. Et quæ mortuum etiam consequuntur, et quibus honor comitatur, et quæ eximia sunt, quæq; solus aliquis possidet, honestiora putantur; magis enim res huiusmodi celebrantur: & prædia minimè, fructuosa, magis enim liberalia sunt. Et, quæ propria singulari sunt, habentur honesta, & quæ sunt indicia rerum, apud singulas gentes laudatarum; ut apud Lacedæmonios alere comam honestum est, est enim ingenuitatis signum: neq; enim facile est ei, qui comam alit, aliquid seruire opus exequi. Honestum est etiam nullam artem exercere mercenariam: nam liberi hominis proprium est, non ad alterius arbitrium uiuere. Assumenda præterea sunt ea, quæ uicina sunt & proxima rebus ipsis, uel ad laudem, uel ad uituperationem; ut, si cautum & sibi fidentem hominem, timidum & insidiosum uocemus, si fatuum bonum: silentium mansuetum: & in quaq; re semper ex consequentibus id, quod optimum uidetur, capiamus; ut, si iracundum, & truculentum, ingenij simplicis hominem dicamus; & si contumacem magnificum & grauem: & qui in eo, quod est nimium, peccant, si ita probemus, quasi in mediocritate uirtutibusq; consistant; ut, si temerarium fortem, prodigum liberalem appellemus, sic enim imperita multitudini esse uidebitur. Quin etiam subest ratio, cur in errorem pleriq; ducantur, nam, qui pericula non necessaria subit, multò magis uidetur id facturum: cum aliqua res honesta postulabit: & qui pecunias temerè profundit, is etiam amicis facile subue-

niet. nam ab exuperantia quadam uirtutis prouenit,  
omnibus benefacere, Sed uidendum est, apud quos quem-  
piam laudes: nam, ut aiebat Socrates: non difficile est,  
Atheniensibus Athenis laudare. oportet autem id, quod  
apud singulos in precio est, tale sua ui esse dicere: ut  
apud Scythas, uel Lacones, uel philosophos: & omnia  
no, quod in precio est, ad honestum referri debet, quos-  
niam propinquum esse uidetur. & quaecumq; illi conue-  
niunt, qui laudatur, dicenda sunt, ut, si res dignas maio-  
ribus suis gessit, & si hoc alijs rebus, ab eo, praeclare ge-  
stis, respondet; est enim beatum, & honestum, honori  
parto honorem adiungere: aut, si praeter id, quod con-  
ueniebat, aliquid in meliorem, honestioremq; partem  
effecit, ut, si, cui res secundae sunt, is moderatus sit, &  
si, cui fortuna est aduersa, is magno sit animo, aut, opi-  
bus, & dignitate auctus, melior, & placabilior euase-  
rit, tale fuit illud Iphicratis dictum, E quibus initijs  
ad quas res, & uictoris Olympiorum,  
His humeris ante, imposita mihi corbe;  
atq; illud Simonidis,

Hec habuit patrem, atq; uirum, fratresq; tyrannos.

Quoniam autem laus in actionibus consistit,  
& boni uiri proprium est, in rebus gerendis dele-  
ctum adhibere, danda est opera, ut ostendamus,  
eum, quem laudamus, delectu attribito, res suas  
gessisse: ad quod probandum utile erit ostendere sae-  
pius illum recte fecisse. Itaq; illa etiam, quae casu  
fortuitoq; contingunt, tanquam consilio & ratione  
facta sint, laudare debemus; nam si multa, & simi-  
lia prolata fuerint; ea uirtutis, & consilij signum

esse uidebuntur: laus enim est oratio, quæ uirtutis magnitudinē explicat. Quare res gestas eius, quem laudamus, ita tractare oportet, quasi à uirtute profectæ sint: laudatio enim tota ab actionibus pendet. Quæ uerò extrinsecus assumuntur, ad fidem faciendam ualent; ut nobilitas, atq; educatio: credebile est enim, è bonis parentibus, bonos nasci filios; & eum, qui benè fuerit educatus, bonum futurum. quare laudamus eos, qui iam præclare aliquid gesserunt: actiones enim, & opera signa sunt habitus animi. & certè illum etiā laudaremus, qui nihil aduc laude dignum gessit, si certum haberemus, eum talem futurum. At uerò beati & felicitis appellatio eadem est, differt tamen à laude atq; encomio. nam quemadmodum felicitas uirtutem continet, ita felicitis appellatio laudem & encomium completitur. Habent autem quandam communem speciem demonstratiuum genus, & deliberatiuum. nam, quæ utiliter in suadendo consilia dantur, ea, commutato dicendi genere, in laudationes transeunt: Cùm igitur ea sint explicata, quæ uirum probum agere oportet; si uoluerimus eadem ad præceptiones, suasionesq; traducere; dicendi tantum genus mutare, & conuertere opus erit: ut, si quis ita dicat; Non oportet quemquam efferri animo propter ea, quæ dantur à fortuna; sed propter ea, quæ in ipso posita sunt. hoc præceptum erit, sed illo modo laus; Animo se se efferebat non ob ea, quæ data sibi fuerant à fortuna; sed, quæ in se ipso posita habebat. quare, cùm aliquem laudare uolueris, considera, quæ illi præcepta dares: cùm autē præcipere uolueris, uide, quid esset in eo laudandum. dicendi uerò genus



necessario contrarium est; cum id, quod imutatur, ex  
 prohibente in nō prohibens transferit. Utendum est etiā  
 multis argumentis, quæ amplificandi uim habeant: ut, si  
 solus, aut primus, aut cum paucis socijs fecisse dicatur;  
 aut ipsius potissimum in eo uirtus enituit hæc enim  
 omnia sunt honesta. A temporibus etiam, & occasioni-  
 bus amplificare licet: ut si qua præter expectationem  
 facta fuerint; & si sæpius eadem in re se recte, feli-  
 citerq; gesserit; hoc enim magnum uidetur, & non à  
 fortuna, sed ab eius consilio factum: et, si ea, quæ homi-  
 nes excitant, & honorem adferunt, ab eo, quem lau-  
 damus inuenta fuerint, & præparata, &, in quem  
 prima fuit edita laudatio, ut in Hippolochū; sicuti Har-  
 modio, & Aristogiton primis in foro statuæ colloca-  
 tæ sunt, eodē modo res se se habet in contrarijs. Quod  
 si non poteris eum per se copiose laudare; ex aliorum  
 comparatione laudes eius amplificabis: quod Isocrates  
 faciebat ex consuetudine docendi, quæ ad iudiciale ge-  
 nus pertinerent, sed cum eis comparare opus est, qui  
 cum laude uixerunt: sic enim eius dignitatem ampli-  
 ficare poteris, si docueris, eum præstantibus uiris ante-  
 ponendum. Cadit autem in exornationes potissimum  
 amplificatio: nam in exuperantia est, quæ ipsarum  
 honestarum una habetur. quare, si cum præstantibus  
 uiris nō potueris, cum alijs quibuslibet conferas: omnis  
 enim exuperantia uirtutem quandam uidetur indicare,  
 omnio uerò ex uniuersis dicendi formis, quæ tribus  
 generibus communes sunt, amplificatio demonstratiuo  
 generi maxime est accommodata. nam, qui laudant, res  
 manifestas, & certas sumunt: itaq; restat eis tan-



tum magnitudinem, et pulchritudinē adiungere. Exemplum uerò deliberatiuo generi maximè conueniunt: nam, ex præteritis futura coniicientes, quid sit agendum, statuimus. Argumentationes in iudiciali genere sunt maximè necessariae: quod enim factum esse dicitur, propterea, quòd est incertum, causam, et probationem requirit. Hæc ferè sunt, ex quibus laudationes omnes, et uituperationes ducuntur, et, quæ respicere eos oportet, qui laudant, et uituperant, et undè encomia, opprobriaq; constantur, his enim cognitis, quæ cōtraria sunt, facile cognoscuntur nā ex cōtrarijs uituperatio cōstat.

RELIQVVM est igitur, ut de accusatione, et defensione uerba faciamus, et, ex quot numero, qualibusq; rationes colligere oporteat. Tria uerò sunt, quæ in hoc genere sumere oportet, primò, quædam sint, et quot, quæ ut consequantur, homines iniuriam faciunt, deinde, quòmodo affecti, quempiam iniuste lædant, tum quos, qualesq; offendant: quæ singula deinceps declarabimus, si prius, quid sit iniuriam facere, definiuerimus. Est igitur iniuriam facere, sponte contra leges alicui nocere. leges uerò sunt uel propriæ, uel communes: propriam legem eam uoco, quæ scripta est, et, qua utimur in Rep. communem uerò, quæ, licet scripta non sit, tamē ab omnibus probari, confirmariq; uidetur. Sua sponte dicuntur facere, qui scientes faciunt, et à nemine coacti. non tamen quæcunq; sponte faciunt, etiam consultò, et delectu adhibito faciunt: sed quæcunq; faciunt consultò, et adhibito delectu, ea scientes omnia faciunt, neq; enim quisquam, quod ignorat, id eligit. Quæ uerò impellunt homines, ut

contra leges aliquem offendere uelint, et iniusta facere non dubitent, duo sunt, uitiositas, & incontinentia: nam, qui uel uno uitio, uel pluribus tenentur, in eo ipso, quo uitiosi sunt, etiam iniuriosi esse solent, ut auarus & illiberalis in pecunia quærenda, intemperans in explendis corporis uoluptatibus, mollis autem & ignauus in ocio amplexando, timidus in periculis euitandis: nam eos, qui cum ipso periclitantur, propter timorē deserit. ambitiosus propter honorē iniurius est, iracundus propter iram, contentiosus propter uictoriā amarus asperq; natura propter u'tionem, inspiens eò, quòd de æquo, et iniquo peruersè iudicat, impudens eò quòd famam & existimationem suā negligit. Atq; eodem modo singuli alij in rebus ijs sunt iniurij, quas auidè cupiunt. Reliqua enim, quæ multa sunt, partim ex ijs perspicua sunt, quæ iam de uirtutibus diximus, partim autem intelligentur ex ijs, quæ de perturbationibus postea dicemus. Restat, ut explicemus, cuius rei gratia soleant homines iniuriā inferre, & quomodo affecti, & quibus nocere studeant. primum igitur distinguamus, quænam appetentes, & quæ fugientes, iniuriā quæpiā afficere moliamur. Perspicuū est enim accusatorē oportere diligenter aduertere, quot eorum, et quanta sint in reo, quæ cupientes homines iniuriā inferant, defensorem autem, quot, & quanta non insint.

OMNES autem omnia faciunt partim non per se ipsos, partim uerò per se ipsos: & quæ non per se ipsos faciūt, partim fortuito, partim necessariè faciunt & eorum, quæ necessariè, partim ab externa ui partim ab insita natura facere coguntur. quare omnia,

quæ non per se ipsos homines agunt, partim à fortuna proficiscuntur, partim à natura, partim ab externa ui. Quæcunq; uerò per se faciunt, & quorum ipsi auctores sunt, ea uel propter consuetudinem, uel propter appetitum faciunt; & appetitum quidem uel rationis compotem, uel expertem rationis, est autem uoluntas, appetitus boni cum ratione, nemo enim aliud uult, quàm id, quod bonum esse iudicauit; appetitus uerò rationis expertes duo sunt; ira, & cupiditas. Quamobrem omnia, quæ faciunt homines, necesse est, ut septem causarum oriantur ab aliqua; hoc est, uel à fortuna, uel à ui, uel à natura, uel à consuetudine, uel à ratione, uel ab ira, uel à cupiditate. Velle autem, quæ agunt homines, etiam ex qualibet ætate, aut habitu animi distinguere, superuacaneum est. nam, si contingit in iuuentute citò irasci, aut cupiditatibus trahi; hæc non ætati sunt attribuenda, sed iræ, & cupiditati, neq; propter diuitias, aut paupertatem quicquam agunt: sed usu uenit pauperibus, suadente egestate, ut pecunias cupiant; diuitibus autem, ob facultatem ut cupiant minimè necessarias uoluptates. sed etiam hi, quæ agunt, non aut diuitijs, aut paupertate impellente, sed hortante cupiditate faciunt. eodem modo iusti & iniusti, & alij, qui ex habitu animi quippiam facere dicuntur, propter hæc eadem faciunt: uel enim rationem, uel mores sequuntur. sed in hoc differunt, quòd aliqui bonis moribus, & affectionibus ad agendum impelluntur; aliqui uerò contrarijs. Illud quidem certè contingit, ut diuersos habitus animi diuersæ actiones consequantur, confestim enim fortasse temperanti propter temperantiam contingit, ut cum

opinionēs, & cupiditates bonæ comitentur; intemperanti uerò, contrariæ de ijsdem rebus. Itaq; diuisione huiusmodi prætermittendæ sunt, atq; illud considerandum, quæ, quibus consequentia sint. siue enim albus sit siue niger, siue magnus, siue paruus, nihil eorum, quæ dicta sunt, idè consequi solet: sed, si uuenis sit aut senex, iustus aut iniustus: iam plurimi interest. & omnino uidenda sunt omnia quæ, cum accidunt, hominum mores uariant, atq; commutant: ut, si quis se diuitem esse existimet aut pauperem, permagni intererit, & si fortunatum aut infortunatum, sed de his postea suo loco dicemus: nunc ea, quæ restant primo persequamur.

A fortuna igitur dicuntur ea prouenire, quorum causa incerta atq; indefinita est, nec certum sibi finem propositum habent: neq; semper, neq; plerumq; neq; ordinatè fiunt: quæ quidem omnia, ex ipsius fortunæ definitione perspicua sunt. A natura proueniunt ea, quorum causa in ipsis constituta est, & ordinata, uel enim semper, uel plerumq; eodem modo fiunt. de ijs uerò, quæ contra naturam fiunt, nihil attinet hoc loco subtilius disputare, utrùm à naturæ aliqua ui, an ab alia quâdam causa gignantur: nam fortuna etiam coram omnium uideri causa potest. Per uim ea fieri dicuntur, quæcunq; fiunt quidem ab aliquibus, sed tamen contra cupiditatem, & uoluntates eorum ipsorum, qui illa faciunt. Consuetudine faciunt homines ea, quæ iam antea sæpius fecerunt; & idè nunc facilius efficiunt. Consilio ac ratione fiunt, quæ prodesse uidentur, & sunt è numero bonorum, quæ suprâ diximus; uel tanquam fines; uel tanquam ea, quæ ad finem perducunt;

Et hoc, quando propter ipsam utilitatem fiunt. nam etiam intemperantes quædam quæ sunt utilia faciunt, non tamen propter utilitatem, sed propter uoluptatem. Propter excandescentiam autem et iram fiunt ea, quæ ad ultionem pertinent. differunt autem inter se ultio, et castigatio: castigatio enim eius gratia est, cui dolor inuritur; ultio uero eius, qui suam iniuriam ulciscitur, ut animum expleat. uerum, quibus in rebus excitetur ira, perspicuum erit, cum de perturbationibus animi postea dicemus. Propter cupiditatem ea fieri solent, quæcunque iucunda et suauia uidentur. nam et quod alicui familiare est, et in quo quis diu uersatus sit, inter res iucundas connumeratur, multa enim, quæ natura sua iucunda non sunt, tamen iucunde faciunt homines, cum assueuerint. Itaque (ut summam dicam) quæcunque per se ipsos homines faciunt, ea omnia uel bona sunt, uel bona uidentur, uel iucunda sunt, uel speciem iucunditatis habent, et, quoniam, quæ per se ipsos agunt homines, ea sponte faciunt, et, quæ non per se ipsos, ea non sponte: sequitur, ut quæcunque sponte faciunt, ea uel bona uel simulata bona sint, uel iucunda uel iucunditatis speciem habentia. Ego enim etiam liberationem malorum, et eorum, quæ mala uidentur, et minoris mali optionem pro maiore in bonis colloco, quodam enim modo sunt expetenda: et præterea rerum molestarum, et earum, quæ molestæ uidentur, liberationem, uel minoris molestiæ optionem pro maiori, eodem modo in iucundis numero. Videndum igitur, quæ sint utilia, quæ iucunda. sed, quia de utili iam supra in deliberatiuo genere diximus, reliquum est, ut in præsentia de iu

tundo differamus. Eas uerò definitiones huic præceptioni satisfacere debemus existimare, quæ de singulis rebus prolata, neq; obscuræ, neq; exquisitæ fuerint.

PONAMVS igitur, uoluptatem; motum animi quendam esse, et subitam, sub sensumq; cadentem instantaneam ad explendam naturam. huic autem contraria est molestia. Quod si uoluptas est huiusmodi; perspicuum est, id esse iucundum, quod eius affectionis efficiens est: quod autem eam affectionem interimit, aut quod illi contrarium statum inducit, molestum est. necesse est igitur esse iucundum plerumq; , cum quis ad id accedit, quod ipsi est ex natura: & præcipue, cum ea, quæ fiunt à natura, suam ipsorum naturam recuperarint. Et consuetudo iucunda est: id enim, cui quis assueuit, iam illi tanquam innatum, innatumq; est, nam ipsa consuetudo quandam cum natura similitudinem habet. quod enim crebrò fit, non multum abest ab eo, quod semper fit, quæ uerò semper fiunt, à natura proueniunt, quæ crebrò à consuetudine. Et, quod non est uiolentum, est iucundum; uis enim contra naturam est. ideò necessitas omnis est molesta, recteq; dictum est a poetica quodam; Insuauis est semper, fieri quodcumq; necesse est. Et sedulitates, studia, contentionesq; animi molestæ sunt. hæc enim omnia necessaria, ac uiolentia sunt: nisi fortasse quis in eis diu uersatus fuerit, tunc enim consuetudo iucunditatem parit, contraria uerò sunt iucunda: ideò cessationes, ocia, relaxationes, ludi, quietes, somnus in iucundis ponuntur; nihil enim horum est necessarium. Id etiam omne, cuius cupiditate tenemur, est



iucundum; cupiditas enim, rei iucundæ appetitus est. cupiditatum autem aliæ ratione carent, aliæ sunt cum ratione coniunctæ: ratione carentes eas uoco, quas non iudicio, cogitationeq; nostra suscipimus, sunt autem eiusmodi, quæ natura nobis inesse dicuntur: ut, quæ propter usum corporis nobis hærent; ut alimēti gratia sitis et fames, et cuiusq; nutrimentum appetitio; et, quæ gustatu percipiuntur; et quæ in Venereis rebus: et omnino, quæ tactu delectant: et odorū suauium, qui naribus sentiuntur; et audiendi; uidendiq; cupiditates. cum ratione coniunctæ sunt cupiditates illæ, quas alicuius oratione persuasi homines concipiunt: multa enim. et uidere, et acquirere capiunt; cum ab alijs ea laudari audiunt, et eorum uerbis fidem habent. Et quoniam iucunditas in quadam affectione sentienda posita est; phantasia uero sensus quidam est, sed infirmus; et ei, qui recordatur, aut, sperat, phantasia comitatur eius rei, quam recordatur, aut sperat: perspicuum est, hoc ita posito, uoluptates etiam ex acriori recordatione, et spe concitari; sit enim aliquo modo sensus. Itaq; necesse est; omnia iucunda aut propter sensum esse præsentia, aut propter recordationem præterita, aut propter spem futura. sentiunt enim homines res præsentis, recordantur præteritas, sperant futuras. Neq; tantum ea iucunda sunt ex recordatione, quæ, cum adessent, erant iucunda, sed quædam etiam, quæ molesta fuerunt; si postea quippiam honestum, atq; utile consequatur. quo fit, ut illud rectè dictum sit; Suauis est laborum præteritorum memoria: et illud;



Nam iuuat, insanos hominem meminisse dolores,  
 Quos tulit, infestâ fortunæ casibus actus.  
 huius autem rei causa est, quoniam est etiam iucundum,  
 nihil habere mali. In spe sunt ea incunda, quæ, cùm  
 præsentia sunt, uel oblectare, uel prodesse multum ui-  
 dentur: uel, quæ sine ulla molestia profunt. Et in sum-  
 ma, quæcunq; nobis leticiam adferunt, cùm præsentia  
 sunt, eadem & sperantibus, & recordantibus plerunq; de-  
 lectant. itaq; etiam irasci iucundum est; nemo enim illi  
 irascitur, quem se nullo modo putat ulcisci posse, neq;  
 illis, qui ualde ipsum opibus, potentiaq; superant, aut, si  
 irascitur, leuius remissusq; irascitur: quemadmodum  
 etiam Homerus de ira cecinit;

Dulcior effuso quæ melle in pectore gliscit.

Quin maximâ cupiditatum partem uoluptas quædam  
 consequitur. nam, aut dum recordantur se cupiditatem  
 suam expleuisse, aut dum expleturos se sperant, quodâ  
 genere uoluptatis afficiuntur: ut, qui febre laborant,  
 cùm siti premuntur, et recordati fuerint, se aliquando  
 bibisse, sperantq; futurum, ut bibant; gaudio afficiun-  
 tur: et, qui amant, cùm de amoribus suis aut loquuntur,  
 aut scribunt, aut canunt semper letantur: nam in his om-  
 nibus, cùm apud illos deliciarum suarum memoria ui-  
 geat, quasi sentire se eas, existimant, & hoc omnibus  
 amoris initium est, cùm nō tantum præsentis specie gau-  
 dent, sed etiam absentem reuocantes in memoriam, dili-  
 gunt. itaq; tunc amare incipiunt, cùm id, quod cupiunt,  
 abesse dolent. Quin etiâ in luctibus, et lamentationibus  
 quædam uoluptas innascitur. dolor enim existit ex eius  
 desiderio, qui mortuus est: uoluptas autē ex recordatio-

ne, et quasi cōspectu eiusdē: dum sibi illū penē cernere uidentur: et, quæ, dum uixit, egit, & quibus moribus erat præditus, apud se repetunt. itaq; illud etiā ab Homero dictū est: Sic ait, & cunctis flendi est exorta cupido. Vlcisci etiā inimicū, suaue est, nam, quod molestum est, nisi assequamur, id iucundum est, cū assequimur, iratē enim maiore in modū dolent, nisi suas iniurias. ulciscantur, quòd si sperent ulcisci, gaudent. Vincere etiā suaue est non solum uictoriæ studiosis, sed etiā alijs omnibus: nam in uictoria quædam est excellentiæ opinio, cuius de fiderio tenentur omnes aut remissiūs, aut uehementiūs. Et, quoniā uincere suaue est; necesse est etiam, ut omnes ludi concertatorii, ut, in quibus pugna smalachra sunt, & in quibus fistula, cantuq; contenditur, & in quibus disputatur, suaues sint, quoniam in eis uincere sæpe contingit, & talorum ludus, & pileæ, & aleæ, & tesseraū. Eodem modo in grauib; honestiq; ludis sæpe iucunditas existit. nam hi tunc iucundi sunt, cū quis assueuerit; illi uerò statim sunt iucundi, ut uenatio, et omnis ars, qua feræ captantur: ubi enim contentio est, ibi est etiā uictoria. Itaq; iudicialis etiam labor, & controuersæ disputationes ijs iucundæ sunt, qui iam assueuerint, et eas tractare possunt. Honos præterea, bonaq; existimatio inter res suauissimas numerantur propterea, quòd uni cuiq; nascitur huiusmodi de se opinio; quòd talis sit, & quòd uirtutis sit studiosus, & multò magis, cū hæc au diuerit ab eis, quos uerē sentire existimat. tales autem sunt uicini potius, quàm, qui intervallo locorum distant: hi sunt; et familiares, & noti: & ciues potius, quàm extranei, & qui nunc uiuunt, potius, quàm posteri, & pri

dentes magis, quàm imprudentes, & multi magis, quàm  
 pauci: uerisimilius enim est eos: quos dixi, uera sentire,  
 quàm, qui sunt eis contrarij. nam, quos aliquis ualde con-  
 temnit, ut pueros, & belluas, ab eis non curat sibi hono-  
 rem aut gloriam attribui: intelligo autem ipsius gloriæ  
 causa; nam, si curat, propter aliud aliquid curat. Et  
 amicus res est iucunda: nam amare iucundum est, neq;  
 enim quisquam uini amator est, qui non uino gaudeat.  
 contra uerò, suaue est etiam amari: nam, qui amatur,  
 cogitat, se uirum esse probum: quòd eius probitatem  
 expetant omnes, qui eam cognoscunt. amari autem est,  
 ipsum propter se carum esse, atq; diligì. Admiratione  
 quoq; affici iucundum est, quia, qui quempiam admira-  
 tur, eum etiam honorat. Adulari præterea res est iu-  
 cunda, atq; etiam assentator ipse: siquidem admirantis,  
 & diligentis speciem habet assentator. Eadem etiam  
 sæpè facere iucundum est, quod enim familiare est, etiam  
 iucundum. Et commutatio res est iucunda; nam com-  
 mutari naturæ accommodatum est. quod enim semper  
 idem est, in exuperantiam transìt. & præsentem habi-  
 tum corrumpit: unde benè dictum est, Omnium rerum  
 uicissitudo est iucunda. hac de causa, quæ fiunt interpo-  
 sito temporis spatio, iucunda sunt, & homines. & res  
 post longum tempus delectant: quoniam præsentem sta-  
 tum commutant. huc accedit etiam, quia id, quod inter-  
 posito tempore sit, rarum est. Discere quoq; iucundum  
 est: & admiratione duci plerunq; est suaue. nam, cùm  
 admiramur, discere cupimus, & quod est admirabile,  
 desiderium excitat, atq; in discendo proficiscimur in  
 eum statum, qui nobis naturalis est. Præterea beneficia

in alios conferre, & ab alijs accipere, iucundum est. nam accipere beneficium, est id assequi, quod quis cupit, conferre autem, est habere, et præstare alijs, ac excellere: cuius utriusq; rei homines cupidi sunt, Quoniã autem iucundum est, dare beneficium; idcò propinquos etiam corrigere, & emendare iucundum est: & absolvere, quæ ab alijs incohata atq; imperfecta relictæ sunt. Et quia discere, & admirari iucundum est; illa quoq; omnia, cæteraq; eiusmodi iucunda esse necesse est, quæ per imitationem facta sunt: ut pictura, & ars statuaria, & poëtica, & deniq; quicquid imitatione benè expressum fuerit; etiam si illud minime iucundum fuerit, quod exprimit imitatio. neq; enim quisquam ex hoc uoluptatem caput; sed quia colligit hoc illud esse, quo fit, ut aliquid discere uideatur. Et subitæ rerū mutationes, ut in tragœdijs, iucundæ sunt; & è periculis euadere, quibus aliquis penè oppressus fuerit: hæc enim omnia concitant admirationem. Et, quoniam, quod est ex natura, iucundum est; & quæ sunt eiusdem generis, sunt ex natura: fit idcò, ut, quæ sunt eiusdem generis ac similia, plerutq; iucunda sint; ut homo homini, equus equo, iuuenis iuueni, undè fluxerunt illa proueria; Aequalis æqualem delectat; & Simile semper simili gaudet, & Fera feram agnoscit; et Semper graculus cum graculo; & reliqua huius generis. Quoniam autem, quod simile est, cognatumq; iucundum sibi ipsi omne est, et unicuiq; erga se ipsum maxime hoc accidit: necesse est, omnes homines sui ipsorum amatores esse aut magis, aut minus: uniuersa enim huiusmodi maxime sunt erga se ipsum. Et, cum omnes se ipsos ament: necesse est, ut

etiam

etiam sua cuiq; iucunda sint, ut opera, & orationes. idē pleriq; solent adulatōres amare, & eos, à quibus amantur, redamere, & honoris appetentes esse: et filios suos diligere; sunt enim filij, tanquā parentum ipsorum opera. Et incohata perficere, iucundum est: nam eorū, qui perficiunt, iam illud opus esse uidetur. Et, quoniam regnare suauissima res est, etiam sapientē uideri, est suaue: præditum enim esse sapientia regium est; est enim sapientia, multarum, et admirabilium, rerum scientia. Et quia pleriq; homines sunt honoris auidi; necesse est, ut alios reprehendere, et coarguere, iucundum sit. Et quo in studio quisq; putat excellere, in eo assiduē uersari iucundum est quemāmodum Euripides ait;

Nam quisq; ad id frequens adest,  
Magnanq; in illo temporis partem terit,  
In quo ipse se præstantiorem existimat.

Eodem modo, quia ludus, & omnis animi relaxatio, & risus in rebus iucundis est, necesse est, ut omnia ridicula iucunda sint: siue sint homines, siue dicta, siue facta. sed quæ ad iocos ridiculaq; pertinet, in libris de arte Poëtica separatim à nobis explicata sunt. Hæc igitur de iucundis dicta sufficiant. nam quæ molesta sunt, ex contrarijs intelligi facile possunt. Et hactenus quidem ostensum est, quarū rerum gratia homines iniuria cæteros afficiant. deinceps autē, quomodo ipsi affecti sint, qui iniuriam faciunt; & cuius generis homines offendant, explicemus.

ATQVE illi quidem ad iniuriam faciendam aggre-  
diantur qui sperant rem effici posse, & à se effici, & præsertim, cum facinus suum putant fore clām, aut, si fortē res patefacta fuerit, impunē se abituros: aut, si

iudicij poena lenior, quàm facti praeuium; siue ipsi res  
 ea fructu allatura est siue illis, quos caros habent. Quae  
 uerò sint ea, quae fieri posse uideantur, et quae non posse  
 fieri, postea declarabimus. sunt enim partium omnium  
 artis Rhetoricae communia. Atque illi potissimum male  
 ficiorū impunitatē sperant, qui dicendi facultate praestant,  
 et, qui in rebus gerendis multum ualent; et, qui iudicia  
 liū controuersiarū bene periti sunt: et, si amicorū, diuiti  
 arumque copiam habuerint. maxime uerò, qui his praes  
 dijs fulci sunt, elabi se posse confidunt: sin minus, etiā tum  
 confidunt, cū amicos huiusmodi, uel administratos, uel so  
 cios habuerint; propter haec enim et iniuriā facere, et la  
 tere, et non dare poenā possunt: et, si amici eis fuerint,  
 quibus iniuriā fecerunt, aut ipsis iudicibus nam amici nō  
 praecauentes ad iniuriā sunt expositi; deinde antea pla  
 cantur, quàm res in iudiciū ueniat: iudices autē illis gra  
 tificatur, quibus amici sunt; et, aut penitus absoluunt, aut  
 parua poena multant. Latere solent illi, quibus crimina  
 nō conueniunt: ut, si quis infirmo corpore dicatur, alium  
 usque ad necē uerberasse: et si pauper, et deformis homo  
 de adulterio accusetur. et quae ualde illustri loco, atque an  
 te oculos posita sunt, in eis latet iniuria, quoniam ea nemo  
 custodit; etenim existimant, nullū in eis peccaturū, et, quae  
 tam magna sunt, ac talia, ut ea nullus unquā admiserit;  
 nā haec quoque nemo praecauet, aut custodit. omnes enim,  
 ut solitos corporis morbos, ita etiam solitas iniurias di  
 ligenter obseruant: quo uerò morbo nemo unquā oppres  
 sus est, eum nemo reformidat. Eos etiam inuadunt, qui  
 aut nullum inimicum, aut multos habent. illi enim se late  
 re posse existimant, quia nulla est custodia: hi uerò, latent



ideo, quia nemo putaret, eos in quenquam impetum fa-  
cturos, qui sui corporis circa se custodes habeat: & quia  
paratam defensionem habent, se talem hominē nunquam  
fuisse ausos aggredi. Illi quoque faciunt iniuriam, qui uel  
modum, uel locum, uel dispositam occultandi rationē fa-  
cilem habent: & qui, etiam si facinus celare non possint:  
tamen uel iudicij periculum à se remouere, uel in longin-  
quum tēpus differre, uel iudices ipsos corrumpere possunt:  
& qui licet multati pecunia fuerint: tamē poenam, mul-  
tamque possunt à se depellere, aut in longū tēpus differre  
solutionē: uel propter egestatem nihil habent, quod amit-  
tere possint: & quibus certa sunt lucra, uel magna, uel  
propinqua; poenae uerò uel paruae, uel incertae, uel lon-  
ginquae: & in ea re, in qua nulla poena par atque aequalis  
utilitati reperitur, quod in se dominatus regius habere  
uidetur: et quibus iniuriæ questum adferunt, poenae uerò  
tantum ignominia: & quibus contra accidit, ut, si quem  
laeserint, ex ea re laudem adipiscantur, ut, si unā contin-  
gat patris, & matris iniurias ulcisci, quod Zenoni ac-  
cidit, poenae uerò sint aut pecuniarum, aut exilij, aut ali-  
cuius huiusmodi rei; utriusque enim, aut utroque modo se ha-  
bentes iniuriosi sunt, non tamē ij iē, sed uita et moribus in-  
ter se cōtrarij: et, qui flagitia sua saepius occultarūt, aut  
deprehēsi poenas nō dederunt: et, qui saepe sua spe deiecti  
sunt, et infelicē exitum habuerūt; quidā enim in his etiā  
rebus, sicut in bello, reperiuntur, qui rursus belli fortunā  
tentare uoluerunt: & quibus uoluptas statim ex facto  
proposita est, molestia uerò postea, uel lucrum est prae-  
sens, poena uerò sera, tales sunt incōtinentes homines, nā  
incontinentia uersatur in eis rebus omnibus, quas uehe-

menter appetunt: & quibus contrà iam molestia aut poena præsens est, uoluptas autem & utilitas posterior & diuturnior consequetur; nam continentes, & prudentiores homines talia consecretantur: & qui uideri possunt aut casu fecisse, aut necessitate imposita, aut natura impuls. aut consuetudine; aut deniq; qui sperant, se probare posse per imprudentiam peccasse, nō autem scienteis, uolentisq; læsisse: & qui sperant fore, ut non summo iure, sed ex æquo & bono secum agatur: et quicunq; sunt indigentes, duobus autem modis indigentes dicuntur, uel rerum necessariarum quales sunt mendici. aut pauperes, uel exuberantium rerum quales sunt diuites: & ij, de quibus omnes benè existimant, & ij, de quibus pessima est opinio, nam illi se latere posse sperant, quod nemo de eis male existimat, hi uerò, quod nullam amplius existimationis iacturam facere possunt. Atq; his quidem de causis ad iniuriam faciendam aggrediuntur homines. quos autem, & qualeis lædant, iam uideamus.

EO S igitur lædunt, qui ea possident, quorum ipsi sunt indigētes uel ad usus uitæ necessarios, uel ad exuperatiā, uel ad perfruendas uoluptates & eos qui longinqui, & eos qui propinqui sunt, nam hi facile celeriterq; possunt expilari, ab illis uerò uenit tarda ultio, ut, qui Carthaginienſeis de populantur: & qui sunt incauti, seq; ac sua non custodiunt, sed creduli sunt, tales enim homines facile est occultè ledere: et, qui sunt inertes ac desides, neq; enim ab eis in iudicium uocari reformidant. & qui uerecundi sunt, huiusmodi enim homines propter pecuniā diligendi noliunt: et, qui iam à multis iniuria sunt, affecti, neq; tamē unquā quēquā in iudiciū uocarūt, sunt enim hi.

enim hi, (quod prouerbio fertur) Mysorū praeda: et, quos nunquam, et quos saepius laeserunt, nam utriq; sunt incauti, illi quia suspicione carent, hi uerò quia non ampliùs timent: & qui sunt infames, aut qui faciliè possunt accusari, tales enim iudicio experiri non audent, quia iudices refurmidāt, neq; si expriantur, fidem facere possunt, quo in numero sunt etiam ij, qui multis odio sunt, & qui inuidiam habent: & contra quos ansam arripere possunt, quòd aut maioribus suis, aut sibi, aut amicis, aut eis, quorū salutē carā habēt, uel malefecerint uel facere studuerint. nā (ut est in prouerbio) sola occasio maliciæ sufficit. Eos etiam ledunt, qui uel amici, uel inimici sunt, nam amicos ledere facile est, inimicos autem suaue: & qui uacui sunt ab amicis, & qui dicendi facultatem non habent, nec in rebus gerendis strenui sunt, hi nanq; uel iudicio non experiantur, uel antea placantur, uel rem ad exitum non deducunt: & quibus non utile est tempus terere, dum aut iudicium fiat, aut multa dissoluatur, quales sunt peregrini, & agricole, & opifices, nam hi, parua accepta pecunia, remittunt iniurias, & faciliè desistunt: & qui in alios saepe iniuriosi fuerunt, & qui taleis iniurias intulerunt, qualeis patiuntur; nam ferè nihil iniuriæ uidetur is fecisse, qui quempiam lēdit in eare, qua solitus est ille saepe alios ledere, ut, exempligratia, si quis eum pulsaret, qui multos solitus sit contumelijs uexare: & qui præterito tempore male ipsi fecerunt aut facere uoluerunt, aut in præsentia uolunt, aut postea facturi sunt, habet enim hoc in se iucunditatem, & honestatē, & tale est, ut, omni ferè iniuria carere uideatur: & quos si ledunt, aut amicis gratificantur, aut eis quos suspiciunt, aut

amoribus suis, aut dominis, aut eis à quibus omnino pen-  
 dent, aut à quibus aliquid commodi sperant: & quibus  
 crimina iam intulerint, & quibuscum amiciciā direme-  
 rint, hæc enim se esse uidentur nullam in se iniuriam conti-  
 nere, quemadmodum se Callippus contra Dionem gessit,  
 & quos uident ab alijs læsum iri, nisi ipsi præoccupā-  
 uerint, tunc enim sibi nō amplius deliberandum censent,  
 quemadmodum dicitur Acnesthemus Geloni quædā mi-  
 nera misisse, quòd eos in seruitutem redegisset, quos ipse  
 inuadere statuerat, nisi is præoccupasset, et, quos si læse-  
 rint, multas deinde res iustas facere poterunt, quibus cul-  
 pam eam facile deleant: quemadmodum Iason Thessa-  
 lus dicere solebat, oportere quædam iniuste facere, ut fa-  
 cultas acquiratur, qua multa deinde iusta fiant. Ea uerò  
 peccata committunt homines, quæ uel omnes alij, uel mul-  
 ti committere solent, quoniam se facile ueniam consecu-  
 turos existimant: et, quæ se non difficulter occultare pos-  
 se sperant. talia uerò sunt, quæ citò absumuntur: ut ciba-  
 ria: uel, quæ uariari facile possunt commutata forma, uel  
 colore, uel temperamento: uel, quæ multis in locis facile  
 est ita abdere, ut non appareant: qualia sunt ea, quæ faci-  
 le huc & illuc transportantur: & quæ paruis in locis oc-  
 cultantur: & præterea, cum auctor iniuriæ possidet ali-  
 qua, quæ uel eiusdē generis sint, uel eis similia, quæ fura-  
 tus est. Eas etiam iniurias inferunt, quas qui patiuntur,  
 pudet proferre: ut, quæ uxoribus fiunt, aut ipsis, aut fi-  
 lijs: & quas si quis iudicio persequi uelit, nimis appetens  
 litium esse uideatur, tales sunt leues paruæq; iniuriæ, qui-  
 bus uulgò solent homines ignoscere. Quemadmodum  
 igitur affecti homines iniurias faciant, & quas, & qui-

tus hominibus, & quibus de causis, ex his intelligi ferè potest. Nunc uerò: quæ sint iniustæ actiones, & quæ iustæ, distinguamus; atq; hinc initium sumamus.

¶ VAE iusta sunt, atq; iniusta duplici lege definita sunt, et duplici personarum genere. Legè autè duplicem uoco, quòd aliqua propria sit aiqua còmunis. propria est illa, quæ ad singulas tantum ciuitates, aut nationes pertinet; quæ uel non scripta est, uel scripta. Còmunis uerò lex ea dicitur, quæ iusta est à natura. est enim quoddam iustum, atq; iniustum, natura còmune, quod omnium mentes occupauit; quamuis consensu nulla hominum intercesserit, neq; ita inter se pepigerint: quemadmodum Antigona Sophoclis dicere uidetur, iustum esse Polynicem sepelire, quàmuis interdictum esset, tanquam id natura iustum sit;

Hoc namq; non hodie aut heri, at semper fuit;

Nec quisquam homo scit, eius ortus unde sit:

& quemadmodum Empedocles ait de non interficiendis animantibus; hoc enim non aliquibus quidem iustum est, aliquibus autem non iustum;

Sed lex summa hæc est, extensa per æthæra magnum,

Aëraq; immensum, cunctis mortalibus alma:

& quemadmodum ait Alcidas in oratione Messeniaca.

Quod autè ad personas attinet, duobus modis distincta sunt ea, quæ facere, aut non facere oportet: uel enim ad totam ciuitatem, uel ad unum aliquem eorum, qui in ciuitate sunt, referuntur. itaq; duobus modis iustè, et duobus modis iniuste nos gerere possumus; uel enim erga unum certum ac definitum ciuem, uel erga totam Remp. nam qui adulterium committit, aut uerberat, unum certum hominem iniuria afficit: qui uerò militiam detrectat, totam offendit Remp. Cum igitur

tur iā distincti sūt iniuriarum modi, et cū aliæ in Rēp, aliæ uel in unum priuatum, uel in plureis fiant iniuriæ: dē inceptis, si prius explicauerimus, quid sit iniuriam pati, reliqua persequemur. Est autem iniuriam pati, contra iusticiam offendi ab ijs, qui sponte offendunt, nam iniuriam facere, iam supra docuimus esse uoluntarium. Quia uerò necesse est eum, qui iniuriam patitur, detrimento affici, & inuitum illud accipere, satis ex eis, quæ supra dicta sunt, intelligi potest, quæ sūt detrimentorum genera. nam bona, & mala prius distincta sunt per se: et, quæ sūt ea, quæ sponte faciunt homines, nempe, quæ intelligentes faciunt. Itaq; necesse est omnia crimina uel contra totam ciuitatem, uel contra priuatos committi, uel ignorante illo & inuito, qui iniuriam facit, uel uolente & intelligente. Quas autem iniurias sponte, & intelligens quispiam facit, eas uel consultò & cogitatò, uel perturbatione aliqua animi facit. ac de ira quidem tunc dicemus, cū animi perturbationes explicabimus: quæ uerò de industria faciunt homines, et quòmodo affecti, iā supra dictum est. Et quoniam sæpe rei se fecisse confitentur, et tamē facti nomen non cōcedunt, aut id quod nomine illo appellatur, ut sustulisse quidem, sed non furtum fecisse, et priorem percussisse, uerū contumelia non affecisse, et rem habuisse, non adulterium commississe, et furtum fecisse, non autem sacrilegium, quòd ea res dei non esset, et coluisse quidem agrum, sed nō publicū, et cū ostibus collocutū esse sed non prodidisse: ideò hæc omnia definire atq; explicare opus erit, quid sit furtum, quid contumelia, quid adulteriū, ut, si crimen illud reo uel hærere, uel non hærere ostendere uoluerimus, aperiendi quid æquum sit, facultatem habea-



mus. In omnibus enim his quæstionibus controuersa est, utrum quod factum dicitur, iniustum improbumq; sit, an non iniustum : nam in deliberatione consilioq; peccatum est, et omnis iniusticia. his autem nominibus animi sensus et consilium indicatur, ut contumelia, furtum. neq; enim, qui percussit, omnino contumeliam imposuit, nisi alicuius gratia id fecerit, ut, si uoluit eum ignominia afficere, aut ipse uoluptatē capere: neq; omnino qui clam aliquid sustulit, furtum commisit, nisi id fecit, ut alteri damnum affereret, et id quod sustulit, ipse haberet. eadem ratio est etiam reliquorum omnium, quam horum esse diximus. Quia uero iustorum, et iniustorum duo esse genera docuimus, & aliqua quidem scripta esse, aliqua uero non scripta: de ijs, quæ scripta sunt, & legibus constituta, iam dictum est, quæ uero non scripta sunt, ea rursus bipertito distribuuntur. Nam alia sunt, quæ et uirtutis et uitij quandam exuperantiam in se continent, in quibus sunt uituperationes & laudes, ignominia & honores, et præmia: ut ei, qui beneficium dedit, gratiam habere, et ei beneficium reddere à quo acceperis, & promptum esse ad amicos auxilio subleuandos, & cætera, quæ sunt eius generis. alia uero sunt propria legis, et scriptæ quasi supplementa quædā. nam, quod æquū et bonū est, id etiā iustū esse uidetur.

EST autem æquum & bonum id quod præter scriptam legem iustum est, quod quidem accidit partim inuitis, partim intelligentibus legum latoribus: atq; inuitis quidē, cum aliquid eos latet, intelligentibus uero cum omnia definite nequeunt explicare, sed necesse habent generaliter scribere, quamuis non ita semper se res habeat, sed plerumq; : & cum propter infinitatem non facile

possunt omnia persequi, ut uulnerare ferro, & quanto,  
 & quali: ne fieret enim prius uita hominem, quam om-  
 nia dinumerare posset nam siquid adhuc indefinitum sit,  
 de quo legem ferre oporteat, de eo necesse est simplici-  
 ter, et uniuersè statuere. Quare, si quis anulum ferreum  
 habens, elata manu quempiam percusserit, ex uerbis legis  
 ille reus est. & iniuste facit: re uera autem non facit in-  
 iuste. & hoc est, quod æquum & bonum appellatur.  
 Cum igitur æquum & bonum sit eiusmodi, perspicuum  
 est, quænam æqua & bona sint, et quæ contraria, & qui  
 sint æqui & boni homines, & qui contrarij. nam illa sunt  
 æqua & bona, in quibus quamuis lapsi sint homines, ta-  
 men eis ueniam dare oportet. Aequum etiam est, non  
 pari pœna dignos statuere errores et iniurias, neque er-  
 rores et infortunia. sunt autem illa infortunia, quæ præ-  
 ter cogitationem ueniunt, et à nullo animi uitio, errores  
 uerò, qui non quidem præter cogitationem accidunt, sed  
 tamen malicia carent. iniuriæ sunt illæ, quæ & à co-  
 gitatione, & ab animi uitio proficiuntur: nam etiam,  
 quæ impellente cupiditate fiunt, à malicia proueniunt.  
 Humana etiã naturæ, imbecillitatiq; ignoscere, æquum  
 ac bonum est: et non ad legem ipsam, sed ad legislatorem  
 animum referre: et non uerba legis, sed legislatoris sen-  
 tentiam spectare: neque factum ipsum, sed eius, qui fecit,  
 animum considerare: neque partem tantum, sed rem uni-  
 uersam perpendere: & qui reus est, non qualis nunc, sit,  
 sed qualis antea cōtō tēpore fuerit, et maiori ex parte: et  
 potius bonorum, quæ quis acceperit, quam malorū recor-  
 dari: & accepta potius beneficia meminisse, quam col-  
 lata: & acceptam iniuriam æquo animo tolerare: & uer-

his magis, quàm factis, de re decerni uelle: et ad arbitrum potius quam ad iudicem, rem deferri uelle: arbiter enim æquum & bonum sibi proponit, iudex autem ipsam legem: neq; ulla alia de causa reperiuntur arbitri, nisi, ut æquum & bonum ualeat. Ac ea quidem, quæ de æquis et bonis dicenda erant hoc modo declarata sunt.

IN IURIAE uerò maiores illæ sunt, quæ à maiore iniusticia proueniunt. Itaq; minimæ quæq; iniuriæ maximæ sunt, ut Callistratus Melanopum accusat, quod tribus dimidiatis obolis, deo dicatis, templi ædificatores fraudasset: sed in rebus iustis, iusticiæq; contrà accidit: hæc autem talia sunt eò, quòd maiore quadam uis superant, ut qui tres dimidiatos obolos furatur, etià quiduis aliud facile committeret. interdum igitur, quod maius est, hoc modo iudicatur, interdum etià ex damni magnitudine. Illa etiam maior est iniuria, cui par pœna nulla inueniri potest, sed omnes sunt inferiores: & cui nulla medicina potest adhiberi, difficile est enim, et omni potentia maius: et, in qua, qui passus est malum, pœnas iudicio sumere nō potest, id enim insanabile est. siquidem pœna est castigatio, & medicina quædam: & si, qui latus est, & iniuriam accepit, in se ipsum grauius animaduertit, nam multò maiori pœna dignus est, qui iniuriam intulit, ut Sophocles: pro Euctemone, qui, cū iniuriam accepisset, se ipsum iugularat, dixit se non minorem reo pœnam irrogaturum ea, qua, qui contumeliam passus fuerat, se ipsum multauerat: & quam solus, aut primus, aut cum paucis fecit. Sæpius etiam in idem peccatum incidere, graue est. Illud quoq; maius est, propter quod remedium, ac pœna quæstæ sunt, & inueni-

ta; ut Argis eos puniunt, qui sunt in causa, ut noua lex constitutatur, aut carcer edificetur. Et, quod magis beluinos mores imitatur, peccatum grauius est: & quod consultò & cogitatò committitur: & quod in animis eorum, qui audiunt, potius metum, quàm misericordiam, excitat. Et hæc quidem propria rhetorum sunt; ut, uno facto multa iura sustulisse, aut uiolasse dicant; ut iusurandum, dextras, fidem datam, ius coniugij; sic enim multarum iniuriarum exuperantia demonstratur: & in eo loco, ubi fontes puniuntur, quod falsi testes faciunt; quæ enim locum à scelere uacuum relinquent, qui etiam in ipso iudicio scelus admittere non dubitant? & ea, in quibus homines erubescere maximè consueuerunt: & si eum læst, à quo beneficium acceperat: multis enim modis iniustus est; & quòd damnum inferat, & quòd benemerenti non gratiam referat. Maius etiam ostenditur, quod contra ius nò scriptum commissum est: nam uiri melioris indicium est, nulla coactum necessitate iustum esse: quæ enim scripta sunt, ea necessario seruantur; quæ uerò nò scripta, non necessario, contra etiam magis peccare uidetur, qui contra iura scripta quippiam committit: nam, qui scelera, quæ terriailia sunt, committit, nec pœnas reformidat, quātò magis in eis iniustus erit, unde nullum sibi damnum impendêre uideat? Ac de iniuria quidem maiore, & minore dictum est. Deinceps à nobis ea percurrenda sunt, quæ ad probationes, artis expertes, pertinere uideantur: nam hæc iudicialium controuersiarum propriæ sunt. sunt autem numero quinq; leges, testimonia, tabule, quæstiones, iusurandum.

Ac primò quidem de legibus dicamus, & quòmodo

eis in suadēdo ac dissuadēdo, in accusando & defendendō utendum sit. Planū est enim, si quis scriptā legē causæ suæ contrariam habeat, ad cōmunem legem ei confugiendum esse, & æquo ac bono, tanquam iustiore: nitendum: et dicendum, hoc esse æquisissima sententia iudicare, si quis non omnino scriptis legibus adherere uelit: et æquum et bonum semper idem manere, nec unquam immutari, sicuti neq; communis lex; insitum est enim in ipsa natura, scriptæ uerò leges sæpe uariantur. undè illud in Antigona Sophoclis dictum est, ubi tuetur illa factum suum; quod licet contra Creontis legem fecerit, non tamen contra legem non scriptam;

Hoc namq; non hodie aut heri, at semper fuit.

Ideò ego non timeo uiri ullius minas:

& iustum id esse, quod est uerum, atq; utile, non autem, quod speciem tantum habet, itaq; scripta lex non est iusta, neq; enim legis officium exequitur: & rebus iudicandis præpositum esse iudicem, tanquam argentarium, qui id iustū, quod simulatum & adulterinum est, ab eo, quod est uerè iustum, discernat: et, si lex, qua premimur, aliquo modo contraria est iam probatæ legi, aut si secum ipsa pugnat; ut interdum altera lex iubet rata esse, quæcunq; inter se homines pepigerunt, altera uerò uetat, pactio- nes fieri contra leges, & si sit ambigua lex, ut quis eam torquere possit; tunc uidere oportet, in quam partem iustum, atq; utile conueniat, deinde illo uti: & si res illæ, propter quas lata lex fuit, non amplius manent, lex tamen adhuc seruatur; tunc laborandum est, ut id notum fiat, & hac ratione contra legem pugnandum. Quod si scripta lex pro nobis facit, tunc dicendum est, æquisissima

sententia iudicare, non esse idè iudicibus concessum, ut contra legem aliquid statuunt, sed, ne fortasse peierent, si uim ac sententiam legis non bene perceperint & nemi nem esse, qui, quod absolutè bonum est, querat, sed, quod sibi ipsi: & nihil d'fferre, non latas leges; & in nullo esse usu: & in alijs artibus non utile esse discedere à præceptis, & callidè aliquid excogitare, ut contra medicum, neq; enim tantum detrimenti adfert erratum medici, quantum mala consuetudo non illi parendi, qui imperium habet: & hoc esse, quod in probatis legibus prohibetur, nequ' ipsi legibus querat, aut uelli esse sapientior. Et de legibus quidem hæc dicta sint.

Testium uerò duo sunt genera: nam alij sunt antiqui, alij noui. nouorum autè partim periculi participes sunt, partim extra periculū positi. Antiquos testes uoco poëtas, & clares auctores, uirosq; illustres, quorū sunt aperta iudicia, ut Athenienses Homeri testimonio de Salamine uisi sunt: nuper etiā Tenedij contra Sigiensis Periandri testimonio sunt adiuti. & Cleophon contra Critiam Solonis elegis usus est, dicens, eius familiā iampridem fuisse petulantē; neq; enim aliter Solon unquā ita cecinisset, Dic flauo Critiæ, ut studeat parere parenti.

& rerum quidem præteritarum testes sunt huiusmodi futurarum autem etiam uates, & augures: ut Themistocles, cum nauali prælio conflegendū esse probare uellet, oraculū interpretatus est, quod iubebat, ut se ligneo muro defenderent. Quin etiam prouerbia sunt ex eo genere quod dictum est, testimonia, ut, si quis cuiquam suadeat, ne sibi senem amicum facere studeat, hoc utatur prouerbio, in senem ne quod beneficium contuleris: & si quis



hortetur quempiam, ut eos filios tollat, quorum patres iam necarit, illud proferat;

Stulius, qui natos, ceciso patre, relinquit.

Novi autem testes sunt, qui, cum noti illustresq; sint iam de aliqua re iudicium fecerunt: nam horum iudicia sunt eis utilia, qui de iisdem rebus ambigunt; ut Eubulus in iudicijs cō. ra Charetē usus est eo, quod aduersus Archibium Plato dixerat, rē hanc increbrescere, plureisq; esse in e uitate, qui se improbos esse fateantur. novi etiā testes sunt, qui periculi participes fiunt, si mentiri uisi fuerint. Atq; huiusmodi testes tantū in illud testantur, factū fuerit nec ne sit an non sit: de qualitate uerò nihil dicunt, ut, si iustum an iniustum sit utile, an inutile qui autem remoti sunt etiam de his maxime sunt idonei testes, sed omnium maxime fide digni sunt antiqui, quia corrumpi non possunt, & probatione ab eorum testimonijs ducuntur. Quod si quis testeis non habeat, poterit dicere, iudicium ex argumentis fieri debere, & hoc esse æquissima sententia iudicare: neq; enim argumenta pecunijs deprauari possunt, neq; coargui solent, quò l mentiantur, ac fallant, Qui testeis habet, contra eum, qui non habet, dicet, argumenta nequaquam pœnæ subiecta esse, nihilq; opus fore testimonijs, si ad probandum uerba sufficerent. Sunt autem testimonia uel de se ipso, uel de aduersario, uel de facto, uel de uita ac moribus. Itaq; perspicuū est, nunquā fore, ut testimonio uili careamus. nā, si de facto testimonium habere nō possumus, quod aut causā nostrā cōfirmet aut aduersarij refellat, certē de moribus non dērit testimonium, quod uel æquitatē nostrā ostēdat, uel improbitatē aduersarij. Reliqua uerò, quæ de teste queri solēt, amicis

ne sit an inimicus an neutrum, & spectata fidei an infamis an medius: et quaecumque sunt eius generis differentiae, ex eisdem locis sumuntur, unde etiam enthymemata ducuntur. Quod ad tabulas attinet, quibus pacta & conuenta continentur; nulla alia oratione opus est, nisi, ut eas orator augeat, aut deprimat; fidem eis addat, aut adimat. Nam, si pro se faciunt, illis fidem addere, ratasque facere; si pro aduersario fidem adimere contendat. quod autem ad fidem eis addendam, aut adimendam spectat, nihil differt à testium tractatione: quales enim ij fuerint, qui tabulas scripserint, aut asseruarint, talem etiam fidem habebunt ipsae tabulae. Cum autem certum est, tabulas esse confectas; si pro se faciunt, debet eas orator augere, dicens, eas propria ac priuatae legis uim habere. & tabulae quidem ratam legem non faciunt; leges autem eas tabulas, quae legitimae sunt, corroborant. et omnino lex pactum quoddam & conuentum est: itaque, si quis pacti & conuenti tabulas aufert, leges etiam ipsas tollit. Praeterea maior pars eorum quae homines inter se contrahunt, et sponte faciunt, tabulis continetur: itaque, si quis eas irritas faciat, cumne commercium hominum inter se tolletur. Et alia, quae huic disputationi conueniant, satis patent, in promptuque sunt. Quod si tabulae nobis contrariae fuerint, et pro aduersarijs faciant, primo, quae supra diximus de contraria lege, conuenient ad hanc rationem omnia. nam per absurdum esset, cum male positis legibus, quibus, nos legistatores decipiunt, parandum esse non putemus, si tabulis parere necessarium esse dicamus. Deinde iudicem ipsum esse iusticiae dispensatorem certum est: non igitur tabulas spectare, sed id, quod iustus est, debet. & iustum quidem

nemo detorquere potest neq; fraude, neq; necessitate ul-  
la, quia natura tale est: tabula uerò & deceptis, & coa-  
ctis hominibus saepe fiunt. Ad hæc spectare oportet, an  
alicui legi uel earum, quæ scriptæ sunt, uel quæ sunt com-  
munes, an rebus iustis & honestis tabula contrariæ sint  
uidendum etiã est, an tabula, quæ proferuntur, alijs tabulis  
uel posterioribus, uel prioribus contrariæ sint: uel enim  
posteriores erunt ratæ uel priores irritæ, uel, si priores  
rectæ sint, in posterioribus erit fraus: id autem arripie-  
mus, quod causæ nostræ utile fuerit. consideranda est  
etiam utilitas, et, si qua in re tabula iudicibus aduersen-  
tur, & cætera eius generis, quæ facili uideri, atq; intel-  
ligi possunt.

Quæstiones uerò, testimonia quædam sunt quæ uiden-  
tur ea de causa fidem facere, quia necessitas quædam eis  
inest. Itaq; nõ difficile est earum uim intelligere, & quæ  
de ipsis dici possunt excogitare. Nam, si pro nobis fa-  
ciant, eas augere poterimus, ac dicere, solas ex omni  
genere testimoniorum esse ueras. Quòd si nobis contra-  
riæ fuerint, & pro aduersario faciant, ueritatem earũ  
euertere licebit, de genere toto quæstionum disputando.  
quibus enim necessitas adhibetur, ij non minùs falsa,  
quàm uere dicere solent: nam uel dolorem tolerantes,  
uerum occultant, uel facili mentiuntur ut citiùs à cru-  
ciatu liberentur. Ad hæc proderit exempla proferre,  
quæ aliàs acciderũt, & ipsis iudicibus cognita sunt.

Iuris uerò iurandi ratio quadripartita est. aut enim ad-  
uersario dat, & ipse etiam capit ius iurandum. aut neu-  
trum facit, at alterum facit, alterum nequaquam: uel  
enim ius iurandum dat, neq; tamen capit, uel capit ipse,

neq; tamen aduersario dat. præterea uidendū est etiam, an iusurandum iam conceptum fuerit, siue ipse iurauerit, siue eius aduersarius. Qui iusurandum deferre non uult, is dicet, aduersarios facile peierare; ut, posteaquam iurauerint, nihil reddant: se uerò confidere, fore, ut iudices non iuratos aduersarios condemnent: & se malle inratorum iudicum periculum facere; quod melius est, quia iudicibus ipsi credat, aduersarijs autem non credat. Qui non capit oblatum iusurandum, dicet, se pecuniarum causa iurare nolle; quòd si improbus esset, facile iuraret: melius enim esse, alicuius utilitatis gratia, quàm nullus, improbum esse; iuratus enim pecuniam haberet, non iuratus autem minimè haberet. sic enim propter bonitatem ac uirtutem, non autem propter peierandi timorem iurare nolle uidebitur. cui loco Xenophanis illud dictum benè congruit; non esse equam prouocationem impij aduersus pium hominem, sed constimulatum esse, ac si quis robustus imbecillum uel ad uerberandum, uel ad uapulandum prouocaret. Quòd si iusurandum oblatū recipit, dicet, se sibi ipsi credere, non autem aduersario, atq; illud Xenophanis dictum ita conuertet, ut dicat, parem esse prouocationem, cū impius iusurandum defert, pius autem iurat: præterea indignum esse nolle se iurare in ea re, de qua petit, ut iurati iudices sententiam ferant. Si uerò defert alijs iusurandum, dicet, pium esse deī ipsis rem totam committere, neq; opus esse aduersario, ut alios iudices roget, cū ipsi de tota re iudicandi potestas detur: & rem absurdam eum facere, qui iurare nolit in ea re, de qua postulat, ut iurati iudicent. Quia uerò planum iam factum est, quid sigillatim dicen

dum sit: patet etiam, si copulare duos modos opus fuerit, quid sit adferendum: ut, si ipse quidem capere uelit, non autem dare, aut, si dare quidem non abnuat, sed minimè uelit oblatum accipere, aut, si simul & dare, & accipere sit paratus, aut neutrum facere uelit. nam ex eis, quæ dicta sunt, hæc copulantur: itaq; rationes etiam ex iisdem copulari necesse est. Quod si iam ab ipso conceptum iurandum fuerit, quod huic præsentì contrarium sit, dicet non esse periurium. nam qui facit iniuriam, ille sponte facit, sed peierare est, iniuriam facere: quæ uerò fiunt uel ui, uel dolo, nequaquam sponte fiunt. huc igitur referre periurium oportet, ac dicere, id in mente, non autem in lingua, esse. Quod si aduersarius aliàs iurauerit: dicendum est, eum omnia subuertere, qui non stat eis, quæ iuratus affirmauit: hac enim de causa secundum leges non nisi iurati iudices sententiam ferunt. Nos igitur, inquiet ille, postulamus, ut uos iudices eis maneatis, quæ iurati iudicauistis, et ipsi non manebimus? Cætera etiam huius generis quærenda sunt, quæ ad amplificandum pertineant. Ac de probationibus quidem, artis ex partibus, hæc dicta sufficiant.

## ARISTOTE

LIS STAGIRITAE,

RHETORICORVM

LIBER II.

M. ANTONIO MAIO

ratio interprete.



ACTENVS ea sunt à nobis de  
monstrata, quæ ad suadendum et dis  
suadendum, uituperandum & lau  
dandum, accusandum & defenden  
dum necessaria sunt; nec non, quæ  
opinionibus, quæq; propositionibus eis  
rebus accommodatæ sunt: ex eis enim  
sumuntur, & ex eis fiunt argumenta, quibus in unoquoq;  
dicendi genere utamur. Sed, quoniam Rhetorica finem  
sibi proponit ipsum iudicium: (nam etiam in deliberatio  
nibus iudicant; & iudiciale genus nihil aliud est, quàm iu  
dicium.) necessarium est non tantum ad ipsam orationem  
advertere, ut probandi vim habeat, & fidem facere poss  
sit; sed etiam se ipsum afficere, & iudicem, qualem esse  
oportet, preparare. permagni enim interest ad facien  
dam fidem primum in deliberationibus, deinde etiam in  
iudicijs, ut orator uir bonus esse uideatur; atq; erga eos,  
qui disceptant, bene animatus: præterea refert etiã, quom  
modo illi ipsi sint affecti. Et oratorem quidē bonum uide  
ri, utilius est in deliberationibus; auditorem uerò bene af=



fectum esse multum in iudiciis prodest, neque enim eadem sentiunt, qui amant & qui oderunt, qui sunt irato animo et qui placatos; sed uel omnino diuersi sentiunt, uel saltem magnitudine diuersa: qui enim amat eum, de quo iudiciū facturū est, uel nihil iniquē fecisse, uel parū peccasse censet; qui autē odit, contrariū sentit. Quod si quis concupiscit, & benē sperat, cū iucundū est id, quod fore putatur; sibi id euenturum, et bono futurum arbitratur: at, si nulla cupiditate trahitur, et aegrē fieri posse putat; contrarium existimat. Quod autē oratores ipsi fide digni uideantur, tria sunt in causa: tot enim etiam ea sunt, quibus ad credendum inducimur, præter argumenta, illa uerò sunt prudentia, uirtus, & beneuolentia. Decipiuntur enim homines in ijs, de quibus uerba faciunt, aut consultant, uel propter hæc tria omnia, uel propter horum aliquid, nam uel propter imprudentiam nō rectē sentiunt, uel si rectē sentiant, propter improbitatem sententiam suam non aperiunt; uel deniq; prudentes quidem, ac boni uiri sunt, sed non tamen amici: quo fit, ut aliqui scientes intelligentesq; non optima consulant, præter hæc autem nihil est. Necesse est igitur, ut is, qui hæc tria habere uisus fuerit, apud auditores fidem inueniat. sed quomodo prudentes, & boni uiri uideantur, ex eis, quæ sunt à nobis alibi de uirtutibus explicata; sumendum est, ex eisdem enim locis poterit orator & alium ornare, & se ipsum talem ostendere: de beneuolentia uerò atq; amicitia nunc, cum de permotionibus animi uerba facere aggrediamur, pariter dicamus. Sunt autē illæ permotiones, quæ efficiunt, ut homines immutati, non eodem modo de iisdem rebus sentiant; quas ægritudo, uoluptasq; conseq-

quitur: cuius generis sunt ira, misericordia, metus, ceteraq; huiusmodi; & que sunt ijs contraria, Sed, quæ in singulis fiunt, treks in partek distribuere oportet; ut de ira, exempli gratia, quòmodo affecti facillè irascantur, & quibus irasci soleant, & quas ob res. nam, si unum, aut alterum tantum horum habeamus, & non omnia teneamus; nullo modo fieri poterit, ut animos audientium ad iram commoueamus: idem etiam de reliquis per motionibus sentiendum. Quemadmodum igitur in rebus traditis propositiones descripsimus, ita etiam in his faciamus; & eodem modo singula distinguamus.

SIT Igitur ira, libido cū dolore speratae punitiōis, propter apparentem negligentiam uel in se. uel in suorum quempiam, contra id, quod oportebat. Quod si ira est huiuscemodi: necesse est eum, qui irascitur, singulis semper hominibus irasci, ut Cleoni, nō autē homini; et quia aut ipsum, aut quempiam suorum uel contempsit, uel id facere cogitauit. quin etiam, omni iræ uoluptatem quandā comitari necesse est, quæ à puniendi spe proficiscitur. iucūdū enim arbitrari se cōsecuturū ea, quæ quis uehemēter optat, nemo autē illa cōcupiscit, quæ nullo modo se cōsequi posse arbitratur: sed qui alicui iratus est, ea cupit, quæ à se fieri possunt, itaq; de ira benè illud dictū est; Dulcior effuso quæ melle in pectore gliscit, nam, cū propter hoc uoluptas quædam consequitur; tum etiam, quia tota mente, quòmodo possint inimicum ulcisci, cogitant; illa igitur uehemens cogitatio uoluptatem parit; non aliter, atq; in somnis accidit. Et, quoniam negligentia, est opinionis actio in ea re quæ nullius esse momenti uideatur; mala enim, & bona studio digna

esse putamus, et ea præterea, quæ ad hæc referuntur; quæ uerò uel nihili sunt, uel ualde exigua, nullo in precio, habemus: tria sunt negligentia genera; contemptio, uolentia, contumelia. Nam et, qui contemnit, is negligit: quæ enim nullius momenti esse censent, ea contemnunt; atque eadem quæ nullius sunt momenti, negligunt. Et, qui uolentius est, negligere uidetur. est autem uolentia, studium impediendi uoluntates alienas: non, ut ipse aliquid acquirat sed, ne alij, quod uolunt, assequantur. quatenus igitur nihil sibi acquirit, negligit, perspicuum est enim, eum credere sibi nihil illud nocere posse; nam timeret, non autem negligeret: neque in aliqua re alicuius ponderis prodesse pro posse: nam studium adhiberet, ut illi amicus esset. Et, qui contumeliam infert, negligit. est autem contumelia; cum quis lædit: ac dolore afficit aliquem in ea re, unde illi qui patitur, ignominia nascitur: non, ut, qui contumeliam infert, aliquid plus habeat quam antè haberet; sed tantum, ut uoluptatem capiat. nam, qui talionem reddunt, non contumeliam inferunt; sed ulciscuntur. Causa uoluptatis eorum, qui contumeliosi sunt, ea est; quod existimant ijs, quibus malefecerint, ea ratione se magis præstare: et quo fit, ut iuuenes, et diuites contumeliosi sint; quoniam, in contumelia inferenda; se antecellere cæteris existimant. Ex contumelia uerò nascitur ignominia, et qui ignominia quempiam afficit, illum negligit, quod autem nullius, precij, est id nullam habet æstimationem neque boni, neque mali: quamobrem iratus Achilles ita inquit; Affecit me ignominia; quoniam abstulit ipsum, Quod Danaï dederant munus mihi; et alibi.

Me, tanquā infamem, tempſit, profugumq; rebellem:  
 cūm propter hæc indignaretur: dignum autem cenſent,  
 ſe ab illis obſeruari, qui genere, opibus, uirtute ſunt infe-  
 riores: & deniq; in quacunq; re quiſpiam plurimū ex-  
 cellit, in ea uult obſeruari, ut diues in pecunijs à paupere  
 diſertus in dicendi facultate ab indiſerto et infante, et qui  
 imperat, ab eo, qui ſubiectus eſt imperio, et qui imperare  
 dignus eſt, ab eo, qui parēre debet: undē dictum eſt,  
 Ab Ioue natorum, certē ira eſt maxima regum;  
 & alibi,

Quin etiam deinceps iram ſub pectore ſeruat.

indignantur enim propter excellentiam ſuam. Ab illis  
 etiam obſeruari uult, à quibus aliquis exiſtimat, ſe  
 beneficijs affici oportere. ij uerò ſunt, de quibus aliàs  
 benemeritus eſt, uel, quibus in præſentia benefacit aut ip-  
 ſe, aut propinquus eius aliquis, aut alius quiſpiam ip-  
 ſus gratia; uel etiam ſi uelit, aut aliàs uoluerit conſequi.  
 Ex his iam perſpicuum eſſe poteſt, quòmodo affecti homi-  
 nes irascentur, & quibus, et quas ob res. irascentur enim  
 cūm animo dolent: nam, qui dolet animo, ſemper alicuius  
 rei deſiderio tenetur. Itaq; ſiue quis ei directò reſtiterit, ut  
 ſitienti, ne bibat, ſiue non directò; tamen idem facere uide-  
 tur: et, ſi quis illi aduerſetur, et, ſi, cūm poſſit, non adiuut,  
 ſiue quocunq; alio modo ſic animo affectum perturbarit.  
 omnibus enim irascentur. Quare, qui morbo laborant, qui  
 paupertate premuntur, qui amant, qui ſitiunt, & deniq;  
 qui aliquid deſiderant, & id aſſequi non poſſunt, iracun-  
 di ſunt, & nullo negotio concitantur, præcipuè uerò  
 illis irascentur, qui eos in præſenti ſtatu negligunt,  
 ut egrotans ei, qui morbum ſuum negligit, pauper e,

qui paupertatem, miles ei, qui bellum, amans ei, qui amorem; atq; eodem modo in reliquis: duci ut enim unusquisq; ab animi perturbatione, in qua prius erat, ad iram, quæ in singulis rebus excitatur. Ad hæc irascitur, si contrà accidit, quàm expectabat: maiorem enim dolorem adfert magnum, et insperatum incommodum, quem admodum etià magnum, et insperatum bonum magis deletat, cum ex animi sententia succedit. Itaq; ex his intelligi potest, quæ hæræ, quæ tempora, quæ affectiones, quæ ætates facile ad irā cōmoueantur, et quādo, quoq; in loco magis cōcitetur. illud etià planū est, omnibus magis ad irā pronos esse, cum magis his rebus tenentur. Atq; hætenus quomodo affecti homines, proni sint ad irā, dictū sit. Etsi autem irascuntur, qui uel derident, uel ludibrio habent, uel dictis laceffunt, nam hæc facere, contumelia est, et ijs qui lædunt in rebus, quæ speciem habent contumeliæ, necesse est autem, ut talia sint ea, quæ faciunt, neq; ut talio nem reddant, neq; ut aliquam utilitatē habeant, tam enim per contumeliā facere uidentur, et ijs qui ipsos uituperant, et cōtēnunt in eis rebus quibus ipsi maximè studēt, ut, si quis in philosophia maledixerit eis, et spreuerit, qui se multum in ea profecisse glorientur, et, qui formæ student, si quis eos in ea re uituperet, atq; ita in reliquis: et multo magis irascuntur, quando suspicantur ea sibi non adesse, quibus student; uel, omnino se experteis esse; uel non firmiter tenere; uel etiam teneant, non existimari. nam, cum estimant ea sibi firmiter adesse; nihil curant eos, qui se in ea parte uituperant. Et magis amicis irascuntur, quàm ijs qui sunt inimici: putant enim conuenire magis ab eis se benè traktari, quàm contrà.

illis etiam irascuntur, qui uel ipsos honorare, uel de ipsis curam suscipere consueuerāt, si postea nō idem efficiunt, nam ab eis se tunc contemni putant, nisi enim hoc esset, idē eos esse fastuosos: & ijs, qui accepta beneficia nō reddunt, aut non aequalem gratiam referunt: & ijs, qui conatibus suis resistunt, si inferiores fuerint, omnes enim isti contemnere uidentur: & hi quidem, tanquam se inferiores, negligunt, illi uerò, tanquā ab inferioribus beneficia acceperint. Et ijs, qui in nulla sunt existimatione, si negligere uideātur, magis irascuntur: diximus enim iram esse propter negligētiam aduersus eos quos nō cōuenit, conuenit autē inferioribus, nō negligere prāstātiores. Et amici irascuntur, nisi uel benē dixerint, uel benē fecerint, & multò magis, si contraria fecerint, & si non aduerterint, quibus rebus indigeant, sicut apud Antiphontem Plexippus, Meleagro irascitur, hoc enim negligentiae signum est, non advertere, nam quæ curamus, ea nos latere non solent: & ijs, qui infortunijs, quæ ipsis accidunt, latantur & omnino, qui in aduersa ipsorum fortuna securo sunt animo, hoc enim uel inimici: uel negligentis indicium est: & ijs, qui non curant, etiā si dolorem adferunt, unde etiam mala nunciantibus irascuntur: & a quo animo audientibus ea, quæ existimationem ipsorum lādunt, a quoq; animo res malas intuentibus. nam, qui hoc faciunt, uel negligentibus, uel inimicis similes sunt: amici enim anguntur, nec quisquam est, cū propria mala uidet, quin doleat. Præterea illis irascuntur, qui se negligunt apud quinq; hominū genera, apud eos, quibuscum de honore cōtendunt, apud eos, quos admirātur, apud eos, qui bus esse admirationi student, apud eos, quos uerecundan



tur; deniq; apud eos, quibus ipsi sunt uenerationi, apud hæc hominum genera si quis ipsos ueglexerit, maximè irascitur: et ijs, qui negligunt ea, quibus opem non ferre turpe esset; ut parentes, filios, uxores, imperio subditos: & qui beneficiorum acceptorum gratiam non referunt; est enim hæc negligentia præter id, quod cõuenit: et ijs, qui dissimulatione uiuunt, cùm ipsi seriò agant, signũ enim contẽptionis est dissimulatio: et ijs, qui sunt in alios benefici ac liberales, nisi etiam ipsis beneficiant, cõtẽptionis enim signum, est non ijsdem rebus aliquẽ dignum iudicare, quibus omnes alios iudicant. Obluio quoq; iram cõmouet; ut, si quis nomen alicuius penè oblitus fuerint. nã etiã obliuio negligẽtiæ signum esse uidetur: siquidẽ ab incuria nascitur obliuio; incuria uero negligẽtia est. Quibus igitur hominibus irascantur, et quòmodo affecti, et quas ob res, simul explicatum est. Planum autem est, oratorem oportere iudices oratione sua tales efficere, quales ij sunt, qui in iram procliues sunt: Atq; aduersarios eis culpis affines esse ostendere, quæ iustam iram commouent, & tales esse, quibus irasci meritò debeant,

QVONIAM autem irasci, et leniri cõtaria sunt, & ira lenitati: uidendum est, quòmodo affecti homines lenes sint, et erga quos se leniter gerant, et quibus de causis leniantur: est autem lenitudo, sedatio animi, atq; ab ira cessatio. Cùm igitur homines irascantur negligẽtibus, negligentia uerò uoluntaria sit: perspicuum est esse lenes aduersus eos, qui aut nihil horum faciunt; aut inuiti faciunt, aut saltem facere uidentur: & erga illos, qui aliquid fecerunt contrà, quàm uoluerant: & aduersus eos, qui in se ipsos eadem committunt; nemo enim

uidetur se ipsum negligere: & aduersus eos, qui fatentur quidem, sed fecisse poenitet, cessant enim ab ira non aliter, ac si illi, quos poenitet eius rei, qua dolent, poenas iam dederint, hoc autem ex punitione seruorum intelligi potest: nam eos, qui pernegant, & contradicunt; atrocius punimus, in eos uero, qui fatentur, se iuste puniri, mitiores sumus, & ab ira cessamus. id autem in causa est, quod aperta negare impudentia est; & impudentia est negligentia, et contemptio quaedam: quos enim ualde contemnimus, eos non ueremur. In eos etiam lenes sumus, qui se humiliter demisseque gerunt, neque contradicunt, uidentur enim, se inferiores confiteri: & qui sunt inferiores, timent; nemo autem timentibus irascitur. quod autem ira statim cesset in eos, qui se humiliter & demisse gerunt, declarant etiam canes, qui prostratos non mordent. Iis etiam lenes sumus, qui seruo nobiscum agunt; cum nos etiam ipsi seruo agimus; uidentur enim nostri esse studiosi, non autem nos continere: & ijs, qui pluribus in rebus, quam petieramus, nobis gratificantur: et ijs, qui rogant, & deprecantur: nam humiliores demissioresque fiunt: & ijs, qui neque contumeliosi sunt, neque derisores, neque contemptores aut ullius hominis, aut bonorum, aut eorum qui nobis similes sunt. & omnino ex contrariis rebus scrutari oportet, quae lenire animum possint. Iis etiam lenes sunt, quos timent, & quos uerentur: nam, donec, ita affecti sunt, illis irasci non solent; nullo enim modo fieri potest, ut quis simul timeat, & irascatur. Et ijs, qui, ira perciti, commiserint aliquid, aut non irascuntur, aut leuius irascuntur, neque enim propter negligentiam fecisse uidentur: nam nemo iratus negligit: siquidem negligentia sine

animi dolore est, ira uerò semper est cum dolore. Et ijs lenes sunt, qui ipsos uerentur. Et, qui contrario modo sunt affecti, quàm, cùm in ira sunt, perspicuum est esse lenes; ut, cùm ludunt, cùm ridet, cùm dies festos agunt, cùm quid restè gesserunt, cùm aliquid ex animi sententia successit, cùm saturi sunt. In summa, lenes ij sunt, quibus doloris uacuitas adest, & uoluptas non contumeliosa; & qui bona spe ducuntur; & qui multo antè tempore, nō autem recentire, iram conceperunt, tempus enim iram mitigat. Quin ab altero prius sumpta poena, maiorem in alterum iram minuit, atq; sedat. undè benè Philocrates, cùm iratum in se populum haberet, & quidam ei dixisset, Cur non causam tuam dicis, & te defendis? Nondum est tempus, inquit. quando igitur? cùm alium prius condemnatum uidero. lenes enim fiunt, cùm in alium iram suam effuderint. quod quidē Ergophilus contigit, cui cùm iudices magis infens essent, quàm Callistheni, tamen eum absoluerunt, cùm pridie Callisthenem morte damnassent. Et si iudicio conuicerint, leniores fiunt, et ijs, qui maius aliquod incommodum acceperint, quàm illis irati ipsi fecissent, existimant enim idem esse, ac si ipsi poenas de eis sumpsissent: & si priores se lesisse putant, ac se iustè pati, neq; enim contra id, quod iustè factum est, ira concitatur; quoniam non ampliùs se cōtrā, quàm oportebat, pati arbitrantur, undè solet ira cōmoueri, quapropter oratione prius castigare oportet: hac enim ratione minùs etiam serui dolent, cùm puniuntur. Cessant etiam ab ira, qui putant, non intellectum iri ultionem à se profectā, aut nō propter illa quæ possi sunt: nā ira cōtra singulas personas accenditur, quod ex eius

54 ARISTO. STAGIRITAE,  
definitioe pspiciuū est. Itaq; rectè dictū est ab Homero.  
Dicito, Me, euerfor Troiæ, cæcauit Vlysses;  
tanquam sibi non uideretur ultus iniurias, nisi ille sens-  
isset, & à quo, & qua de causa tam malè tractatus fuis-  
set. Quare neq; ullis alijs irascuntur, quos non sentire,  
existimant, neq; mortuis, quippe qui malorū extremū iā  
perpeSSI sint, neq; ampliùs dolituri sint, aut sensuri, quarū  
rerū desiderio tenētur irati quare benè de Hectore ceci-  
nit Homerus, uolens Achillis irā contra mortuū sedare,  
Quis furor est, terram sensu uexare carentem?

Planum igitur est, ex his locis ducēda esse argumēta ab  
illis, qui placare animos uolunt. atq; eos quidē hīs ratio-  
nibus mitigare oportet. Illos autē, quibus irati sunt, ostē-  
dere debemus, aut terribileis esse, aut ueneratiōe dignos,  
aut benemeritos, aut inuitos fecisse, aut deniq; ppter ea,  
quæ fecerūt, magnū animo dolorē sētire. Iam uerò, quos  
amare soleāt homines, et odisse, quibusq; de causis ostēda-  
mus, sed priùs, quid amicicia sit, et qd amare, doceamus.

EST igitur amare, uelle alicui bona euenire nō sua,  
sed illius ipsius causa, quem diligit; & quantum in eo est,  
efficere, ut illa eueniant: amicus uerò ille est, qui amat,  
& redamatur. illi igitur existimantur amici, qui inter se  
mutuò sic affecti esse uidentur. Hīs ita positis, necesse est  
illum amicū esse, qui gaudet alicuius rebus bonis, doletq;  
malis nō alia, sed illius ipsius tantū causa. omnes enim  
gaudent, cū illis, quos amant, quæ uolunt, euenerūt; et,  
cū accidunt contraria, dolent: itaq; dolores, et uolupta-  
tes indicia sunt uoluntatis. Illi etiam inter se sunt amici,  
quibus eadem bona, ac mala sunt; & qui eosdem habent,  
amicos, et eosdē inimicos: necesse est enim, ut in eis sit uo-

luntatum coniunctio. nam, cum eadem uelit alij, quæ sibi ipsi, certè illi amicus esse uidetur. Illis etiam amici sunt, à quibus beneficiũ acceperunt uel ipsi, uel ij, quos diligunt carosq; habent, & præcipuè, si beneficia fuerint uel magna, uel prompto animo collata, uel opportuno tempore; & aut ipsorum causa, aut eorum, quibus ipsi benefacere uelle existimantur. Amicos etiam amicorũ amant, & amantes eos, quos ipsi amant, & amatos ab eis, qui ab ipsis amantur: & eos, qui eisdem sunt inimici, & qui illos odio prosequuntur, quos ipsi oderunt; & qui odio habentur ab illis, qui ipsis odio sunt. his enim omnibus eadem esse bona uidentur: quo fit, ut illis benè uelini; quod amici propriũ est. Amant etiã eos, qui benefici sunt uel in pecunijs erogãdis, uel in salute danda: quare liberales, et fortes uiros honorant, atq; etiã iustos. tales uerò existimant eos, qui nõ uiuunt ex alienis rebus: ut, qui suo sibi labore uictũ quærent; quales præcipuè sunt agricolæ, & qui ipsimet opus faciunt. Temperãteis etiam amant propterea, quòd minimè sint iniusti: atq; eadem de causa diligunt eos, qui remoti à negocijs uitam degunt. Eos etiam amamus, quibus amici fieri studemus, si modò, se id uelle, ostēderint. tales autem sunt, qui præclara aliqua uirtute ualēt; uel, qui in honore ac precio sunt aut apud omnes, aut apud optimos uiros, aut apud eos quos admiramur, aut deniq; apud eos qui nos admirantur. Amamus, etiam eos, qui morũ suauitate præstāt, et quorũ iucunda est cōsuetudo. tales autē habētur, qui sunt ingenio placidi, neq; siquid peccatum est, faciles sunt ad reprehendendum, & qui neq; contentiosi sunt, neq; litium amatores; nam huiusmodi homines pugnant, aduersanturq; alijs, qui au-

tem. pugnant, uelle contraria uidentur: & qui iocose facietq; alios mordent, & aliorum morsus aequo animo sustinent, quoniam ad eundem finem ambo tendunt, cum & inuadi aequo animo, & inuadere ingeniose possint. Eos quoq; amamus, qui nostra bona laudant, & ea precipue, quae ueremur, ne in nobis plane sint: & qui mundi sunt, atq; elegantes in apparatu, in uestitu, in omni deniq; uita: & , qui neq; uitia, neq; beneficia exprobare solent, nam, qui haec faciunt, contentiosi sunt: & qui non recordantur iniurias, neq; aliorum peccata obseruant, sed placabiles sunt, nam, quales erga alios esse uidentur, tales etiam in nos futuros existimamus: & qui, neq; maledici sunt, neq; incommoda maculasq; uel propinquo rum, uel nostra scire uolunt, sed bona tantum, hoc enim uir bonus facere solet: et qui iratis non aduersantur, aut aliquid serio agentibus, nam, qui hoc faciunt, contentiosi sunt illos quoq; amant omnes, quos sui studiosos esse intelligunt, ut qui ipsos admirantur, et esse bonos existimant, & ipsorum consuetudine delectantur: & precipue, qui hoc faciunt in eis rebus, in quibus ipsi cupiunt admirabiles uideri, uel uiri boni, uel suauis, & iucundi, Parens etiam amant, atq; eisdem studijs deditos, nisi forte molesti fuerint, aut ex eadem arte uictum questerint, tunc enim accidit quod ait Hesiodus,

Et figulus figulo: =

& , qui earundem rerum desiderio tenentur, modo sint eiusmodi res, ut eas aequaliter ambo consequi possint: sin minus, idem accidit, quod in artificibus. Eos quoq; amant, quibuscum adeo familiares sunt, ut non pudeat coram eis illa facere, quae uulgò turpia uidentur, nisi.



nisi forte illos contemnant. Et eos ament, apud quos uerentur illa committere, quæ re uera turpia sunt: & apud quos in honore ac precio esse student. Et, quos optant æmulos atq; imitatores habere rerum suarum, non autem obtrektatores, eos aut amant, aut sibi amicos fieri cupiunt: et, quos in acquirendis aliquibus bonis adiuuarent, nisi forte in ipsos grauiora mala casura essent. Eorum quoq; amicitiam expetunt, quos uident non minùs absentes amicos diligere, quàm præsentes. itaq; nemo est, quin eos diligat, qui mortuorum etiam amicitiam colunt: & omnino quicumq; amicis ualdè amici sunt, & eos, cum opus est, non deserunt, cum enim omnes bonos diligant, tum eos præcipuè, qui boni amici sunt: & qui nihil apud se fingunt. tales autem sunt, qui mala etiam sua narrant, & aperiunt: nam (ut suprà dictum est) cum amicis nos non pudet ea dicere, aut facere, quæ uulgò turpia uidentur, itaq; si, quem pudet, is non amat, certè, quem non pudet, is amans esse uidetur. Eos quoq; amamus, qui non formidolosi sunt, et quibus confidimus: nemo enim, quem metuit, diligit. Amicitia species sunt sodalitas, necessitudo, cognatio, cæteræq; eius generis. Conficiens autem amicitia beneficium est: & præcipuè, quod ultro deferatur, non expectatis precibus: & quod quando collatum est, non commemoratur. tunc enim intelligitur ipsius gratia factum esse, non alia de causa,

Q U O D autem ad inimicitias, & odium attinet, perspicuum est, ex contrarijs locis sumenda esse argumenta. Inimicitiarum uerò conficiencia sunt ira, uolentia, criminatio. Sed ira concitatur tantùm ex ijs rebus, quæ ad ipsum tantùm referuntur, inimicitia uerò

etiam ex ijs, quæ minimè ad ipsum pertinent: sæpe enim aliquem odio prosequi solemus, si talem esse suspicamur. Huc accedit, quòd ira semper contra singulos excitatur: ut contra Calliam, aut Socratem: odiũ autem etiam contra genera hominum; nam furem, & calumniatorem omnes oderunt. atq; ira quidem tempore sanari potest, odiũ non potest. Præterea studet ira dolorem inurere: sed inimicicia magis damnum importare gestiunt. nam, qui iratus est alicui, uult eum sentire, cum ulciscitur, inimicus uerò nequaquã hoc curat. quæ uerò dolorem faciunt, omnia sensum mouent: sed quæ maxima mala sunt, minimè sentiuntur, ut iniusticia, & dementia, prauitas enim præsentia sua nullũ dolorem adfert. Ira etiam adiunctã habet ægritudinem: sed odium ægritudine uacat: nam, qui iratus est, dolet, qui autem odit, non dolet. Et iratus, ob multas aduersarij calamitates nonnunquam ad misericordiam flectitur: qui autem odit, nunquam ullã mouetur misericordia: nam iratus uult eum, cui irascitur, uicissim angere, & dolorem sentire, sed, qui odit, uult eum, quem odit, extingui ac perire. Ex his perspicuum est, quòmodo quis amicos, & inimicos ostendere possit qui sint, & qui non sint quòmodo facere possit, & qui se dicunt esse quòmodo disturbare queat: & cum est controuersia, utrũ aliquid propter iram, an propter inimicicias factum, sit quòmodo ualeat, in quã partem uoluerit, qui dicat, id traducere. Quæ uerò timeant homines, et quos, & quòmodo affecti, planũ fiet ex ijs, quæ modò dicemus.

EST autem metus, ægritudo quædam, uel perturbatio ex opinione impendentis mali, quod aut interitum nobis, aut dolorem adferre possit. neq; enim omnia ma-

la timentur, ut, ne iniustus fiat, aut hebeti tardoq; ingenio, sed ea tantum, quæ uel magnos dolores, uel interitum adferre possunt: & præcipue, si illa non longinqua sint, sed proxima, ut iam impendere uideantur, nam, quæ ualde longinqua sunt, non metuuntur. sciunt enim omnes fore, ut moriantur, sed, quoniam id propè non esse putant, ideo nullam curam suscipiunt. Quod si metus est huiusmodi, necesse est, ut ea omnia sint horribilia, & pertimescenda, quæ nos perdendi uim magnam habere uidentur, aut eiusmodi detrimenta importandi, quæ acerrimos animi dolores pariant, Itaq; talium etiam rerum signa terrorem incutiunt. tunc enim in proximo iam esse uidetur id, quod est horribile, hoc uerò ipsum periculum est, horribilis rei appropinquatio. tales sunt inimiciæ, iræq; illorum, qui malum aliquod importare possunt: manifestum est enim eos & uelle, & posse, quo fit, ut ad inferendum malum parati sint. Et iniusticia, si uiuis nacta fuerit, horribilis est, iniustus enim is est, qui consultò se iniuste gerit: uirtus quoq; affecta contumelia, si uiuis adeptæ est: perspicuum est enim, cum afficitur contumelia, semper eam ulcisci desiderare, sed, cum potest, tunc id efficere. Metus etiam eorum, qui malum aliquod inferre possunt, horribilis est: nam huiusmodi homines semper ad offendendum parati sunt. Et, quoniam pleriq; sunt improbi, & cupiditatis stiti trahuntur, atq; in periculis timidi, plerunq; etiam horribile est, in aliorum esse potestate. quare, qui alicuius magni facinoris conscij sunt, iidem sunt etiam horribiles: ne aut facinus illud indicent, aut socios deserant. Et, qui iniuriam facere possunt semper eis formidabiles sunt, qui sunt ad iniuriam expositi;

plerunq; enim homines facultatem nacti iniuriam inferunt: & qui iniuriam acceperunt, uel se accepisse arbitrantur, semper enim ulciscendi tempus obseruant. Et, qui iam fecerunt iniuriam, si potestatem habent, horribiles sunt, cum semper talionem reformident, hoc autē esse horribile, iam suprà dictum est: & qui de ijsdem bonoribus, aut præmijs certant, si eadē ambo consequi non possunt: tales enim inter se perpetuò digladiantur. Et, qui sunt horribiles ijs, qui meliores sunt, etiam infirmioribus sunt horribiles, facilius enim infirmiores, quā meliores, lædere possunt. atq; eadem de causa sunt etiā horribiles illi, quos meliores reformidant: & qui necem eis attulerunt, qui ipsis præstantiores erant: & qui minorēs res aggredi solent: uel enim iam horribiles sunt, uel elato animo statim fient. Horribiles etiam sunt ij, qui iniuriam acceperunt: et, qui inimici sunt, aut aduersarij, non si ad iram procliues sunt, & liberè loquuntur, sed si sedati sunt, & dissimulatores, & uersuti. incertum est enim, an propè sint ad malefaciendū, neq; unquā perspicuum est, quā longè absint. Omnium autem horribilium illa maxima sunt, in quibus, si quid peccatum fuerit, non est emendandi locus, sed uel omnino corrigi nequeunt, uel remedia non sunt in nostra, sed in aduersariorū potestate: et, in quibus uel nulla sunt auxilia, uel multū ardua. Vt autem summatim dicam, horribilia sunt illa omnia, quæ, cum alijs eueniūt, uel impēdent, misericordia digna sunt. Atq; hæc quidem ferè sunt, quæ horribilia dicuntur: & quæ maximè homines timere solent, sed quōmodo affecti sint animo, qui timent, iam dicamus. Cū igitur metus cum expectatione sit patiendi aliquid, quod perdere

ualeat: perspicuum est, neminem eorum esse in metu, qui nihil se mali passuros arbitrantur, neq; enim quisquā ea timet, quæ se non passurum putat: neq; eos metuit, à quibus nihil mali expectat: neq; eo tempore timet, cum nihil mali futurum arbitrat. Necesse est igitur, eos esse in metu, qui se aliquid mali passuros existimant à certis personis: et, qui, quæ passuri sunt, et quo tēpore, cogitant. qui autem plurimis fortunæ bonis abundant, aut se abundare putant, ij se nihil passuros arbitrantur: atq; inde contumeliosi sunt, et aliorum negligentes, et audaces ac confidentes. tales autem efficiunt diuitiæ, robur corporis, amicorum copia, potentia. Neq; illi timent, qui se iam grauiā passos existimant: et, qui iam omnem futuri spem abiecerunt, ut, qui ad extremum supplicium ducuntur, sed, qui timet, necesse est, aliquam salutis spem habeat in ea re, de qua sollicitus est: cuius rei signū est, quod metus cogit homines diligentius consultare, nemo autem de rebus eis consultat, in quibus nihil ampliùs spe relictum est. Itaq; cum utile erit inducere timorem iudicibus, tunc eis rationibus uti oportebit, quibus ostendamus eos taleis esse, ut pati possint: ut, si dicamus, alios etiā maiores passos fuisse, uel, ostendamus pareis aut hoc tempore pati, aut antea passos esse, et ab ijs, à quibus nihil mali metuebant, et præterea passos ea, quæ nunquam putassent, et quo tempore minime expectabant.

C V M autem planum factum sit, quid sit metus, et quæ sint ea quæ metuenda sunt, et quomodo affecti homines metuant: ex eisdem perspicuum etiam est, quid sit confidere, et quibus in rebus confidentes sint, et quomodo affecti confidant: nam confidentia timori contra-

ria est, et, quæ confidentiam adferunt, eis contraria sunt, quæ metum incutiunt. Quare confidentia, spes quædam est cum opinione proximæ salutis futuræ, et rerum horribilium uel non futurarum, uel longè remotarum. Confirmatur enim animus: cum mala longè absunt, et, quæ confidentiam adferunt, sunt uicina: et, si peccatum corrigi atq; emendari potest: et, si auxilia uel multa, uel magna, uel utraque simul adesse uidentur: et, si iniuriâ neq; nos accepimus, neq; alijs intulimus: et, si uel nulli sunt aduersarij, uel si sunt, nocendi facultatem non habent, uel, etiam si habent facultatem, nobis amici sunt: uel, si beneficia in nos contulerunt, aut à nobis acceperunt: uel, si plures sunt, quibus eadem conduciunt, aut præstantiores, aut utrunq; simul. Ipsi uerò homines hoc modo confidentes esse solent: si multis in rebus prosperè se gesserunt, et nullum incommodum passi sunt, et, si in pericula sæpius inciderunt, et tamen incolumes euaserunt. Duobus enim modis homines timore non concutiuntur; uel, quòd ea mala nunquā experti sunt, uel quòd auxilia parata habeant: id quod accidit in marinis periculis: nam, qui tempestatem nunquam experti sunt, ij se incolumcis euasuros confidunt, qui uerò habent auxilia, propter usum et experientiam confidunt. confidunt etiam, cum uident, rem illam paribus et similibus metum non adferre, neq; inferioribus, et ijs, quibus se præstantiores arbitrantur, existimant autem, se illis præstare, quos uicerunt, aut si ijs uel potentiores, uel similes uicerunt: et, si plura, et maiora sibi adesse putant eorum, quibus qui excellunt, horribiles esse solent: qualia sunt pecuniæ, magnitudo, robur corporum, et amicorū, et regionis, et apparatus



belli aut omnium, aut maximorum, Confidunt etiam, si iniuriā intulerint aut nemini, aut paucis, aut non huiusmodi hominibus, quos timere debeant: Et omnino, quoties sperant deos sibi fore propitios, Et aliquid boni portendere uel signis, uel oraculis, uel alijs quibusdam rebus. iracundia namque confidentes homines facit: cum autem quis non iniuriam facit, sed eam accipit, tunc iracundia mouetur, deus uero creditur eis esse auxilio, qui iniuriam acceperunt. Confidentes etiam sunt: cum priores aggrediuntur; et existimant uel tunc se nihil in commodi pati, uel postea non passuros, uel quod cupiunt confecturos. Ac de ijs quidem, quæ metum incutiunt, Et de ijs quæ confidentiā adferunt. hactenus dictum sit. Quibus autem in rebus uerecundi sint homines, atque inuerecundi, Et erga quos, Et quomodo affecti, deinceps explicandum est.

EST O igitur uerecundia, quædam ægritudo, perturbatioque in eis malis, quæ ignominiam ac dedecus ferre uidentur. cum aut sunt, aut fuerunt, aut futura sunt. inuerecundia uero, negligentia quædam est, Et animi securitas in eisdem illis malis. Quod si uerecundia natura ea est, quam explicuimus, necesse est, in eiusmodi malis homines uerecundari, quæ uel ipsis turpia sunt, uel eis, quorum curam habent. Talia uero sunt ea opera, quæ ab animi uitio proficiuntur: ut in prælio clypeum abicere, uel in fugam uerti, quod à timiditate nascitur: uel depositum non reddere; quod nascitur ab iniusticia: Et rem habere, qui bûscum nefas est, uel ubi, uel quando non oportet, quod intemperantiæ proprium est: Et questum ex minutis rebus facere, aut turpibus; aut ex ijs, ex quibus fieri non posse uideatur, ut à pauperibus, et mortuis; unde celebratum

est prouerbum illud; etiā à mortuo tributū exigere; à sordibus enim hoc, & illiberalitate nascitur, et eis, qui indigent, nō pecunia subuenire, cū possis; aut minus, quā oporteat, subuenire, & à tenuioribus minusq; abundantibus auxilium, & pecuniam capere: aut mutuō eam sumere, cū existimatur aliquis à te petiturus: aut iterum petere, cū aliquis, quos dedit, nummos repetiturus est; aut contrā repetere, cū iterum ille petiturus est. Turpe est etiam aliquid laudare, ut illud poscere uidearis, et, cū semel repulsam passus sis, nihilominus idem petere. nā hæc omnia sordiū, illiberalitatisq; signa sunt: in præsentia uerò coramq; laudare quempiam, adulationis est; & bona, plusquam satis sit, laudare, mala uerò obscurare: & cū quis dolet, maiorem eo dolorem ostendere, & alia quaecunq; sunt huiusmodi, turpia sunt; quoniam indicia sunt assentationis. Turpe est etiam eos labores ferre non posse, quos aut seniores, aut delicati homines, aut qui cum imperio sunt, aut deniq; imbecilliores ferūt hæc enim omnia mollitudinis signa sunt. & ab alio beneficium accipere; idq; sæpius, & alicui beneficia exponere turpe est, hæc enim signa sunt animi pusilli, ieiuni, atq; abiecti: & de se ipso prædicare, ac magna quædam polliceriet, quæ aliorū sunt, sibi uendicare: quod arrogantiæ signum est. Atq; eodem modo in singulis animi uitijs facta, indiciaq; & quæ sunt ijs similia, turpia sunt, & infamiam adferunt. Præterea turpe est, non esse participem rerū honestarum: earum, inquam, quas uel generatim omnes participant, uel pares similesq; uniuersi, uel saltem plurimi: pares autem similesq; uoco illos, qui sunt eiusdē nationis, ciuitatis, etatis, familiæ; deniq;

qui æquo iure uiuant. nam omnino turpe est, non huiusmodi rerum esse participem; ut eruditionem aliquo modo non degustasse, atq; ita de reliquis. Quæ omnia turpiora sunt, si ipsius culpa euenisse uisa fuerint: sic enim ab animi uitio magis proficisci uidentur; si ipse causa fuerit malorum, quæ uel antea fuerunt, uel nunc adsunt, uel postea futura sunt. Verecundantur autem homines; cum aut patiuntur, aut iam perpeSSI sunt, aut se passuros intelligunt ea, quæ ignominiam, & opprobria ferre possunt. huiusmodi uerò sunt ea, quæ uel ad obscœnum corporis ministerium, uel turpium factorum pertinent; in quibus quis contumelia afficitur. Et, quæ ad intemperantiã attinent, siue quis uolens, siue inuitus patiatur, turpe est: & quæ ad uolentiã, cum inuitus patitur; nam huiusmodi patientia ab ignauia. & timiditate proficiscitur, sicut etiam iniurias acceptas non ulcisci. Hæc igitur, ceteraq; huius generis sunt, quæ homines uerecundantur. Quoniam autem uerecundia opinio quædam est ignominie, atq; eius ipsius gratia, non autem eorũ, quæ inde proueniunt; et nemo bonam quærit famam, nisi propter illos, qui de se existimant: necesse est, homines affici uerecundia propter illos, quorum rationem ducunt. Eorum autẽ rationem ducunt, qui sui admiratione capti sunt; & eorũ, quos ipsi admirantur, quosq; in admirationẽ sui trahere desiderat, et, quibuscũ de honore, ac dignitate contẽdunt, et deniq; quorũ existimationẽ nõ contẽnunt. At uerò sui admirationẽ apud eos mouere uolunt, atq; ipsi etiã eos admirantur, qui bonũ aliquod in se habet eorũ, quæ honore digna iudicantur: et, à quibus impertiri sibi quippiã ardet cupiunt, cuius illi domini sũt, ut amatores, Cũ pari

bus autē similibusq; de bonore, ac dignitate cōtendūt: uiros uerò prudētes obseruāt, tanquā eos, qui uerā prādicare soleant, tales autē sunt senes, atq; eruditi. Illa etiā uerecūdiā mouent, quæ in oculis omniū ac propalām fiunt: undē etiā prouerbiū illud, pudorē in oculis esse. Atq; hac de causa magis eos uerecūdāmur, qui semper nobiscū futuri sunt, et qui nostras aduertunt actiones, eò, quòd hæc utraq; sint in oculis: et eos, qui eiū culpe minimē sunt obnoxij, pspiciū est enim, eos in cōtraria esse sentētia. Et, qui minimē proclues sunt ad ignoscēdū eis, qui peccare uideātur. nam, quæ aliquis ipse facit, ei dicitur uicinis non uilio uertere: quæ e, quæ non facit, sine dubitatione uitio uertit. Eos quoq; ueremur, qui omnia faciliē enuntiant: nihil enim differt, non uideri peccasse, et peccatum non enuntiare. illi uerò faciliē enuntiant, qui iniuriā acceperunt, eò quòd obseruare soleant: et maledici, nam si, nihil peccantibus detrahunt, quantò magis peccanteis inuadent? et qui in notandis proximorum peccatis occupati sunt, quales sunt derisores, et comici poēte: nam hi quoq; quodāmodo maledici sunt, et peccata enuntiant. Eos etiam ueremur, apud quos uoti compotes semper fuimus: ij enim nos admirari quodāmodo uidentur. Atq; ideo ueremur etiam eos, qui tunc primū à nobis aliquid petunt: quippe cū apud eos nihil adhuc existimatio nostra læsa fuerit. tales etiam sunt ij, qui nobis amici fieri desiderant: conspexerunt enim, quæ optima sunt in nobis. quare Euripidis responsū ad Syracusanos iure laudatur. Veteres quoq; familiares nostros ueremur, qui nullius flagitij nobis conscij sunt, Solent autem uerecundari homines non solū in eis, quæ dicta sunt, quæ

re uera sunt obscœna, sed etiam in eis, quæ signa sunt, ut non modò cùm Veneri indulgent, sed etiam, cùm eius rei signum aliquod edunt: neq; tantùm, cùm turpia faciunt sed etiam, cùm de illis loquuntur. Eodem modo non tantùm prædictos homines ueremur, sed eos etiam, qui possunt illis, quæ fiunt à nobis, enuntiare: quales sunt, eorum serui, aut amici. Nihil autem omnino ueremur eos, quos ualdè contemnimus, et, quibus non credi solere putamus: nemo est enim, qui puerulos, aut belluas uereatur. neq; eadem de causa ueremur familiares & externos: nam familiares in eis rebus ueremur, quæ ad ueritatem spectant externos uerò in eis, quæ ad opinionem, & instituta, Qui autem uerecundia capiuntur. ita sunt affecti, primò, si apud se habeant huiusmodi homines, quales diximus eos esse, quos uerrei solemus. tales autè erāt, uel qui nobis admirationi sunt, uel qui nos admirātur, uel quibus admirationi nos esse cupimus, uel quorū ope aliqua in re indigemus, quā non obtineremus, si existimationē perdidisset mus. Atq; hi uel si præsentēs sūt, ac uideant: quemāmodum Cydias in concione dixit, cùm de Samiorum agrorū diuisione tractaretur, rogabat enim Athenienses, ut mētibus suis cogitarēt, omnes Græcos nō solum audituros esse, sed etiā in corona stare, atq; adesse, ut spectarēt, quæ ab ipsis decernerētur: uel, si in p̄p̄inquo loco sint, et facillè p̄cepturi, quæ a nobis fiāt. Quare, q̄ in calamitate sūt, ab ijs cōspici nolūt, qui ipsos olim emulabātur. nā, qui emulantur, etiā admirari solent. Quin etiam illi pudore afficiuntur, quicunq; aliquid habent, quod dedecus adferat. uel à se commissum, uel à maioribus suis, uel ab alijs quibusdam, quibuscum propinquitate aliqua cōiuncti sunt,

Et deniq; quorum infamiam ad se pertinere putant, Tales autem sunt ij, quos prædiximus; Et præterea, qui ex ipsis pendent, ut, quorum magistri, aut consiltari fuerunt. Præterea pudore afficiuntur, qui pareis aliquos simileq; habent, quibuscum de honore, ac dignitate certant: multa enim, eorum uerecundia commoti, faciunt, et multa etiam prætermittunt. Et, cum in cōspectu eorum futuri sunt, et cum eis uersaturi, qui peccati conscij sunt, magis etiam tunc uerecundantur: unde Antiphon poëta, cum iussu Dionysii ad supplicium duceretur, Et uideret alios, qui unà secum erant morituri, cum ē carcere exirent, capita obuoluere; dixit, Quid est, quod capita obuoluatis? an ueremini, nequis horum cras uos uideat? De ueracundia igitur hæc dicta sint: quæ uerò ad inuerecundiam pertinent, ex contrarijs erunt manifesta. Quibus autem hominibus gratiam habeamus, Et quibus de causis, Et quomodo affecti, tunc erit perspicuum; cum gratiam ipsam definiuerimus.

SIT igitur illa gratia, per quam is, qui facultatem habet, dicitur egenti beneficium suppeditare non, quod aliquid iam acceperit, neq; quod utilitatem aliquam inde speret, sed tantum, ut illi commodet, cui beneficium tradit. Magna uero illa gratia est, quæ ualde egentibus præstatur; uel, quæ magna, Et ardua tribuit; uel, quæ opportunè fit; uel, quā aut solus, aut primus, aut copiosè prestitit. Indigentia uerò, sunt appetitiones; atq; illæ præcipuè, quæ nos angunt, cum eas explere non possumus. tales sunt omnes cupiditates, ut amor: Et cum quis est in aliquo dolore corporis, aut in periculo, nam qui periclitatur, Et qui dolet, concupiscit. Atq; hac de causa, qui



paupertate premuntur, & qui in exilio sunt, si quis eis in minimis etiam rebus subueniat, propriè rea, quòd multum indignet, et in tali tempore constituti sunt, magnum se beneficium accepisse existimant: ut, qui stoream in Lyceo præbuit. Oportet igitur in huiusmodi rebus, ac temporibus subuenire. quòd si non sint eiusmodi; saltem sint uel paria, uel maiora. Cum igitur planum factum sit, & quando, & quibus in rebus beneficium fiat, & quòmodo affecti sint ij, qui faciunt: perspicuum est etiam, his rationibus præparandos esse auditores; ut demonstret orator, hos quidè aut esse, aut fuisse in huiusmodi tristitia, atq; indigentia; illos autem in tali necessitate suppeditasse aliquid, quod eos subleuare posset. Ex his etià facile perspicipote est, quòmodo remoueri gratia possit, et effici, ne beneficium præstitisse uideantur, uel enim dicemus eos commodi sui gratia subuenire, aut iam subuenisse, quod beneficium uocari nò debet; uel casu fortuitoq; accidisse, uel necessitate coactos, subuenisse; uel eos beneficium reddidisse, non autem dedisse, siue illi se debere scirent, siue ignorarent; nam utroq; modo aliquid pro aliquo redditur: quare neq; hoc modo beneficium est. Singula etiam summa genera consideranda sunt nam beneficium est, uel quod re hanc tradidit, uel tantam, uel talem, uel tali tempore, uel in opportuno loco. Signum autem non beneuoli animi est, si in re minori non subuenerunt: aut, si inimicis eadm commoda, uel æqualia, uel maiora tribuerunt; tunc enim perspicuum est, eos nostri causa nequaquam ea fecisse: uel si quis sciēs, res uilek et abiectas tribuat; ne enim est, qui se uilibus et abiectis rebus egere fateatur. Ac de gratia quidè collata, aut non collata satis dictum sit.

inter hos interfecti sunt misericordes esse solent: neq; rursus ij, qui in magno timore positi sunt, neq; enim misericordia mouentur, metu perculsi, quoniam de propria salute solliciti sunt. Et, qui putant aliquos æquos, et bonos esse, misericordia mouentur: nam, qui neminē probū esse putat, is omnes homines malo dignos esse iudicabit. Atq; omnino talis est quisq; cum recordatur sibi, aut suis talia mala euenisse, uel timet, ne aliquādo aut sibi, aut suis eueniāt. Quomodo igitur effecti homines misericordia moueantur dictum est. Quæ uerò miseraabilia sint, ex definitione satis patet. quæ enim ægritudinem, & dolorem adferunt, & ad interitum perducunt, omnia miseraabilia sunt, & quæcunq; perdendi, & destruendi uim habent, & quæ mala à fortuna proueniunt, magna sunt. Quæ uerò dolorem adferunt, & interitum, sunt mortes, uerbera corporum, uexationes, senectus, morbi, & cibi penuria. quæ à fortuna proueniunt, mala hæc ferè sunt, amicum penitus spoliari, aut cum paucis relinqui, quo fit ut miserabile sit, ab amicis, & familiaribus diuell: deformitas, imbecillitas corporis, membri alicuius priuatio: &, unde bonum aliquod prouenire oportebat, inde malum accidere; atq; hoc sæpius euenire: et cum bonum aliquod tūc accidit, cum iam prodesse nō potest; ut, Diopithi, qui, cum ei à rege munera missa fuissent, mortuus est inuentus: & scui nihil unquam boni accidit; uel si accidit, eo frui non potuit, Atq; hæc quidem, & cætera huiusmodi sūt, quæ homines ad misericordiā moueāt. Misereatur autē eorū, qui familiares sunt: nisi forte sint magna necessitudine coniuncti, nam hos non aliter, ac se ipsos, habent. itaq; Amasis, cum ad supplicium duci filium suum ui-

deret, lacrymas non effudit, ut fertur; cum autem amicum mendicantem conspexisset, tunc illacrymauit: hoc enim miserabile est; illud uero atrox & terribile. quod enim atrox est, differt ab eo, quod est miserabile, quippe quod eiiciendi misericordiam uim habeat, & saepius in contrarium ualet. Mouentur etiam misericordia; cum intelligunt, rem atrocem esse propinquam: Parium etiam ac similiū miserentur; sunt autem pares ac similes uel ætate, uel moribus, uel habitibus, uel dignitate, uel genere in his enim omnibus magis apparet, eisdem periculis exposito esse. nam omnino hoc etiam in loco ita statuendum est; omnia, quæ ne accidant nobis, timemus, cum alijs euenerint, solere nos ad misericordiam commouere. Quoniam autem res acerbæ cum propè esse uidentur, misericordiam mouent; cum autem longè absunt, ut quæ multis annis antea fuerunt, aut post futura sunt, quas neq; timent, neq; recordantur, uel non omnino misericordia illarum mouentur, uel non eodem modo: necesse est, eos, qui repræsentantur formis, uocibus, uestitu, ac deniq; actione longè miserabiliores esse. hoc enim modo efficiunt, ut malum propè uideatur, cum ipsum oculis subiiciant, quod aut futurum est, aut iam præterijt. Atq; hæc de causa, quæ nuper acciderunt, aut breuè futura sunt, miserabiliora uidentur: quin etiam ipsa indicia, atq; facta, ut uestes illorum, qui casus acerbos pertulerunt, et quæ sunt eius generis: & orationes, quas habuerunt ij, qui essent in calamitate, ut qui iam iam essent morituri. Maxime uero misaratio concitatur, si in illis acerbissimis causibus fortes, & constanti animo fuisse dicantur, nam hæc omnia quia uicina uidentur, magis misericordiam mouent:

mouent: quòd ille, qui patitur, ea fortuna sit indignus, & acerbitas illa quasi oculis subiiciatur.

MISERICORDIAE uerò maximè opponitur illa, quæ nemesis dicitur, quam nos indignationem appellare possumus. nam alicuius infortunio, qui indignè patitur, angere ac dolere, quamuis ab eisdem moribus proficiatur, tamen ei quodammodo contrarium est, quod est, dolere prospera alicuius fortuna, qui ea sit indignus. Atq; hæ commotiones ambæ, bonæ indolis ac naturæ sunt. decet enim cum eis dolere, atq; eorum miseri, qui mali aliquid indignè patiuntur: illis autem indignari, qui præter merita sua fortunati sunt, quicquid enim præter dignitatē accidit, iniustū est. atq; hac de causa de his etiā ipsis hoc attribuimus, ut indignentur. Posset autem aliquis suspicari inuidiā misericordiæ eodē modo esse contrariā, tanquā uicina sit, & eadem, quæ nemesis: sed ab ea diuersa est: quāuis enim etiā inuidia sit ægritudo, quæ animū perturbat ob alterius res secundas: non tamē ob eius res secundas, qui sit indignus, sed, qui sit æqualis, aut similis. Cōmune autem est omnium, qui inuidet, & qui indignatur, ut id efficiant, non quia sibi detrimentum aliquod ex eo prouenire possit, sed quia bonū ei, cui nolent acciderit: neq; enim iam esset inuidia, aut nemesis, sed potius metus, si quis ideò doleret, aut perturbaretur, quòd ex alterius bona fortuna sibi malum aliquod esset euenturum. Illud uerò perspicuum est, diuersas animi affectiones ab inuidia, atq; ab indignatione concitari. nam, qui mœrore conficitur, cum uidet indignos aduersa fortuna concuti, idem letabitur, aut saltem dolore carebit, cum uiderit, malo, dignos homines infortunijs agita-

ria est, et, quæ confidentiam adferunt, eis contraria sunt, quæ metum incutiunt. Quare confidentia, spes quædam est cum opinione proximæ salutis futuræ, et rerum horribilium uel non futurarum, uel longè remotarum. Confirmatur enim animus: cum mala longè absunt, et, quæ confidentiam adferunt, sunt uicina: et, si peccatum corrigi atque emendari potest: et, si auxilia uel multa, uel magna, uel utraque simul adesse uidentur: et, si iniuriâ neque nos accepimus, neque alijs intulimus: et, si uel nulli sunt aduersarij, uel, si sunt, nocendi facultatem non habent, uel, etiam si habent facultatem, nobis amici sunt: uel, si beneficia in nos contulerunt, aut à nobis acceperunt: uel, si plures sunt, quibus eadem conducunt, aut præstantiores, aut utrunque simul. Ipsi uerò homines hoc modo confidentes esse solent: si multis in rebus prosperè se gesserunt, et nullum incommodum passi sunt, et, si in pericula sæpius inciderunt, et tamen incolumes euaserunt. Duobus enim modis homines timore non concutiuntur; uel, quòd ea mala nunquā experti sunt, uel quòd auxilia parata habeant: id quod accidit in marinis periculis: nam, qui tempestatem nunquam experti sunt, ipsi se incolumis euasuros confidunt, qui uerò habent auxilia, propter usum et experientiam confidunt. confidunt etiam, cum uident, rem illam paribus et similibus metum non adferre, neque inferioribus, et ijs, quibus se præstantiores arbitrantur, existimant autem, se illis præstare, quos uicerunt, aut si ijs uel potentiores, uel simileis uicerunt: et, si plura, et maiora sibi adesse putant eorum, quibus qui excellunt, horribiles esse solent: qualia sunt pecuniæ, magnitudo, robur corporum, et amicorū, et regionis, et apparatus

belli aut omnium, aut maximorum, Confidunt etiam, si iniuria intulerint aut nemini, aut paucis, aut non huiusmodi hominibus, quos timere debeant: & omnino, quoties sperant deos sibi fore propitios, & aliquid boni portendere uel signis, uel oraculis, uel alijs quibusdam rebus. iracundia namque confidentes homines facit: cum autem quis non iniuriam facit, sed eam accipit, tunc iracundia mouetur, deus uero creditur eis esse auxilio, qui iniuriam acceperunt. Confidentes etiam sunt: cum priores aggrediuntur; et existimant uel tunc se nihil in commodi pati, uel postea non passuros, uel quod cupiunt confecturos. Ac de ijs quidem, quæ metum incutiunt, & de ijs quæ confidentiam adferunt, haftenus dictum sit. Quibus autem in rebus uerecundi sint homines, atque inuerecundi, & erga quos, & quomodo affecti, deinceps explicandum est.

EST O igitur uerecundia, quædam ægritudo, perturbatioque in eis malis, quæ ignominiam ac dedecus ferre uidentur. cum aut sunt, aut fuerunt, aut futura sunt, inuerecundia uero, negligentia quædam est, & animi securitas in eisdem illis malis, Quod si uerecundia natura ea est, quam explicuimus, necesse est, in eiusmodi malis homines uerecundari, quæ uel ipsis turpia sunt, uel eis, quorum curam habent. Talia uero sunt ea opera, quæ ab animi uitio proficiuntur: ut in prælio clypeum abicere, uel in fugam uerti, quod à timiditate nascitur: uel depositum non reddere; quod nascitur ab iniusticia: & rem habere, qui bûscum nefas est, uel ubi, uel quando non oportet, quod intemperantie proprium est: & questum ex minutis rebus facere, aut turpibus; aut ex ijs, ex quibus fieri non posse uideatur, ut à pauperibus, et mortuis; unde celebratum



est prouerbium illud; etiā à mortuo tributū exigere; à sordibus enim hoc, & illiberalitate nascitur, et eis, qui indigent, nō pecunia subuenire, cū m possis; aut minus, quā oporteat, subuenire, & à tenuioribus minusq; abundantibus auxilium, & pecuniam capere: aut mutuò eam sumere, cū m existimatur aliquis à te petiturus: aut iterum petere, cū m aliquis, quos dedit, nummos repetiturus est; aut contrā repetere, cū m iterum ille petiturus est. Turpe est etiam aliquid laudare, ut illud poscere uidearis, et, cū m semel repulsam passus sis, nihilominus idem petere. nā hæc omnia sordidū, illiberalitatisq; signa sunt: in præsentia uerò coramq; laudare quempiam, adulationis est; & bona, plusquam satis sit, laudare, mala uerò obscurare: & cū m quis dolet, maiorem eo dolorem ostendere; & alia quæcunq; sunt huiusmodi, turpia sunt; quoniam indicia sunt assentationis. Turpe est etiam eos labores ferre non posse, quos aut seniores, aut delicati homines, aut qui cum imperio sunt, aut deniq; imbecilliores ferūt hæc enim omnia mollitudinis signa sunt. & ab alio beneficium accipere; idq; sæpius, & alicui beneficia exponere turpe est, hæc enim signa sunt animi pusilli, ieiuni, atq; abiecti: & de se ipso prædicare, ac magna quædam polliceri: et, quæ aliorū sunt, sibi uendicare: quod arrogantiæ signum est. Atq; eodem modo in singulis animi uitijs facta, indiciaq; & quæ sunt ijs similia, turpia sunt, & infamiam adferunt. Præterea turpe est, non esse participem rerū honestarum: earum, inquam, quas uel generatim omnes participant, uel pares similesq; uniuersi, uel saltem plurimi: pares autem simileisq; uoco illos, qui sunt eiusdē nationis, ciuitatis, etatis, familiæ; deniq;

qui æquo iure uiuunt. nam omnino turpe est, non huiusmodi rerum esse participem; ut eruditionem aliquo modo non degustasse, atq; ita de reliquis. Quæ omnia turpiora sunt, si ipsius culpa euenisse uisa fuerint: sic enim ab animi uitio magis proficisci uidentur; si ipse causa fuerit malorum, quæ uel antea fuerunt, uel nunc adsunt, uel postea futura sunt. Verecundantur autem homines; cum aut patiuntur, aut iam perpeSSI sunt, aut se passuros intelligunt ea, quæ ignominiam, & opprobria ferre possunt. huiusmodi uerò sunt ea, quæ uel ad obscœnum corporis ministerium, uel turpium factorum pertinent; in quibus quis contumelia afficitur. Et, quæ ad intemperantiã attinent, siue quis uolens, siue inuitus patiatur, turpe est: & quæ ad uolentiã, cum inuitus patitur; nam huiusmodi patientia ab ignauia. & timiditate proficiscitur, sicut etiam iniurias acceptas non ulcisci. Hæc igitur, ceteraq; huius generis sunt, quæ homines uerecundantur. Quoniam autem uerecundia opinio quædam est ignominie, atq; eius ipsius gratia, non autem eorũ, quæ inde proueniunt; et nemo bonam quærit famam, nisi propter illos, qui de se existimant: necesse est, homines affici uerecundia propter illos, quorum rationem ducunt. Eorum autẽ rationem ducunt, qui sui admiratione capti sunt; & eorũ, quos ipsi admirantur, quosq; in admirationẽ sui trahere desiderat, et, quibuscũ de honore, ac dignitate contẽdunt, et deniq; quorũ existimationẽ nõ contẽnunt. At uerò sui admirationẽ apud eos mouere uolunt, atq; ipsi etiã eos admirantur, qui bonũ aliquod in se habet eorũ, quæ honore digna iudicantur: et, à quibus impertiri sibi quippiã ardet cupiunt, cuius illi domini sũt, ut amatores, Cũ pari

bus autē similibusq; de bonore, ac dignitate cōtendūt: uiros uerò prudētes obseruāt, tanquā eos, qui uerā praeedicare soleant, tales autē sunt senes, atq; eruditi. Illa etiā uerecūdiā mouent, quæ in oculis omniū ac propalām fiunt: undē etiā prouerbiū illud, pudor ē in oculis esse. Atq; hac de causa magis eos uerecūdamur, qui semper nobiscū futuri sunt, et qui nostras aduertunt actiones, eò, quòd hæc utraq; sint in oculis: et eos, qui eiū culpe minimē sunt obnoxij. p̄spiciū est enim, eos in cōtraria esse sentētia. Et, qui minimē proclues sunt ad ignoscēdū eis, qui peccare uideātur. nam, quæ aliquis ipse facit, ei dicitur uicinis non uitio uertere: quare, quæ non facit, sine dubitatione uitio uertit. Eos quoq; ueremur, qui omnia faciliē enuntiant: nihil enim differt, non uideri peccasse, et peccatum non enuntiari. illi uerò faciliē enuntiant, qui iniuriam acceperunt, eò quòd obseruare soleant: et maledici, nam si, nihil peccantibus detrahunt, quantò magis peccantibus inuadent? et, qui in notandis proximorum peccatis occupati sunt, quales sunt derisores, et comici poēte: nam hi quoq; quodāmodo maledici sunt, et peccata enuntiant. Eos etiam ueremur, apud quos uoti compotes semper fuimus: ij enim nos admirari quodāmodo uidentur. Atq; ideo ueremur etiam eos, qui tunc primū à nobis aliquid petunt: quippe cū apud eos nihil adhuc existimatio nostra læsa fuerit. tales etiam sunt ij, qui nobis amici fieri desiderant: conspexerunt enim, quæ optima sunt in nobis. quare Euripidis responsū ad Syracusanos iure laudatur. Veteres quoq; familiares nostros ueremur, qui nullius flagitij nobis conscij sunt. Solent autem uerecundari homines non solum in eis, quæ dicta sunt, quæ

re uera sunt obscœna, sed etiam in eis, quæ signa sunt, ut non modò cum Veneri indulgent, sed etiam, cum eius rei signum aliquod edunt: neq; tantum, cum turpia faciunt sed etiam, cum de illis loquuntur. Eodem modo non tantum prædictos homines ueremur, sed eos etiam, qui possunt illis, quæ fiunt à nobis, enuntiare: quales sunt, eorum serui, aut amici. Nihil autem omnino ueremur eos, quos ualde contemnimus, et, quibus non credi solere putamus: nemo est enim, qui puerulos, aut belluas uereatur. neq; eadem de causa ueremur familiares & externos: nam familiares in eis rebus ueremur, quæ ad ueritatem spectant externos uerò in eis, quæ ad opinionem, & instituta, Qui autem uerecundia capiuntur. ita sunt affecti, primò, si apud se habeant huiusmodi homines, quales diximus eos esse, quos uerrei solemus. tales autẽ erant, uel qui nobis admirationi sunt, uel qui nos admirantur, uel quibus admirationi nos esse cupimus, uel quorũ ope aliqua in re indigemus, quã non obtineremus, si existimationẽ perdidisset mus. Atq; hi uel si præsentessint, ac uideant: quemadmodum Cydias in concione dixit, cum de Samiorum agrorũ diuisione tractaretur, rogabat enim Athenienses, ut metibus suis cogitarẽt, omnes Græcos nõ solum audituros esse, sed etiã in corona stare, atq; adesse, ut spectarẽt, quæ ab ipsis decernerẽtur: uel, si in, ppinquo loco sint, et faciliẽ pcepturi, quæ a nobis fiãt. Quare, q in calamitate sũt, ab ijs cõspici nolũt, qui ipsos olim emulabãtur. nã, qui emulantur, etiã admirari solent. Quinetiam illi pudore afficiuntur, qui: curq; aliquid habent, quod dedecus adferat. uel à se commissum, uel à maioribus suis, uel ab alijs quibusdam, quibuscum propinquitate aliqua cõiuncti sunt,

Et deniq; quorum infamiam ad se pertinere putant. Tales autem sunt ij, quos prædiximus; Et præterea, qui ex ipsis pendent, ut, quorum magistri, aut consulti fuerunt. Præterea pudore afficiuntur, qui parens aliquos simileq; habent, quibuscum de honore, ac dignitate certant: multa enim, eorum uerecundia commoti, faciunt, et multa etiam prætermittunt. Et, cum in cōspectu eorum futuri sunt, et cum eis uersaturi, qui peccati conscij sunt, magis etiam tunc uerecundantur: unde Antiphon poëta, cum iussu Dionysij ad supplicium duceretur, Et uideret alios, qui unà secum erant morituri, cum è carcere exirent, capita obuoluere; dixit, Quid est, quòd capita obuoluatis? an ueremini, nequis horum cras uos uideat? De uerecundia igitur hæc dicta sunt: quæ uerò ad inuerecundiam pertinent, ex contrarijs erunt manifesta. Quibus autem hominibus gratiam habeamus, Et quibus de causis, Et quòmodo affecti, tunc erit perspicuum; cum gratiam ipsam definiuerimus.

SIT igitur illa gratia, per quam is, qui facultatem habet, dicitur egenti beneficium suppeditare non, quòd aliquid iam acceperit, neq; quòd utilitatem aliquam inde speret, sed tantum, ut illi commodet, cui beneficium tradit, Magna uero illa gratia est, quæ ualde egentibus præstatur; uel, quæ magna, Et ardua tribuit; uel, quæ opportunè fit; uel, quæ aut solus, aut primus, aut copiosè prestitit. Indigentia uerò, sunt appetitiones; atq; illæ præcipuè, quæ nos angunt, cum eas explere non possumus. tales sunt omnes cupiditates, ut amor: Et cum quis est in aliquo dolore corporis, aut in periculo, nam qui periclitatur, Et qui dolet, concupiscit. Atq; hæc de causa, qui

paupertate premuntur, & qui in exilio sunt, si quis eis in minimis etiam rebus subueniat, propterea, quod multum indignet, et in tali tempore constituti sunt, magnum se beneficium accepisse existimant: ut, qui stoream in Lyceo praeiuit. Oportet igitur in huiusmodi rebus, ac temporibus subuenire. quod si non sint eiusmodi; saltem sint uel paria, uel maiora. Cum igitur planum factum sit, & quando, & quibus in rebus beneficium fiat, & quomodo affesti sint ij, qui faciunt: perspicuum est etiam, his rationibus preparandos esse auditores; ut demonstret orator, hos quidem aut esse, aut fuisse in huiusmodi tristitia, atque indigentia; illos autem in tali necessitate suppeditasse aliquid, quod eos subleuare posset. Ex his etiam facile perspicui potest, quomodo remoueri gratia possit, et effici, ne beneficium praestitisse uideantur, uel enim dicemus eos commodi sui gratia subuenire, aut iam subuenisse, quod beneficium uocari non debet; uel casu fortuitoque accidisse, uel necessitate coactos, subuenisse; uel eos beneficium reddidisse, non autem dedisse, siue illi se debere scirent, siue ignorarent; nam utroque modo aliquid pro aliquo redditur: quare neque hoc modo beneficium est. Singula etiam summa genera consideranda sunt nam beneficium est, uel quod rem hanc tradidit, uel tantam, uel talem, uel tali tempore, uel in opportuno loco. Signum autem non beneuoli animi est, si in re minori non subuenerunt: aut, si inimicis eadem comoda, uel aequalia, uel maiora tribuerunt; tunc enim perspicuum est, eos nostri causa nequaquam ea fecisse: uel si quis sciens, res uiles et abiectas tribuat; ne enim est, qui se uilibus et abiectis rebus egere fateatur. Ac de gratia quidem collata, aut non collata satis dictum sit.



inter hos interfecti sunt misericordes esse solent: neq; rursus ij, qui in magno timore positi sunt, neq; enim misericordia mouentur, metu perculsi, quoniam de propria salute solliciti sunt. Et, qui putant aliquos equos, et bonos esse, misericordia mouentur: nam, qui neminem probum esse putat, is omnes homines malo dignos esse iudicabit. Atq; omnino talis est quisq;, cum recordatur sibi, aut suis talia mala euenisse, uel timet, ne aliquando aut sibi, aut suis eueniant. Quomodo igitur effecti homines misericordia moueantur dictum est. Quae uero miseraabilia sint, ex definitione satis patet, quae enim aegritudinem, et dolorem adferunt, et ad interitum perducunt, omnia miseraabilia sunt, et quaecumq; perdendi, et destruendi uim habent, et quae mala a fortuna proueniunt, magna sunt. Quae uero dolorem adferunt, et interitum, sunt mortes, uerbera corporum, uexationes, senectus, morbi, et cibi penuria. quae a fortuna proueniunt, mala haec ferre sunt, amicum penitus spoliari, aut cum paucis relinqui, quo fit ut miserabile sit, ab amicis, et familiaribus diuell: deformitas, imbecillitas corporis, membri alicuius priuatio: et, unde bonum aliquod prouenire oportebat, inde malum accidere; atq; hoc saepius exenire: et cum bonum aliquod tunc accidit, cum iam prodesse non potest; ut, Diopithi, qui, cum ei a rege munera missa fuissent, mortuus est inuentus: et, si cui nihil unquam boni accidit; uel si accidit, eo frui non potuit. Atq; haec quidem, et cetera huiusmodi sunt, quae homines ad misericordiam moueant. Misereatur autem eorum, qui familiares sunt: nisi forte sint magna necessitudine coniuncti, nam hos non aliter, ac se ipsos, habent. itaq; Amass, cum ad supplicium duci filium suum ui-

movent: quòd ille, qui patitur, ea fortuna sit indignus, & acerbitas illa quasi oculis subiiciatur.

MISERICORDIAE uerò maximè opponitur illa, quæ nemesis dicitur, quam nos indignationem appellare possumus. nam alicuius infortunio, qui indignè patiatur, angere ac dolere, quamuis ab eisdem moribus proficiatur, tamen ei quodammodo contrarium est, quod est, dolere prospera alicuius fortuna, qui ea sit indignus. Atq; hæ commotiones ambæ, bonæ indolis ac naturæ sunt. decet enim cum eis dolere, atq; eorum misereri, qui mali aliquid indignè patiuntur: illis autem indignari, qui præter merita sua fortunati sunt, quicquid enim præter dignitatē accidit, iniustum est. atq; hac de causa deus etiā ipsis hoc attribuimus, ut indignantur. Posset autem aliquis suspicari inuidiā misericordiæ eodē modo esse contrariā, tanquā uicina sit, & eadem, quæ nemesis: sed ab ea diuersa est: quāuis enim etiā inuidia sit ægritudo, quæ animū perturbat ob alterius res secundas: non tamē ob eius res secundas, qui sit indignus, sed, qui sit æqualis, aut similis. Cōmune autem est omnium, qui inuident, & qui indignantur, ut id efficiant, non quia sibi detrimentum aliquod ex eo prouenire possit, sed quia bonū ei, cui nolent acciderit: neq; enim iam esset inuidia, aut nemesis, sed potius metus, si quis ideò doleret, aut perturbaretur, quòd ex alterius bona fortuna sibi malum aliquod esset euenturum. Illud uerò perspicuum est, diuersas animi affectiones ab inuidia, atq; ab indignatione concitari. nam, qui mœrore conficitur, cum uidet indignos aduersa fortuna concuti, idem lætabitur, aut saltem dolore carebit, cum uiderit, malo, dignos homines infortunijs agita-

tera. Et quoniam, quod antiquum est, parum distare uideatur ab eo, quod est naturale: necesse est, ut eis, qui bonum idem possident. si nuper id acquisuerunt, atq; ideo feliciter ac prosperè uiuunt, magis indignemur, maiorem enim nobis dolorem inurunt, qui nuper diuites facti sunt, quàm, qui diu in amplo patrimonio uixerunt, eodem modo, qui magistratus, & potentiam, et copiam amicorum, & multos ac probos filios, & huius generis cætera nuper adepti sunt: atq; etiam, cum propter hæc aliquod aliud eis bonum acciderit. magis enim offendunt animos nostros noui diuites, si propter diuitias aliquem honorem, ac magistratum acquisuerint, quàm, qui iam pridem diuites erant: quod in reliquis etiam rebus accidit eodem modo. Huius autem rei causa est, quod alteri res suas habere uidentur: alteri, uerò minimè: quod enim semper eodem in statu spectatum est, id æquum iustumq; uidetur; quo fit, ut alteri minimè suas res habere uideantur. Et, quoniam non omne bonum cuius homini congruit: sed est proportio quædam, et conuenientia, ut exempli gratia, speciosa arma non iusto uiro, sed forti conueniunt, & claræ nuptiarum affinitates non ijs, qui nuper diuites facti sunt, sed nobilibus, atq; illustri genere natis, congruentes sunt, fit, ut etiam, cum probus uir, quod ei non conuenit, assequitur, aduersus eum indignatio concitetur. Res etiam illa mouet indignationem, quando inferior cum superiore contendit, & præcipuè si eodem studio, atq; artificio dispare fuerint: unde illud ab Homero dictum est; Ille redit retro, non ausus tendere contra Atacem, Telamone satum: nam Iuppiter ipse indignabatur forti committere inertem.

quòd si non in eodem studio fuerit inferior, tamen quocumq; modo minor cum superiore contendit, indignationem mouet: ut, si muscicus cum iusto uiro de dignitate contendat, nam iusticia multò præstantior est arte musica.

Iam igitur planum est, contra quos homines, & quibus de causis indignatio moueatur. hæc enim sunt, quæ diximus: & si qua sunt eius generis cætera. Eorum autem animi faciliè mouentur ad indignationem, qui maximè bonis digni sunt, et ea possident; cum indignos eadem possidere uident: neq; enim iustum est, dissimileis homines paribus bonis accumulari. Secundo loco mouentur ad indignationem, qui probi, studiosq; uiri sunt: nam huiusmodi homines uerè iudicant, & quæ iniusta sunt, oderunt, tertium genus est eorum, qui honores appetunt, & aliquas sibi res gerendas mandari cupiunt, & præcipuè, si illos honores desiderant, quos alij iam, eis indigni, consecuti sunt. Deniq; illi faciliè indignantur, qui præclara de se ipsis iudicia faciunt, atq; eis rebus se dignos putant, quibus alios non putant, atq; hac de causa, qui seruili ingenio sunt, & abiecti homines, & honoris contemptores, non mouentur ad indignationem; nihil enim est eiusmodi, quo se dignos existiment. Ex ijs, quæ dicta sunt, etiam manifestum est, quando uel gaudere, uel saltem non dolere debemus, cum aliqui homines aduersa fortuna premuntur, & rem suam infeliciter agunt: aut, quæ cupiunt, non consequuntur: nam ex contrarijs contraria perspicua sunt. Quapropter his rationibus orator sanè iudices ita præparare sua oratione poterit; ut, eos, qui sui misereri dicunt oportere, doceat indignos esse, qui misericordiam

consequantur: non autem fieri posse certum est, ut eorum quis misereatur, qui misericordia sunt indigni.

N E Q V E illud obscurum est; propter quæ bona, & quibus hominibus, & quomodo affecti soleant inuideri: siquidem inuidia, est ægritudo quædam, concepta ex felicitate eorum bonorum, quæ dicta sunt, cum paribus ac similibus eueniunt; non, ut, qui inuidet, aliquod inde commodum ferat, sed, quia nollet eos, quibus inuidet, ea bona possidere. Illi autem inuidia mouentur, quibus aliqui pares sunt, aut uidentur; pareis autem uoco aut genere, aut cognatione, aut ætate, aut habitu animi, aut dignitate, aut fortuna: & qui omnia ferè bona consecuti sunt. quo fit, ut, qui res præclaras gerunt, & qui fortunati sunt, ad inuidiam sint procliuēs; quoniam, quicquid alijs boni contingit, id sibi eripi existimant, & qui eximios honores in aliqua re sunt adepti; & præcipuè, qui sapientiæ, uitæq; beatæ compotes esse uidentur: et, qui gloriæ sunt appetentes, magis inuidi sunt, quam quos gloria non commouet: & qui sapientes uideri uolunt, cum eius gloriæ sint appetentes, quæ sapientiæ debetur. Deniq; qui in aliquo studio laudem assequi cupiunt, omnibus inuident, qui in eodem cursu uersantur: et qui angusto pusu illos sunt animo: nam eis omnia uidentur esse magna. At uerò propter quæ bona soleant inuidere, iam dictum est. omnes enim res, atq; opera, ex quibus laudem, honorem, & gloriam quærunt, et omnia fortunæ commoda gignere inuidiam solent; & ea maxime, quæ aut ipsi appetunt, aut se habere oportere censent. Ob eas etiam res inuidia mouetur, quibus se aut paulò superiores, aut paulò inferiores esse uident.

Nec dubium esse potest, quibus inuideant; nam hoc unum cum alijs dictum est. Illi enim inuident, qui propinqui sunt, aut tempore, aut loco, aut etate, aut gloria: quam obrem illud uulgo celebratur;

Vicinus inuidere uicino solet.

Inuident etiam illis, quibuscum de honore certant. certant autem cum ijs, quos modò diximus: cum ijs uerò, qui multis antea seculis uixerunt, aut postea sunt orituri, uel qui iam mortui sunt, nemo de honore contendit; neq; cum ijs, qui apud Herculis columnas habitant: neq; cum ijs, à quibus putant se longo interuallo aut suo, aut aliorum iudicio superari, neq; contra cum ijs, quibus se multum præstare existimant, & quod de personis, idem etiam de rebus sentiendum. Quoniam autem æmulos studiorum suorum, & riualeis, & deniq; omneis, qui eadem desiderant, superare contendunt, necesse est etiam, ut eisdem maxime inuideant: undè dictum est,

Et figulus figulo. =

Et, qui serò, uel nunquam id, quod cupiebant, assecuti sunt, ijs inuident, qui celeriter idem, ac facile acquisierunt. Atq; illi etiam inuident, qui id quærunt, quod, si assequi potuerint, & ad exitum perducere, probro ipsis futurum sit: nanq; etiam huiusmodi homines propinqui ac similes sunt. perspicuum est enim, ipsorum culpa fieri, ut id non assequantur, quare dolor, molestiaq; , quam ex eo capiunt, inuidiam gignit. Eis præterea solent inuidere, qui possident illa, quæ ipsis conueniebant: aut quæ quondam ipsi possidebant: quare senes iunioribus inuident. Et, qui magnos sumptus in aliqua re comparanda fecerunt, ijs inuident, qui paruo sumptu rem eandem



affecuti sunt. Quin illud quoq; planum est, quas ob res huiusmodi homines gaudeant, & quibus in personis, & quomodo affecti: quo enim modo non sunt affecti, cum dolent, eodem modo affecti, contrarijs rebus latrabuntur. Quod si ita preparati iudices fuerint, et demonstratum erit, eos, qui uel misericordiam, uel aliquod bonum consequi digni habiti fuerant, tales esse, quales diximus, planum est, eos nunquam misericordiā consecuturos ab illis in quorū potestate res tota posita est. Iam uerò, quomodo affecti sint, qui emulātur, & quæ bona, & in quibus hominibus posita, soleant, emulari, deinceps perspicuū fiet.

EST enim emulatio, quædam ægritudo, quæ nascitur ex eo, quod in similibus ac paribus uideantur esse bona quædā honorifica, quæ bona possint etiam in eum cadere, qui ita afficitur: non, quod alij bona illa euenerint, sed, quod eis ipse careat. quo fit, ut emulatio bona sit, & bonorum uirorum affectio: sed inuidia mala est, & malorum hominum: nam emulatio concitat hominem, ut talis fiat, quod possit illa bona consequi: sed inuidia proximum conatur eisdem bonis spoliare. Necessè est igitur eos ad emulandum procliuēs esse, qui se eis bonis, quæ nō habent, dignos existimāt. nullus enim eis se bonis dignum censet, quæ nullo modo fieri posse uidentur. Quapropter adulescentes, & magnanimi uiri solent emulatores esse: & qui ea bona possidēt, quæ honoratis uiris conueniunt. tali uerò sunt diuitiæ, copia amicorum, magistratus, & cætera eius generis. nam, quia huiusmodi bona cōueniunt eis, qui bene animo conformati sunt: tamquam ipsis quoq; conueniat probè esse uiris, idcirco talia bona emulantur. Atq; illi etiā emulatores sunt: quos

alii bonis dignos existimant. Et quorum aut maiores, aut cognati, aut domestici, aut gens, aut ciuitas in precio ac honore fuit, earundem rerum emulatores sunt: nam ea iam propria esse bona putant; atque illi se dignos arbitrantur. Quod si bona, quibus honos debetur, emulanda sunt, necesse est uirtutes eiusmodi esse: et quaecumque bona sunt alijs utilia, et benefica; nam omnes beneficos, et probos uiros honorant, atque in precio habent: nec non cuncta illa, quibus propinqui ac uicini frui possunt; quales sunt diuitiae, pulchritudo magis, quam bona ualetudo.

Neque obscurum est, quinam sint emulandi, nempe ij, qui huiusmodi bona possident, qualia sunt ea, quae diximus, ut fortitudo, sapientia, magistratus; nam qui magistratum gerunt, de multis benemereri possunt, imperatores, oratores, ceterique omnes, qui talia prestare possunt: illi etiam emulandi sunt, quibus plurimi similes esse student; uel, quibus plurimi noti, uel amici fieri cupiunt: et quos multi admirantur, aut, quos ipsi illi admirantur: et, quorum laudationes, et encomia uel à poetis, uel ab oratoribus praedicantur. Contemnunt autem eos, qui sunt his contrarij: contemptio enim emulationi contraria est, et emulari, atque contemnere sunt inter se contraria. necesse est autem eos, qui ita affecti sunt, ut uel aliorum emulatores sint, uel sui emulatores, habeant; contemptores esse eorum hominum, qui sunt malis ijs obnoxij, quae contraria sunt illis bonis, quae emulamur. Quare saepe numero fortunatos homines, cōtēnūt, cum eis quidem fortuna prospera est sed tamē sine ijs bonis, quibus honor tribui solet. Sed iam satis dictum est, quibus modis perturbationes animis inserantur, aut euellantur iustae; unde fidei faciendae ratio

nes ducuntur. Postea de moribus sermonem instituemus; qui secundum animi commotiones, habitus, etates, fortunas uariantur. uoco autem animi commotionem, iram, cupiditatem, ceteraq; eius generis, de quibus supra diximus, habitus uero, uirtutes, & uitia: sed de his etiam ante dictum est, & simul explicatum, quæ sibi singuli homines proponant, & quarum rerum gerendarum studio teneantur: etates autem sunt adolescentia, media ætas, senectus, fortunas uero uoco nobilitatem, diuitias, ciuilem potentiam, & ea, quæ sunt his contraria: & deniq; prosperitatem, & infortunium.

ADOLESCENTES igitur, quod ad mores attinet. cupiditatibus æstuant; Atq; illa conantur efficere, quæ concupierint, Sed ex omnibus corporis uoluptatibus maximè Veneri dediti sunt; Atq; in ea potissimùm incōtinētes esse solent: uerùm facile mutantur; et ea, quorum cupiditate trahuntur, citò fastidiunt. Et uehementi quidem cupiditate mouentur, sed in eis ardor ille celeriter extinguitur: illorum enim uoluntates acutæ quidē sunt, sed non tamen diuturnæ, qualis ægrotorum sitis, ac fames esse solet. Præterea facile excandescunt, & leui de causa irascuntur; Atq; illum animi impetum sequuntur, et omnino semper inferiores, & uicti ab ira discedunt: nam propter ambitionem, ac honoris studium pati non possunt, ut ab ullo negligantur, sed grauitè ferunt, cum se iniuria offendi existimant. Et ambitiosi sunt, uel potius uictoriae cupidi: cupit enim adolescentia ceteris antecellere, uictoria uero quædā excellētia est. Et hæc ab eo potius, quam studiū pecuniæ sequuntur: neq; enim pecuniæ desiderio trahuntur; quoniā egestatem aut indigentiam non

dum experti sunt, quemadmodum illud Pittaci dictum in Amphiaräum ostendit. Neque prauo ingenio sunt, sed simplices et aperti, quia nondum multa flagitia didicerunt. Sunt etiam creduli, quia non saepe decepti sunt. Et bona spe aluntur eo quod natura calidi sunt; non aliter, Atque illi, qui uino madent: simul etiam, quia nondum multis in rebus spe frustrati sunt, magnaque ex parte spe uiuunt. est enim spes futuri temporis, memoria uero praeteriti: adolescentibus autem, quod futurum tempus, longum est, quod uerò praeteritum, est paruum. primis enim temporibus aetatis nihil est, quod se meminisse putent; omnia uerò sperant. Et propter hanc, quam dixi, causam facile decipiuntur, quia facillime sperant. Fortiores quoque sunt alij, quoniam iracundi, ac spei semper pleni. quorum alterum non timere, alterum confidere facit neque enim quisquam iratus timet, et qui boni aliquid sperat, audentior euadit. Et uerecundi sunt quia, nihil aliud adhuc honestum esse censent, nisi, quod ex institutione, legeque didicerunt. Sunt etiam magnanimi adolescentibus, quia nondum uitae miseriae senserunt: sed expertes sunt earum, quae in uita accidunt, necessitatum. nam, se magnis rebus dignum esse censere, magnanimitas est: hoc autem eius est proprium, qui spei plenus sit. Et ea potius amplecti uolunt, quae honesta sunt, quam, quae utilia, magisque ex institutione uiuunt, quam ex ratiocinatione: nam: ratiocinatio ad utilitatem impellit, uirtus autem ad honestatem. Et studiosi sunt amicorum, atque sodalium magis, quam in alijs aetatibus constituti, propterea, quod eorum consuetudine delectantur, et nondum quicquam ad utilitatem referunt, ita neque amicos,

Et quicquid peccant, in eo, quod est maius & uehementius, peccant, et contra Chilonis præceptum omnia nimis faciunt. nimium enim amant, nimium oderunt, atq; ita in alijs rebus omnibus: quippe qui & se scire omnia existiment, & asseuerent omnia, quæ causa est, ut nimis etiam omnia faciant. Et, quas iniurias faciunt, eas propter contumeliam, non propter maliciam, inferunt. Et faciliè misericordia commouentur, quoniam omneis probos esse, ac meliores, quàm sint, existimant: sua enim ipsorum innocentia cæteros metuantur, itaq; illos indigna pati iudicant. Et risus studiosi sunt, quo fit, ut facetiiosisq; sint: urbanitas enim, erudita quædam contumelia est, Tales igitur sunt adolescentium mores, At uerò senes, et qui iam grandes nati sunt, contrarijs ferè moribus plerunq; præditi sunt. Quoniam enim multos annos uixerunt, pluribusq; in rebus decepti sunt, atq; ipsi aberrarunt, & magna negotiorum pars malis abundat: nihil planè confirmare solent, ac longè minùs, quàm oporteat, omnia tractant, & se opinari, non scire quicquam, prædicant. et de quaq; re ambigentes, semper adiungunt. For san, & Fortasse, atq; ita omnia dicunt, nihil autem asseueranter efferunt. Et ingenio prauo, morosoq; sunt: est enim cacoëthia, uitiū, cū in deteriorem partem omnia capiuntur. Et suspiciosi sunt eò, quòd nemini credant: credunt autem nemini propter experientiam & usum. atq; eadem de causa neq; uehementer amant, neq; uehementer oderunt: sed ex Bianthi præcepto amant, itaq; amosuri, et oderunt, tanquam amaturi. Parui quoq; animi sunt, quoniam longa ætas eorum spiritus fregit: nihil enim magnū, nihil eximium appetunt, sed ea tantū.

quæ sunt ad uitam necessaria, cupiunt, Atq; illiberales sunt; nam pecuniæ in eis numerantur, quæ sunt ad uitam necessaria: simul etiã longo usu didicerunt, quàm difficile sit pecuniã acquirere, et quàm facile sit eandẽ amittere. Sunt etiam timidi, semperq; uerentur, ne aliquid sibi mali contingat: nam contrario modo affecti sunt atq; adolēscētes. sunt enim gelidi ac refrigerati, adolēscētes autē feruentes, quare senectus aditum timiditati patefecit, timor enim refrigeratio quædam est. Et cupidi uitæ sunt, presertim exacta ætate, atq; extremo tempore: cupiditas enim absentium rerū est, & omnes, cuius rei indigētes sunt, eam maximè desiderāt. Difficiles etiam, & quærule sunt. quod ipsum quandam animi angustiam indicat. Et in uiuendi ratione sibi utilitatem, non honestatem proponunt; atq; hoc supra modū faciūt eo quod sui ipsorum amātes sint. nam, quod utile est, priuatum usum respicit, quod autem honestum est, communem. Inuerecundi quoq; potius, quàm uerecundi sunt: cū enim nō æquè honestatē, ac utilitatē curēt, parui faciunt etiam, quales uideantur. Neq; ulla speducuntur cū propter experiētiã, magna enim negociorum pars malis abundat, undē fit, ut in deteriorem partem pleraq; cadant, tum etiam propter timiditatē. uiuuntq; memoria potius, quàm spe, quod enim reliquū est uitæ, paucum est, preteritū autē est multū, & spes ipsa futuri tēporis est, memoria uerò præteriti. quæ quidē causa est etiã loquacitatis in senibus: neq; enim cessant ea narrare, quæ superiori tēpore gesta sūt, quoniã ex recordatione uoluptatē capiūt. Iræ senū acres quidē, et acutæ sunt, sed tamē ibecilles, cupiditates uerò partim omnino defecerunt, partim autem languidæ factæ sunt.



itaq; neq; cupiditate flagrant, neq; aliquid impulsu cupiditatis effeciunt; sed ad lucrum omnia referunt: quare temperati esse videtur huiusmodi homines: cupiditates enim remiserunt; et pecuniæ seruiunt. Et magis in degenda uita ratiocinationem, quam morem sequuntur; nam ratiocinatio ad utilitatem, mos ad uirtutem spectat. Et, quas iniurias faciunt, magis propter cõtumeliã, inferunt. Mouetur etiã misericordia; nõ tamẽ ea ratione, qua iuuenes, nam iuuenes propter humanitatẽ, senes propter imbecillitatẽ misericordes sunt: existimãt enim omnia incõmoda sibi ita uicina esse, ut ea iam passuri sint, hoc autem misericordiæ propriũ est. unde queruli sunt ac morosi, minime uerò faceti, neq; iocorũ studiosi: querulũ enim, & iocosum cõtraria sunt. Adolescẽtiũ igitur, & seniorum mores huiusmodi sunt. Quare, cùm omnes eas oratiões approbent, quæ moribus suis conueniunt ac, similes sunt; nequaquam obscurum est, quomodo possint oratores ita dicere, ut & ipsi, et orationes suæ tales esse uideantur.

Q V I in media ætate constituti sunt, perspicuum est, eos mores etiam medios seruare &, quod in utrisq; illis nimium est, amputare. Neq; enim ualdẽ confidentes, quod est audaciæ, neq; ualdẽ timentes sunt, sed in utroq; se bene gerunt. Neq; omnibus temerẽ credunt, neq; omnibus fidem derogant, sed ex ueritate potiùs omnia iudicant. Neq; tantũ sibi honestatem in degenda uita, neq; tantũ utilitatem, sed utranq; proponũt. Neq; ad parsum mouam, neq; ad largitionem inclinant; sed ad id, quod maximẽ cõuenit. Eodem pacto se habent in eis, quæ ad iram, & ad cupiditatem pertinet. Et temperantes sunt cum fortitudine, & fortes cum temperantia.

nam in adolescentibus, & senibus hæc distincta sunt: adolescent'es enim fortes sunt, uerùm intemperantes, senes autem temperantes sunt, sed timidi. Atq; (ut in summa dicam) quascunq; res utileis adolescentia, & senectus inter se diuiserunt, eas simul omneis habet ætas media: in quibus autem illæ ætates uel excedunt, uel deficiunt, eas ad mediocritatem, et conuenientiã hæc eadem ætas adducit. Viget autẽ maximè corpus ab anno trigesimo ad quintum et trigesimũ usq; mentis autẽ uigor atq; animi nono & quadragesimo anno maximè perspicitur. Ac de adolescentia quidem, senectute, & media ætate, earumq; singularũ moribus hæc dicta sufficiant. At uerò de fortunæ bonis, quæ mores hominũ uariare solèt, deinceps dicamus.

**NOBILITATIS** ille mos est, ut, qui eam possidet, honoris sit appetentior. est enim hoc commune omnium, ut, cùm bonum aliquod possident, illud accumulare studeant. Nobilitas autem parentum, ac maiorum dignitas est, quàm qui possident, ad alios contemnendos proni sunt: atq; illos etiam, qui in eisdem honoribus sunt, in quibus ipsorum maiores fuerunt, quoniam hæc interuallo temporis remota magis, quàm propinqua ac nuper facta, solent honorari, & gloriatione digna uideri. Nobile uerò dicitur id, quod in familiæ uirtute consistit: generosum, quod à maiorum suorum natura non degenerat. quod maiori ex parte nobilibus non contingit: multi enim uult atq; abiecto animo sunt. Ut enim in agris, & ijs, quæ terra nascuntur, sic etiam in familijs plerunq; foetus uberior existit. & interdum, si bona familia fuerit, nascuntur in ea per aliquod tempus eximij uiri: deinde paulatim iterum se remittit,

nam præclari ingenij familiæ in mores infaniores degenerant, ut, qui ab Alcibiade genus ducunt, & à Dionysio priore: quæ uerò stabili pacatoq; ingenio sunt ad stoliditatem, et ignauiam delabuntur, ut, qui à Cimone, et Pericle, et Socrate progeniti sunt. Qui autem mores à diuitijs proueniāt, in promptu est omnibus uidere. Sūt enim diuites contumeliosi, ac superbi. hanc uerò labem inurit eis diuitiarum copia, nā ita sunt affecti, quasi omnia bona possiderent. sunt enim diuitiæ, quasi præciū ac æstimatio dignitatis omnium aliarū rerū: unde fit, ut diues omnia sibi emere, ac parare posse uideatur. Sunt etiam delicati, et arrogantes. ac delicati, quidem sunt cū propter ipsas diuitias, in quibus uersantur, tum, quia felicitatē suā ostētare gaudent: arrogantes autem et elati, quoniam omnes ferē in eis rebus uersari solent, quas ipsi amant, atq; admirantur, & quia putant alios eadem æmulari, quæ ipsi sumspiciunt. Atq; hæc iure suo quodā modo faciunt: multi sunt enim, qui illorum ope, qui facultates habēt, indigeāt. unde illud est Simōidis poetæ dictū de sapientibus, et diuitibus. cū enim Hieronis uxor ab eo petisset, utrum præstaret, diuitē ne esse, an sapientē diuitē, respondit: dixit enim, se passim uidere sapientes, in foribus diuitū commorātes. Atq; etiam ideò sunt arrogātes, quia se dignos imperio censent. nam ea se tenere putant, quæ qui possident, alijs imperare digni sunt. Verū (ut in summa dicā) insipientis fortunati diuitiæ mores exprimunt. Plurimum uerò differunt mores eorum, qui nuper diuites facti sunt, ab eis, qui iam pridem erant diuites: quod noui diuites magis omnibus uitijs, atq; illis deterioribus cumulati sunt; quædam enim est quasi ignorantia diuitiæ

rum, nuper esse ditatum: & iniurias inferunt, non quidem ob maliciam, sed uel per contumeliam, uel per incontinentiam; ut, cum pulsant homines, et stuprum committunt. Eodem modo mores eorum, qui cum imperio ac potestate sunt, maiori ex parte sunt perspicui. Partim enim iisdem moribus præditi sunt, quibus diuites, partim melioribus: sunt enim potentes honoris appetentiores, & animo magis uirili, quam diuites. expetunt enim eas res, quas propter potentiam tractandi facultatem habent. Sunt etiam multò magis studiosi propter curam ac diligentiam, quam habere coguntur, ut potentiam conseruent. Sunt excelsi potius animo, quam molesto: dignitas enim eos conspectiores efficit, atque hac de causa modeste se gerunt. est autem excelsitas, animi quædam lenis, & honesta grauitas, Quod si fortè potètes iniuriā inferāt; nō ī paruis, et minutis rebus, sed ī magnis obesse studēt. Fortunæ prosperitas eos mores habet, qui sigillatim explicati sunt. nam quæ magnæ prosperitates esse uidentur, ad hæc, quæ modò diximus, tendunt: et præterea bonam magnamque liberorum copiam, & quæ corporis bona sunt, fortunæ prosperitas adfert. Solent autem homines superbiores, & inconsiderantiores ob prosperitatem esse: in illo uerò uno quod optimum est, fortunati excelsunt; quod pie deos colunt, Atque in illos bene affecti sunt, etque confidunt propter ea bona, quæ beneficio fortunæ consecuti sunt. Ac de moribus quidē, qui ab ætate, atque à fortuna proueniunt, satis dictum est. nam, quæ sunt ijs, quæ diximus, contraria, facile ex contrarijs intelligi possunt, ut, quæ sint pauperis, et infortunati, et impotètis mores.

ILLUD uerò non dubium, est quin, omnis usus orationum,

orationum, quæ persuadendi vim habent, ad iudicium referatur. in ijs enim rebus, quas nouimus, & de quibus iam iudicauimus, non ampliùs opus est oratione. Est autem iudicium etiam, si quis cum uno tantùm probabili oratione utatur, uel suadendo, uel dissuadendo, ut qui admonent, aut aliquid persuadere conantur, facere solent: neq; enim minùs est iudex, quod unus tantùm sit. nam quicumq; est ille, cui aliquid persuadendum sit, is (ut in summa dicam) iudex est, siue contra litigantem quis disserat, siue propositam aliquam causam defendat: nam oratione uti necesse est, atq; illa refellere, quæ contra dici possunt; cùm eis enim, tanquam cum aduersario, contendit: eadem ratio est etiam in exornationibus; ad auscultatorem enim, tanquam adiudicem, habetur oratio. Sed omnino tamen propriè dicitur ille iudex, qui in ciuilibus controuersis de ijs, quæ in quæstionem ueniunt, sententiam fert. nam de controuersis, quæ in foro uersantur, & de quibus in concione consultant, quòmodo sese habeant, quæritur. Quod autem ad Rerump. mores attinet, in deliberatiuo genere satis à nobis antea dictum est. quare simul etiam declaratum uideri potest, quòmodo, quibusq; rationibus possimus oratione nostra singularum mores exprimere. Cùm autem in unoquoq; dicendi genere diuersi fines sint; & de omnibus eis sumptæ sint ac declaratæ opiniones, atq; propositiones, ex quibus fidem faciunt, & qui deliberant, & qui laudant, & qui litigant; & præterea demonstratum sit, undè ducantur orationes, quæ benè mores exprimant: superest, ut ea commemoremus, quæ communia sunt omnium generum. Necesse

est enim, ut in omni genere dicendi quærat, quid fieri, aut non fieri possit: & hi quidem demonstrare conentur aliquod futurum, illi uerò factum esse. quinetiam de magnitudine rei differere, commune est omnium generum: omnes enim & amplificare, & immihuerere solent, & suadentes & dissuadentes, & laudantes & uituperantes, & accusantes & defendentes, Hæc postquam explicauerimus, tunc communiter de enthymematibus, siquid habemus, dicere conabimur; ac de exemplis etiam, ut, quæ reliqua sunt, adiungentes, incepto operi finem imponamus. Ex locis autem communibus amplificatio demonstratiui generis est maxime propria, sicuti antea dictum est, quod uerò factum est, iudicialis generis: de factis enim rebus iudicium fieri solet. denique, quod fieri potest, & futurum est deliberantibus conuenit, Primum igitur de eo, quod fieri, aut non fieri potest, uerba faciamus.

AC quidem, si contrarium eiusmodi est, ut aut esse, aut factum esse possit; etiam alterum contrarium eandem naturam habebit: ut, si fieri potest, ut aliquis bonam ualeitudinem recuperet, eundem etiam in morbum incidere potuisse, certum est. eadem enim est contrariorum potestas, quatenus contraria sunt. Et, quæ similia sunt, si alterum eorum fieri potest, etiam alterum poterit. Et, si quod difficilius est, effici potest; etiam id, quod est facilius, poterit effici. Et, siquid potest fieri bonum, aut pulchrum, id etiam simpliciter fieri poterit. difficilius est enim, domum esse pulchram, quam domum esse. Et, quod principium habere potest, id etiam finem habebit. nihil enim sit, neque fieri incipit eorum, quæ nullo modo fieri possunt; ut, quod dimetiens lateri sit comparabilis,



hoc neq; initium capit sui ortus; neq; fit. Et, quod finem habere potest, id etiam principium habebit: nam à principio cuncta proueniunt. Et, si quod posterius natura, aut ortu factum esse contingit, etiam id, quod prius est: ut, si fieri potest, aliquem esse uirum factum, idem etiam puer fieri potuit; nam hoc prius fieri solet, & contrà, si quis puer fieri potest, etiam uir fieri poterit; nam illud est principium. Illa quoq; effici possunt, quorum amor, & cupiditas à natura instita est. nam plerunq; fit, ut nemo diligat, aut cupiat ea, quæ fieri nullo modo possunt. Et ea, quorum scientiæ, atq; artes sunt, naturā hanc habent, ut esse, et gigni possint. Et ea fieri possunt, quorum principium ortus est, in eis, quæ nos cogere, aut persuadere possumus. hæc autem sunt, quibus aut opibus præstamus, aut domini sumus, aut amici. Et, quorū partes effici possunt, etiam totum, & contrà, si totum fieri potest, etiam partes. nam si obstragulum, & ligula, & solea fieri possunt; etiam calcei possunt fieri: & si calcei, potest etiam obstragulum, & ligula, & solea. Et, si genus fieri potest, etiam species fieri poterit, & si species, etiam genus: ut, si nauis fieri potest, etiam triremis: & si triremis, etiam nauis. Et, si alterum eorum, quæ sub eandem rationem cadunt, fieri potest, etiam alterum poterit: ut, si duplum fieri potest, etiam dimidium poterit, & si dimidium, etiam duplum. Et, quod sine arte, atq; apparatu fieri potest, id magis adhibita arte, ac diligentia fieri poterit: undè ab Agathone dictum est,

Fortuna quædam agenda nobis obijcit;

Quædam simul fert casus, & necessitas.

Et, siquid à deterioribus, uel impotentioribus, uel im-

prudentioribus fieri potest, id multò magis ab ijs, qui sunt hīs contrarij fieri poterit: unde dictum illud Isocratis; qui rem indignam esse dixit, & grauem. si Euthynus quidem didicisset, ipse uerò non posset inuenire. Quae uerò fieri non possunt, facile percipiuntur ex contrarijs eorum, quae dicta sunt.

**Q V O D** si quærat, utrum aliquid factum sit, an non factum, hīs modis considerari potest; Primo: si, quod à natura fieri minùs est aptum, factum est, etiam id erit factum, quod fieri magis est aptum. Et, si, quod posterius fieri consuevit, factum est; id etiam, quod prius, factum est: ut, si quis rem aliquam oblitus est, etiam aliquando illam didicit. Et, si quis quippiam efficere potuit, & uoluit, non dubium est, quin fecerit; omnes enim, cum aliquid possunt, & uolunt, id etiam efficiunt, cum nihil eis impedimento sit: & si uoluntatem habuerit, nullaq; res eum externa prohibuerit: & si res illa fieri potuit, & qui fecisse dicitur, iratus erat: & si facultatem habuit, & concupiuit: nam pleriq; si potuerint, ea faciunt, quorum desiderio tenentur; improbi quidem propter incontinentiam, probi uerò quia res tantum iustas desiderant: & si quid futurum erat, aut aliquis facere paratus erat, nam probabile est, cum quis facturum fuerat, etiam fecisse, & si omnia facta sunt, quae naturae ordine uel ante illud, uel eius gratia fieri solent; ut, si fulgurauit, etiam tonuit, & si sollicitauit, etiam confecit. Et, si ea facta sunt, quae naturae ordine postea consequuntur, uel quorum gratia fiunt alia; factum etiam illud est, quod est prius, & quod aliorum gratia fit: ut, si tonuit, etiam fulgu-

rauit, & si confecit, etiam sollicitauit. Ex his autem omnibus aliqua necessaria sunt; aliqua maiori ex parte fieri solent. Quod uero non factum esse dicitur, facile probatur ex contrarijs eorum, quæ dicta sunt. Atque ex ijsdem locis intelligitur etiam, quid futurum sit. Nam, quod est in potestate nostra, atque uoluntate situm, id etiam erit. Et, quæ cupiditas iubet, & ira, & cogitatio, si potestati coniuncta sunt, erunt. Præter ea, si in prociectu est, ut fiat, aut, si futurum est, erit; nam plerumque fiunt ea potius, quæ futura erant, quam, quæ non futura: & si iam omnia extiterunt, quæ natura præcedere solent: ut, si nubes coactæ sunt, imber crit. Et, si, quod huius gratia fit, factum est, uerisimile est etiam, hoc futurum: ut, si fundamentum, etiam domus.

DE magnitudine autem & paruitate rerum & de maiore & minore, & omnino de magnis & paruis ex ijs, quæ iam tradita sunt, nobis perspicuum esse potest. nam in ijs, quæ diximus de genere deliberatiuo, de magnitudine etiam bonorum, & de maiore ac minore simul diximus. Quare, cum in unoquoque genere finis propositus bonus sit, & utilitas, honestas, æquitas; perspicuum est, inde sumendas esse cuiusque generis amplificationes. At uero præter hæc de magnitudine simpliciter, & de exuperantia querere, nanem est suscipere sermonem. nam ad usum, maiorem adferunt utilitatem, quæ sigillatim traduntur, quam, quæ generaliter atque uniuersæ. Ac de eo quidem, quod fieri potest aut non potest, & utrum aliquid factum sit an non factum, & utrum futurum sit an non futurum, denique de magnitudine & paruitate rerum hæc dicta sufficiant. Reliquum est, ut de

probationibus, quæ communes sunt omnium generum, dicamus, cum iam de proprijs dixerimus.

SUNT autem communium probationum genera duo, exemplum, atq; enthymema: nam sententia enthymematis pars est. primò igitur de exemplo dicamus, quod inductioni perquam simile est, inductio uerò quodam est principium. Duo sunt exemplorum genera: alterum, quo res gestas commemoramus, alterum, quo nos ipsi fingimus aliquid pèrinde, ut gestum. atq; hoc secundum genus iterum diuiditur in duo, quorum alterum collatio, alterum fabula dicitur; quales sunt Aesopica, & Lybica fabulae. Est autem exemplum, res quædam huiusmodi: ut, si quis diceret, oportere contra Persarum regem arma parare, neq; pati, ut in suam potestatem Aegyptum redigat. Etenim antea Darius non prius in Græciam traiecit, quàm Aegyptum cepisset: sed ea capta traiecit: atq; iterum Xerxes non prius Græciam inuasit, quàm Aegyptum occupauit: qua cum potitus esset, tunc inuasit Græciam. Quare etiam iste, capta Aegyo, copias in Græciam traiciet, non igitur hoc illi permittendum. Collatio est, qua Socrates frequenter uti solebat: ut, si quis dicat, magistratus sorte creari non oportere; Nam id esset simile, ac si quis athletas eligeret sorte: non, qui pugnare ualeant, sed qui fortè contigerint: uel, sorte ducta, nautarum aliquem sumeret, cui nauis gubernanda traderetur: tanquam oporteat eum, quem fors uoluerit, non qui peritus sit, nauem gubernare. Fabula est, ut ea Stesichori contra Phalarim, & Aesopi de turbulento oratore. Stesichorus enim, cum Himerenses ducem exercitus sui cum summa

potestate Phalarim creassent, atq; illi custodes corporis dare constituissent: cū alia multa differuissent, tandem eī hanc fabulam narrauit: Equus olim pratum solus depascebat, cū ceruus superueniēs illi pascua disturbauit. equus uerō, ceruū punire cupiens, quendam hominem interrogauit, an sibi suam operam in puniendo ceruo prestare posset: ille, se posse, respondit, modō frænum equus reciperet, ac se in dorsum ascendere pateretur, manu iacula gestantem: quam cū equus conditionem accepisset, & hominem dorso recepisset, non modō ceruum non puniuit, sed in hominis seruitutem redactus est. Vos igitur, inquit, caute, ne, cū uelitis hosteis uestros ulcisci, idem, quod equus ille, patiamini, iam enim frænum recepistis, postquam ducem exercitus cum summa potestate Phalarim elegistis: quod si custodes etiam illi corporis dederitis, & ascendere permiseritis: iam in eius seruitutem deuenietis. Aesopus in Samo, cū oratorē quendam turbulentum defenderet, qui rei capitalis instimulabatur, & de uita periclitabatur: ita dixit: Vulpes quædam, cū fluuium pertransire uellet, in uoraginem decidit: & cū exire inde nullo modo posset, multa mala diu perpeffaest, plurimæq; caninæ muscæ cuti eius adhæserunt. cum autem herinaceus per eam regionem uagaretur, atq; illam conspexisset: misericordia motus, interrogauit, an caninas muscas à se abigi uellet. illa uerō non permistit, & cū huius rei causam herinaceus peteret, dixit, Quoniam istæ iam satiatæ sunt, & parum sanguinis exugunt. quod si tu istas abegeris, aliæ; fame confectæ, superuenient, quæ reliquum sanguinem meum totum absument. Eodem modo, inquit, o iuri Samij,

nihil hic orator uobis ampliùs nocet: est enim locuples, quòd si hunc interficiendum curaueritis; alij pauperes succedent, qui depeculantes Remp. pecunias omnes uestras cosument. Sunt autem huiusmodi fabulae concionibus accommodatae: atq; hanc in se còmoditatem habent, quòd arduum est, res gestas, & exempla ijs, quae tractantur, similia inuenire; fabulas autem, facile est, nam eas ita fingere, sicuti collationes licet, modò quis id, quod simile est, perspicere possit: quod ij facile faciunt, qui sapientia studijs incubuerunt. Ac fabulae quidem faciliùs excoGITANTUR, sed in deliberationibus exempla longè sunt utiliora: nam, quae futura sunt, plerunq; paria similiaq; sunt ijs, quae iam facta sunt. Is autem poterit exemplis, tanquam demonstrationibus, uti, qui argumentorum copiam non habuerit: nam per ea fides fit. quòd si quis habet argumenta: debet exemplis pro testimonijs uti, quae tanquam probationes, & conclusiones sint argumentorum. Nam exempla, si praeponantur argumentis, uim inductionis habent; sed oratoribus inductio nò est, nisi paucis admodum locis, accommodata: at uerò, si postponantur, testimoniorum uim habent, testis autem ubiq; ad persuadendum aptus est. atq; ideò, cùm quis exempla proponit: necesse est, ut multa congerat: quòd si postponit, unum satis est; nam etiam testis unus, qui probatae fidei sit, multum adiuuat. Quot igitur sint exemplorum formae, quòmodoq; sit eis utendum, & quo tempore, declaratum est. Quod autem ad sententias dicendas attinet: cùm, quid sententia sit, expositum fuerit, simul etiam perspicuum erit, quibus de rebus, quo tempore, quibúsq; personis conueniat in oratione sententias proferre.



SENTENTIA igitur est enuntiatio, non quidem singularum rerum, aut hominum, ut qualis sit Iphicrates, uerùm generis uniersi: neq; tamen omnium rerum absolutè, generatimq; ut, si quis rectum curuo contrarium esse dixerit sed earum rerum omnium, quæ ad humanas actiones pertinent, & quas in agendo uel expetimus, uel declinamus. Quare, cùm enthymemata nihil aliud ferè sint, quàm argumentationes, si quis in eiusmodi rebus, uel conclusiones, uel principia enthymematum siue argumentatione sumat, erunt sententiæ: qualis est illa,

Quicumq; prudens est uir. is ne liberos,

Optet suos nimis scientes effici,

hæc quidem est sententia, quòd si quis adiungat causam, & cur ita sit, explicet, iam totum simul erit enthymema: ut,

Nam præter eam, cui applicant se, ignauiam,

Parant sibi liuorem acerbum ciuium.

& illa,

Nemo beatus rebus est in omnibus,

rursus illa

Nemo omnium omnino uiroꝝ liber est,

est sententia, sed si iungantur cum sequenti, fiet enthymema;

Fortunæ enim aut est seruus, aut pecuniæ.

Quòd si ea est sententiæ natura, quam diximus, necesse est, quatuor esse sententiæ species. uel enim rationem adiunctam habet, uel sine adiecta ratione proferatur. Atq; illæ rationis ac probationis egent, quæ uel ad mirabile quippiã, uel controuersum enuntiant: quæ uerò

nihil alienum à multorum opinionibus habent, nullius rationis indigent. Ex his quædam sunt, quæ necessario nullam rationem requirunt eò, quòd ab omnibus cognoscuntur; ut illa; Corpus habere bene constitutum, optimum est; ut nobis quidem uidetur: in hanc enim sententiam plerique omnes consentiunt, quædam uerò, simul ac enuntiantur, perspicuæ sunt eis, qui aduertunt: ut illa; Nemo est amans, qui sempiternè non amat, Earum autem, quæ rationis egent, aliquæ sunt enthymematicis partes, ut illa;

Quicumque prudens est uir, =

Et quæ sequuntur: aliquæ uerò uim habent enthymematicis, undè uocantur enthymematicæ, neque tamen sunt enthymematicis partes: quæ quidem etiam magnò opere præcellunt, tales sunt illæ, in quibus eius, quod dicitur, causa apparet: quemadmodum illa;

Ne immortale odium mortali in pectore serues, nam si quis ita enuntiet,

Ne immortale odium serues, =

erit sententia, id uerò, quod adiungitur, -mortali in pectore, =

causam exprimit. eodem modo etiam illa, Eum mortalia curare decet, qui mortalis est, non immortalia.

Ex ijs, quæ dicta sunt, iam perspicuum est, quæ sententiæ species sint, et quibus rebus singulæ conueniant.

Quoties enim de illis ambigitur, aut aliquid præter opinionem continent, tunc semper addenda est ratio: sed uel præponere licet rationem, et uti sententia pro con-  
clusione, ut, si quis ita dicat; Ego quidem, quoniam declinare inuidiam oportet, atque ignauiae nomen fugere,

dico, sapientiæ studijs operam dare non oportere: uel  
 ipsam enuntiare sententiam, deinde rationem addere.  
 quoties autem non sunt quidem præter opinionem, sed ali-  
 quid obscuritatis habent, tunc rotundè, et concinnè ratio  
 est adiungenda. Conuenient etiam huiusmodi locis apo-  
 phthematica Laconica: & quæ per enigmata proferun-  
 tur, ut, si quis idem diceret, quod Stesichorus apud Locren-  
 sels dixit, non oportere contumeliosos esse, ne cicadæ hu-  
 mi canant. Seniori autem homini potissimum conuenit,  
 sententias dicere, atq; illi præcipuè, qui magnum rerum  
 usum habeat: indecorum est enim puero, sententias dicere  
 sicuti etiam, fabulas comminisci. de ijs uerò quenquam di-  
 cere, quorum ignarus est, stulti, ac rudis ingenij propriū  
 est. huius autē rei signum est, quòd agrestes homines ma-  
 ximè sententias loquuntur, et facile de re qualibet enun-  
 tiant. Generatim autē aliquid proferre, quod nequaquam  
 generale sit, maximè conuenit in conuestione, atq; am-  
 plificatione: & hoc uel in principio, uel postquam ali-  
 quid conclusum fuerit, Licebit etiam uti peruulgatis,  
 communibusq; sententijs, si causæ nostræ profuerint.  
 nam, quia communes sunt, tanquam omnium consen-  
 su probatæ, rectè se habere uidentur: ut, si quis, qui ad-  
 hortetur ad periculum subeundum eos, qui litare non  
 potuerint, id dicat, Augurium, ut patriam serues bel-  
 lare, secundum est: & qui concitat inferiores, Mars  
 est communis: & qui adhortatur ad filios inimicorum,  
 etiam innocentis, interficiendos,  
 Stultus qui natos, occiso patre, relinquit.  
 quædam etiam proueria uim sententiarum habent: ut  
 illud prouerbum, Atticus inquilinus. Licet etiam sen-

tentias proferre contra illas, quæ iam pridem sunt per-  
uulgatæ uoco autem peruulgatas, ut illa est, Noscete  
ipsum: & illa, Nequid nimis. Atq; hoc tunc facien-  
dum est, cum uelis, qui dicit, ex ea re melior esse ui-  
debitur, uel aliqua perturbatione commotus erit, est au-  
tem cum animi perturbatione dictum, ut, si quis iratus  
affirmet, falsum esse, quod se ipsum noscere oporteat.  
Nam hic, inquiet, si se ipsum nouisset, nunquam exerci-  
tium ducere se dignum esse censuisset. melior esse ui debi-  
tur, qui dixerit, non esse uerum, quod aiunt ita amare  
oportere, ut aliquando sis osurus, sed potius oportere  
ita odisse, ut sis amaturus. Sed oportet oratione patefa-  
cere, quid ipsi sentiamus: quod si non contingat, causam  
addere oportet, ut, si uel ita dicamus, Amare oportet,  
non quem à modum aiunt, sed tanquam sis semper ama-  
turus, illud enim alterum insidiatoris est: uel hoc modo,  
Nequaquam mihi placere potest id, quod uulgò dicitur:  
uerum enim amicum ita amare oportet, tanquam per-  
petuò sis amaturus, sed neq; illud probo, Nequid ni-  
mis: nam improbos homines supra modum odisse cónue-  
nit. Magnam autem indicendo utilitatem adferunt sen-  
tentia propter inanem auditorum læticiam, & opinio-  
nem, gaudent enim si quis generatim locutus, eas opi-  
niones tetigerit, quas ipsi sigillatim habent, quod au-  
tem dico, clariùs exponam, simul autem perspicuum  
erit, quomodo ipsas opiniones uenari oporteat.  
Nam sententia, quem à modum antea dictum est, gene-  
ralis est enuntiatio. qui uerò audiunt, tunc latantur,  
cum id generatim dicitur, quod ipsi antea in parte ue-  
rum esse credebant: ut, si quis malos uicinos, aut filios

improbos habeat, eum sanè probabit, qui dixerit. Nihil est uicinitate molestius, aut, Nihil stultius, quàm liberos procreare. Quare diligēter oportet aliqua ratione coniungere, quid sentiant, existimentq; auditores. deinde generatim illud enuntiare. Atq; hæc quidem una est utilitas, quæ ex sententijs dicendis, percipitur. Est etiam altera longè melior, quòd sententiæ moratas orationes efficiunt. Orationes autem mores habere dicuntur, in quibus dicentis sensus apperitur: quod in omnibus sententijs dicendis accidit eò quòd, qui sententiam dicit, generatim enuntiat, quid ipse de rebus expetendis sentiat. quare, si bonæ sententiæ fuerint, probum etiam oratorem uideri faciunt. Atq; hæc quidem de sententia, et quid ipsa sit, et quot eius sint species, et quòmodo sit utendum ea, quamq; utilitatem habeat, dicta sufficiant. De argumentis uerò iam generatim primò dicamus, quemámodum ea quæ uere oporteat: deinde sigellatim etiam eorum locos explicemus. sunt enim hæc duæ inter se distinctæ species. Quòd autem entymema, syllogismus quidam sit, antea dictum est; et quòmodo sit syllogismus, et in quo differat à dialecticis; neq; enim, quæ remota sunt, neq; cuncta in colligendo sumere oportet. illud enim obscurum est propter distantiam, hoc autem garrulitatis est eò, quòd perspicua dicuntur. Atq; hæc etiam causa est, cur imperiti homines apud plebem faciliùs, quàm eruditi, quod uolunt, persuaideant: quemámodum poëta quoq; testantur, imperitos in corona plebeiore elegantius dicere docti enim uiri ad res suas probandas communibus et generalibus utuntur; indocti uerò sumunt ea, quæ, congnita habent, atq; in promptu sunt. Quare non ex

omnibus, quæ probabilia uidentur, sed ex certis ac definitis sumenda sunt argumenta, ut ex eis, quæ uel disceptatores ipsi probant, uel ij, quorum sententiam sequuntur. Et illud perspicuum esse debet, uel omnibus, uel maximæ parti ita eis uideri. neq; tantum ex necessarijs colligendū est, sed etiam ex eis, quæ plerunq; fiunt.

ATQVE illud primò sciendum est, necesse esse, ut, qui de aliquare dicturus est, et argumentaturus, uel oratorio syllogismo, uel quocunq; alio, quæ in ea re sunt, cognita et perspecta habeat uel omnia, uel saltem aliqua, nam si nihil cognitū habuerit, nihil erit, unde argumēta ri possis. Dico autē hoc modo, ut, si consilium dandum sit Atheniensibus, utrū bellū suscipiendū sit, nec ne, quōmodo id facere poterimus, nisi copias eorū cognitās habuerimus? utrū nauales sint, an pedestres, an utriusq; generis, et quantæ sint: deinde, quæ sint eorū uectigalia, qui amici, qui inimici: præterea, quæ bella iā antea gesserint, et quōmodo, cæteraq; eius generis. Et, si laudandi fuerint, quōmodo id præstābimus, nisi naualem eorū pugnam, et uictoriam apud Salaminem insulam, aut terrestre prælium in Marathone cognitum habuerimus, aut, quæ pro salute filiorum Herculis gesserunt, et siquid est aliud huius generis? omnes enim à bonis, quæ insunt in aliquibus, uel inesse uidentur, laudare consueuerunt. eodem modo ex cōtrarijs uituperant: aduertunt enim, siquid in eis turpe est, aut, inesse uidetur, ut, quòd Athenienses reliquos Græcos in seruitutem redegerunt, et quòd Aeginetas et Potidæatas, qui cum ipsis contra barbarū pugnauerant, et se strenuè fortiterq; gesserāt, sibi seruire cōegerunt, et siqua sunt huiusmodi. præterea querunt



etiā, an in aliquē alium errorem, aut peccatum uniuersa ciuitas delapsa sit. Idem quoq; in accusando, ac defendendo fieri solet: nam. ea spectantes, quæ insunt, accusant, & defendunt. Nihil autem interest siue de Atheniensibus siue de Lacedæmonijs, siue de aliquo deo siue de homine agatur. etenim, si Achilli consilium dare uoluerimus, aut eum laudare aut uituperare, aut accusare aut defendere: quæ ipsius personæ hærent, aut hæere uidentur. sumenda sunt; ut de illis dicamus, quod si laudamus, aut uituperamus, spectare oportet, siquid in eo sit honestū, aut turpe: si accusamus, aut defendimus: si quid iustum aut iniustum: si consilium damus, siquid est, quod prodesse, aut obesse possit. Idem etiam in qualibet re faciendum est, ut, si queratur, utrū bona sit iusticia, an non bona, ex ijs, quæ ipsi iusticiæ, aut bono insunt, colligere oportet. Quare, cū omnes ita demonstrare uideantur, siue accuratiū, siue negligentiū argumententur, neq; enim ex omnibus sine discrimine, sed ex ijs, quæ singulis rebus adsunt, propositiones sumunt, & hoc cum ratione faciunt, quoniam perspicuum est, aliter fieri nullo modo posse: haud dubium esse potest, quin sit necessarium, quem admodum in Topicis dictum est, in singulis rebus delectas habere propositiones earū rerū, quæ sæpe accidunt, ac maximè oportune sunt. Atq; etiam in rebus, quæ nuper euenerunt, idem ordo seruandus est. neq; enim respicere oportet ad ea, quæ sunt infinita; sed quæ rebus illis adhærent, de quibus est oratio. Atq; illa potissimū colligere, quæ ad rem ipsam quamproximè accedant. quantò enim plura quis habuerit eorum, quæ rebus adsunt, tantò facilius demonstrabit, & quantò ea

propinqua fuerint, tantò ad probandum erunt accommodatiora, & minùs communia. uoco autem communia hoc modo, ut, si quis Achillem laudet, quòd homo fuerit, & quòd ex numero semidecorum, & quòd ad bellum Troianum profectus sit. hæc enim alijs etiam multis acciderunt: quare, qui hæc commemorat, non magis Achillem, quàm Diomedem laudaret. Propria uerò illa dico, quæ nemini alij contigerunt, ut, quòd Hectorem Troianorum optimum interfecerit, & Cygnum, qui, cùm uulnerari non posset, Grecos omnes exire de naui prohibebat, & quòd omnium esset maximè iuuenis, & quòd iureiurando non astrictus, ad id bellum profectus sit, & alia, quæ sunt huius generis. Atq; hic quidem unus est ac prius delectus habendi locus, ijs similis, qui in Topicis traduntur. Quæ uerò sint enthymematum elementa, iam dicamus. elementum autem, & locum enthymematis pro eodem capio. Primum igitur dicamus, de quibus necesse est primum dicere. nam enthymematum sunt species duæ: quædam enim demonstrant, aliquid esse, aut non esse, quædam autem refellunt. quæ ita inter se differunt, sicut in Dialecticis elenchus, & syllogismus. Atq; illud enthymema demonstrare dicitur, quod ex concessis propositionibus concludit illud autem refellere dicitur, quod ex propositionibus non concessis, concludit. Ac iam ferè singulis in dicendi generibus declarati sunt à nobis utiles, ac necessarij loci. nam in unoquoq; genere delectæ sunt à nobis propositiones, & ostensum, ex quibus loci argumenta sumantur de bono & malo, de honesto & turpi de iusto & iniusto. quinetiam de moribus, & ani-

mi commotionibus, & habitus eodem modo locos antea declarauimus. Nunc uerò alio modo generatim atq; uniuersè de omnibus agamus; & dicamus accuratè, qui loci sint ad refellendum, & qui ad demonstrandum accommodati: nec non, undè ducantur ea, quæ speciem quidam habent enthymematum, licet re uera non sint enthymemata, quoniam neq; syllogismi sunt. His autem declaratis, definiemus etiam, undè solutiones, & obiectiones ad argumenta labefactanda sumi possint.

**A T Q V E** unus quidem eorū, quæ demonstrant, enthymematum locus est à contrarijs, spectare enim oportet, an contrario contrarium insit; nam, si non insit, erit negandum, si autem insit, erit affirmandum: ut, si quis probet, temperatè uiuere bonum esse, Quoniam intemperantem agere uitam, noxium est; uel, quemadmodum in oratione Messeniaca, Nam, si bellum præsentium malorum causa est, ea per pacem emendare, ac corrigere opus est, & illud;

Si iniusta in illum est omnis iracundia,  
Qui quempiam læsit per imprudentiam;  
Non est habenda ei ulla iure gratia,  
Necessitate qui coactus profuit;  
& illud;

Falsum quod est, ut sæpe sit probabile  
Dicendo, sic plerunq; contrà usu uenit,  
Vt uera non queant probari ullo modo.

Alius locus est à casibus similibus: nam eodem modo uel inesse, uel non inesse oportet: ut, si quis probare uelit, non omne iustum esse bonum, Nam etiam quicquid iuste fit, bonum esset, nunc autem iuste mori, non est ex

petendum. Alius locus est ab ijs, quæ sub eandem rationem cadunt, nam si eorum alteri contigerit uel honestè, uel iustè aliquid facere; etiam alteri perpeti; & si uni iussisse, etiam alteri paruisse: ut Diomedon publicanus de uectigalibus dixit, Si enim uobis ea uendere non turpe est, neq; nobis emere. & si, qui damnum accepit, honestè, & iustè multatus est; ita etiam, qui damnum illud dedit, & contrà, si, qui damnum dedit, honestè, & iustè fecit; ita etiam, qui passus est. Sed hoc in loco potest existere captio: si enim quispiam iustè necatus est, etiam iustè passus est; uerùm à te fortasse pati non debuit. atq; ideo separatim considerare oportet; an qui passus est, pati dignus erat, & qui fecit, facere debebat: deinde ita ex uti, sicuti causa postulat. nam interdum hæc inter se discrepant; neq; quicquam prohibet, quin discrepare possint; ut in Alcmaëone Theodectis,

Quis non tuæ scelus parentis oderat?

at ille respondit, oportere seorsum hæc distinctèq; considerare: cumq; Alphesibœa rogaret, quomodo; subiunxit ille,

Dignam mori illam censuerunt; non tamen,

A me necandam: =

& quemadmodum in iudicio Demosthenis, & eorum, qui Nicanorem occiderant, postquam enim iustè interfecisse iudicati sunt, etiam ille iustè necatus existimatus est: & de illo, qui Thebis necatus est, de quo iudicium est constitutum, utrùm mori dignus esset; tanquam non iniustum sit, eum interficere, qui mori dignus sit. Alius locus est ex maiore, & minore: ut, Si ne dii quidem omnia sciunt, multò minùs homines. hoc autem est bu-

iusmodi; Si res non inest in eo, in quo magis esse debet: perspicuum est, neq; in eo esse, in quo minus esse debet. illud autem, Qui patrem cedit, etiam propinquos caderet, ex minore: nam, si id inest, quod minus esse debet, etiam id inerit, quod magis esse consuevit. Hic autem locus in utranq; partem ualet: siue rem inesse demonstrandum est, siue non inesse; item etiam, si neq; magis, neq; minus, unde illud dictum est;

Dicendum est ergo miser parens tuus,

Qui filios amiserit; non autem erit

Oeneus miser, cui, Græciæ flos totius,

Extinctus est natus: =

¶ Si non iniuste gessit Theseus, neq; Alexander, ¶

Si Tyndaridæ non iniuste gesserunt, neq; Alexander,

¶ Si Hector iuste Patroclum interemit, etiam Achillem Alexander: ¶ Si alij artifices non sunt improbi,

neq; philosophi: ¶ Si imperatores non habentur mali,

quamuis saepe uocantur, ita neq; sophistæ: Si priuatus

quisq; gloriæ uestræ debet esse studiosus, etiam uos Græ-

corum gloriam curare debetis. Alius locus est à tem-

pore, quod spectandum est: ut Iphicrates in oratione

contra Harmodium; Si prius, quam hæc gererem, po-

stulassem à uobis, ut mihi statuam erigeretis, si ea confe-

cissem, non ne eam mihi decreuissetis? nunc, postquam

confeci, non decernetis? ne igitur committatis, ut, quod

beneficium expectantes, pollicemini, id accepto bene-

ficio, auferatis: ¶ rursus, si quis Th. banks diceret,

debere eos aditum in Atticam Philippo tradere.

nam, si hoc petisset, priusquam contra Phocenses eis

auxilium tulisset, certè polliciti fuissent. absurdum igitur

tur erit; si, quoniam illis fidem habuit, neque id tunc contendit, ei nunc transitum non dederint. Alius locus sumitur ex ijs, quæ contra nos dicuntur; cum ea uertimus in aduersarium. locus autem hic multum excellit, ut in Teucro. quo loco usus est Iphicrates contra Aristophonem, eum interrogans, an ipse accepta pecunia nauis proditurus esset. quod cum ille negasset; Ergo inquit, quod tu, cum sis Aristophon, non fecisses, ego Iphicrates feci? sed oportet aduersarium uideri procliuiorem ad iniusticiam, alioqui res ridicula uideretur: ut si quis hoc contra Aristidem accusantem diceret. sed ad accusatoris perfidiam hoc referendum est, omnino enim debet accusator esse reo melior. hoc autem semper coarguere oportet, generatim autem absurdus est homo ille, qui in alijs ea reprehendit, quæ uel ipse facit, uel nactus occasionem, faceret, uel, qui alijs ea suadet, quæ ipse nec facit, nec ullo modo faceret. Alius locus à definitione: ut, Dæmonium nihil aliud est, quàm uel deus, uel dei opus, qui uerò putat aliquod opus esse dei, necesse est illum etiam deos esse putare: & quod Iphicrates dixit: ille maximè generosus est, qui optimus. etenim in Harmodio; & Aristogitone nihil antè generosum fuit, quàm generosè se gesserunt. & quod ipse propinquior esset; Nam, res, inquit, meæ gestæ magis sunt propinquæ factis Harmodij, & Aristogitonis, quàm tuæ: & quemadmodum Alexandro scriptum est, omnes in hac esse sententia, ut intemperantes eos existiment, qui non unius corporis pulchritudine frui contenti sunt. undè etiam Socrates dixit, ad Archelaum se proficisci nolle propterea, quod contumelia sit, beneficia non posse reddere, non aliter,



atq; non posse iniurias ulcisci. Omnes enim isti; reus ipsam definientes, & quid sit, aperientes, concludunt ea, quæ uolunt. Alius locus est, cùm aperitur, quot modis aliquid dicatur: ut in *Topics* de eo, quod rectè factum dicitur. Alius locus à diuisione; ut, Si omnes, qui iniuriam faciunt, trium rerum aliqua impelluntur; uel hac, uel ista, uel illa: & duabus rebus impelli nullo modo potuit: de tertia uerò neq; ipsi aduersarij instimulant. Alius locus ab inductione. ut illud ex *Peparethia*: matres de filijs ubiq; uerum discernere. nam *Athenis*, cùm *Mantias* orator de filio dubitaret, illi mater indicauit, & *Thebæ*, cùm *Ismenias*, & *Stilbo* de filio contenderent, *Dodonis* *Ismenia* filium esse dixit, itaq; postea *Thessaliscum* *Ismenia* censuerunt: &, quo *Theodectes* usus est in lege; Si nemo proprios æquos eis committit, qui negligenter alienos curarunt; neq; quisquam nauis suas eis tradit, qui alienas euerterunt, &, si hoc in rebus omnibus ita se habet, non debemus eis uti in salute nostra tuenda, qui salutem alienam malè defenderunt: &, quo *Alcidamus* utitur, ut probet, sapientis ab omnibus honorari; *Parij* enim *Archilochum*, quamuis maledicus esset, honorarunt; & *Chij* *Homerum*, quamuis eorum ciuis non esset, & *Mythilenæi* *Sapphonem*, quanquam esset mulier, & *Lacedæmonij* *Chilonem* in senatum elegerunt, cùm tamen ad literarum studia duriores essent, & *Itali* *Pythagoram*, & *Lampsaceni* *Anaxagoram* peregrinum hominem sepulchro decorarunt, & in hunc usq; diem colunt, atq; *Athenienses*, *Solonis* legibus utentes, beati fuere, et *Lacedæmonij*, dum *Lycurgi* legibus usi sunt, et apud *Thebanos*, cùm primum ciuitatis principes

studio sapientiæ se dare cœperunt, statim beata ciuitas  
 extitit. Alius locus à rebus iudicatis aut iisdem, aut si-  
 milibus, aut contrarijs, & præcipue, si omnes semper ita  
 iudicarunt: si minus, saltem quamplurimi, aut qui sa-  
 pientes sunt uel omnes, uel maior eorum pars, aut qui  
 probi uiri sunt: uel, si ipsi iudices aliàs ita statuerunt, uel  
 ij quorum iudicium ipsi iudices sequuntur; uel si ita illi iu-  
 dicarunt, contra quos statuere nihil licet, ut qui domini  
 sunt, aut quibus non honestum est contradicere, quales  
 sunt dei, parentes, magistri: quemadmodum in Mixide-  
 midem Antocles dixit, Si Eumenides sibi honestum esse  
 duxerunt, in Ariopago causam suam tractari, Mixides  
 non honestum sibi ducet: uel, quemadmodum Sap-  
 phò dixit, mori omnino esse miserum, quoniam etiam dei  
 ita iudicarunt: nisi enim ita esset, mori uoluissent: uel, quæ-  
 admodum Aristippus contra Platonem, qui nescio quid  
 (ut illi uidebatur) arrogantiùs dixerat, Atqui son-  
 dalis noster nihil unquam huiusmodi protulit: So-  
 cratem uerò innuebat: & Hegesippus in Delphis Apol-  
 linem interrogauit, cum iam oraculum Olympici Iouis  
 audisset, an eadem illi, quæ patri uiderentur, tanquã turpe  
 esset, contraria sentire: & quod de Helena scripsit Isocra-  
 tes, eam esse raræ uirtutis, quoniã Theseus ita iudicauit,  
 & de Alexandro, quem tres deæ iudicem elegerunt, &  
 de Euagora, quòd uir esset eximius, quoniam, ut ait idem  
 Isocrates, Conon, fractis opibus, alios omnes posthabuit,  
 atq; ad Euagoram profectus est. Alius locus ab cnume-  
 ratione partium: sicut etiam in Topicis, Si anima motus  
 est, quinam est motus: uel enim hic, uel ille: & illud exem-  
 plum ex Theodectis, Socrate, Quod sanum uiolauit &

quem deum non coluit eorum, quos ciuitas ueneratur.  
 Alius à consequentibus. quoniam in plurimis rebus acci-  
 dit, ut eas bonum & malum aliquod consequatur, ex eo;  
 quod sequitur, licet suadere aut dissuadere, accusare aut  
 defendere, laudare aut uituperare: ut, Eruditionem conse-  
 quitur inuidia, quod est malum, & sapientia, quod est bo-  
 num, non est igitur scientijs danda opera, quoniam inui-  
 diam subire non oportet. imò uerò scientijs opera danda  
 est, quoniam sapientem fieri oportet. Hic locus in arte  
 Calippi præcipuè tractatur, in qua sumitur etiam, quod  
 fieri potest, & alia; de quibus à nobis iam antea dictum  
 est. Alius etiam à consequentibus, quando ex duobus con-  
 trarijs, quæ consequuntur, aut suadere, aut dissuadere,  
 opus fuerit, & eo, quo diximus, modo, in utranq; par-  
 tem uti. Differt autem hic locus à superiore, quoniam  
 in eo quæcunq; euenerint, opponuntur, hic autem tan-  
 tum ea, quæ contraria sunt: ut, Sacerdos quidam fi-  
 lium suum in concione uerba facere, & agere cum popu-  
 lo prohibebat. Nam, si iusta dixeris, aiebat, homines te  
 odio prosequuntur, si uerò iniusta, deos offendes. Imò ue-  
 rò, dicet aliquis, concionari oportet. nam si iusta dixeris  
 deos tibi concilias, si iniusta, homines. hoc autem idem  
 est, cum eo, quod uulgò dicitur, Oleum, & salem opor-  
 tet emere. Et hæc ratio εναεσσις, hoc est inuersio, uocatur:  
 cum duorum contrariorum utranq; bonū et malum  
 consequitur ita, ut utraq; sint utrisq; contraria. Alius  
 est locus: quando quidem homines non eadem palam,  
 & occultè probare solent; sed palam quidem iusta &  
 honesta maxime laudant, occultè uerò magis utilia cum-  
 piunt: cum ex his quispiam conatur alterum concludere,

Atq; hic quidem locus præter cæteros qui contra communem opinionem proferuntur, plurimum ualet. Alius locus, cum eadem ex proportionem conueniunt: ut Iphicrates, cum eius filium, qui magno quidem erat corpore, sed adhuc ætate puerili, cogere uellent onera publica sustinere, dixit, Si pueros, qui magno sunt corpore, uiros existimatis, ergo etiam uiros, qui pusillo corpore sunt, pueros existimare debetis: & quo Theodectes usus est in lege; Nam si propter molestiam, probitatemq; mercenarios milites ciuitate donatis, ut Strabacem, & Charidemum: non eos milites mercenarios exterminabitis, qui nefaria scelera perpetrarunt? Alius locus ab euentu, si idem est, ut etiam eadem esse dicantur ea, à quibus id euenit: ut, quod Xenophanes dicebat, eodem modo impios esse illos, qui dicerent deos esse natos, atq; eos, qui dicerent deos interire; Nam utroq; modo fit, ut aliquando dei non sint, & omnino, quod euenit, ex utroq; probare oportet, unum atq; idem esse: ut, Non enim de Socrate, sed de toto hoc studio iudicaturi estis, utrum philosophiæ danda sit opera, nec ne: & terram, & aquam dare, esse, idem, quod seruire; & communis pacis fieri participes, idem esse, atq; imperatum facere. Cum autem alterutrum sumi possit, id erit sumendum, quod nobis utile est. Alius locus est ex eo, quod idem non eadem semper eligunt aut antea, aut postea, sed diuersis temporibus diuersa: ut in illo est entymemate; Si, cum in exilio essemus, pugnauimus, ut in patriam rediremus, nunc postquam reuersi sumus, in exilium abibimus, ne pugnemus? aliquando enim in patria manere pugnando elegerunt, aliquando uero patria potius discedere, quam pugnare, uoluerunt.

Alius locus est, cùm quis dicit aliquid eius gratia esse, aut factum esse, cuius gratia neq; est, neq; factum est: ut, si quis alicui quid donaret, ut illud deinde idem auferens, dolorem inureret. undè etiam illud dictum est,

Felicitates, Atq; opes dat maximas

Fortuna multis, non quòd illos diligit,

Sed de gradu præstantiore ut decidant:

Et illud ex Antiphonis Meleagro,

Non tam necandi causa apri conuenerant,

Quàm maximæ uirtutis ut testes forent

Meleagri apud Græcos: =

Et illud ex Theodactis Aiace, quòd Diomedes Vlysseni socium elegerat, non quòd eum honoraret, sed ut comes se esset inferior. nam etiam hac de causa hoc à Diomede fieri potuit. Alius locus est communis disceptantium, et deliberantium. ut ea consideremus, quæ uel impellere, uel retrahere possunt, et quorum causa solent homines aliquid aut efficere, aut euitare, hæc enim si adsunt, rem aggredi oportet: ut, si fieri potest, si facile est, si utile uel sibi uel amicis, uel noxium et perniciosum inimicis, aut, si minor est poena, quàm id, quod expetunt. nam his rationibus suadere solent, et contrarijs dissuadere. quin ex iisdem et accusant, et defendunt: quibus enim argumentis dissuadent, iisdem etiam defendunt, et quibus suadent, etiam accusant. Vno uerò hoc loco tota Pamphili, et Calippi ars continetur. Alius locus ex ijs quæ fieri quidem uidentur, sed sua sponte incredibilia sunt, quoniam non crederentur, nisi aut iam essent, aut propè essent, Imò magis credi debent: homines enim aut ea, quæ uera sunt, aut uerissimilia credunt, quod uerò in-

credebile est, neq; uirile, & tamen fit, id ut uerum sit necesse est: neq; enim, quia uerissimile sit, aut probabile ita uidetur, sicuti Androcès Pittheus dixit, cum legem reprehenderet, & ei dicenti obstreperent. Egent leges alia lege, quæ corrigat: nam & pisces salsæ egent. Atqui uerissimile non est, neq; probabile, cum in falso pisces nutriantur, salsæ indigere. atqui etiam oliuæ egent oleo: cum tamen hoc incredibile sit, ut, ex quibus oleum conficitur, illæ oleo indigeant. Alius locus ad refellendum accommodatus: cum inter se dissidentia spectamus, siquid in aduersarij persona possimus inuenire, quod dissideat ex omnibus eius temporibus, actionibus, orationibus: ut, Iste quidem se uobis amicum esse ait, sed tamen cum XXX. tyrannus coniurauit: aut etiam seorsum in persona nostra, ut, Iste quidem ait, me sectatorem esse litium, sed tamen non potest ostendere ququam, à me unquam in iudicium uocatum: partim uerò in nostra, atq; in aduersarij persona: ut, Iste neminem unquam sua pecunia subleuauit, ego autem multos uenstrum ab hostibus captos redemi. Alius locus est, cum homines, uel res non uidentur affines ei culpæ, cuius accusantur: causa eius criminis, quod præter opinionem accidit, explicare. est enim aliquid, propter quod ita uideatur: ut, Mulier quædam, cum se filio subiecisset, ut eum blandius saluaret, uisa est stuprum cum adolescente illo commississe, sed explicata causa, statim crimen solutum est. & in Aiace Theodectis, Vlysses Aiaci causam explicat, cur, cum ipse esset Aiace fortior, non tamen esse uideretur. Alius locus est à causa: ut, si causa extiterit, factum. esse dicatur, si non



extiterit, non esse factum, nam simul est causa cum eo, cuius est causa, & sine causa nihil est: ut Leodamas in defensione sua dixit, cum enim Thrasylbulus eum accusaret, ac diceret, eius nomen tanquam infamis, & hostis in columna, quæ in arce erat, olim incisum fuisse, sed ab eo, cum XXX. rerum potirentur, fuisse abrasum: respondit, illud non esse uerisimile. Nam mihi, inquit, XXX. tyranni magis credidissent, si, quas cum populo gessissem inimicicias, in columna scriptas uidissent. Alius locus est, uidere an melius alia ratione ac uia potuissent ea geri, quæ uel suadet facienda esse, uel facit, uel iam fecit, perspicuum est enim nisi ita sit, eum non fecisse: nam nemo sciens, uolensq; ea, ea quæ deteriora sunt, eligit. Sed hoc falsum est, sæpe enim accidit, ut, quod facere melius erat, postea cognoscantur, cum incertum esset antea. Alius locus est uidere, an quicquam geri debeat, quod rebus iam gestis contrarium sit: ut Xenophanes cum ab eo petissent Elæatæ, utrum, cum Mantuæ sacrificarent, lugerent nec ne: consuluit, ut si deam illam esse putarent, ne lugerent, si hominem, ne sacrificarent. Alius locus est ex ijs, quæ malè facta sunt, uel accusare, uel defendere: ut in Carcini Medea, quidam eam accusant, quod filios interfecerit, quoniam illi nifi quam apparebant, in hoc enim peccarant Medea, quod filios suos amandasset. sed ipsa se defendit, quod non filios uerum ipsum Iasonem interfecisset, Nam omnino peccassem, inquit, nisi hoc fecissem, cum illud alterum perpetrassem. Hic autem locus, atq; hæc species argumentandi totam priorem Theodori artem continent.

Alius locus est à nomine: ut, quo Sophocles usus est,

Ferrina uerè dicere, nam ferrea es,  
 Et quemadmodum in deorum laudibus canere consue-  
 runt: Et quemadmodum Conon Thrasymbalum à nomine,  
 temerarium in consilijs capiendis appellabat: Et Hero-  
 dicus Thrasymacho dixit, Semper thrasymachus es, Et  
 Polo, Semper polus es, Et Draconem legistatorem insti-  
 mulabat, quòd eius leges non hominis, sed draconis esset,  
 erant enim asperae: Et quemadmodum Hecuba apud Euri-  
 pidem contra Venerem dixit,  
 Accomodatum nomen est tibi inditum;  
 Regina cum dementia tu sola sis:  
 Et quemadmodum Cheremon,  
 Pentheus futurae sortis agnomen tulit.

Enthymemata uerò, quae redarguunt, magis excellunt,  
 quàm ea, quae demonstrant, propterea, quòd paruo an-  
 gustoque in loco contraria colligunt, quae inter se collata,  
 statim auditori certiora fiunt. Omnium autem argumen-  
 tationum et quae refellunt, et quae demonstrant illa ma-  
 ximè commouere animum solent, quae, cum proferri incipiunt,  
 intelliguntur: non tamen quia sint in promptu, nam simul  
 etià ipsi secum gaudet auditores, cum uim argumenti prae-  
 sentiunt. probantur etià illa argumenta, quae, simulac di-  
 cta sunt, intelliguntur. Sed quoniam plerumque accidit,  
 ut aliquis uerè sit syllogismus, aliquis non uerè, sed tan-  
 tum syllogismi speciem habeat: necesse est, ut idem etiam  
 de enthymemate eueniat, ut aliquod uerè sit enthymema,  
 aliquod non uerè, sed tantum esse uideatur: cum prae-  
 sertim enthymema syllogismus quidam sit,

LOCUS uerò fallacium enthymematum hi sunt;  
 Ac primus quidè est in elocutione, cuius una pars est,

( ut in differendi Ratione docuimus ) cū quis , etiam si non collegerit , tamen extremam partem asseueranter concludit : ut , Non est igitur hoc , & hoc , quare necesse est , ut hoc atq; hoc sit . quin enthymema uidetur quoties quis oratione contorta , & ex contrarijs conflatata utitur : nam huiusmodi elocutio sedes est enthymematis . hæc uerò fallacia similis est ei , quæ in Dialecticis à forma dictionis uocatur . est autem in hac re utile , ut quis dicendo uideatur concludere , multa rum argumentationum capita simul proferre : ut , Nos quidem seruauit , alios punitus est , Græcos in libertatem uindicauit . nam unumquodq; capitulum horum ex alijs probatum est : cū autem simul omnia componuntur , uidetur ex eis aliquid confici . Altera pars nascitur ex multiplici nominis significatione : ut , si quis diceret , murem magna uirtute præditum esse , à quo præstantissima omnium sacra denominata sunt , nam mysteria sunt omnium aliorum sacrorum præstantissima . uel , si quis , canem laudans , etiam eum qui in est cœlo celebraret , aut Pana deum , quoniam Pindarus dixit , Beate quem magnæ deæ , Varium uocant dei canem , uel , quod nullum habere canem , indecorum est : Quare perspicuum est , canem esse honorificum : & , si quis diceret , Mercurium deorum omnium maxime liberalem esse , solus enim dicitur communis Mercurius : & , si quis diceret , orationem esse rem præstantissimam ; quod boni uiri non pecunijs , sed oratione digni sint . nam esse dignum oratione non uno modo dicitur . Alius locus est , cū quis , quod seiunctum est , dicendo com-

petendum. Alius locus est ab ijs, quæ sub eandem rationem cadunt, nam si eorum alteri contigerit uel honestè, uel iustè aliquid facere, etiam alteri perpeti; & si uni iussisse, etiam alteri paruisse: ut Diomedon publicanus de uectigalibus dixit, Si enim uobis ea uendere non turpe est, neq; nobis emere. & si, qui damnum accepit, honestè, & iustè multatus est; ita etiam, qui damnum illud dedit, & contrà, si, qui damnum dedit, honestè, & iustè fecit; ita etiam, qui passus est. Sed hoc in loco potest existere captio: si enim quispiam iustè necatus est, etiam iustè passus est; uerùm à te fortasse pati non debuit. atq; idè separatim considerare oportet; an qui passus est, pati dignus erat, & qui fecit, facere debebat: deinde ita eluti, sicuti causa postulat. nam interdum hæc inter se discrepant; neq; quicquam prohibet, quin discrepare possint; ut in Alcæone Theodectis,

Quis non tuæ scelus parentis oderat:

at ille respondit, oportere seorsum hæc distincteq; considerare: cumq; Alphesibœa rogaret, quòmodo; subiunxit ille,

Dignam mori illam censuerunt; non tamen,

A me necandam: =

& quem à modo in iudicio Demosthenis, & eorum, qui Nicanorem occiderant, postquàm enim iustè interfecisse iudicati sunt, etiam ille iustè necatus existimatus est: & de illo, qui Thebis necatus est, de quo iudicium est constitutum, utrùm mori dignus esset; tanquam non iniustum sit, eum interficere, qui mori dignus sit. Alius locus est ex maiore, & minore: ut, Si ne dii quidem omnia sciunt, multò minùs homines. hoc autem est bu-

iusmodi; Si res non inest in eo, in quo magis esse deberet: perspicuum est, neq; in eo esse, in quo minus esse debet. illud autem, Qui patrem cædit, etiam propinquos caderet, ex minore: nam, si id inest, quod minus esse debet, etiam id inerit, quod magis esse consuevit. Hic autem locus in utranq; partem ualet: siue rem inesse demonstrandum est, siue non inesse; item etiam, si neq; magis, neq; minus, unde illud dictum est;

Dicendus est ergo miser parens tuus,

Qui filios amiserit; non autem erit

Oeneus miser, cui, Græciæ flos totius,

Extinctus est natus! =

¶ Si non iniuste gessit Theseus, neq; Alexander, ¶

Si Tyndaridæ non iniuste gesserunt, neq; Alexander,

¶ Si Hector iuste Patroclum interemit, etiam Achil-

lem Alexander: ¶ Si alij artifices non sunt improbi,

neq; philosophi: ¶ Si imperatores non habentur mali,

quamuis sepe uocantur, ita neq; sophistæ: Si priuatus

quisq; gloriæ uestræ debet esse studiosus, etiam uos Græ-

corum gloriam curare debetis. Alius locus est à tem-

pore, quod spectandum est: ut Iphicrates in oratione

contra Harmodium; Si prius, quàm hæc gererem, po-

stulasssem à uobis, ut mihi statuam erigeretis, si ea confe-

cissem, nòn ne eam mihi decreuissetis? nunc, postquam

confeci, non decernetis? ne igitur committatis, ut, quod

beneficium expectantes, pollicemini, id accepto bene-

ficio, auferatis: ¶ rursus, si quis Th. banis diceret,

debere eos aditum in Atticam Philippo tradere.

nam, si hoc petisset, priusquam contra Phocenseis eis

auxilium tulisset, certè polliciti fuissent. absurdum igitur

tur erit; si, quoniam illis fidem habuit, neque id tunc contendit, ei nunc transitum non dederint. Alius locus sumitur ex ijs, quæ contra nos dicuntur; cum ea uertimus in aduersarium. locus autem hic multum excelsit, ut in Teucro. quo loco usus est Iphicrates contra Aristophontem, eum interrogans, an ipse accepta pecunia nauis proditurus esset. quod cum ille negasset; Ergo inquit, quod tu, cum sis Aristophon, non fecisses, ego Iphicrates feci? sed oportet aduersarium uideri procliuiorem ad iniusticiam, alioqui res ridicula uideretur: ut si quis hoc contra Aristidem accusantem diceret. sed ad accusatoris perfidiam hoc referendum est, omnino enim debet accusator esse reo melior. hoc autem semper coarguere oportet, generatim autem absurdus est homo ille, qui in alijs ea reprehendit, quæ uel ipse facit, uel nactus occasionem, faceret, uel, qui alijs ea suadet, quæ ipse nec facit, nec ullo modo faceret. Alius locus à definitione: ut, Dæmonium nihil aliud est, quam uel deus, uel dei opus, qui uerò putat aliquod opus esse dei, necesse est illum etiam deos esse putare: & quod Iphicrates dixit: ille maximè generosus est, qui optimus. etenim in Harmodio; & Aristogitone nihil antè generosum fuit, quam generosè se gesserunt. & quod ipse propinquior esset; Nam, res, inquit, meæ gestæ magis sunt propinquæ factis Harmodij, & Aristogitonis, quam tuæ: & quemadmodum Alexandro scriptum est, omnes in hac esse sententia, ut intemperantes eos existiment, qui non unius corporis pulchritudine frui contenti sunt. undè etiam Socrates dixit, ad Archelaum se proficisci nolle propterea, quòd contumelia sit, beneficia non posse reddere, non aliter,



atq; non posse iniurias ulcisci. Omnes enim isti; rem ipsam definientes, & quid sit, aperientes, concludunt ea, quæ uolunt. Alius locus est, cum aperitur, quot modis aliquid dicatur: ut in *Topics* de eo, quod rectè factum dicitur. Alius locus à diuisione; ut, Si omnes, qui iniuriam faciunt, trium rerum aliqua impelluntur; uel hac, uel ista, uel illa: & duabus rebus impelli nullo modo potuit: de tertia uerò neq; ipsi aduersarij instimulant. Alius locus ab inductione. ut illud ex *Peparethia*: matres de filijs ubiq; uerum discernere. nam *Athenis*, cum *Mantias* orator de filio dubitaret, illi mater indicauit, & *Thebis*, cum *Ismenias*, & *Stilbo* de filio contendere, *Dodonis* *Ismenia* filium esse dixit, itaq; postea *Thessaliscum* *Ismenia* censuerunt: &, quo *Theodectes* usus est in lege; Si nemo proprios equos eis committit, qui negligenter alienos curarunt; neq; quisquam nauis suas eis tradit, qui alienas euerterunt, & si hoc in rebus omnibus ita se habet, non debemus eis uti in salute nostra tuenda, qui salutem alienam malè defenderunt: &, quo *Alcidamus* utitur, ut probet, sapientem ab omnibus honorari; *Parij* enim *Archilochum*, quamuis maledicus esset, honorarunt; & *Chij* *Homerum*, quamuis eorum ciuis non esset, & *Mythilenæi* *Sapphonem*, quamquam esset mulier, & *Lacedæmonij* *Chilonem* in senatum elegerunt, cum tamen ad literarum studia duriores essent, & *Itali* *Pythagoram*, & *Lampsaceni* *Anaxagoram* peregrinum hominem sepulchro decorarunt, & in hunc usq; diem colunt, atq; *Athenienses*, *Solonis* legibus utentes, beati fuere, et *Lacedæmonij*, dum *Lycurgi* legibus usi sunt, et apud *Thebanos*, cum primum ciuitatis principes

studio sapientiæ se dare cœperunt, statim beata ciuitas  
 exitit. Alius locus à rebus iudicatis aut ijsdem, aut si-  
 milibus, aut contrarijs, & præcipue, si omnes semper ita  
 iudicarunt: sin minus, saltem quamplurimi, aut qui sa-  
 pientes sunt uel omnes, uel maior eorum pars, aut qui  
 probi uiri sunt: uel, si ipsi iudices aliàs ita statuerunt, uel  
 ij quorum iudicium ipsi iudices sequuntur; uel si ita illi iu-  
 dicarunt, contra quos statuere nihil licet, ut qui domini  
 sunt, aut quibus non honestum est contradicere, quales  
 sunt dei, parentes, magistri: quemadmodum in Mixide-  
 midem Antocles dixit, Si Eumenides sibi honestum esse  
 duxerunt, in Ariopago causam suam tractari, Mixides  
 mides non honestum sibi ducet: uel, quemadmodum Sap-  
 pho dixit, mori omnino esse miserum, quoniam etiam dei  
 ita iudicarunt: nisi enim ita esset, mori uoluissent: uel, quæ  
 admodum Aristippus contra Platonem, qui nescio quid  
 (ut illi uidebatur) arrogantius dixerat, Atqui son-  
 dalis noster nihil unquam huiusmodi protulit: So-  
 cratem uerò innuebat: & Hegesippus in Delphis Apol-  
 linem interrogauit, cum iam oraculum Olympici Iouis  
 audisset, an eadem illi, quæ patri uiderentur, tanquã turpe  
 esset, contraria sentire: & quod de Helena scripsit Isocra-  
 tes eam esse raræ uirtutis, quoniã Theseus ita iudicauit,  
 & de Alexandro, quem tres deæ iudicem elegerunt, &  
 de Euagora, quod uir esset eximius, quoniam, ut ait idem  
 Isocrates, Conon, fractis opibus, alios omnes posthabuit,  
 atq; ad Euagoram profectus est. Alius locus ab enume-  
 ratione partium: sicut etiam in Topicis, Si anima motus  
 est, quinam est motus: uel enim hic, uel ille: & illud exem-  
 plum ex Theodectis Socrate, Quod sanum uiolauit &

quem deum non coluit eorum, quos ciuitas ueneratur.  
 Alius à consequentibus. quoniam in plurimis rebus acci-  
 dit, ut eas bonum & malum aliquod consequatur, ex eo,  
 quod sequitur, licet suadere aut dissuadere, accusare aut  
 defendere, laudare aut uituperare: ut, Eruditionem conse-  
 quitur inuidia, quod est malum, & sapientia, quod est bo-  
 num, non est igitur scientijs danda opera, quoniam inui-  
 diam subire non oportet. imò uerò scientijs opera danda  
 est, quoniam sapientem fieri oportet. Hic locus in arte  
 Calippi præcipuè tractatur, in qua sumitur etiam, quod  
 fieri potest, & alia, de quibus à nobis iam antea dictum  
 est. Alius etiam à consequentibus, quando ex duobus con-  
 trarijs, quæ consequuntur, aut suadere, aut dissuadere,  
 opus fuerit, & eo, quo diximus, modo, in utranq; par-  
 tem uti. Differt autem hic locus à superiore, quoniam  
 in eo quæcunq; euenerint, opponuntur, hic autem tan-  
 tum ea, quæ contraria sunt: ut, Sacerdos quidam fi-  
 lium suum in concione uerba facere, & agere cum popu-  
 lo prohibebat. Nam, si iusta dixeris, aiebat, homines te  
 odio prosequuntur, si uerò iniusta, deos offendes. Imò ue-  
 rò, dicet aliquis, concionari oportet. nam si iusta dixeris  
 deos tibi concilias, si iniusta, homines. hoc autem idem  
 est, cum eo, quod uulgò dicitur, Oleum, & salem opor-  
 tet emere. Et hæc ratio ἐλαίου σάλος, hoc est inuersio, uoca-  
 tur: cum duorum contrariorum utranq; bonū et malum  
 consequitur ita, ut utraq; sint utrisq; contraria. Alius  
 est locus: quando quidem homines non eadem palam,  
 & occultè probare solent, sed palam quidem iusta &  
 honesta maximè laudant, occultè uerò magis utilia cu-  
 piunt: cum ex his quispiam conatur alterum concludere,

Atq; hic quidem locus præter cæteros qui contra communem opinionem proferuntur, plurimum ualet. Alius locus, cum eadem ex proportionem conueniunt: ut Iphicrates, cum eius filium, qui magno quidem erat corpore, sed adhuc ætate puerili, cogere uellent onera publica sustinere, dixit, Si pueros, qui magno sunt corpore, uiros existimatis, ergo etiam uiros, qui pusillo corpore sunt, pueros existimare debetis: & quo Theodectes usus est in lege; Nam si propter molestiam, probitatemq; mercenarios milites ciuitate donatis, ut Strabacem, & Charidemum: non eos milites mercenarios exterminabitis, qui nefaria scelera perpétrarunt? Alius locus ab euentu, si idem est, ut etiam eadem esse dicantur ea, à quibus id euenit: ut, quod Xenophanes dicebat, eodem modo impios esse illos, qui dicerent deos esse natos, atq; eos, qui dicerent deos interire; Nam utroq; modo fit, ut aliquando dei non sint, & omnino, quod euenit, ex utroq; probare oportet, unum atq; idem esse: ut, Non enim de Socrate, sed de toto hoc studio iudicaturi estis, utrùm philosophiæ danda sit opera, nec ne: &, terram, & aquam dare, esse, idem, quod seruire; & communis pacis fieri participes, idem esse, atq; imperatum facere. Cum autem alterutrum summi possit, id erit sumendum, quod nobis utile est. Alius locus est ex eo, quod idem non eadem semper eligunt aut antea, aut postea, sed diuersis temporibus diuersa: ut in illo est enthymemate; Si, cum in exilio essemus, pugnauimus, ut in patriam rediremus, nunc postquam reuersi sumus, in exiliū abibimus, ne pugnemus? aliquando enim in patria manere pugnando elegerunt, aliquando uerò patria potius discedere, quàm pugnare, uoluerunt.

Alius locus est, cū quis dicit aliquid eius gratia esse, aut factum esse, cuius gratia neq; est, neq; factum est: ut, si quis alicui quid donaret, ut illud deinde idem auferens, dolorem inureret. undē etiam illud dictum est,

Felicitates, Atq; opes dat maximas

Fortuna multis, non quōd illos diligat,

Sed de gradu pręstantiore ut decident:

Et illud ex Antiphonis Meleagro,

Non tam necandi causa apri conuenerant,

Quā maximę uirtutis ut testes forent

Meleagri apud Gręcos: =

Et illud ex Theodactis Aiace, quōd Diomedes Vlyssēm socium elegerat, non quōd eum honoraret, sed ut comes se esset inferior. nam etiam hac de causa hoc à Diomede fieri potuit. Alius locus est communis disceptantium, et deliberantium. ut ea consideremus, quę uel impellere, uel retrahere possunt, et quorum causa solent homines aliquid aut efficere, aut euitare, hęc enim si adsunt, rem aggredi oportet: ut, si fieri potest, si facile est, si utile uel sibi uel amicis, uel noxium et perniciosum inimicis, aut, si minor est pœna, quā id, quod expetunt. nam his rationibus suadere solent, et contrarijs dissuadere. quin ex ijsdem et accusant, et defendunt: quibus enim argumentis dissuadent, ijsdem etiam defendunt, et quibus suadent, etiam accusant. Vno uerō hoc loco tota Pamphili, et Calippi ars continetur. Alius locus ex ijs quę fieri quidem uidentur, sed sua sponte incredibilia sunt, quoniam non crederentur, nisi aut iam essent, aut prompē essent, Imō magis credi debent: homines enim aut ea, quę uera sunt, aut uerissimilia credunt, quod uerō in-

credebile est, neq; uirissimile, & tamen sit, id ut uerum sit necesse est: neq; enim, quia uerissimile sit, aut probabile ita uidetur, sicuti Androcês Pittheus dixit, cùm legem reprehenderet, & ei dicenti obstreperent. Egent leges alia lege, quæ corrigat: nam & pisces salsis egent. Atqui uerissimile non est, neq; probabile, cùm in falso pisces nutriantur, salsis indigere. atqui etiam oliuæ egent oleo: cùm tamen hoc incredibile sit, ut, ex quibus oleum conficitur, illæ oleo indigeant. Alius locus ad refellendum accommodatus: cùm inter se dissidentia spectamus, siquid in aduersarij persona possimus inuenire, quod dissideat ex omnibus eius temporibus, actionibus, orationibus: ut, Iste quidem se uobis amicum esse ait, sed tamen cum XXX. tyrannus coniurauit: aut etiam seorsum in persona nostra, ut, Iste quidem ait, me sectatorem esse litium, sed tamen non potest ostendere quenquam, à me unquam in iudicium uocatum: partim uerò in nostra, atq; in aduersarij persona: ut, Iste neminem unquam sua pecunia subleuauit, ego autem multos uestrum ab hostibus captos redemi. Alius locus est, cùm homines, uel res non uidentur affines ei culpæ, cuius accusantur: causa eius criminis, quod præter opinionem accidit, explicare. est enim aliquid, propter quod ita uideatur: ut, Mulier quædam, cùm se filio subiecisset, ut eum blandius saluaret, uisa est stuprum cum adolescente illo commississe, sed explicata causa, statim crimen solutum est. & in Aiace Theodectis, Vlysses Aiaci causam explicat, cur, cùm ipse esset Aiace fortior, non tamen esse uideretur. Alius locus est à causa: ut, si causa extiterit, factum. esse dicatur, si non



extiterit, non esse factum, nam simul est causa cum eo, cuius est causa, & sine causa nihil est: ut Leodáms in defensione sua dixit, cum enim Thrasýbulus eum accusaret, ac diceret, eius nomen tanquam infamis, & hostis in columna, quæ in arce erat, olim incisum fuisse, sed ab eo, cum XXX. rerum potirentur, fuisse abrasum: respondit, illud non esse uerissimile. Nam mihi, inquit, XXX. tyranni magis credidissent, si, quas cum populo gessissem inimicicias, in columna scriptas uidissent. Alius locus est, uidere an melius alia ratione ac uia potuissent ea geri, quæ uel suadet facienda esse, uel facit, uel iam fecit, perspicuum est enim nisi ita sit, eum non fecisse: nam nemo sciens, uolensq; ea, ea quæ deteriora sunt, eligit. Sed hoc falsum est, sæpe enim accidit, ut, quod facere melius erat, postea cognoscantur, cum incertum esset antea. Alius locus est uidere, an quicquam geri debeat, quod rebus iam gestis contrarium sit: ut Xenophánes cum ab eo petissent Eleatæ, utrùm, cum Mantuæ sacrificarent, lugerent nec ne: consuluit, ut si deam illam esse putarent, ne lugerent, si hominem, ne sacrificarent. Alius locus est ex ijs, quæ malè facta sunt, uel accusare, uel defendere: ut in Carcini Medea, quidam eam accusant, quod filios interfecerit, quoniam illi nūquam apparebant, in hoc enim peccarant Medea, quod filios suos amandasset: sed ipsa se defendit, quod non filios uerùm ipsum Iasonem interfecisset, Nam omnino peccassem, inquit, nisi hoc fecissem, cum illud alterum perpetrassem. Hic autem locus, atq; hæc species argumentandi totam priorem Theodori artem continent.

Alius locus est à nomine: ut, quo Sophoclès usus est,

( ut in differendi Ratione docuimus ) cū quis , etiam si non collegerit , tamen extremam partem asseueranter concludit : ut , Non est igitur hoc , & hoc , quare necesse est , ut hoc atq; hoc sit . quin enthymema uidetur quoties quis oratione contorta , & ex contrarijs constata utitur : nam huiusmodi elocutio sedes est enthymematis . hæc uerò fallacia similis est ei , quæ in Dialectick à forma dictionis uocatur . est autem in hac re utile , ut quis dicendo uideatur concludere , multa rum argumentationum capita simul proferre : ut , Nos quidem seruauit , alios punitus est , Græcos in libertatem uindicauit . nam unumquodq; capitum horum ex alijs probatum est : cū autem simul omnia componuntur , uidetur ex eis aliquid confici . Altera pars nascitur ex multiplici nominis significatione : ut , si quis diceret , murem magna uirtute præditum esse , à quo præstantissima omnium sacra denominata sunt , nam mysteria sunt omnium aliorum sacrorum præstantissima . uel , si quis , canem laudans , etiam eum qui in est cælo celebraret , aut Pana dcum , quoniam Pindarus dixit ,  
Beate quem magnæ deæ ,

Varium uocant dei canem ,

uel , quòd nullum habere canem , indecorum est : Quare perspicuum est , canem esse honorificum : & , si quis diceret , Mercurium deorum omnium maximè liberalem esse , solus enim dicitur communis Mercurius : & , si quis diceret , orationem esse rem præstantissimam ; quòd boni uiri non pecunijs , sed oratione digni sint . nam esse dignum oratione non uno modo dicitur . Alius locus est , cū quis , quod seiunctum est , dicendo com-

ponit, aut, quod compositum est, seiungit; quoniam enim idem uidetur, cum tamen non idem sepe numero sit, id amplectendum est, quod utilius esse uidetur. est autem hæc Euthydemii ratio, ut, Scks triremem in Piræo esse, nã utrunq; separatim nouit: & si quis dicat, eum, qui scit elementa, scire etiam carmen, nam carmen idem est: & Si duplum est insalubre, neq; simplum erit salubre, nam absurdum est, si ambo sunt bona, unum esse malum, Atq; hoc quidem modo in refellendo ualet, illo uerò in demonstrando: neq; enim ex duobus malis unum bonum esse potest. Totus autem hic locus captiosus est tale est illud Polycratis in Thrasymbuli laudem quòd Thrasymbulus XXX, tyrannos sustulisset, coniungit enim; atq; illud Theophrasti in Oreste, ex diuisione prolatum;

Eam, maritum quæ necauit, emori,

Patrisq; mortem uindicare filium,

Iustum est, ut hæc effecta sunt; =

nam hæc, si coniungantur, fortasse non erunt iusta. potest etiam hæc, à defectione fallacia progredi, quoniam ablatum est, à quo. Alius locus est, cum quis amplificatione utitur in confirmando, aut refellendo, hoc est, cum rem ipsam amplificat, antequã factam esse ostēdat. reus enim, cum crimen amplificat, inducit opinionem quòd ipse non commiserit, accusator contrà. cum indignatur, facit, ut reus fecisse uideatur. Hoc igitur non est uerum enthymema; decipitur enim auditor, et factum aut non factum credit, quamuis nihil fuerit demonstratum. Alius locus est à signo. nam hoc etiam ueram concludendi rationem non seruat: ut, si quis diceret in ciuitatibus uileis esse amatores, nã Harmodij, atq; Aristogitonis amor Hipparchum

tyrannum sustulit: uel, si quis probare uellet, Dionysium esse furem eò, quòd improbus sit. hoc enim nihil concludit: neq; enim quilibet improbus est fur, sed contrà potius, omnis fur est improbus. Alius locus est ab accidente: ut, quod ait Polycrates in laudem murium, quod auxilio fuerint, deuoratis arcuum neruis: uel, si quis diceret, ad cœnam uocari rem esse honorificentissimam. Achilles enim cùm in Tenedo uocatus ad cœnam non fuisset: Græcis magnò pere succensuit. At ille, tanquã contẽptus, et ignominia affectus, succẽsuit, quod accidit, quia non inuitatus ad cœnam fuerat. Alius locus est à consequente: ut in Alexandro, quòd uir esset excelsò animo, quia solus in Ida monte, relicta equalium consuetudine, uitam ageret, nam, quia excelsò animo uiri tales sunt, etiam hic talis uideri posset: & quia uestitu nimio indulget, et noctu uagatur, adulter est: tales enim sunt adulteri: eodem modo, si quis mendicos diceret esse beatos, quòd in sacris locis suo arbitrio canunt, & saltant, atq; exules itidem beatos, quòd ubicunq; terrarum uoluerint, domicilium habere possint: quoniam enim hæc ij facere possunt, qui beati uidentur, etiam, qui hæc faciunt, beati uideri possent. Differt autem, quòmodo hæc fiant: atq; ideo etiã in defectionem incidit. Alius locus est, cùm eam dicimus esse causam, quæ causa non est: ut, quod unà cum factò, aut post accidit: nam illud ita accipiunt quasi propter factum euenerit. & hoc ij præcipuè utuntur, qui in Rep. uersantur: ut Demádes aiebat, Demosthenem in administratione Reip. malorum omnium causam, & auctorem fuisse, Nam postquam is ad Rem P. accessit, bellum exortũ est. Alius locus est, cùm nec quãdo, nec quòmo res

gesta sit, explicatur: ut, si quis dicat, ab Alexandro iussu Helenam abductam fuisse, quoniam illi pater optionem dederat, ut, quem uellet, sequeretur, neque enim semper eodem modo, sed initio tantum optionem dedit, quo tempore pater eam in potestate habebat: uel, si quis dicat, cadere liberos homines, esse contumeliam. neque enim hoc quocumque modo uerum est, sed quando quis iniuriose cade e caperit. Præter ea, sicut in contentiosis disputationibus fit adumbratus falsusque syllogismus, cum absolute simpliciterque ponitur aliquid, quod non simpliciter, sed cum aliqua adiunctione poni debet, ut apud Dialecticos probatur id, quod non est esse, Quod enim non, est, est id, quod non est & quod percipi non potest, scientia comprehenditur, scitur enim id percipi non posse, quod non potest percipi: sic etiam in Rhetoricks fit adumbratum enthymema falsumque, cum id simpliciter esse uerissimile ponitur, quod aliqua ex parte tantum est uerissimile. Hoc autem generatim non fit: si sicut etiam Agathon ait,

Verissimile forsitan quis esse diceret,

Multa euenire, quæ esse non ueri solent,

Similia. =

fit enim aliquando id, quod non erat uerissimile: quare uerissimile est etiam, præter uerissimile, Quod si ita est; id etiam quod uerissimile non est, uerissimile erit; sed non tamen simpliciter: uerum, sicut in contentiosis disputationibus, cum non additur, ex qua parte, et quocumque collata, et quo in loco, gignitur captio, ita etiam in hac arte, cum de uerissimi uerba fiunt, quod non simpliciter, sed aliquo modo sit uerissimile. ex hoc autem loco ars Corack est con-

scripta

Scripta. Nam, si reus affinis non est culpæ, cuius accusatur, ut, si fuerit infirmo corpore, qui pul'se dicitur, facile defenditur, nō enim est uerisimile. quod si culpæ affinis est, ut, si fuerit robustus, dicetur non esse uerisimile. quoniam sciebat ille, si fecisset, uerisimile uisum iri: eodem modo etiam in alijs. nam uel affinem esse culpæ, uel non affinem oportet. utraq; autem uidentur esse uerisimilia: sed alterum tantum est uerisimile. alterum uerò non simpliciter uerisimile est, sed quemadmodum diximus. Et hoc est, quod iactant, causam inferiorem, dicendo superiorem fieri posse: unde homines iure optimo Protagoræ professionē æquo animo ferre nō poterant. falsum est enim, non autem uerum, sed tantum uerisimile uidetur, neq; in ulla arte reperitur, præterquam in Rhetorica, & sophistica. Ac de argumentationibus quidem, & quæ ueræ sunt, et quæ tantum apparent, hætenus dictum est. sequitur, ut dicamus etiam, quæ ratione dissolui possint.

**DVOBVVS** autem modis argumentationes dissoluantur, uel contra argumētando, uel reprehendendo. perspicuum est autem, ex ijsdem locis in contrarijs partibus disputandi facultatem suppeditari: nam argumentationes ex probabilibus ducuntur: uerum probabilia sæpe sunt inter se contraria. Reprehensiones uerò (sicut in Topick traditur) quatuor modis adferuntur; uel enim ab ipsa re, uel à simili, uel à contrario, uel à rebus iudicatis. Dico autem, ab ipsa re: ut, si quis concluderit amorē esse bonū, duobus modis adfertur reprehensio: uel generatim atq; uniuersē, cum quis dicit, omnē indigentiam esse malam, uel singulatim atq; ex parte, Quoniā uulgò non diceretur, Cautius amor, nisi etiam amores quidam essent impro-



bi. In contrarijs adfertur reprehensio: ut, si conclusum sit; à bono uiro cunctos amicos beneficijs accumulari, Sed neq; improbus (dicet aliquis) cunctos amicos in commodis afficit: in similibus autem; ut, si conclusum sit, eos, qui iniuriam acceperunt, semper odio prosequi; Sed neq; ij, qui beneficium acceperunt, semper diligunt. Res uerò iudicatae sumuntur à praeclaris, & illustribus uiris: ut, si quis conclusit, ebrijs ignosci oportere, Quoniam imprudentes peccant; adfertur reprehensio, Non igitur esset Pittacus laudandus, qui maiores poenas in suis legibus proposuit si quis ebrius peccasset. Et quoniam ea, ex quibus enthymemata fiunt, quatuor numero sunt, probabile, exemplum, indicium, signum, nam enthymemata, quae constant ex eis, quae plerumq; ita fiunt uel fieri uidentur, ea sunt ex probabilibus, quae autem inductione constant, ex uno simili uel pluribus, hoc est, cum quis, posito generali, uult illud ex singulis probare, sunt ab exemplo, quae uerò constant ex necessario signo, sunt ab indicio, quae deniq; fiunt uel ex generali signo uel singulari, siue illud uerum sit siue non, sunt à signo, sed probabile non semper uerum est, licet plerumq; fiat: perspicuum est, nos huiusmodi enthymemata semper euertere posse, atq; illis occurrere. quae reprehensio erit quidem apprens, non tamen semper uera: nam, qui occurrit, non ideo refellit, quia non sit probabile, sed quia non sit necessariū. Atq; ideo propter fallacem hanc concludendi rationem argumentis magis abundat defensor, quàm accusator; quoniam accusator uerissimilibus utitur ad probandum. sed non idem est, soluere aliquod argumentum, quod non sit uerissimile; & quod non sit necessarium: quod enim

plerunq; fit, semper refelli potest, aliter non esset uerisimile, sed sempiternum & necessarium. Iudex autem existimat, cum ita refutatum sit, aut non esse uerisimile, aut nihil ad iudicium suum pertinere: sed fallaci conclusione decipitur; (ut diximus) neq; enim oportet ipsum tantum ex necessarijs iudicare, sed etiã ex uerisimilibus: & hoc est, quod dicitur, æquisima sententia iudicare, Non igitur satis est, si defensor docuerit non esse necessarium; sed oportet, ut ostendat etiam, non esse uerisimile, hoc autem fiet, si in reprehensione docuerit, rem plerunq; aliter fieri solere. Potest autem duobus modis adferri reprehensio; uel à tempore, uel à rebus. quod si utrunq; coniungatur; tunc erit firmissima: nam, si plerunq; res ita fit, hoc erit magis uerisimile. Reprehenduntur etiam signa: & argumenta, quæ à signis ducuntur, etiam si extent, apertaq; sint, quemadmodum antea dictum est, nam in Analytick declaratum est, nullum signum uim habere concludendi. Atq; etiam exemplorum eadem reprehensio est, quæ uerisimilium: nam, si unum tantum proferre poterimus aliter factum, soluta est argumentatio, quoniam non est necessaria, quamuis & plura, & sæpius aliter facta fuerint, at uero, si plura fuerint, & sæpius eodem modo facta; contendendum est id, de quo agitur, uel non esse simile, uel non similiter factum, uel deniq; aliquo modo ab alijs differre. Indicia uerò & propriæ notæ argumenta nequaquã in eo reprehendi possunt, quod non recte concludant, quod ex ijs, quæ dicta sunt in Analytick, perspicuum est, restat igitur, ut demonstremus id nõ esse uerum, quod dicitur, quod si certum est esse uerũ, et esse, propriã rei notã: nullo modo labefactari potest: iã enim

omnia demonstratione clara sunt. Iam uerò amplificatio, & diminutio non sunt enthymematis elementa. Idem enim ego elementum & locum appello. Est autem elementum siue locus, in quē multæ argumentationes incidunt: amplificatio uerò, & diminutio sunt argumentationes ad aliquid ostēdendum, quod sit magnum aut paruum quemadmodum etiā, quod sit bonū aut malum, quod iustum aut iniustum, & in cæteris eodem modo. hæc autem omnia sunt. in quibus syllogismi, atq; enthymemata uersantur. Quod si nullū horū est locus enthymematis, neq; amplificatio, aut diminutio erit locus: neq; argumenta, quibus refellimus, diuersam habent speciem ab ijs, quibus cōfirmamus. perspicuum est enim duobus modis argumentum solui, uel per demonstrationē, uel per reprehensionē: per demonstrationē: ut, cū probatur contrariū, exempli gratia, si quis demonstrauit rem factam esse, qui soluere uult, ostendit non esse factam; & contrā, si quis ostendit nō esse factam, qui uult soluere, factam esse demonstrat. quare non est in argumentandi ratione differentia: ambo enim iisdem utuntur; cū aut esse, aut non esse argumentantur. Reprehensio uerò non est enthymema: sed, quemadmodum in Topicis docetur, nihil aliud est reprehensio, quā opinionem aliquam in medium adferre, quæ planum fiat, non esse benè conclusum, aut aliquid sumptum, quod falsum sit. Ad de exemplis quidem, & sententijs, & argumentationibus, & deniq; de ijs, quæ ad sensus animi proferendos pertinent, quæ ratione possimus eis abundare, & quōmodo ea soluere ualeamus, satis dictum est. Reliquum est, ut etiā de locutione, et dispositione uerba faciamus.

## ARISTOTE

LIS STAGIRITAE,

RHETORICO AV M

LIBER III.

M. ANTONIO MAIO

ragio interprete.



V M tria sint, quæ in doctrina dicendi pertractare oporteat, primum undè probationes ducantur, alterum qua sit utendum elocutione, tertium quomodo partes orationis disponendæ sint: iam de probationibus dictum est, & ostensum, quot sint; illa, ex quibus ducantur, diximus enim esse tria, atq; ea quæ sint explicuimus, & cur eum numerum non excedant: omnes enim, qui de aliqua re iudicaturi sunt, uel quia ipsi affecti sunt aliquo modo, uel quia putant eos, qui dicunt, dignos esse, quibus fides habeatur, uel quia clavis argumenti probatum est, in persuasionem inducuntur. dictum est etiam, undè trahantur enthymemata, sunt enim, quæ dicuntur enthymematum species; sunt etiam, qui loci nominantur. Reliquum est, ut de elocutione dicamus: neq; enim satis est ea tenere, quæ dicenda sunt; sed etiam scire oportet quomodo sint dicenda. hoc enim multum etiam prodest ad efficiendum, ut oratio bene morata uideatur. Ac primò quidem (ut ordo naturæ postulat) quaestum

est id, quod re ipsa primū erat, unde res ipsae probabilitate in habeant, secūdo loco quaestū est, quomodo in oratione, et elocutione res inuenta disponatur. tertium id est, quod horū omniū vim habet maximam, sed nondum a quoquam pertractatum est, quod ad actionem et pronunciationem facit. quae res etiam a tragicis, atque epicis poetis serō animaduersa est: nam initio poetae ipsi tragœdias suas agebant. Perspicuum est autem, etiam in arte dicendi tale aliquid esse, quod ad actionem pertinet, quae in arte poetica de qua re cum alij quidam studiosè pertractarunt, tum præcipuè Glaucō Teius. Est autem actio in uoce posita: quomodo scilicet uocē ipsam uariare opus sit, ad singulos animi motus exprimēdos: nam aliquid quando magna, aliquando parua, aliquando media opus est, et quomodo sonus uocis, et acuto, et graui, et flexo sit utendum: quibus præterea numeris in unoquoque dicendi genere. Tria sunt enim quae considerantur ij, qui in hoc studio uersantur, hoc est, magnitudo, sonus, numerus: quibus qui benè utuntur, ij ferè solent ex certaminibus uictoriam reportare. et, quæ alimodū in arte poetica plus hoc tēpore ualent histriones, quàm poetae. sic etiā in ciuilibus controuersiis, quod uitio sit Rerump, nondū tamē de ijs, quae ad actionē spectant, ars ulla conscripta est: quod nō mirum est, cum etiam illa, quibus ornatur oratio, serō in lucem uenerint. Et sanè, si quis rectè reputet, tota res leuis ac reijcula est, uerū, cum omnis ars dicendi ad opiniones hominum accommodetur, ei curam, et studium impēdere debemus, non tanquam rectae honestaeque rei, sed tanquam necessariae, nam certè æquum erat, ut nihil aliud in oratione quaereretur, quàm ut ijs, qui au-

diunt, nec molestiam, nec laticiam adferemus: iustum est enim, ipsi tantum rebus in iudicio contendere. cætera uerò omnia, quæ præter probationes adhibentur superuacanea sunt, sed tamen (ut antea dictum est) propter auditoris uitium, plurimum ualent. Quin eloquendi ratio, genusq; dicendi quiddam necessarium habet in omni disciplina, aliquantum enim interest ad rem explicandam, hoc, an illo dicendi genere quis utatur, non tamè tantum, quantum in hac arte. uerùm hæc ex opinione pendent, & auditoris gratia quærentur: itaq; nemo geometriam hoc modo docere instituit. Ars igitur illa, cum in lucem uenerit, idem efficiet, quod ars histrionica. quidam tamen hætenus nonnihil de ea præcipere tentarunt, ut Thrasymachus in Miserationibus. Atq; hoc quidem, quod ad agendum attinet, à natura potius habetur, & paruo eget artificio: quod autem ad ornandam orationem spectat, id iam artis indiget. quare, qui hoc facere possunt, eodem modo uictoriam ex contentione reportant, sicut oratores illi, qui plurimum in actione ualent. nam, quæ scribuntur orationes magis ornata ipso uerborum, quàm sententijs ualent.

COEPERVNT autem primi poëte, sicuti consensaneum est, aliquid de elocutione tractare. sunt enim nomina simulacra quædam: atq; in nobis nulla pars est, quæ magis, quàm uox, ad imitandum apta sit, unde etiam artes confectæ sunt, ut epica, & histrionica, atq; aliæ. Et, quoniam poëte, qui plerumq; res insulas proferunt, propter elocutionem gloriam, & honorè acquisuisse uidebantur: ideò factum est, ut elocutio poëtica primum probaretur, qualis est Gorgia. quinetiam hoc



tempore, multi imperiti homines existimant, tales oratores optimè loqui: sed hoc minimè uerum est, alia est enim oratoria, alia poëtica elocutio, quod ex ipso euentu potest intelligi, neq; enim qui tragœdias conscribunt, adhuc eo dicendi genere utuntur: sed, quemadmodum teatrametros uersus reliquerunt, & ad iambos se contulerunt eò, quòd ex omni metrorum genere iambicum est orationi solutæ similiũ, sic etiam ea uerba reliquerunt, quæ à communi loquendi consuetudine abhorrent, et omnem illum ornatum abiecerunt, quo prisci poëtæ tragici utebantur, & quo adhuc utuntur ij, qui uersus heroïcos pangunt. Itaq; ridiculum est, eos imitari, qui ipsi non amplius eo dicendi genere utuntur. Quare perspicuum est, non esse nobis omnia diligenter explicanda, quæ ad elocutionem attinent, sed tantum, quæ ad elocutionem oratoriam, de qua sermonẽ instituimus nam de illa altera diximus in ijs, quæ de arte Poëtica sunt à nobis pertractata: maneant igitur illa firma. Hoc autem in loco definitum sit, elocutionis uirtutem, esse splendorem, cuius rei signum est, quòd nisi oratio sit clara et aperta, finem suum non assequetur. Sed nec humilis, nec nimis elata esse debet, uerum ipsis rebus conueniens. nam poëtica locutio nõ humilis quidem est, sed tamen solutæ orationi non cõuenit. Ex nominibus autem, & uerbis illa præcipuè dilucidam orationem efficiunt, quæ propria sunt: non humilem autem, sed excultam, & ornatam alia reddunt, de quibus in arte Poëtica dictum. nam uerborum immutatio facit orationem uideri grandiore. Quemadmodum enim erga peregrinos, & erga ciues affecti sunt homines, ita etiam erga orationem. quare peregrinam reddere oportet

orationem: res enim externas homines admirantur, quod autem gignit admirationem suaue est, Ac in poetarum quidem scriptis multa sunt, quæ hoc efficiunt: sed ibi ea conueniunt, nam res, & personæ de quibus agunt poëtae, ualdè a cæteris remotæ sunt. sed in oratione soluta multò paucioribus uti licet ornamentis; cum etiam ipsum argumentum multò sit inferius, quàm enim esset indecorum, si seruus, aut ualdè iuuenis elegantiori sermone uteretur; aut, cum quis de ualdè exguis rebus uerba facit: est enim etiam in soluta oratione decorum, quod & contrahi, & dilatari debeat. Quare danda est opéra, ut id clàm fiat: ne uideamur ficti atq; artificiosè dicere, sed ut nobis dictat ipsa natura: sic enim erit probabilis oratio. illo uerò modo torum accidit contrarium: nam oratorem, tanquam infidiatorem, suspectum habent non aliter, atq; permixta uina. Debet igitur esse oratio, qualis esse Theodori uox uidebatur, ad aliorum histrionum uocem comparata: inani eius ipsius, qui dicebat, illa esse uidebatur, uoces autem realiquorum alienæ. Facile uerò artificium occultatur, si quis, è commuti sermonis consuetudine uerba seligens, orationem suam componat: quod Euripides obseruat, & primus hanc rationem ostendit. cum autem è nominibus, & uerbis oratio constituatur, & nominum tot sint species, quot in arte Poëtica declaratum est; rariùs orator, & paucioribus in locis uti debet pergrinans, & iunctis nominibus, & fastis: ubi uerò liceat uti, postea dicemus. cur autem ijs abstinere debeat, iam dictum est: nempe quia magis, quàm oporteat orationem immutant, Propria uerò tantùm nomina, & sua, & translata ad solutam orationem exor-

ponit, aut, quod compositum est, seiungit; quoniam enim idem uidetur, cum tamen non idem saepenumero sit, id amplectendum est, quod utilius esse uidetur. est autem haec Euthydemii ratio, ut, Sck triremem in Piræo esse, nā utrunq; separatim nouit: & si quis dicat, eum, qui scit elementa, scire etiam carmen, nam carmen idem est: & Si duplum est insalubre, neq; simplum erit salubre, nam absurdum est, si ambo sunt bona, unum esse malum, Atq; hoc quidem modo in refellendo ualet, illo uerò in demonstrando: neq; enim ex duobus malis unum bonum esse potest. Totus autem hic locus captiosus est tale est illud Polycratis in Thrasymbuli laudem quòd Thrasymbulus XXX, tyrannos sustulisset, coniungit enim; atq; illud Theophrasti in Oreste, ex diuisione prolatum;

Eam, maritum quæ necauit, emori,

Patriq; mortem uindicare filium,

Iustum est, ut hæc effecta sunt; =

nam hæc, si coniungantur, fortasse non erunt iusta, potest etiam hæc, à defectione fallacia progredi, quoniam ablatum est, à quo. Alius locus est, cum quis amplificatione utitur in confirmando, aut refellendo, hoc est, cum rem ipsam amplificat, antequā factam esse ostēdat. reus enim, cum crimen amplificat, inducit opinionem quòd ipse non commiserit, accusator contra. cum indignatur, facit, ut reus fecisse uideatur. Hoc igitur non est uerum enthymema; decipitur enim auditor, et factum aut non factum credit, quamuis nihil fuerit demonstratum. Alius locus est à signo. nam hoc etiam ueram concludendi rationem non seruat: ut, si quis diceret in ciuitatibus uileis esse amatores, nā Harmodij, atq; Aristogitonis amor Hipparchum

tyrannum sustulit: uel, si quis probare uellet, Dionysium esse furem eò, quòd improbus sit. hoc enim nihil concludit: neque enim quilibet improbus est fur, sed contrà potius, omnis fur est improbus. Alius locus est ab accidente: ut, quod ait Polycrates in laudem murium, quod auxilio fuerint, deuoratis arcuum neruis: uel, si quis diceret, ad coenam uocari rem esse honorificentissimam. Achilles enim cùm in Tenedo uocatus ad coenam non fuisset: Græcis magnò pere succensuit. At ille, tanquàm contēptus, et ignominia affectus, succēssit, quod accidit, quia non inuitatus ad coenam fuerat. Alius locus est à consequente: ut in Alexandro, quòd uir esset excelsò animo, quia solus in Ida monte, relicta æqualium consuetudine, uitam ageret, nam, quia excelsò animo uiri tales sunt, etiam hic talis uideri posset: & quia uestitu nimio indulget, et noctu uagatur, adulter est: tales enim sunt adulteri: eodem modo, si quis mendicos diceret esse beatos, quòd in sacris locis suo arbitrio canunt, & saltant, atque exules itidem beatos, quòd ubicunq; terrarum uoluerint, domicilium habere possint: quoniam enim hæc ij facere possunt, qui beati uidentur, etiam, qui hæc faciunt, beati uideri possent. Differt autem, quòmodo hæc fiant: atque idè etià in defectionem incidit. Alius locus est, cùm eam dicimus esse causam, quæ causa non est: ut, quod unà cum factò, aut post accidit; nam illud ita accipiunt quasi propter factum euenerit. & hoc ij præcipuè utuntur, qui in Rep. uersantur: ut Demàdes aiebat, Demosthenem in administratione Reip. malorum omnium causam, & auctorem fuisse, Nam postquam is ad RemP. accessit, bellum exortū est. Alius locus est, cùm nec quādo, nec quòmodo res

gesta sit, explicatur: ut, si quis dicat, ab Alexandro iussu Helenam abductam fuisse, quoniam illi pater optionem dederat, ut, quem uellet, sequeretur, neque enim semper eodem modo, sed initio tantum optionem dedit, quo tempore pater eam in potestate habebat: uel, si quis dicat, cadere liberos homines, esse contumeliam. neque enim hoc quocumque modo uerum est, sed quando quis iniuriose cadere ceperit. Præterea, sicut in contentiosis disputationibus fit adumbratus falsusque syllogismus, cum absolute simpliciterque ponitur aliquid, quod non simpliciter, sed cum aliqua adiunctione poni debet, ut apud Dialecticos probatur id, quod non est esse, Quod enim non, est, est id, quod non est & quod percipi non potest, scientia comprehendendi, scitur enim id percipi non posse, quod non potest percipi: sic etiam in Rhetoricis fit adumbratum enthymema falsumque, cum id simpliciter esse uerissimile ponitur, quod aliqua ex parte tantum est uerissimile. Hoc autem generatim non fit: si sicut etiam Agathon ait,

Verissimile forsan quis esse diceret,

Multa euenire, quæ esse non ueri solent,

Similia. =

fit enim aliquando id, quod non erat uerissimile: quare uerissimile est etiam, præter uerissimile, Quod si ita est, id etiam quod uerissimile non est, uerissimile erit; sed non tamen simpliciter: uerum, sicut in contentiosis disputationibus, cum non additur, ex qua parte, et quocum collata, et quo in loco, gignitur captio, ita etiam in hac arte, cum de uerissimili uerba fiunt, quod non simpliciter, sed aliquo modo sit uerissimile, ex hoc autem loco ars Corack est con-

scripta

Scripta. Nam si reus affinis non est culpa, cuius accusatur, ut, si fuerit infirmo corpore, qui pul'asse dicitur, facile defenditur, nō enim est uerisimile. quod si culpa affinis est, ut, si fuerit robustus, dicetur non esse uerisimile, quoniam sciebat ille, si fecisset, uerisimile uisum iri: eodem modo etiam in alijs. nam uel affinem esse culpa, uel non affinem oportet, utraq; autem uidentur esse uerisimilia: sed alterum tantum est uerisimile. alterum uerò non simpliciter uerisimile est, sed quemadmodum diximus. Et hoc est, quod iactant, causam inferiorem, dicendo superiorem fieri posse: undē homines iure optimo Protagoræ professionē aequo animo ferre nō poterant. falsum est enim, non autem uerum, sed tantum uerisimile uidetur, neq; in ulla arte reperitur, præterquam in Rhetorica, & Sophiaistica. Ac de argumentationibus quidem, & quæ ueræ sunt, et quæ tantum apparent, hætenus dictum est. sequitur, ut dicamus etiam, quæ ratione dissolui possint.

**D V O B V S** autem modis argumentationes dissoluantur, uel contra argumētando, uel reprehendendo. perspicuum est autem, ex ijsdem locis in contrarijs partibus disputandi facultatem suppeditari: nam argumentationes ex probabilibus ducuntur: uerum probabilia sepe sunt inter se contraria. Reprehensiones uerò (sicut in Topick traditur) quatuor modis adferuntur; uel enim ab ipsa re, uel à simili, uel à contrario, uel à rebus iudicatis. Dico autem, ab ipsa re ut, si quis concluderet amorē esse bonū, duobus modis adfertur reprehensio: uel generatim atq; uniuersē, cum quis dicit, omnē indigentiam esse malam, uel sigillatim atq; ex parte, Quoniā uulgò non diceretur, Cautius amor, nisi etiam amores quidam essent impro-



bi. In contrarijs adfertur reprehensio: ut, si conclusum sit; à bono uiro cunctos amicos beneficijs accumulari, Sed neq; improbus (dicit aliquis) cunctos amicos in commodis afficit: in similibus autem; ut, si conclusum sit, eos, qui iniuriam acceperunt, semper odio prosequi; Sed neq; ij, qui beneficium acceperunt, semper diligunt. Res uerò iudicatæ sumuntur à præclaris, & illustribus uiris: ut, si quis conclusit, ebrijs ignosci oportere, Quoniam imprudentes peccant; adfertur reprehensio, Non igitur esset Pittacus laudandus, qui maiores poenas in suis legibus proposuit, si quis ebrius peccasset. Et quoniam ea, ex quibus enthymemata fiunt, quatuor numero sunt, probabile, exemplum, indicium, signum, nam enthymemata, quæ constant ex eis, quæ plerunq; ita fiunt uel fieri uidentur, ea sunt ex probabilibus, quæ autem inductione constant, ex uno simili uel pluribus, hoc est, cum quis, posito generali, uult illud ex singulis probare, sunt ab exemplo; quæ uerò constant ex necessario signo, sunt ab indicio, quæ deniq; fiunt uel ex generali signo uel singulari, siue illud uerum sit siue non, sunt à signo, sed probabile non semper uerum est, licet plerunq; fiat: perspicuum est, nos huiusmodi enthymemata semper euertere posse, atq; illis occurrere, quæ reprehensio erit quidem apparens, non tamen semper uera: nam, qui occurrit, non ideo refellit, quia non sit probabile, sed quia non sit necessariū. Atq; ideo propter fallacem hanc concludendi rationem argumentis magis abundat defensor, quàm accusator; quoniam accusator uerissimilibus utitur ad probandum. sed non idem est, soluere aliquod argumentum, quod non sit uerissimile; & quod non sit necessarium: quod enim

plerunq; fit, semper refelli potest, aliter non esset uerisimile, sed sempiternum & necessarium. Iudex autem existimat, cum ita refutatum sit, aut non esse uerisimile, aut nihil adiudicium suum pertinere: sed fallaci conclusione decipitur; (ut diximus) neq; enim oportet ipsum tantum ex necessarijs iudicare, sed etiã ex uerisimilibus: & hoc est, quod dicitur, æquisima sententia iudicare. Non igitur satis est, si defensor docuerit non esse necessarium; sed oportet, ut ostendat etiam, non esse uerisimile. hoc autem fiet, si in reprehensione docuerit, rem plerunq; aliter fieri solere. Potest autem duobus modis adferri reprehensio; uel à tempore, uel à rebus. quod si utrunq; coniungatur; tunc erit firmissima; nam, si plerunq; res ita fit, hoc erit magis uerisimile. Reprehenduntur etiam signa: & argumenta, quæ à signis ducuntur, etiam si extent, aperta q; sint, quemadmodum antea dictum est. nam in Analytiks declaratum est, nullum signum uim habere concludendi. Atq; etiam exemplorum eadem reprehensio est, quæ uerisimilium: nam, si unum tantum proferre poterimus aliter factum, soluta est argumentatio, quoniam non est necessaria, quamuis & plura, & sæpius aliter facta fuerint, at uero, si plura fuerint, & sæpius eodem modo facta; contendendum est id, de quo agitur, uel non esse simile, uel non similiter factum, uel deniq; aliquo modo ab alijs differre. Indicia uerò & propria notæ argumenta nequaquã in eo reprehendi possunt, quod non recte concludant, quod ex ijs, quæ dicta sunt in Analytiks, perspicuum est. restat igitur, ut demonstremus id nõ esse uerum, quod cicitur, quod si certum est esse uerũ, et esse, propria rei notã: nullo modo labefactari potest: iã enim

omnia demonstratione clara sunt. Iam uerò amplificatio, & diminutio non sunt enthymematis elementa. Idem enim ego elementum & locum appello. Est autem elementum siue locus, in quē multæ argumentationes incidunt: amplificatio uerò, & diminutio sunt argumentationes ad aliquid ostēdendum, quod sit magnum aut paruum quemadmodum etiā, quod sit bonū aut malum, quod iustum aut iniustum, & in ceteris eodem modo. hæc autem omnia sunt, in quibus syllogismi, atq; enthymemata uersantur. Quòd stultū horū est locus enthymematis, neq; amplificatio, aut diminutio erit locus: neq; argumenta, quibus refellimus, diuersam habent speciem ab ijs, quibus cōfirmamus. perspicuum est enim duobus modis argumentum solui, uel per demonstrationē, uel per reprehensionē: per demonstrationē: ut, cū probatur contrariū, exempli gratia, si quis demonstrauit rem factam esse, qui soluere uult, ostendit non esse factam; & contrā, si quis ostendit nō esse factam, qui uult soluere, factam esse demonstrat. quare non est in argumentandi ratione differentia: ambo enim iisdem utuntur; cū aut esse, aut non esse argumentantur. Reprehensio uerò non est enthymema: sed, quemadmodum in Topicis docetur, nihil aliud est reprehensio, quā opinionem aliquam in medium adferre, quæ planum fiat, non esse benè conclusum, aut aliquid sumptum, quod falsum sit. Ad de exemplis quidem, & sententijs, & argumentationibus, & deniq; de ijs, quæ ad sensus animi proferendos pertinent, qua ratione possimus eis abundare, & quō modo ea soluere ualeamus, satis dictum est. Reliquum est, ut etiā de elocutione, et dispositione uerba faciamus.

# ARISTOTE

LIS STAGIRITAE,

RHETORICO AV M

LIBER III.

M. ANTONIO MAIO

ragio interprete.



V M tria sint, quæ in doctrina dicendi pertractare oporteat, primum undè probationes ducantur, alterum qua sit utendum elocutione, tertium quomodo partes orationis disponendæ sint: iam de probationibus dictum est, & ostensum, quot sint; illa, ex quibus ducantur, diximus enim esse tria, atq; ea quæ sint explicuimus, & cur eum numerum non excedant: omnes enim, qui de aliqua re iudicaturi sunt, uel quia ipsi affecti sunt aliquo modo, uel quia putant eos, qui dicunt, dignos esse, quibus fides habeatur, uel quia clavis argumenti probatum est, in persuasionem inducuntur. dictum est etiam, undè trahantur enthymemata, sunt enim, quæ dicuntur enthymematum species; sunt etiam, qui loci nominantur. Reliquum est, ut de elocutione dicamus: neq; enim satis est ea tenere, quæ dicenda sunt; sed etiam scire oportet quomodo sint dicenda. hoc enim multum etiam prodest ad efficiendum, ut oratio bene morata uideatur. Ac primò quidem (ut ordo naturæ postulat) quæstum

est id, quod re ipsa primū erat, unde res ipsae probabilitate in habeant, secūdo loco quæsitū est, quomodo in oratione, et elocutione res inuenta disponatur. tertium id est, quod horum omnium vim habet maximam, sed nondum à quoquam pertractatum est, quod ad actionem et pronunciationem facit. quæ res etiam à tragicis, atq; epicis poetis serò animaduersa est: nam initio poetæ ipsi tragœdias suas agebant. Perspicuum est autem, etiam in arte dicendi tale aliquid esse, quod ad actionem pertinet, quales in arte poetica de qua re cum alij quidam studiosè pertractarunt, tum præcipuè Glaucō Teius. Est autem actio in uoce posita: quomodo scilicet uocē ipsam uariare opus sit, ad singulos animi motus exprimēdos: nam aliquando magna, aliquando parua, aliquando media opus est: et, quomodo sonis uocis, et acuto, et graui, et flexo sit utendum: quibus præterea numeris in unoquoq; dicendi genere. Tria sunt enim quæ considerant ij, qui in hoc studio uersantur, hoc est, magnitudo, sonus, numerus: quibus qui benè utuntur, ij ferè solent ex certaminibus uictoriam reportare. et, quæ à modū in arte poetica plus hoc tēpore ualent histriones, quàm poetæ. sic etiā in ciuilibus controuersijs, quod uitio sit Rerump, nondū tamē de ijs, quæ ad actionē spectant, ars ulla conscripta est: quod nō mirum est, cum etiam illa, quibus ornatur oratio, serò in lucem uenerint. Et sanè, si quis recte reputet, tota res leuis ac reijcula est, uerū, cum omnis ars dicendi ad opiniones hominum accommodetur, ei curam, et studium impēdere debemus, non tanquam recte honesteque rei, sed tanquam necessariae, nam certe æquum erat, ut nihil aliud in oratione quæreretur, quàm ut ijs, qui au-

diunt, nec molestiam, nec laticiam adferemus: iustum est enim, ipsis tantum rebus in iudicio contendere. cætera uerò omnia, quæ præter probationes adhibentur superuacanea sunt, sed tamen (ut antea dictum est) propter auditoris uitium, plurimum ualent. Quin eloquendi ratio, genusq; dicendi quiddam necessarium habet in omni disciplina, aliquantum enim interest ad rem explicandam, hoc, an illo dicendi genere quis utatur, non tamè tantum, quantum in hac arte. uerùm hæc ex opinione pendent, & auditoris gratia quærentur: itaq; nemo geometriam hoc modo docere instituit. Ars igitur illa, cum in lucem uenerit, idem efficiet, quod ars histrionica. quidam tamen hætenus nonnihil de ea præcipere tentarunt, ut Thrasymachus in Miserationibus. Atq; hoc quidem, quod ad agendum attinet, à natura potius habetur, & paruo eget artificio: quod autem ad ornandam orationem spectat, id iam artis indiget. quare, qui hoc facere possunt, eodem modo uictoriam ex contentionibus reportant, sicut oratores illi, qui plurimum in actione ualent. nam, quæ scribuntur orationes magis ornatus ipso uerborum, quàm sententijs ualent.

COEPERVNT autem primi poëte, sicuti consensaneum est, aliquid de elocutione tractare. sunt enim nomina simulacra quædam: atq; in nobis nulla pars est, quæ magis, quàm uox, ad imitandum apta sit, unde etiam artes confectæ sunt, ut epica, & histrionica, atq; aliæ. Et, quoniam poëte, qui plerumq; res insulas proferunt, propter elocutionem gloriam, & honorè acquisuisse uidebantur: ideò factum est, ut elocutio poëtica primùm probaretur, qualis est Gorgia. quinetiam hoc



orationem: res enim externas homines admirantur, quod autem gignit admirationem suaue est, Ac in poetarum quidem scriptis multa sunt, quæ hoc efficiunt: sed ibi ea conueniunt, nam res, & personæ de quibus agunt poëtæ, ualdè a cæteris remotæ sunt. sed in oratione soluta multò paucioribus uti licet ornamentis; cum etiam ipsum argumentum multò sit inferius, quàm enim esset indecorum, si seruus, aut ualdè iuuenis elegantiori sermone uteretur; aut, cum quis de ualdè exquisitis rebus uerba facit: est enim etiam in soluta oratione decorum, quod & contrahi, & dilatarì debeat. Quare danda est opera, ut id clàm fiat: ne uideamur ficti: atq; artificiosè dicere, sed ut nobis dictat ipsa natura: sic enim erit probabilis oratio. illo uerò modo torum accidit contrarium: nam oratorem, tanquam infidiatorem, suspectum habent non aliter, atq; permixta uina. Debet igitur esse oratio, qualis esse Theodori uox uidebatur, ad aliorum histrionum uocem comparata: nam eius ipsius, qui dicebat, illa esse uidebatur, uoces autem reliquorum alienæ. Facile uerò artificium occultatur, si quis, è commuti sermonis consuetudine uerba seligens, orationem suam componat: quod Euripides obseruat, & primus hanc rationem ostendit. cum autem è nominibus, & uerbis oratio constituatur, & nominum tot sint species, quot in arte Poëtica declaratum est, rariùs orator, & paucioribus in locis uti debet pergrinks, & iunctis nominibus, & fastis: ubi uerò liceat uti, postea dicemus. cur autem ijs abstinere debeat, iam dictum est: nempe quia magis, quàm oporteat orationem immutant, Propria uerò tantùm nomina, & sua, & translata ad solutam orationem exor-

nandam sunt utilia. cuius rei signum est, quòd his solis omnes utuntur: nam in loquendo translatis, & suis, & proprijs nominibus quilibet utitur. Quare dubium esse non potest, quin si quis hoc rectè fecerit consequatur, ut & peregrina uideatur eius oratio, & ars lateat, & aperte dicat, quæ locutionis oratoriae uirtus est.

EX nominibus ea, quæ sunt ambigua sophistæ conuiniunt; ex eis enim fallaciter concludit: quæ uerò cognominata sunt, poëta sunt utilia, uoco autem propria & cognominata, ut eo, & proficiscor: nam hæc ambo propria sunt, & inter se cognominata. Quid igitur hæc singula uerba sint, & quot sint translationis species, & quem fructum poëtæ, & oratori ferant translationes, dictum est (ut antea monuimus) in arte Poëtica, Tantò autem maiorem industriam in transferendis nominibus oratio soluta postulat, quantò pauciora ad exornandum adiumenta, quàm uersus, habet: cum præsertim orationem dilucidam, & iucundam, & peregrinam translatio faciat, neque eam ab alia re quisquam accipere possit. Oportet autem & addita ad nomen, & translationes accomodatas sumere. hoc autem fiet, si proportio conseruabitur, sin minus, indecorum apparebit: contraria namque inter se collata maximè perspiciuntur. sed uidere oportet, sicuti iuueni purpura, ita seni quid conueniat, neque enim eadem eum uestis decet. Et si quem exornare uolueris ab eis, quæ sunt in eodem genere præstantissima, translationem sumere debes, si uerò uituperare, ab eis, quæ sunt deterrima. dico autem hoc modo, quoniam contraria sunt in eodem genere: ut, si quis dicat, mendicantem deprecari, deprecantē uerò mendicare,

quoniam utrunq; est petere, certè id faciet, quod antè di-  
 ctum est quemámodum Iphicrates Calliã uocabat me-  
 tra gyrtem, non autem daduchum, significabat enim eum  
 non esse initiatum, nam eum non metragyrtem, sed dadu-  
 cun appellasset, ambo enim hæc nomina sunt ministro-  
 rum magnæ Deæ sed alterum honestum est alterum abie-  
 ctum: et eos, qui Dionysii sodales erant, alij Dionisij adu-  
 latores, ipsi se artifices appellabant; hæc autem ambo  
 translata sunt, sed alterum sordidum est hominum, al-  
 terum contrà: et prædones hoc tempore se lucrifactores  
 uocant, quare licet eum, qui se iniuste gessit, dicere lap-  
 sum esse, qui uerò lapsus est, iniuste se gessisse: et eum, qui  
 furatus est, sumpsisse, aut depopulatum esse, illud autem  
 quod apud Euripidẽ Telephus ait, remis imperare, at in  
 Mysiam ascendens, indecorum est: maius est enim impera-  
 re, quàm conueniat, itaq; non latet. Est etiam inter-  
 dum in syllabis ipsis error, cum non iucundæ uo-  
 cis signa sunt: ut Dionysius cognomento Aeneüs in  
 Elegijs suis poësim appellauit, stridorem Calliopes,  
 quoniam ambæ uoces sunt: sed improbanda est transla-  
 tio, quæ fit in uocibus non significantibus. Præterea ui-  
 dendum est, ne longè ducantur translationes, sed ex  
 propinquis, atq; eiusdem generis, ut, quæ proprium  
 nomen non habent, eis illud imponatur, quod statim  
 affine esse uideatur: ut in celebri illo enigmate, Vidi  
 hominem, qui alteri homini es igne conglutinabat, hæc  
 enim res proprio nomine caret, sed tamen in ambobus  
 est appositio quædam: conglutinationem igitur appella-  
 uit ipsam cucurbitulæ adiectionem. Atq; omnino ex be-  
 nè confectis enigmatibus licet egregias translationes

sumere, nam ex translationibus fiunt ænigmata: quare non dubium est, ratione sumptam esse translationē. Debet etiam à rebus pulchris ac speciosis duci translationis. nominis autem pulchritudo (sicuti Lycimnius tradit) aut est in sono, aut in significatione, & turpitudinis similiter. Sed præter hæc, tertium quiddam est, quo fallax ea conclusio sophistarum soluitur. Neque enim uerum est id, quod Byrson dixit, neminem esse, qui turpiter loquatur, cum præsertim idem significetur, siue hoc, siue illo modo dixeris. hoc autem falsum est: nam aliud alio nomen magis est proprium, et rei magis simile, & magis accommodatum, ut res oculis quasi subiiciatur. præterea, licet idem significant, non tamen eodem modo se habent hoc, & illud nomen, quare hac etiam de causa aliud alio pulchrius, aut deformius nomen existimandum est, ambo quidem & honestum, & turpe significant, sed non, quatenus est honestum aut turpe, uel eandem rem aut magis aut minus exprimunt, Translationes igitur hinc ducendæ sunt, hoc est à rebus honestis uel sono, uel potestate, uel aspectu, uel alio aliquo sensu: plurimum enim interest, si quis auroram dicat (ut Homerus) roseam, & si purpuream, & quod adhuc est deterius, si rubram, quinetiam in eis, quæ nominibus adiunguntur, licet à deteriori, & turpiori additamentum sumere, ut Orestes matricida, licet etiam ab honestiore, ut partis ultor: & Simonides, cum illi paruam mercedem traderet is, qui mulabus uictoriam consecutus fuerat, noluit eum carmine suo celebrare, tanquam indignum putaret, in mulas carmen condere. postquam uero iustam illi mercedem tribuit, ita canere cœpit,

Salute ō uoluerum filiæ equorum:

atque etiam asinorum erant filiæ, Possunt etiam ipsa nomina dimiui est autem dimunitio, quæ uel bonum, uel malum minus uideri facit: ut Aristophanes in Babylonijs cauillatur; cum pro auro dicat aurulū, ut pro uestimento uestimentulū, et pro conuicio cōuiciolū. Cautè uerò rē utrang; tractare oportet, & in utraq; modum seruare.

Q U A T V O R autem modis elocutio frigida fit, primò in coniungendis nominibus: ut Lycophron cælum appellauit multiforme, & terram magnificam, & litus angustium: & Gorgias adultorem uocauit ptochomusum, dixit etiam ἐπιεικίστατος καὶ κατεπεικίστατος, id est, peierantek, & deierantek: et quemadmodum alcidamas, Furore quidem animus plenus, igni uerò facies erat; et, Finiferentem existimauit eorum alacritatem futuram, et, Persuasionem orationum statuit esse finiferentem, et, Cæralicorem maris planiciem. quæ omnia propter duplicationem uideatur esse poëtica, Atq; hæc una quidem est frigida locutionis causa, Altera uerò est, cum quis peregrinis uocibus utitur. ut Lycophron Xersem pelorium hominē appellauit; dixit etiam, Sciron finis homo: & Alcidamas dixit, Athyrma poësis, & Naturæ atastaliā, & Mera animi incensus ira, punctusq;.

Tertius modus frigida locutionis est, cum quis epithetis uel longè petitis, uel intempestiuis, uel crebris utitur. Nam in poësi, hoc album, dicere conceditur: at uerò in soluta oratione sunt indecentia huiusmodi epitheta. Quædam etiam, si quis crebrius utatur, artem detegunt; planumq; faciunt, eam esse poësim, qua quidem uti oportet, quoniam quotidiani sermonis consuetudinē immutat,

et elocutionem peregrinā facit, sed mediocritate opus est, quoniam si modum excedit, maius est uitium, quam siquē ex tēpore loquatur: nam subita dictio uirtute caret, nimis autē ornata uitiosa est. Quapropter Alcideantis oratio frigida uidetur, qui non tanquam condimendis, sed tanquam cibus, utitur epithetis: adeo crebra, & magna, & aperta usurpat. non enim sudorem, dicit, sed humidum sudorem, neq; Ad Isthmia, sed Ad Isthmorum celebritatē neq; leges, sed ciuitatū reginas leges, neq; cursu, sed Animi impetu cursorio, neq; museum, sed inquit, Cū naturæ museum accepisset, & tristē animi curam, neq; gratiæ, sed Popularis gratiæ fabricator, & dispensator uoluptatis audientium, neq; ramis, sed syluæ ramis occultauit; neq; Corpus uelauit, sed Corporis pudorem, & cupiditatem animi representatricem, hoc autem & iunctum est, et epitheton, quare pœma sit: & ita immensam improbitatis exuperantiam. Itaq; cū pœtico more loquantur, quia rem indecoram faciunt: et ridiculi, & frigidi fiunt, & propter loquacitatē incidunt in obscuritatē. quicquid enim inculcatur ei qui iam rem percepit, splendorē adimit, et tenebras offundit. Solent autem homines uulgō iunctis uti nominibus, cū alicui rei nomen non est impositum, & facilis est compositio, ut *χρονος βῆν*, quod est tempus frustra consumere: sed si hoc frequētius fiat, erit omnino pœticum. quare iuncta nomina dithyrābick pœtis sunt aptissima: sunt enim maximē consonantia: uoces autem externæ pœtis hercicis conueniunt; habent enim in se granditatem, & maiestatem: at uerō tranlatio iambick apta est, quo metri genere nunc utuntur, aut antea dictum est.



Quartus modus frigida locutionis fit in translationibus. sunt enim etiam indecorae translationes: & haec quidem propter ridiculum, nam etiam comici poetae translationibus utuntur: illae uero propter nimiam granditatem tanquam tragicae, sunt. Quinetiam obscurae fiunt, si longè petantur: ut Gorgias, Pallida atq; exanguia negocia: Tu uero haec turpiter seminasti, male autem messuisti. nimis enim poetice dicta haec sunt: & quemadmodum Alcidas, philosophiam esse legum propugnaculum, & Odyseam esse pulchrum humanae uitae speculum, & nullum huiusmodi ludicrum poësi adferens, nam haec omnia sunt aliena à fide facienda propter ea, quae dicta sunt, illud uero gorgiae contra hirundinem, quae superuolans cibi reliquias in eum demisit, optimè poëtae Tragico conueniret: dixit enim, turpe tibi ô Philomela. nam, aui quidem licet id effecerit, non turpe fuit, uirgini uero turpe fuisset. scitè igitur conuicium fecit, dicens id, quod fuerat, non autem, quod est. Imago uero etiam ipsa translatio est, parum enim ab ea differt. nam, cum poëta de Achille Dicit, Tanquam leo irruerat, imago est: cum autem, Leo irruerat, est translatio, quoniam enim ambo fortes sunt, translato nomine Acchillem uocauit leonem. Vtilis est autem imago etiam in soluta oratione, sed ea raro utendum, quoniam magis poetitas decet, usurpandae uero sunt imagines eo modo, quo translationes; nihil enim aliud sunt, quam translationes, modo tantum, quo dixi. differentes. Sunt autem imagines huiusmodi, ut Androction contra Idrieum dixerit; eum similem esse canibus, qui uincti catenis domi tenentur, nam illi soluti postea

in omnes incurrunt, sic Idrieum, uinculis solutum, factum esse acriorem: & Theodamas Archidamum dicebat Euxeno. geometria priuato, esse similem; hac igitur proportionem etiam Euxenus erit similis Archidamo, geometria aucto: & id, quod est in Platonis Politia; eos, qui mortuorum corpora spoliant, catellis esse similem, qui lapides quidem mordent, sed eos, qui iecerunt, non attingunt: et, quod de poulo dixit; cum esse similem nauclero ualido quidem, sed surdo astro: & quod de poetarum uersibus, quos adolescentibus nulla pulchritudinem praeditis, dixit esse similem, nam illi quidem cum defloruerint, hi uero si dissoluantur, nequaquam similem esse uidentur: & quod Pericles de Samijs dixit, eos similem iufantibus esse, qui cibum quidem capiunt, sed tamen plorant: & de Bæotijs, quod similes sint ilicibus, quæ se uicissim frangunt, ita Bæotios inter se prælari: & Demosthenes dixit, populum esse ijs similem, qui in naui nauseant: & Democrates nutricibus oratores comparabat, quæ cibos ipsæ deuorant, salua uero pueros inungunt: et Antisthenes Cephisodotum, tenuem ac gracilem hominem, tauri dixit esse similem, quod, cum absumitur, leticiam adfert, has enim omnes, & tanquam imagines, & tanquam translationes proferre licet. Quare quaecumque probantur cum tanquam translationes prolatae fuerint, perspiduum est, etiam imagines esse posse: nam imagines nihil aliud sunt, quam translatione, quæ orationis conformatione indigeant, uerum semper oportet eam translationem, quæ à proportionem ducitur, ab utraque parte sibi respondere, atque in rebus eiusdem generis fieri: ut, si phiala clypeus Bacchi dicitur, etiam clipeus recte Martis phiala uocabitur.

Ac oratio quidem ex ijs, quæ dicta sunt, componitur.

INITIVM autem & fundamentum elocutionis, est emendatè loqui, quod ex quinque præcipue rebus constat. Prima cura est in coniunctionibus; ut quis eas sicuti natura postulat, uel antè uel post in ordine collocet, ut inter se respondeant. ut, Ille quidem, & Ego quidem; Postulat uero, & Ille uerò. sed eas oportet ita inter se respondere, ut faciliè memoria comprehendendi possint; quod fiet, si non nimis longo interuallo disiectæ fuerint. Neque opus est coniunctionem ullam aliam ante coniunctionem necessariam collocare; nam hoc paucis in locis conuenit; ut, Ego uerò, postquam mihi rem narrauit: uenit enim ad me Cleon rogans, atque obsecrans, profectus sum, eis in societatem assumptis. nam in his uerbis multæ coniunctiones interpositæ sunt, antequam necessaria coniunctio reddatur: & si magnum interuallum esset inter initium, & illud uerbum, profectus sum; esset obscura locutio, Atque hic quidem unus est emendatè loquendi modus in coniunctionibus. Alter modus est; cum proprijs ac suis nominibus res appellantur, non autem circumscribuntur: tertius, cum ambigua uitantur; nisi fortasse quis id dedita opera faciat, hoc autem faciunt ij, qui, cum nihil habent, quod dicant; aliquid tamen dicere uideri uolunt; huiusmodi enim homines poetico more talia proferunt, quod etiam Empedocles facit. nam circuitus ille uerborum, cum longus sit, faciliè decipit; & auditores ita afficiuntur, sicut imperita multitudo, cum ariolos audit ambigua loquentes, temere enim assentitur: ut,

Croesus Halim penetrans, magnā peruertet opū uim. nam arioli de omni negotio generatim loquuntur; sic enim omnino minū peccatur. qui enim par impar ludit; multo facilius diuinare potest, si uel paria, uel imparia esse dixerit, quā si certum numerum explicare uoluerit: ita, qui dicit aliquid futurum, facilius diuinabit, quā qui explicuerit, quando sit futurum, quo fit, ut uates non adiungant, quando. Hæc enim omnia similia sunt; quare, nisi fiant alius cuius rei gratia, sunt fugienda. Quartus modus est, cum genera distiuguntur, quod Protagoras fecit, qui dixit, alia nomina esse uirilia, alia muliebria, alia neutra. hæc enim etiam accuratè seruanda sunt: ut, illa autem reuersa, & collocuta discesfit. Quintus modus est, cū res multas, & paucas, & singulas rectè quis appellat, ut, Hi, cū accessissent, me percusserunt. Omnino uerò quod scribitur huiusmodi esse debet, ut & legi; & proferri facile possit; quod eodem modo fit. hoc autem non habet ea locutio, in qua multe sunt coniunctiones: & quæ non facile distingui, atq; interpungi potest, qualia sunt Heracliti scripta: magna enim difficultas est, scripta Heracliti notis, atq; interpunctionibus distinguere, quia dubium est, cuiam parti uerba hæreant, posteriori ne, an priori. quod ex eius operis initio intelligi potest, ubi ita inquit; Rationis eius, quæ uerè est, semper, imperiti sunt homines: incertum est enim, utri parti illud aduerbium, semper, sit applicandum. Præterea fit solæcismus cū non redditur unicuiq; uerbo, quod exi-

git, nisi forte inter se coniungantur eo uerbo, quod utriq;  
conuenit: ut, *Strepitum, & colorem*, non bene dixeris,  
uidens, quia non est commune; sed, sentiens, quod est  
commune. Fiet etiam obscura locutio, nisi initio pos-  
ueris id, quod multis interpositis postea dicendum est,  
ut, *Paraueram*, postquam cum eo collocutus fuisset  
hæc, & hæc & hoc modo, discedere, restius ergo dixe-  
ris, *Paraueram discedere*, postquam collocutus cum eo  
fuisset hæc, & hæc, & hoc modo.

AD locutionis autem amplitudinem & grandita-  
tem hæc proderunt: primum, si definitionem loco no-  
minis ponas, exempli gratia, si non circulum dicas, sed  
figuram planam, cuius extremitas paribus à medio ra-  
dijs attingitur. qui uerò breuitati studet, is contrà no-  
men loco definitionis ponat. Quod si quid acciderit ob-  
scœnum, aut parum decorum: id si erit in definitione,  
nomen usurpabimus, si autem in nomine, definitionem.

Erit etiam grandis oratio, quæ translationibus, &  
epithetis illustrabitur; modò ne in poëticam licentiam  
exeat: & si ex uno plura fiant, quod poëtæ sæpe fa-  
ciunt; ut, quamuis unus tantum portus sit, tamen dicunt,  
*Intra portus Achaicos*, & illud:

*Luētuscatentek, has tibi do epistolās:*

& si nomina non coniungantur, sed separatim singu-  
la proferantur, ut, *Eius mulieris, quæ nostra est*, &  
contrà breuiter hoc modo, *Nostre mulieris*: & si  
in dicendo copulæ adiungantur, nam contrà breuius  
dicitur detracta copula, modò ne dissoluta sit oratio,  
ut, *Eò profectus sum, ac disserui, & Eò profectus,*

differui. Atq; etiam illa Antimachi ratio utilis est: nempe ea commemorare, quæ rei non adsunt: quod ille facit in celebrando colle Theumeso; ut, *Est quidam modicus collis, uento perflatus, nam hoc modo infinite potest oratio amplificari.* Quæ ratio in utranq; partem utilis est, hoc est et in bonis, et in malis, quæ non adsunt, commemorandis. unde etiam poetæ nomina confinxerunt ὄχορος, et ὄλυρον, hoc est expertem chordæ, et expertem lyre; quas appellationes à priuatione sumpserunt: quæ res in eis potissimum translationibus nomen habet, quæ ex proportionem ducuntur, ut, si quis diceret, tubam esse sonum, lyre expertem.

DECORVM autem illa seruabit oratio, quæ motus animi miscebit, et quæ mores exprimet, et quæ subiectis rebus conueniet. Erit autem rebus conueniens; si neq; de rebus amplissimis tenuiter et summissè, neq; de tenuibus rebus grauiter et amplè quis dixerit. Sed neq; abiecto nomini ornatus est adhibendus; alioqui comœdia uidebitur: quod crebrò facit Cleophon. talia enim quædam profert, ac si diceret; *Venerandam ficum.* Motum animi miscebit oratio irarum plena; cum de aliqua contumelia agetur. Quòd si impia, et Turpia facta tractanda sunt, id cum indignatione, cauteq; , et quasi timide faciendum; si uerò laudabilia, cum animi uoluptate, si miserabilia, demissè atq; humiliter; et in cæteris eodem modo. locutio enim, rebus accommodata, ad persuadendum plurimum ualet, nam animus auditoris in errorem trahitur, qui ea uerè dici putat: quoniam



in eiusmodi rebus, ita se homines habent. Quare, licet ita se res non habeat, ut orator, dicit; tamen ita se habere putant. atq; auditor semper eodem modo afficitur, quo orator, etiam si non uerè dicat: quæ de causa multi oratores ita uebementer commouent auditores, ut eos quasi attonitos reddant. Quin hæc, à signis ducta demonstratio bene morata est. quoniam singula hominum genera, singulosq; habitus sua quædam propriaq; consequitur oratio genera autem intelligo singulas ætates, ut puer uir senex, & mulier & uir, & Lacon uel Thessalus: habitus uerò intelligo, quibus uita hominum informatur; non enim quolibet habitu uita conformatur. qui igitur habitui nomina accommodabit, mores etiam affinget orationi: neq; enim eadem, aut eodem modo impolitus atq; agrestis homo diceret, quæ politus & bonis artibus excultus. Afficiuntur etiam auditores ea ratione, qua ad satietatem usq; utuntur ij, qui orationes scribunt: Quis autem nescit? Omnes intelligunt: assentitur enim auditor, ueritus, ne quod cæteri omnes intelligunt, ipse solus ignoret. Hac autem ratione & tempestiue, & intempestiue ut licet; sicut etiam reliquis præceptorum generibus. sed omnis exuperantiæ remedium est id, quod uulgò dicitur, Oportet ipsum se sua uoce corrigere: tunc enim uerum uidetur, quoniam ipsum oratorem non latet id, quod facit. Neq; seruanda semper est proportio, ut omnia consentanea uideantur, sic enim fallitur auditor. Dico autem, ut, si nomina dura fuerint, non semper etiam dura uoce,

et multu, et reliquis, quæ consentanea sunt, utatur is, qui dicit: alioquin aperta fient omnia, neque quicquam latere poterit. si uero aliquid seruatum fuerit, aliquid non, non tegitur artificium, cum tamen idem faciat: ueruntamen si mollia duriter aut si dura mollior proferantur: fide prorsus carebit oratio. Qui autem commouere animos uelit, ei maximè conuenient epitheta, iuncta nomina, et peregrina. Ignoscitur enim irato, si dixerit, se passum esse malum usque ad cælum extensum, aut admodum uastum: et quando iam orator auditores obsederit, atque extra se rapuerit, uel laude uel uituperatione, uel ira uel amicicia, ut etiam Isocrates facit in Panegyrico in extrema parte, cum ait, Famam autem; et illud, Qui quidem tolerarunt. nam, extra se rapti oratores huiusmodi uerba fundunt: quæ qui audiunt, eodem pacto affecti recipiunt, atque approbant. quare etiam poësis conueniunt, cum poësis res quædam diuina sit. Vel igitur hoc modo, uel cum ironia licet huiusmodi uerba usurpare: sicut Gorgias faciebat, et in Phædro Socrâtes.

A. T. uero forma orationis neque uersibus constare, neque numerorum prorsus expers esse debet. illud enim orationi fidem adimit, quoniam artificiosè ficta esse uisetur: et simul auditorem auertit à causa, facitque, ut attendat, et expectet, quando simile aliquid ad aurem accedat: sicuti, pueri solent præconem præoccupare, quem sibi patronum adoptet is, qui manumittitur, ut Cleonem. hoc autem genus orationis, quod est numerorum expers, sine caret, neque constituit. Oportet au-

tem aliqua terminatione concludi, non tamen metrica, nam insuauē est, & obscurum, quod non terminatur: omnia uerò numero finiuntur. Sed is numerus, qui in orationis forma spectatur, rythmus est: cuius etiam metra partes sunt. quo fit, ut oratio rythmum quidem habere debeat, non autem uersum, alioquin esset poëma: neq; tamen exquisitè rythmum seruare oportet, sed quadantenus. Ex numeris autem oratorijs he-  
 rous grandis est, & elegans, & indigens harmoniæ iambus autem ipsa est imperitorum oratio: ideo ex omni genere carminum, in iambica maxime loquentes incidunt. oportet autem in dicendo effici granditatem, & in admirationem inducere. At uerò throchæus cordaci aptior est, quod aperte tetrametra declarant, in quibus numerus incitatus est, & lubricus. Reliquus est pæan, quo quidem usi sunt ij, qui à Thrasymacho profecti sunt, sed tamen eius naturam non intelligebant, est autem tertius pæan, atq; inter illos medius, quos diximus. est enim, ut tria, si ad duos conferantur, ex illis uerò alter est, ut unum ad unum, alter autem ut duo ad unum, harum autem proportionum sesquialtera media est. atq; hic pæan. Reliqui igitur, propter iam prædictas causas relinquendi sunt, & præterea, quia sunt apti uersibus, pæan autem admittendus: nam ex hoc uno prædictorum omnium, uersus nullo modo conficitur, quare maxime latet, nunc igitur uno tantum pæane utuntur, atq; in orationis principio: sed à principio finem differre oportet. Duæ uerò sunt pæanæ species inter se contrariæ, quarum altera principio con-

uenit, sicuti etiam utuntur: atq; is est pæan, cuius prima syllaba longa est, tres uero postremae breues sunt, ut, Delogena, Siue Lyciam, & , Auricome nate Iouis: altera uero contra, cuius tres primae breues sunt, postrema longa, ut, Domuerant, Sonipedes: atq; hic bene concludit, breuis enim syllaba, quoniam est imperfecta, mutilata ac manca efficit orationem, itaq; sententiam oportet longa syllaba terminari: atq; ipsum finem notum esse, non scriptoris opera, neq; propter aliquam appositam notam, sed propter numerum. Iam igitur declaratum est, numerosam esse oportere orationem, non autem extra numerum, & qui numeri tales eam faciant, quoq; modo sint in ea collocandi.

ELOCUTIONEM uero duplicem esse necesse est, uel tractam ac pendentem, quæ copulatione fit una, quales sunt dithyramborum cantiones, uel ambitu comprehensam, & similem ueterum poetarum antistrophis. Sed tracta ac pendens elocutio priscorum est, quæ Herodotus Thurius in historia utitur, atq; eo tempore ferè omnes utebantur, nunc autem perquam pauci. Voco autem tractam ac pendentem elocutionem, quæ nullum ex se finem habet. nisi res, quæ exponitur, ad finem peruenerit. quæ sanè est iniucunda: quoniam infinitè fertur, omnes, enim uidere finem exoptant, quapropter cursores, cum ad flexiones peruenerunt, uehementer anhelant, & penè deficiunt, cum antea non laborent, quia metam prospiciunt. Ac tracta quidem pendensq; oratio talis est. Ambitu uero comprehensa est, quæ periodis constat. periodum uoco oratio-

nem, quæ principium, & finem ex sese habet, & eam magnitudinem, quæ faciliè perlastrari possit. Huiusmodi autem oratio suavis est, & faciliè percipi potest. & suavis idcirco est; quia est illi contraria, quæ infinitè fertur, &, quia semper auditor aliquid se tenere existimat, cum semper aliquid conclusum ac determinatum accipiat, contra uerò. nihil præuidere, nihilq; absolutum habere, est iniucundum. faciliè autem percipitur, quia memoriæ faciliè mandari potest. & hoc accidit, quia numerum habet in periodis, quod omnium maxime aptum est ad recordandum: atq; hæc causæ est, cur omnes faciliùs carmina, quàm solutam orationem recordentur, quia numerum habent, qui ea metiatur. Oportet autem in periodo sententiam etiam ipsam finire, nõ autè abrupti: quod fit in illis iambicis Sophoclis. Hæc est quidem Calydon solum potitus est,

Quo olim Pelops. =

fit enim quandoq; ut, si periodus diuisa fuerit, sensus contrarius eliciatur, sicut in prædicto exemplo potest quis suspicari, Calydonem in Peloponeso esse.

Duplex autem est periodus; nam altera membris constat, altera simplex est. ex membris constat, ea locutio, quæ perfecta est, & distinctas partes habet, & spiritum dicentis non impedit, non ipsa diuisione, sicut in prædicta periodo, sed in toto ambitu: membrum uerò est altera periodi pars. Simplicem periodum eam appello, quæ ex uno membro constat. Oportet autem & membra ipsa, & periodos neq; mutilas esse, neq; longas. nam, quod mutilum est ac paruum, sæpe cogit auditorem

offendere, atq; harere: necesse est enim, ut, cum auditor adhuc ultrà tendit animo, & ad mensuram illam termini, quem in seipso concepit, cessante oratore, quasi retro trahatur, & quasi obice quodam impeditus, offendatur. Longæ uerò periodi deficere cogunt auditorem quemadmodum enim ij, qui spatia conficiunt et ultra statutum terminum progrediuntur, eos post se relinquunt, qui unà decambulabāt, ita longæ periodi iam in orationem exeunt, et lyricorum cantionibus similes fiunt. quare idē hac in re cōtingit. quod Democritus Chius Melanippidi per iocum obiecit, cū ille pro antistrophis anabolas usurpasset,

Vt nocet ille sibi, alium qui ledere quærit;  
Sic carmen longum uati ipsi pessima res est:  
hoc enim ipsum etiam in eos aptè dici potest, qui longis membris delectantur, contrà uerò, quæ breuiora, quam opus sit, habent membra, ne periodi quidem sunt: nam ipsum auditorem præcipitem rapiunt.

ELOCUTIO uerò, quæ membratim profertur, partim distincta ac libera est, partim opposita ac sibi mutuò respondens, distincta, ut illa Isocratis. Sæpius admiratus sum eos, qui celebritates congregarunt; & eos, qui gymnica certamina constituerunt: opposita uerò ac sibi respondens est illa, cū uel in utroq; membro contrarium est alteri contrario constitutum, uel idem membrum ē contrarijs constat; Nam ijs, qui secuti sunt, multò plura, quàm domi possidebant, acquisuerunt: ijs uerò qui domi remanserunt, satis agri, quo se alerent, reliquerunt; hæc enim sunt contraria remanere &



sequi, plura & satis: itaq; & pecuniarum egentibus,  
& frui uolentibus; nam acquirere, & frui inter se  
opponuntur: & illud, Sæpe accidit in eiusmodi rebus,  
ut prudentes aberrant, & insipientes rectè gerant:  
Statim quidem præmia fortium uirorum obtinuerunt,  
sed non ita multò post imperium maris acquisuerunt:  
Terram quidem nauigasse, maria uerò ambulasse: Hel-  
lespontum quidem iunxit, Athonem uerò perfoliit: &  
Qui natura ciues essent, lege priuati sunt ciuitate: ex eis  
enim alij malè perierunt, alij turpiter seruari sunt: Pri-  
uatè quidem seruis uti barbaris, publicè uerò negligere,  
sociorum multos seruos esse: Vel uiuentes habere, uel mo-  
rientis relinquere: & quod in Pitholaum, & Lyco-  
phronem quidam in iudicio dixit, Hi, cùm domi essent,  
uos uendebant, postquam ad nos uenerunt, ipsi empti  
sunt. in his enim omnibus id est, quod antea diximus. Iu-  
cunda uerò est huiusmodi locutio: quoniam contraria ma-  
ximè nota sunt, & cùm inter se conferuntur, fiunt  
etiam notiora: & quia ratiocinationis formam præse-  
fert, elenchus enim nihil aliud est, quàm contrariorum col-  
lectio atq; hæc quidem oxornatio contentio uocatur,  
Compar uerò dicitur, cùm æqualia mēbra sunt, As-  
milatio uocatur, cùm extremæ partes utriusq; mem-  
bri similes sunt. Necesse est autem hoc uel initio, uel in  
fine fieri. Atq; initio quidem nomina semper similia sunt:  
in fine uerò similes sunt extremæ syllabæ, uel eiusdem  
nominis casus, uel nomen ipsum: Initio igitur fiunt hoc  
modo, Agrum enim accepit agrum ab eo,  
Placati donis, pacatiq; ore fuerunt:

in fine uerò hoc modo, Non putarunt hoc ipsum sibi peperisse, sed eius causam fuisse. In cura quidem plurima, in spe uerò minima: casus autem eiusdem nominis hoc modo, Dignus uerò statua aerea, non dignus ære: idem nomen hoc modo, Tu illi cùm uiueret, dicebas malè, & nunc in eum scribis malè. fit etiam in una extrema syllaba: ut, Quòdnam passus esses malum, si hominem uidisses ignauum? Possunt etiam interdum hæc omnia coniungi; ut idem sit & contentio, & compar, & similiter desinens. Principia uerò periorum in libris ad Theodectem, ferè sunt à nobis enumerata. Sunt etiam quædam falsæ simulatæq; contentiones: ut Epicarmus fecit, Interdum enim ego cum illis eram, interdum uerò apud illos. Et, quoniam de his iam satis diximus; sequitur, ut aperiamus, undè urbana & præclara dicta deducantur. ac illa quidem conformare, uel ingeniosi hominis est, uel exercitati: uiam autem ac rationem ostendere, disciplinæ huius proprium est. De illis igitur dicamus, atq; enumeremus omnia; sed hinc potissimum exordio sumpto.

NATVRA hoc instum est omnibus; ut, cum aliquid facile discunt, uoluptatem sentiant, nomina uerò semper aliquid significant. Quare quæcunq; nomina rei alicuius noticiam nobis inferunt, ea iucundissima sunt. ac peregrina quidem uocabula nobis ignota sunt, propria uerò iam cognita: translatio igitur maximè hoc efficit: cùm enim quis senectutem appellat stipulam, nobis inserit cognitionem ac noticiam propter genus: hæc enim ambo uiriditatem amiserunt. Quinetiam

poëtarum imagines idem efficiunt. quare si bene posita fuerint, urbanus sermo uidetur, est enim imago, (sicut antea dictum est) translatio, quæ tantum adiunctione differt. atq; ideo minus est iucunda, quia longius protrahitur, neq; dicit hoc illud esse, quod animus auditoris querit. Necesse est etiam. eam elocutionem, atq; illa argumenta urbana esse, quæ nos in aliquius rei cognitionem celeriter ducunt. quare neq; argumenta illa probantur, quæ patent, atq; in promptu sunt. dico autem. esse in promptu, quæ sunt omnibus nota, & quæ non indigent, ut querantur. Neq; illa probantur, quæ, cum exposita sunt, adhuc tamen ignorantur; sed illa, quæ cum exponuntur, statim nos in cognitionem ducunt, etiam si prius nihil sciremus, uel, quæ paulò post cogitatione percipiuntur. hoc enim modo gignitur in nobis cognitio, sed illo, quem supra diximus, nequaquam. Atq; in sententia quidem eorum, quæ dicuntur, talia potissimum excellunt argumenta: in locutione uerò conformanda, si contraria contrarijs opponantur; ut, cum aliis omnibus communis sit. pax, tamen existimant suis priuatis rebus. utilius esse bellum: bellum enim paci contrarium est. in uerbis erit urbanitas, si translata fuerint: modò ne translatio sit aliena, quæ non facile perspicitur potest; neq; uulgaris, quæ nihil commouet sed quæ rem oculis subiicit. magis enim oportet res uidere, quæ fiant, quàm, quæ fieri postea debeant. Triâ igitur hæc sunt consideranda, translatio, contentio, euidencia, cum autem translationum genera sit quatuor; illæ maxime excellunt, quæ fiunt ex proportionibus: quæ máxime modum

Periclès dixit de iuuentute , quæ in bello perierat , flo-  
 è ciuitate sublatam , ut , si quis uer ex anno tolleret :  
 & Leptines de Lacedæmonijs dixit , non oportere  
 pati , ut Græciæ alter oculus erueretur : & Cephiso-  
 dotus , cùm Chares Olymbiaci belli tempore uellet ad-  
 ministrationis suæ rationes reddere , id agrè ferens di-  
 xit , eum , cùm in furno populum inclusum haberet ,  
 uelle reddere rationes : idem , cùm Athenienses aliquan-  
 do hortaretur , ut in Eubœam irent frumentatum , di-  
 xit , oportere Milciadis decretum in expeditionem profi-  
 cisci : & Ipbicrates , postquam Athenienses cum Epi-  
 daurijs , & omni ora maritima foedus percussissent , id  
 agrè ferens dixit , ipsos belli uiatica sustulisse : & Pi-  
 tholaüs eam nauem , quæ Paralus uocabatur , dixit , esse  
 clauam populi ; Sesium autem arcam Piræi frumenta-  
 riam : & Periclès Aeginam tolli iubebat , quæ esset Pi-  
 ræi lippitudo , & Mærocles , cùm probum quendam  
 hominem appellasset , dixit , se illo non esse improbiorem ,  
 illum enim ternis usuris improbitatem exercere , se uerò  
 denis : & illud Anaxandridæ iambicum de filiabus  
 suis , quæ nubendi tempus transierant ,  
 O uirgines uos non stulistis nuptijs :  
 et Polyuëcti in quendam Spenisppum , hominem corpore  
 attonitum ; eum non posse conquiescere , quamuis à for-  
 tuna in pentesyringo morbo colligatus esse : & Cephiso-  
 dotus triremem uocabat , pistrina uaria : Cynicus au-  
 tem cauponas uocabat , Attica pbiditia : Aesion uerò  
 dixit , Athenienses in Siciliam ciuitatem effudisse . atq;  
 hæc quidem translatio est , & subiectio sub oculos.

Et illud , Ita ut Græcia clamorem ediderit , quodâmmodo translatio est , & subiectio sub oculos : & quemâdmodum Cephisodotus admonebat ut cauèrent, ne multas hostiles irruptiones. facerent in concionibus: & Isocrâtes apud eos , qui in celebritatibus concurrunt, & in funebri oratione , æquum esse , ut in sepulchro, quo sepelirentur ij, qui in Salamine occubuerant, Græcia tunderetur , quoniam unâ cum eorum uirtute etiam libertas Græciæ sepeliebatur, nam, si dixisset. æquum esse, ut Græcia lugeret , cùm unâ cum eis uirtus sepeliretur, esset translatio , & subiectio sub oculos, scûm uerò dixerit , unâ cum eorum uirtute etiam libertas Græciæ, est etiam quædam contentio: & quemâdmodum dixit Iphicrates , Iter orationis meæ fiet per medias res , à Charete gestas, hæc enim translatio est à proportionē, & quod addidit , per medias, rem oculis subiicit: & , qui ita dicit , Pericula conuocanda sunt , quæ periculis auxilium ferant, translatione utitur , quæ rem oculis subiicit : & Lycoleon pro Chabria , Neq; eius æneam statuam reuerēbimini , quæ uobis pro illo supplicat: translatio nanq; fuit illo tempore , sed non semper , uerùm semper est subiectio sub oculos , nam eo periclitante supplicat imago , itaq; inanime fit animatum, Quod est commentarium rerum ē ciuitate gestarum: Et illud translātē dictum est , Omni studio meditates , ut spiritus frangant , Atq; humilia sentiant , nam meditari, est quodâmmodo augere: & illud , Deus mentem in animo lumen accendit, utrunq; enim aliquid illustrat: Neq; enim bella dissoluimus , sed differimus ; ambo enim

futura sunt, & dilatio, & huiusmodi pax: & dicere, foedera trophæum esse multò pulchrius, quam ea, quæ in bellis statuuntur, Quoniam trophæa minutis saepe rebus gestis, & uno fortunæ impetu ponuntur, foedera uerò omni bello, ex sententia confecto, translatio est; hæc enim ambo sunt insignia uictoriæ: & illud, Ciuitates propter hominum uituperationem graui pœna multantur, nam multari pœna, est detrimentum ex legibus accipere. Ac urbana quidem dicta duci à translatione, quæ fit ex proportionem, & subiectione sub oculos, declaratum est. Dicendum est etiam, quid sit subiectio sub oculos, & quomodo ea fieri possit. Dico autem, ex eis nominibus constare subiectionem sub oculos, quæ res eas significant, quæ aliquid agant: ut, si quis dicat hominem probum esse quadratum, translatio quidem erit, nam ambo perfecta sunt, sed tamen nullum actum significat, illud uerò, qui florentem ætatis uigorem habeat, actum exprimit, & illud, Te uerò tanquam solutum ac liberum, actum continet, & illud, Hinc concitati cum impetu Græci ruunt, concitati enim & actus, & translatio est: quo genere multis in locis Homerus usus est, nam, per translationem, quæ inanimata sunt animata, esse dicit. Sed ex omnibus ea maxime probantur, in quibus actus exprimitur, sicut in illis;

Ille pudore uacans, interum lapsus ima petebat, &

-uolat ecce sagitta, &

-cupiens attingere; &

Stant terræ defixa, optantque in corpore figi

Spi



Spicula ; =      & ,

Atq; cuspis pectus pertransit plena furoris,  
in his enim omnibus, quoniam animata finguntur, actus  
apparet. nam pudore uacare, & furore quodam agi-  
tari, et alia sunt actus. Hæc autem inter se copulauit per  
translationem ex proportionem: Sicut enim se habet  
lapis ad Sisyphum, sic impudens ad eam rem, cuius ip-  
sum non pudet, hac eadem ratione utitur etiam in pro-  
batis imaginibus in eis, quæ sunt inanimata;

Curæ albescentes nunc hinc, nunc inde recurrunt:  
fingit etiam omnia moueri ac uiuere; est autem ipse actus  
quædam imitatio. Translationem autem ducere oportet  
(ut antea dictum est) à propinquis rebus, non tamen  
perspicuis, quemadmodum in philosophia soleris  
acutique hominis est, cernere, quid in rebus, mul-  
tum inter se distantibus, simile sit: sicut Archytas di-  
xit, idem esse arbitrum, & aram, quoniam ad utrunq;  
is, qui iniuriam accepit, confugere solet: uel, si quis  
diceret, anchoram, & cremastram idem esse; ambo  
enim idem efficiunt, sed in eo differunt, quod alterum  
inferne, alterum supernè pendet &, adæquatas esse ci-  
uitates in multum distantibus rebus, idem ualeat: nam  
& in superficie, & in potestate est æqualitas. Ma-  
ior autem pars urbanorum dictorum à translatione,  
& ab errore quodam proficiscitur, magis enim per-  
spicue res intelligitur, cum aliter quis existimabat:  
nam tunc animus secum dicere uidetur, Quam ue-  
rum hoc est? sed ego decipiebar, qui etiam apo-  
phthegmata, quæ sunt urbana, ex eo gratiam ha-

bent, quòd aliud significant, quàm uerba dicant, ut illud Stesichori; Quòd cicadæ apud eos humi cantabunt. & uoces, quæ acutè formantur in ænigmata, propter eandem rationem iucundæ sunt; nam in eis est cognitio, & translata dicuntur. Id etiam suaue est, quòd ait Theodorus, res nouas dicere. Fit autem, cùm præter opinionem id fuerit, & nullo modo (sicut ille ait) consentaneum opinioni, quam de eo prius habebant: sed quemadmodum in ridiculis leuiter immutata, delectare solet. quod idem etiam faciunt cauillationes, quæ mutatis fiunt literis: quæ res in uersibus etiam decipit, cùm aliud dicitur, quàm auditor expectat, ut Ingrediebatur autem, sub pedibus habens pernitioes: ille uerò putabat, calciamenta uelle dici. Hoc autem oportet statim ut prolatum est, perspicuum esse. Ridicula uerò quæ ex literis nascuntur, efficiunt, ut non dicatur id, quod dici uidetur, sed id quod, inuersum nomen significat, ut illud Theodori in Nicodem citharædum. *Ἐκέρτει σε*. fingit enim dicere, Conturbat te, sed in errorem inducit, nam aliud intelligit. quare iucundum sit ei, qui postea rem intelligit, quoniam nisi Thracem esse existimaret, non urbanum dictum esse putaret, et illud: Vult ipsum depopulari. sed aduertendum est, ut ambo commodè dicantur. Idem accidit etiam in urbanis dictis, ut si quis diceret, Atheniensibus maritimum principatum non fuisse malorum principium, quoniam profuit: uel, quemadmodum dixit Isocrates, imperium ciuitati fuisse malorum principium: nam, utroque modo id dictum est, quod quisquam dici non existimasset, & con-

gnitum est esse uerum. nam dicere principium esse principium, nihil habet, quod argutum sit: uerum non ita ait, neque negat id, quod principium dixerat, sed alio modo. In his enim omnibus si quis nomen commodè protulerit, in quo uel translatio sit, uel ambiguitas, tunc benè sese habet: ut, Intolerandus non intolerandus, ambiguè dixit. uerum fit commodè semper, cum uerbum iteratur: & illud,

Hospes non poteris fieri, quàm sis, magis hospes, uel, non magis, quàm te oporteat, nam idem est, uel, Non decet hospitem semper esse hospitem: nam hæc quoque diuersa sunt. hanc uim habet etiam illud Anaxandridæ celeberrimum dictum, Pulchrum est scire mori prius, quàm quicquam morte dignum generas: nam idem est, ac si dixisset, Dignum est mori, quando quis non est dignus mori, uel ita Dignum est mori, cum quis non est dignus morte, uel, cum quis non facit, quæ morte digna sunt. Et forma quidem locutionis in his omnibus eadem est, sed quantò breuius, magisque contrariè prolata fuerint, tantò fit elegantior oratio. causa uerò est, quia contrariæ res, propè collocatæ, rem melius intelligi faciunt, & breuitas temporibus celeriores gignit scientiam. uerum oportet, ut semper adsit, uel in quem dicantur, uel elegans dicendi ratio, siquidem id, quod dicitur, uerum esse, non autem inane uideri debet: alterum enim eorum sine altero habere potest: ut, Mori oportet, nihil in uita delinquentem, sed urbanum non est, Dignam oportet dignum uxorem ducere, at urbanitate caret: sed urbanum erit, si utrumque simul habuerit, ut, Dignum est mori, quando

quis non est morte dignus. Quàntò uerò plura coniuncta habuerit, tantò fiet urbanior oratio: ut, si nomina translata fuerint: & ea translatione, quæ probatur; & contentio, & compar, adhibeatur; & euidentiam habeat. Atq; etiam imagines (ut iam suprà dictum est) sunt excellentes quodammòdo translationes, semper enim ex duobus constant, sicuti translatio, quæ fit ex proportionem, ut, clypeum dicimus esse Martis phialam, & arcum esse citharam sine fidibus. quæ cùm ita pronuntiantur, non est simplex translatio: sed, cùm dicimus, arcum citharam, & clypeum phialam, tunc est simplex. Atq; hoc etiam modo finguntur imagines; ut, simiæ tibicinem esse similem; &, stillanti lucernæ lusciosum: ambo enim contrahuntur. bene uerò sunt imagines, cùm in eis inclusa est metaphora. licet enim uti imagine dicentes, clypeum esse Martis phialam; & parietinas esse pallium attritum ædificij; &, Niceratum esse Philoctetem demorsum à Pratyæ: quemadmodum Thrasymachus assimilauit eum, cùm uidisset Niceratum, à Pratyæ superatum in hercicis uersibus componendis, adhuc sordidatum esse, & incompta coma. In quo genere maximè exploduntur poëtæ, nisi bene se gesserint; etiam si aliter fuerint excellentes: dico autem, ut cùm quispiam ita inquit;

Distorta, ut apium, crura prodens gerit;

Sicut Philammon, iuga gerens cum Coryco.

Atq; huiusmodi cætera sunt imagines quòd autem imagines sint translationes, iam sæpe dictum est. Et proverbia sunt translationes à specie, ad speciem, ut,

si quis domum importet aliquid, unde commodum speret, & ex eo postea damnum accipiat, ut Carpathius leporem. ambo enim id, quod dictum est, pertulerunt. Unde igitur urbana dicta ducantur, iam dictum est; & cur ea tantum oblectent. Quinetiam superlationes ingeniosæ quædam translationes sunt: ut in eum, qui sugillatis faciem inquinatam habeat, Existimauissetis eum esse mororum calathum, est enim quidam rubor in sugillato, sed modus non seruatur. quinetiam imago, in qua dicitur, tanquam hoc aut illud, est superlatio, quæ dicendi genere tantum differt.

Sicut Philammon, iuga gerens cum Coryco:

Putauissetis ipsum Philammonem præliari cum Coryco:

Distorta, ut apium, crura procedens gerit, Putabam eum non crura, sed apia habere, adeo distorta sunt. Habent autem superlationes puerile quidam: uehementem enim animi motum indicant: itaque irati præcipue superlationibus utuntur:

Non mihi si tantum multa daret, quam magnus arena est, Pulueris & numerus: =

Non ducam uxorem (mihi crede) Agamemnone notam, Quamuis ingenio sapientem Pallada uincat, Et pulchræ Veneri præstanti corpore certet, hoc genere maxime utuntur Attici oratores: quare senem uti superlatione minime decet:

ILLUD uero sciendum est, in unoquoque genere propriam atque suam esse locutionem. neque enim eadem est locutio, qua scribimus aliquid, & qua in contentio-

nibus utimur; neque ea, quæ ad deliberatiuum genus pertinet, eadem est cum ea, quæ ad iudiciale: uerum utrumque scire, oportet, nam in altero satis est emendatè loqui, in altero uerò scribere: ne cogatur silere, cum quis alijs quippiam impertiri cupit: quod ijs accidit, qui scribendi rationem ignorant. Locutio apta scriptionibus est exquisitissima, contra, quæ contentionibus apta est, in actione maximè consistit: sed huius duæ sunt species, quarum altera ad mores, altera ad motus animi pertinet. Atque ideo histriones huiusmodi fabulas potissimum exquirunt, et poëtæ tales histriones desiderant. probantur autem ij poëtæ, qui etiam in legendo delectant, ut Chærémon: nam diligens est non aliter, atque is, qui orationes scribit: et Lycimnius ex eorum numero qui dithyrambici dicuntur.

Quod si inter se comparentur orationes, quæ scriptæ sunt: in contentionibus humiles angustæque uidentur: quæ uerò habitæ sunt; cum in manibus summuntur, similes sunt imperitorum orationibus, huius autem rei causa est, quod in contentionibus illa conueniunt. itaque illa etiam, quorum uis in actione posita est, sublata actione, cum suo munere non fungantur, frigida atque insulsa uidentur, ut quæ sunt dissoluta. Et eandem sententiam sæpe repetere, in scribendo non sine causa damnatur; in contentionibus autem etiam oratores utuntur: sunt enim hæc actioni conuenientia, necesse est autem, ut orationem uariant, qui idem dicunt, quæ res tanquam aditum munit ad actionem: Iste est, qui uos expulauit: iste est, qui decepit: iste est, qui denique uos hosti-



bus pròdere tentauit: quemádmòdum etiám Philemon histrio faciebat in Alexandriæ Gerontomania, quando uerba faciunt Rhadamanthus; & Palamedes, & in prologo Piorum; ubi, ego, sæpius iteratur. Nam, si hæc actione non adiuuantur, fit id quod prouerbio dicitur, Tragem gestans: sicuti etiám dissoluta; ut, Veni, occurrere, rogauit, necesse est enim actionem adhibere; nec, ut, si res una tantum dicatur, eodem habitu animi, ac sono uocis uti. Habent præterea quiddam peculiare, quæ dissoluta sunt, in æquali enim tempore multa dici uidentur: nam coniunctio ex multis unum efficit; quæ, si detrabatur, perspicuum est fieri cōtrarium, ut ex uno fiant multa, habet igitur amplificationem, Veni, narraui, supplicaui, multa enim sunt: Videntur autem omnia negligere, quæ narro, quæ dico. hoc idem etiám Homerus facere uoluit in illo loco: Nireüs, qui ex Simo; Nireüs, qui Aglaïæ filius: Nireüs, qui pulcherrimus: nam, de quo multa dicta sunt, necesse est etiám, ut sæpius dictum sit, & si sæpius, etiám multa dici uidentur. itaq; amplificauit, cum semel tantum de illo mentionem fecerit, & hac fallacia fecit, ut Nirei nomen memoriæ haberet, etiám si postea nusquam illum nominet. At uerò deliberatiui generis locutio similis est prorsus umbratili picturæ, in qua quantò maior fuerit eorum, quæ picta sunt, turba, tantò longiùs spectatur. quare quæ exquisita sunt in utrisq; & superuacanea, & deteriora uidentur. At in iudiciali genere, debet exquisitior esse locutio. quòd si coram uno iudice res agatur, tantò magis elaborandum est, nam minùs præst-

dijs artis ut licet : facilis enim perspicitur potest id ,  
 quod causæ proprium sit , & quod alienum , & cons-  
 tentionis studium abest. Itaq; iudicium est incorruptum.  
 Quapropter non in omnibus dicendi generibus ijdem  
 oratores excellunt . sed ubi maximè actione opus est ,  
 ibi minimè debet esse minuta diligentia. quæritur autem  
 actio , ubi opus est etiam uoce , & præsertim magna,  
 Locutio igitur demonstratiua maximè idonea est ad scri-  
 bendum , quoniam eius officium est , ut legatur . secun-  
 do loco iudicialis est ad scribendum idonea . Quod au-  
 tem quidam ita locutionem distinguunt, ut dicant & sua-  
 uem , & magnificam esse oportere , superuacaneum  
 est : cur enim magis eam ita , quàm temperantem , &  
 liberalem , & siqua huiusmodi uirtus est : nam eam  
 suauem ( ut perspicuum est ) efficiunt ea , quæ dicta  
 sunt , siquidem locutionis uirtus à nobis rectè definita  
 est : cuius enim rei gratia diximus , dilucidam locutionem  
 esse oportere , & non humilem atq; abiectam , sed cum  
 re conuenientem ? nam si nugatoria fuerit , non erit  
 dilucida , neq; si fuerit breuis & concisa ; sed clarum  
 est medium conuenire : & , quæ dicta sunt suauem ef-  
 ficient , si benè mixta fuerit , & loquendi consuetudo ,  
 & peregrina uerba , & oratorius numerus , & uis  
 persuadendi cum eo , quod decorum est . Ac de locu-  
 tione quidem dictum est , & communiter de omnibus ,  
 & speciatim de uno quoq; genere . Superest , ut etiam  
 de ordine dicamus .

S V N T autem orationis partes duæ : necesse  
 est enim rem primò , de qua agitur , exponere , deinde

de illam argumentis confirmare. Quare, cum rem narraris, postea non confirmare, aut confirmare, cum rem non exposueris, tale est, ut præstari non possit. nam, qui argumentis utitur, aliquid confirmat, & qui rem exponit, id ideo facit, ut postea confirmet. horum autem alterum propositio, alterum probatio est, quemadmodum, si quis diuideret aliquid in questionem. & demonstrationem. Nunc autem ridiculè diuidunt: narratio enim in iudiciali tantum genere uersatur, nam demonstratiui, & deliberatiui generis, qualem ipsi uolunt, quomodo narratio esse potest? uel, quæ contra aduersarium dicuntur, uel peroratio quænam est in exornationibus? Proæmium autem, & comparatio, & enumeratio tunc in deliberatiuo genere ponuntur, quando inter eos, qui sententiam dicunt, controuersa est, siquidem etiam accusatio & defensio adhibetur, sed non quatenus est deliberatio. sed neque peroratio in omnibus iudicijs adhibetur: ut, si parua fuerit oratio aut, res eiusmodi, quæ facile memoria comprehendere possit: nam ex longitudine detrahi solet. Necessariæ igitur sunt partes duæ propositio, & probatio. ac propriæ quidem hæ duæ partes sunt: sed si plures fuerint: tunc erit proæmium, propositio, probatio, peroratio nam quæ ad reprehendendum aduersarium attinent, probationi subiiciuntur, comparatio uerò est amplificatio suarum rationum: quo fit, ut, pars quædam sit amplificationis. nam qui hoc facit, aliquid confirmat: sed non proæmium, neque peroratio hoc facit, sed tantum reducit in memoriam, Quod si quis ita diuidat, ut Theodo-

Periclès dixit de iuuentute , quæ in bello perierat , flo-  
 è ciuitate sublatam , ut , siquæ uer ex anno tolleret :  
 & Leptines de Lacedæmonijs dixit , non oportere  
 pati , ut Græciæ alter oculus erueretur : & Cephiso-  
 dotus , cùm Chares Olympiaci belli tempore uellet ad-  
 ministrationis suæ rationes reddere , id agrè ferens di-  
 xit , eum , cùm in furno populum inclusum haberet ,  
 uelle reddere rationes : idem , cùm Athenienses aliquan-  
 do hortaretur , ut in Eubœam irent frumentatum , di-  
 xit , oportere Milciadis decretum in expeditionem profi-  
 cisci : & Ipbicrates , postquam Athenienses cum Epi-  
 daurijs , & omni ora maritima fœdus percussissent , id  
 agrè ferens dixit , ipsos belli uiatica sustulisse : & Pi-  
 tholaüs eam nauem , quæ Paralus uocabatur , dixit , esse  
 clauam populi ; Sestum autem arcam Piræi frumenta-  
 riam : & Periclès Aeginam tolli iubebat , quæ esset Pi-  
 ræi lippitudo , & Mærocles , cùm probum quendam  
 hominem appellasset , dixit , se illo non esse improbiorem ,  
 illum enim ternis usuris improbitatem exercere , se uerò  
 denis : & illud Anaxandridæ iambicum de filiabus  
 suis , quæ nubendi tempus transierant ,  
 O uirgines uos non stitistis nuptijs :  
 et Polyuëcti in quendam Spenstippum , hominem corpore  
 attonitum ; eum non posse conquiescere , quamuis à for-  
 tuna in pentsyringo morbo colligatus esse : & Cephiso-  
 dotus triremis uocabat , pistrina uaria : Cynicus au-  
 tem cauponas uocabat , Attica phiditia : Aesion uerò  
 dixit , Athenienses in Siciliam ciuitatem effudisse . atq ;  
 hæc quidem translatio est , & subiectio sub oculos.

Et illud , Ita ut Græcia clamorem ediderit , quodâmmodo translatio est , & subiectio sub oculos : & quemâdmodum Cephisodotus admonebat ut cauerent, ne multas hostiles irruptiones. facerent in concionibus: & Isocrâtes apud eos , qui in celebritatibus concurrunt, & in funebri oratione , æquum esse , ut in sepulchro, quo sepelirentur ij, qui in Salamine occubuerant, Græcia tunderetur , quoniam unâ cum eorum uirtute etiam libertas Græciæ sepeliebatur, nam, si dixisset. æquum esse, ut Grecia lugeret , cùm unâ cum eis uirtus sepeliretur, esset translatio , & subiectio sub oculos, scûm uerò dixerit , unâ cum eorum uirtute etiam libertas Græciæ, est etiam quædam contentio : & quemâdmodum dixit Iphicrates , Iter orationis meæ fiet per medias res , à Charete gestas, hæc enim translatio est à proportionem, & quod addidit , per medias, rem oculis subiicit: & , qui ita dicit , Pericula conuocanda sunt , quæ periculis auxilium ferant, translatione utitur , quæ rem oculis subiicit : & Lycoleon pro Chabria , Neq; eius æneam statuam reuerrebimini , quæ uobis pro illo supplicat? translatio nanq; fuit illo tempore , sed non semper , uerùm semper est subiectio sub oculos , nam eo periclitante supplicat imago , itaq; inanime fit animatum. Quod est commentarium rerum è ciuitate gestarum? Et illud translate dictum est , Omni studio meditantes , ut spiritus frangant , Atq; humilia sentiant, nam meditari, est quodâmmodo augere : & illud , Deus mentem in animo lumen accendit, utrunq; enim aliquid illustrat: Neq; enim bella dissoluimus , sed differimus ; ambo enim

futura sunt, & dilatio, & huiusmodi pax: & dicere, foedera trophaeum esse multò pulchrius, quam ea, quæ in bellis statuuntur, Quoniam trophæa minutis saepe rebus gestis, & uno fortunæ impetu ponuntur, foedera uerò omni bello, ex sententia confecto, translatio est; hæc enim ambo sunt insignia uictoriæ: & illud, Ciuitates propter hominum uituperationem graui poena multantur, nam multari poena, est detrimentum ex legibus accipere. Ac urbana quidem dicta duci à translatione, quæ fit ex proportionem, & subiectione sub oculos, declaratum est. Dicendum est etiam, quid sit subiectio sub oculos, & quomodo ea fieri possit. Dico autem, ex eis nominibus constare subiectionem sub oculos, quæ res eas significant, quæ aliquid agant: ut, si quis dicat hominem probum esse quadratum, translatio quidem erit, nam ambo perfecta sunt, sed tamen nullum actum significat, illud uerò, qui florentem ætatis uigorem habeat, actum exprimit, & illud, Te uerò tanquam solutum ac liberum, actum continet, & illud, Hinc concitati cum impetu Græci ruunt, concitati enim & actus, & translatio est: quo genere multis in locis Homerus usus est, nam, per translationem, quæ inanimata sunt animata, esse dicit. Sed ex omnibus ea maximè probantur, in quibus actus exprimitur, sicut in illis;

Ille pudore uacans, interum lapsus ima petebat, &  
 -uolat ecce sagitta, &  
 -cupiens attingere; &

Stant terræ defixa, optantque in corpore figi  
 Spi



Spicula ; =      &

Atq; cuspis pectus pertransit plena furoris,  
in his enim omnibus, quoniam animata finguntur, actus  
apparet. nam pudore uacare, & furore quodam agi-  
tari, et alia sunt actus. Hæc autem inter se copulauit. per  
translationem ex proportionem: Sicut enim se habet  
lapis ad Sisyphum, sic impudens ad eam rem, cuius ip-  
sum non pudet, hac eadem ratione utitur etiam in pro-  
batis imaginibus in eis, quæ sunt inanimata;

Curæ albescentes nunc hinc, nunc inde recurrunt:  
fingit etiam omnia moueri ac uiuere: est autem ipse actus  
quædam imitatio. Translationem autem ducere oportet  
(ut antea dictum est) à propinquis rebus, non tamen  
perspicuis, quemadmodum in philosophia soleris  
acutique hominis est, cernere, quid in rebus, mul-  
tum inter se distantibus, simile sit: sicut Archytas di-  
xit, idem esse arbitrum, & aram, quoniam ad utrunq;  
is, qui iniuriam accepit, confugere solet: uel, si quis  
diceret, anchoram, & cremastram idem esse; ambo  
enim idem efficiunt, sed in eo differunt, quod alterum  
inferne, alterum supernè pendet &, adæquatas esse ci-  
uitates in multum distantibus rebus, idem ualet: nam  
& in superficie, & in potestate est æqualitas. Ma-  
ior autem pars urbanorum dictorum à translatione,  
& ab errore quodam proficiscitur, magis enim per-  
spicue res intelligitur, cum aliter quis existimabat:  
nam tunc animus secum dicere uidetur, Quam ue-  
rum hoc est? sed ego decipior, qui etiam apo-  
phthegmata, quæ sunt urbana, ex eo gratiam ha-

bent, quòd aliud significant, quàm uerba dicant, ut illud Stesichori; Quòd cicadæ apud eos humi cantabunt. & uoces, quæ acutè formantur in ænigmata, propter eandem rationem iucundæ sunt; nam in eis est cognitio, & translata dicuntur. Id etiam suaue est, quòd ait Theodorus, res nouas dicere. Fit autem, cùm præter opinionem id fuerit, & nullo modo (sicut ille ait) consentaneum opinioni, quam de eo prius habebant: sed quemadmodum in ridiculis leuiter immutata, delectare solet. quod idem etiam faciunt cauillationes, quæ mutatis fiunt literis: quæ res in uersibus etiam decipit, cùm aliud dicitur, quàm auditor expectat, ut Ingrediebatur autem, sub pedibus habens peritiones: ille uerò putabat, calciamenta uelle dici. Hoc autem oportet statim ut prolatum est, perspicuum esse. Ridicula uerò quæ ex literis nascuntur, efficiunt, ut non dicatur id, quod dici uidetur, sed id quod, inuersum nomen significat, ut illud Theodori in Nicodem citharædum. *Νεφέλει σε*. fingit enim dicere, Conturbat te, sed in errorem inducit, nam aliud intelligit. quare iucundum fit ei, qui postea rem intelligit, quoniam nisi Thracem esse existimaret, non urbanum dictum esse putaret, et illud: Vult ipsum depopulari. sed aduertendum est, ut ambo commodè dicantur. Idem accidit etiam in urbanis dictis, ut si quis diceret, Atheniensibus maritimum principatum non fuisse malorum principium, quoniam profuit: uel, quemadmodum dixit Isocrates, imperium ciuitati fuisse malorum principium: nam, utroque modo id dictum est, quod quisquam dici non existimasset, & co-

gnitum est esse uerum. nam dicere principium esse principium, nihil habet, quod argutum sit: uerum non ita ait, neq; negat id, quod principium dixerat, sed alio modo. In his enim omnibus siquid nomen commodè protulerit, in quo uel translatio sit, uel ambiguitas, tunc benè sese habet: ut, Intolerandus non intolerandus, ambigüe dixit. uerum fit commodè semper, cum uerbum iteratur: & illud,

Hospes non poteris fieri, quàm sis, magis hospes, uel, non magis, quàm te oporteat, nam idem est, uel, Non decet hospitem semper esse hospitem: nam hæc quoq; diuersa sunt. hanc uim habet etiam illud Anaxandridæ celebre dictum, Pulchrum est sanè mori prius, quàm quicquam morte dignum generas: nam idem est, ac si dixisset, Dignum est mori, quando quis non est dignus mori, uel ita Dignum est mori, cum quis non est dignus morte, uel, cum quis non facit, quæ morte digna sunt. Et forma quidem locutionis in his omnibus eadem est, sed quantò breuius, magisq; contrariè prolata fuerint, tantò fit elegantior oratio. causa uerò est, quia contrariæ res, propè collocatæ, rem meliùs intelligi faciunt. & breuitas temporibus celeriore gignit scientiam. uerum oportet, ut semper adsit, uel in quem dicantur, uel elegans dicendi ratio, siquidem id, quod dicitur, uerum esse, non autem inane uideri debet: alterum enim eorum sine altero habere potest: ut, Mori oportet, nihil in uita delinquentem, sed urbanum non est, Dignam oportet dignū uxore ducere, at urbanitate caret: sed urbanū erit, si utrunq; si mul habuerit, ut, Dignū est mori, quādo

quis non est morte dignus. Quàtò uerò plura coniuncta habuerit, tantò fiet urbanior oratio: ut, si nomina translata fuerint: & ea translatione, quæ probatur; & contentio, & compar, adhibeatur; & euidentiam habeat. Atq; etiam imagines (ut iam suprà dictum est) sunt excellentes quodàmmòdo translationes, semper enim ex duobus constant, sicuti translatio, quæ fit ex proportionem, ut, clypeum dicimus esse Martis phialam, & arcum esse citharam sine fidibus, quæ cùm ita pronuntiantur, non est simplex translatio: sed, cùm dicimus, arcum citharam, & clypeum phialam, tunc est simplex. Atq; hoc etiam modo finguntur imagines; ut, simiæ tibicinem esse similem; &, stillanti lucernæ lusciosum: ambo enim contrahuntur. benè uerò fiunt imagines, cùm in eis inclusa est metaphora. licet enim uti imagine dicentes, clypeum esse Martis phialam; & parietinas esse pallium attritum edificiij; &, Niceratum esse Philoctetem demorsum à Pratyæ: quemàdmodum Thrasymachus assimilauit eum, cùm uidisset Niceratum, à Pratyæ superatum in heroïck uersibus componendis, adhuc sordidatum esse, & incompta coma In quo genere maximè exploduntur poëtæ, nisi benè se gesserint; etiam si aliter fuerint excellentes: dico autem, ut cùm quispiam ita inquit;

Distorta, ut apium, crura prodens gerit;  
Sicut Philammon, iuga gerens cum Coryco.

Atq; huiusmodi cetera sunt imagines quòd autem imagines sint translationes, iam sæpe dictum est. Et proverbia sunt translationes à specie, ad speciem, ut,

si quis domum importet aliquid, unde commodum speret, & ex eo postea damnum accipiat, ut Carpathius leporem. ambo enim id, quod dictum est, pertulerunt. Unde igitur urbana dicta ducantur, iam dictum est; &, cur ea tantum oblectent. Quinetiam superlationes ingeniosæ quædam translationes sunt: ut in eum, qui sugillatis faciem inquinatam habeat, Existimauissetis eum esse mororum calathum, est enim quidam rubor in sugillato, sed modus non seruatur. quinetiam imago, in qua dicitur, tanquam hoc aut illud, est superlatio, quæ dicendi genere tantum differt.

Sicut Philammon, iuga gerens cum Coryco:

Putauissetis ipsum Philammonem præliari cum Coryco:

Distorta, ut apium, crura procedens gerit,

Putabam eum non crura, sed apia habere, adeo distorta sunt. Habent autem superlationes puerile quiddam: uehementem enim animi motum indicant: itaque irati præcipue superlationibus utuntur:

Non mihi si tantum multa daret, quam magnus arena est, Pulueris & numerus: =

Non ducam uxorem (mihi crede) Agamemnone notam, Quamuis ingenio sapientem Pallada uincat, Et pulchræ Veneri præstanti corpore certet, hoc genere maxime utuntur Attici oratores: quare senem uti superlatione minime decet:

ILLUD uero sciendum est, in unoquoque genere propriam atque suam esse locutionem. neque enim eadem est locutio, qua scribimus aliquid, & qua in contentione

nibus utimur; neq; ea, quæ ad deliberatiuum genus pertinet, eadem est cum ea, quæ ad iudiciale: uerùm utrunq; scire, oportet, nam in altero satis est emendatè loqui, in alterò uerò scribere: ne cogatur silière, cùm quis alijs quippiam impertiri cupit: quod ijs accidit, qui scribendi rationem ignorant. Locutio apta scriptionibus est exquisitissima, contrà, quæ contentionibus apta est, in actione maximè consistit: sed huius duæ sunt species, quarum altera ad mores, altera ad motus animi pertinet. Atq; ideò histriones huiusmodi fabulas potissimùm exquirunt, & poëtæ tales histriones desiderant. probantur autem ij poëtæ, qui etiam in legendo delectant, ut Chærémon: nam diligens est non aliter, atq; is, qui orationes scribit: & Lycimnius ex eorum numero qui dithyrambici dicuntur.

Quòd si inter se comparentur orationes, quæ scriptæ sunt: in contentionibus humiles angustæq; uidentur: quæ uerò habitæ sunt; cùm in manibus summuntur, similes sunt imperitorum orationibus, huius autem rei causa est, quod in contentionibus illa conueniunt. itaq; illa etiam, quorum uis in actione posita est, subla-  
ta actione, cùm suo munere non fungantur, frigida atq; insulsa uidentur, ut quæ sunt dissoluta. Et eandem sententiam sæpe repetere, in scribendo non sine causa damnatur; in contentionibus autem etiam oratores utuntur: sunt enim hæc actioni conuenientia, necesse est autem, ut orationem uariant, qui idem dicunt, quæ res tanquam aditum munit ad actionem: Iste est, qui uos expulauit: iste est, qui decepit: iste est, qui deniq; uos hosti-



bus pròdere tentauit: quem àlmodum etiam Philemon histrio faciebat in Alexandridæ Gerontomania, quando uerba faciunt Rhadamanthus; & Palamedes, & in prologo Piorum; ubi, ego, sæpius iteratur. Nam, si hæc actione non adiuuantur, fit id quod prouerbio dicitur, Tragem gestans: sicuti etiam dissoluta; ut, Veni, occurrere, rogauit, necesse est enim actionem adhibere; nec, ut, si res una tantum dicatur, eodem habitu animi, ac sono uocis uti. Habent præterea quiddam peculiare, quæ dissoluta sunt, in æquali enim tempore multa dici uidentur: nam coniunctio ex multis unum efficit; quæ, si detrabatur, perspicuum est fieri cōtrarium, ut ex uno fiant multa, habet igitur amplificationem, Veni, narraui, supplicaui, multa enim sunt: Videntur autem omnia negligere, quæ narro, quæ dico. hoc idem etiam Homerus facere uoluit in illo loco: Nireus, qui ex Simo; Nireus, qui Aglaïæ filius: Nireus, qui pulcherrimus: nam, de quo multa dicta sunt, necesse est etiam, ut sæpius dictum sit, & si sæpius, etiam multa dici uidentur. itaq; amplificauit, cum semel tantum de illo mentionem fecerit, & hac fallacia fecit, ut Nirei nomen memoriæ haberet, etiam si postea nusquam illum nominet. At uero deliberatiui generis locutio similis est prorsus umbratili picturæ, in qua quanto maior fuerit eorum, quæ picta sunt, turba, tanto longius spectatur. quare quæ exquisita sunt in utrisq; & superuacanea, & deteriora uidentur. At in iudiciali genere, debet exquisitior esse locutio. quòd si coram uno iudice res agatur, tanto magis elaborandum est, nam minus præst-

de illam argumentis confirmare. Quare, cum rem narraris, postea non confirmare, aut confirmare, cum rem non exposueris, tale est, ut præstari non possit. nam, qui argumentis utitur, aliquid confirmat, & qui rem exponit, id ideo facit, ut postea confirmet. horum autem alterum propositio, alterum probatio est, quemadmodum, si quis diuideret aliquid in questionem. & demonstrationem. Nunc autem ridiculè diuidunt: narratio enim in iudiciali tantum genere uersatur, nam demonstratiui, & deliberatiui generis, qualem ipsi uolunt, quòmodo narratio esse potest? uel, quæ contra aduersarium dicuntur, uel peroratio quænam est in exhortationibus? Præmium autem, & comparatio, & enumeratio tunc in deliberatiuo genere ponuntur, quando inter eos, qui sententiam dicunt, controuersa est, siquidem etiam accusatio & defensio adhibetur, sed non quatenus est deliberatio. sed neq; peroratio in omnibus iudicijs adhibetur: ut, si parua fuerit oratio aut, res eiusmodi, quæ faciliè memoria comprehendì possit: nam ex longitudine detrabi solet. Necessariæ igitur sunt partes duæ propositio, & probatio. ac propriæ quidem hæ duæ partes sunt: sed si plures fuerint: tunc erit præmium, propositio, probatio, peroratio nam quæ ad reprehendendū aduersarium attinent, probationi subiiciuntur, comparatio uerò est amplificatio suarum rationum: quo fit, ut, pars quædam sit amplificationis. nam qui hoc facit, aliquid confirmat: sed non præmium, neq; peroratio hoc facit, sed tantum reuocatur in memoriam, Quòd si quis ita diuidat, ut Theodo-

ri discipuli faciebant: erit alia pars narratio, alia super narratio, alia prænarratio, alia reprehensio, alia superreprehensio, sed tunc nouum nomen ponere oportet, cum aliquam rem nouam, ab alijs differentem, adferimus: alioquin est res inanis, & nugatoria, sicuti Licymnius in arte sua facit, qui nominat aggressionem, & digressionem, & ramos.

PROOEMIUM igitur, principium est orationis, sicut in pœsi prologus, in tibicinis cantu proaulium: nam hæc omnia principia sunt, & quasi uia munitio ei, qui pertransire uelit. At proaulium quidem simile est proœmio demonstratiui generis. nam tibicines quicquid sibi uidentur bene canere posse, id præcinentes cum sequenti cantu copulant. sic etiam in demonstratiuo genere scribendæ sunt orationes. quicquid enim uoluerit orator, initio dicere potest, deinde progredi, & cum oratione id coniungere; cuius rei omnes exemplum sibi assumunt proœmium illud Isocratis in encomio Helenæ: & quamuis à proposita materia aberrarit orator, tamen illa commoditas aderit, ut tota oratio non sit unius generis. Ducuntur autem exordia demonstratiui generis à laude, uel à uituperatione, ut Gorgias in Olimpico, Apud multos admiratione digni sunt uiri Græci. laudat enim eos, qui celebritates constituerunt: Isocrates autem uituperat, quod corporis uirtutibus præmia statuissent, sapientia uerò præditis nullum uictoriæ præmium posuissent. Ducuntur etiam exordia à consilio; ut, Quoniam probi uiri sunt honorandi, ideo mihi Aristidem laudandum suscepi: uel, si quis dicat, se hu-

iustmodi uiros laudare uelle, qui uulgò non celebrantur;  
 non quia fuerint improbi, sed quia, cum fuerint egregij,  
 tamen in tenebris latent, sicut Alexander Priami filius.  
 nam, qui sic exorditur, consultat. Quinetiam ab ijs,  
 quæ propria sunt iudicialis generis, exordia ducuntur,  
 quæ personam auditoris respiciunt: ut, si de re incredi-  
 bili fiat oratio, uel ardua, uel communi ac peruulgata:  
 tunc enim uenia petenda est, ut Chœrilus,  
 At nunc, cum omnia iam uulgata. =

Quapropter exordia demonstratiui generis ex his du-  
 cuntur: ex laude ex uituperatione, ex suasionem &  
 dissuasionem, ex ijs quæ personam auditoris respiciunt.  
 oportet autem uel peregrina esse. uel accomodata rei,  
 quæ ad ipsam orationem ducunt. Proœmia uerò iudi-  
 cialis generis aduertendum est idem ualere, quod fabula-  
 rum prologi, & hercici carminis exordia, nam principia  
 diuhyrambicum similia sunt demonstratiui generis  
 exordijs: ut, Propter te, tuasq; munera, atq; spolia. in fabu-  
 lis autem, & hercicis uersibus principium est specimen  
 orationis futuræ, ut præuideant auditores, de quibus  
 rebus sermo futurus sit, & ne eorum animus suspen-  
 sus sit: quod enim indefinitum est, huc & illuc uagari  
 cogit. at, qui principium tradit tanquam in manum, fa-  
 cit eum, qui tenet orationem, sequi, ac percipere. Atq;  
 hac de causa dixit Homerus,  
 Iram diua refer, = &  
 Dic mihi musa uirum. = & ille alter,  
 -esto mihi carminis auctor,  
 Ut magnum ex Asta bellum processt in oras

Europæ. =

Tragici etiam poëtæ docent initio, quid tota fabula contineatur. Quod si non statim faciant, ut Euripides, at certè in prologo priùs, quàm absoluat, id faciunt, quemàdmodum etiam Sophoclès,

Pater michi fuit Polybus. =

Et comœdia idem seruat, Præmij uerò maximè necessarium ac proprium munus est, finem institutæ orationis aperire. Quare, si causa perspicua fuerit, aut parua, licebit non uti principio, reliquæ uerò species, quibus utuntur, remedia quædam sunt, et communia. ea uerò ducuntur uel ab oratore ipso, uel ab auditore. uel à causa, uel ab aduersario. Ex oratore ipso, atq; ex aduersario ducuntur ea, quæ ad inferendum crimen, et dissoluendum pertinent, sed non tamen eodem modo. nam qui defendit statim criminibus occurrere debet: qui uerò accusat, debet in peroratione criminari. reus enim, cùm se insinuare contendat, necesse habet omnia, quæ obstant, remouere, quare in primis aduersarij criminationem dissoluere oportet: accusator uerò debet in peroratione criminari, ut faciliùs auditores ea recordari possit. Quæ ad auditorem pertinent, eò spectant, ut uel eum nobis beneuolum faciamus, uel in aduersarium concitemus, et intendum, ut attentum reddamus, uel contrà: non enim semper prodest, attentum reddere. quare multi risum conantur excitare. Ad docilitatem uerò conducunt omnia, si quis etiam id studeat, ut uir bonus esse uideatur: nam talibus uiris se præbent attentiores. Attenti fiunt audi-

tores propter res magnas proprias, admirabiles. Et iucundas: quare admonere eos oportet de huiusmodi rebus oratione esse, quod si eos non attentos esse uolumus; dicemus, rem esse pusillam, nihil ad eos pertinentem, molestem, ac odiosam. illud uero tenendum est; hæc omnia esse extracausam posita. nam ad deprauatum auditorem spectant, Et ad eum qui libenter audit, quæ nihil ad rem faciunt. nam, nisi talis sit nihil opus est proœmio, sed sufficit id, quod causa postulat summam dicere, ut iudex caput illud tanquam corpus cause totius habeat. Attentos uero facere commune est omnium partium, cum opus est: nam alibi magis ubique, quam initio, remittunt animum, itaque ridiculum est, hoc initio constitueres; quoniam attenti tunc, maxime sunt auditores. quare, quoties se se offert occasio, captanda attentio est. Mihi animum aduertite: neque enim mea magis, quam uestra, res agitur: Et, dicam nobis acerbum facinus, nunquam aliàs à uobis auditum, aut non tam admirabile. hoc enim est id, quod Prodicus dixit, se, cum auditores dormitantes aduerteret, aliquid in medio sermone inferere, ex illa sua quinquaginta drachmarum demonstratione. Quod autem ad auditorem habeantur proœmia, non quatenus auditor est, haud dubium esse potest. omnes enim in proœmijs uel criminantur, uel metum difficiunt: Dicam, ô rex, non quanto studio. — Quid exurdiris? Et qui malam causam habent, uel habere uidentur; proœmijs utuntur: nam in quouis loco potius commorari melius est eis, quam in ipsa causa, itaque serui etiã non ad interrogata respondet, sed uerborum an bagibus utuntur, et longis exordijs. Quomodo uero be-



reuoletia captare oporteat, antea dictum est, et de ceteris  
huiusmodi singulis, et quonia bene dictum est ab Homero,  
Effice, ut adueniam, diua, ad Phæaces amicus,  
Aut miserabilis ; =

hæc duo diligenter consideranda sunt . In exordijs  
demonstratiui generis efficere oportet, ut auditores  
una laudari putent se, uel genus, uel studia sua,  
uel aliquo alio modo. Quod enim ait Socrâtes in Me-  
nexeno, uerum est ; Non difficile est Atheniensibus  
Athenis laudare, sed Lacedæmone . Deliberationum  
autem exordia à iudiciali genere sumuntur . natura  
enim deliberationes nulla habent exordia ; quoniam  
sciunt auditores, de qua re uerba sint facienda : & res  
ipsa nullo indiget proœmio, nisi uel propter ipsum ora-  
torem, uel aduersarium, uel si res non tanta existime-  
tur, quantam ipse uult, sed uel maior uel minor . Itaq;  
uel criminari necesse est uel crimina dissoluere, uel am-  
plificare uel minuere. horum igitur gratia deliberationes  
proœmio indigent, uel ornatus causa: nam, nisi proœ-  
mium habuerit, uidetur temere, subitoq; effutita. tale est  
enconium Gorgiæ in Eliensibus: nulla enim brachiorum  
extensione, nulla manuum commotione statim incipit,  
Eliis beata ciuitas .

DE criminationem id primò dicendum, quæ  
ualent ad delendam ex animis malam existimatio-  
nem, eadem etiam ad crimina depellenda . nihil  
enim refert, utrum alicuius sermone sit excitata  
illa opinio, nec ne: quare hoc generatim prodest . Ali-  
us modus est, ut ita criminationi occurramus, sicut in

iudicio illis, de quibus arguimur: uel non esse factum, uel non esse perniciosum, uel non illi, uel non tam magnum esse, uel non iniquum, uel non magnum, uel non turpe, aut rem esse pusillam, nam de rebus huiusmodi solet esse controuersia, quemadmodum Iphicrates contra Nausicratem, dixit enim, se fecisse quod ille dicebat, atq; etiam lassis, nihil tamen iniqui se commississe: uel, siquid iniuste factum est, id compensare hoc modo; Si detrimentum attulit, at fuit honestum; Si molestum, at utile; uel aliquid huiusmodi. Alius modus est, cum dicimus, aut errorem fuisse, aut fortunæ culpa uenisse, aut necessitate: quemadmodum Sophocles se tremere dixit, non, ut calumniator obiecerat, quò senex uideretur, sed necessario, non enim sua sponte ad annos octoginta peruenisse. Licet etiam finem, cuius gratia factum est aliquid, commutare: ut Lædere nolebat sed aliud efficere, & Non hoc studebat, quod calumniator ait, sed accidit ut is læderetur: esset autem odio dignus, si id efficere studuisset. Alius modus est; cum aduertitur, an is, qui calumniatur, in eadē culpa sit hoc tempore, uel antea fuerit uel ipse, uel aliquis ex eius propinquis. Alius modus, si illi comprehenduntur in illa criminatione, quos omnes fatetur, nequaquam illi affines esse; ut, Si purus est adulter, ergo etiam hic. atq; ille. Alius modus, si alios falsò instigauit, uel alius eosdem; uel sine criminatione alicuius tales existimabantur, qualis ipse nunc: qui tamen non culpæ affines esse reperti sunt. Alius modus, si criminantiem recrimineris, nam absurdum est si, ille dignus est, cui

non credatur, ut eius oratio fidem faciat. Alius modus, si iam factum est iudicium. quemadmodum Euripides contra Hygieiontem in causa, quæ antidosis dicebatur, cum accusaretur tanquam impius, quod carmen illud fecisset,

Iuravi lingua, mentem iniuratam gero;  
quod iuberet peierare. dixit enim, eum iniuste facere, qui iudicia ex certamine Liberi patris in forum adduceret, se enim ibi rationem iam reddidisse, aut redditurum, si ibi vellet accusare. Alius modus, si calumniam ipsam uituperes, & ostendas, quàm graue malum sit, quoniam iudicia commutat, ac perturbat. Communis locus ambobus est, signa commemorare: ut in Teucro Vlysses ait, Teucrum esse Priamo sanguine coniunctum, quoniam Hesiône Priami soror fuit; ille uerò dixit, patrem suum Telamonem Priamo hostem fuisse, neque speculatores indicasse. Alius modus accusatoris proprius, si paulum laudet, ut grauius, & diutius uituperet, & si quod magnum est, breuiter transcat, uel, si multa bona proponat, deinde unum, quod ad causam faciat, crimen proferens, uituperet. tales enim sunt maximè artificiosi, atque iniquissimi calumniatores, qui in rebus bonis aduersarium ledere conantur, cum ea malo permisceant. Illud uerò commune est & crimen inferenti, & depellenti, quoniam fieri potest, ut eadem res pluribus de causis facta sit, qui criminatur, eam deprauare debet, atque in deteriore partem inflectere, contra, qui crimina dissoluit, in meliorem partem trahere: ut, quod Diomedes socium elegerit Vlycem, ideo factum esse, quod uiam optimum

eum Græcorum existimabat: Imò uerò, dicet alius, quia solum eum, tanquam ignauum ac imbellem, sibi non fore amulum iudicabat. Ac de criminatione quidem hæc dicta sint.

**NARRATIO** uerò in exornationibus non perpetua est, sed in plureis partibus dissecta: nam actiones, & res gestas commemorare opus est, ex quibus oratio constituitur. Constat autem oratio tantum ex ijs, quæ sunt artis expertia: neque enim is, qui dicit, auctor est rerum gestarum: tum ex ijs, quæ ab arte proueniunt; ut cum rem factam esse docere opus est, si fuerit incredibilis, uel qualis sit, aut quanta, uel hæc simul omnia. Quapropter interdum non oportet uti perpetua narratione, quoniam difficulter memoriæ mandantur, quæ ita confirmantur; ut, Ex his quidem actionibus foris esse cognoscitur, ex illis uerò sapiens, aut iustus; atque hæc oratio simplicior est, illa uerò uaria, & non exilis: sed, quæ nota sunt & peruulgata, tantum reducere in memoriæ opus est. quo fit, ut multa narratione nihil indigeant: ut, si uolueris Achillem laudare, sciunt enim omnes etus res gestas, sed eis uti oportet; si uerò Critiam, narrare oportet, neque enim multi sciunt, quæ gesserit. Ridiculè uerò faciunt ijs, qui dicunt narrationem breuem esse oportere. atqui, quod quidam pistori, panem subigenti, percontantque, durum ne, an mollem subigeret, Quid? bene, inquit, omnino subigere non licet: idem huc etiam accommodari potest. Neque enim prolixa uti narratione oportet, neque prolixo exordio, neque probationibus; sed

neq; hac in parte rectè se habet, breuiter concisq; narrare: uerùm, quod medium est seruare decet, hoc est, dicere, quæ satis sint ad rem explanandam, uel quæ in opinionem inducant, rem esse factam, uel eum læsisse, uel iniuste se gessisse, uel cetera eius generis, quæcunq; uoluerit. Aduersario uerò contraria conuenient. Inferere etiam narrationi debes, quæ probitatem tuam significant: ut, Ego quidem nunquam admonere destiti, quæ iusta esse sentiebam; ne filios desereret: uel, quæ declarent alterius improbitatem, ut, Ille uerò mihi respondit, sibi ubi cunq; fuerit, alios non defuturos filios; quod Aegyptios respondisse, cum à rege suo defecissent, scribit Herodotus, uel, quæ iudicibus ipsis iucunda sint. Defensori autem narratio minor est, sed sunt huiusmodi controuersiae, uel, non esse factum, uel non detrimentum attulisse, uel non iniuste factum, uel non tam magnam esse, quare non est in eis commorandum, quæ certa sunt, nisi causæ prosint; ut, factum quidem esse, sed non esse iniustum. Præterea res eas gestas narrare oportet, quæ dum fiunt, neq; miserationem, neq; indignationem commouent, exemplum est huius rei apologus Alcinoi, quem apud Penelopem sexaginta uersibus explicuit, & sicut Phayllus circulum absoluit; & qualk est Oecei prologus. Moratam autem oportet esse narrationem: quod facile fiet, si, quid mores efficiat, intell. xerimus. Atq; illud primò, qua mente factum sit, ostendere, mores indicat: nam, qualk esse mens ostendit & tales etiam mores habentur. mens autem à fine, quem sibi constituit, uel

Bona, uel mala dicitur. atq; hac de causa mathemati-  
cæ locutiones non habent mores, quoniam mentem ac  
delectum nullum habent, nam actionis sine carent: at  
uerò Socratici sermones habent mores; quoniam de re-  
bus eis sunt, quæ alicuius gratia fiunt. Sed ea quoq; mo-  
rata dicuntur, quæ cuiusq; mores consequuntur: ut, Hæc  
dicebat, & eodem tempore discedebat, hoc enim auda-  
ciam, & rusticitatem morum indicat: & non tanquam  
ex præmeditatione dicere, quemadmodum huius tem-  
poris oratores solent, sed tanquam ex mente atq; dele-  
ctu: Ego quidem hoc uolebam, & facere constitueram,  
& quamuis mihi non prodesse, tamen honestius esse  
putabam. illud quidem prudentis est, at hoc probi uiri:  
prudentis enim id est sequi, quod utile sit, probi uerò,  
quod honestum. Quod si res fide careat, tunc illi cau-  
sam adiungere oportet, quemadmodum Sophocles exem-  
plo nobis est in Antigona, quæ dicit, se magis fratrem  
curare, quàm maritum, aut filios: nam hos, etiam si per-  
diderit, se posse recuperare;

Vtrisque uerò mortuis parentibus,

Non frater ullus exoriri unquam potest.

Quod si causam nullam adferre poteris: dic, te non igno-  
rare, quæ dictis, incredibilia uideri, sed tamen tuam  
esse naturam eiusmodi. neq; enim creditur, aliquem sua  
sponte facere id, quod utile non est. Debent etiam in  
narratione poni, quæ mouere animum possint: ut, si  
narrentur ea, quæ commotiones sequuntur, aut, quæ  
nota sunt ijs, qui audiunt: & quæ priuatim uel sibi,  
uel aduersario propria sunt: Ille uerò discedens, ad me



frequenter oculos conuertebat: & , quod de Cratylo dixit Aeschines , quòd exhibilaret , & manibus exploderet hæc enim fidem faciunt , quoniam ea , quæ nota sunt , eorum sunt indicia , quæ ipsi nesciunt . plurima uerò huiusmodi licet ab Homero sumere ,

Ast anus ad faciem palmas utraq; tetendit :  
nam , qui lugere incipiunt , oculos manu tangere solent :

Statim uerò te ipsum insinua , probumq; uirū ostende contrà preme aduersarium , ut deinceps in tota oratione te . atq; illum talem existiment : sed occultè hoc facito . Quòd autem hoc facile sit , licet ex eis intelligere , qui nobis aliquid annuntiant : quamuis enim de ea re nihil antea sciremus , tamen statim quandam opinionem concipimus . Multis autem in locis narrare opus est , & aliquando non est in principio narrandum . In deliberatione narratio locum non habet , quoniam de rebus futuris nemo narrat : sed , si ulla narratio fuerit , de præteritis erit ; ut in memoriam ea reducentes , de futuris melius consultent . Sed ea , quæ præterita sunt , uel uituperant , uel laudant : itaq; tunc deliberantis munus non exequuntur .

Quòd si fuerit incredibile , quod narras ; debes polliceri , te statim causam allaturum , uel eorum arbitrio rem commisurum , quorum ipsi uoluerint : ut Iocasta in Oedipode Carcini semper pollicetur , cùm eam interrogaret is , qui filium querebat , & Aemon apud Sophoclem .

PROBATIONES autem ad fidem faciendam plurimum ualere debent . Et quoniam quadripartitò quæstiones distributæ sunt , ea confirmare oportet , quæ in controuersiam ueniunt , et de quibus cum aduersario con-

tenditur: ut, si de facto controuersa est, in iudicio maxime hoc erit argumentis confirmandum. Quod si te non lassesse dicas, hoc probare debes, aut, si dicas non esse tam magnum, aut iuste factum. non enim hæc aliter confirmanda sunt, quam, si fuerit de facto controuersa. Illud uero sciendum est, in hac sola de facto controuersa necessarium esse, ut alter litigantium improbus sit: neq; enim ignorantia, controuersæ causa est; ut, si quidam inter se de æquo iustq; contenderent. quapropter in hoc diu commorandum est, in alijs uero minime. In exornationibus ea cura esse debet, ut, quæ honesta atq; utilia facta dicuntur, plurimum amplificentur ea credi opus est: siquidem raro probationem requirunt, nisi forte sint incredibilia, uel aliquis alius auctor eorum existimetur. In deliberationibus potest aliquis differere, uel non futura ea de quibus deliberant, uel futura quidem, sed non iusta; non utilia non tam magna. Aduertendum est etiam, utrum aliquid, quod falsum sit, dicat, quamuis extra causum: nam hæc aliorum iudicia uidentur, nempe eum mentiri. At ex probationibus exempla sunt deliberatiuo generi accommodatissima, enthymemata uero magis iudiciali conueniunt. nam deliberatio est de futuro, quare ex rebus iam factis exempla ad probandum ducere oportet: iudicium autem est de ijs, quæ sunt, aut non sunt, in quibus magis est probatio, & necessitas, quod enim prætoritum est, in se necessitatem habet. non oportet autem inculcare, & continuare enthymemata, sed cum alijs probationibus permiscere, alioqui se uicissim infringunt,

nam est etiam modus in quantitate:

Care mihi, postquam tot tantum es uerba locutus,

Quot solet effari prudens, =

non enim dixit, talia. Neq; res omnes argumentis confirmandæ sunt: alioquin idem efficies, quod nonnulli faciunt philosophi, qui syllogismos adhibent ad ea, quæ notiora sunt, ac certiora quàm ea, quæ sumunt. Et, cum animos commouere uis, ne argumento utaris: uel enim commotionem extrudet, uel inane frustra; dictum erit argumentum. nam commotiones animi se uicissim expellunt, nec simul esse possunt, sed uel euanescent, uel imbecilliores redduntur. neq; cum mores exprimere orationem uolumus, oportet simul argumenta querere, nam demonstratio, neq; mores, neq; uoluntatem ac delectum exprimit. Sententijs autem utendum est & in narratione, & in confirmatione nam ad mores exprimendos ualent: ut, Ego uerò pecuniam ei credidi, quamuis scirem nomini fidem habendam esse, quod si uehementius, & cum animi motu, Neq; tamen me pœnitet, quamuis iniuriam ac detrimentum acceperim: isti enim lucrum superest, mihi uerò æquitas ac iusticia. Est autem difficilior in deliberatio, quàm in iudiciali genere uersari; & meritò, quoniam de futuro deliberatio est, iudicium uerò de præterito. quod iam ab auguribus etiam sciri potest, quemadmodum dixit Cretensis Epimenides: is enim non de futuris diuinabat, sed de præteritis, quæ tamen essent obscura. Quin in iudicialibus controuersis lex est tanquam fundamentum: qui uerò principium habet, is facilius probatio-

nem inuenire potest. neq; in deliberatione multæ sunt  
commorationes, ut in aduersarium, uel de seipso, uel in  
mouendis affectibus: hæc enim in hoc genere minimè  
omnium reperiuntur, nisi quis à causa discesserit. qua-  
re debent hæc tantùm fieri, cum alia non habet orator,  
quæ dicat: quemadmodum Athenis oratores faciunt,  
atq; etiam Isocrâtes in deliberationibus accusat, ut La-  
cedæmonicos in Panegyrico, & Charetem in oratione  
Sociali. In exornationibus uerò oportet laudes hinc atq;  
indè cumulando, refertam et plenam orationem reddere:  
quod Isocrâtes facit, semper enim aliquid, quod laudet,  
adiungit. & hoc est, quòd Gorgias profitebatur, sibi  
nunquam orationem defuturam, nam, si Achillem lau-  
dat, Peleum celebrat, deinde Acacum deinde Iouem:  
atq; eodem modo fortitudinem extollit, & hæc aut illa  
tangit, quod idem est. Quòd si argumenta poteris inue-  
nire, debes simul & mores exprimere, & argumen-  
tis uti: si te argumenta defecerint, totum te ad mores  
conferas, atq; hoc sanè probo homini magis congruit,  
ut ipse potius bonus appareat, quàm oratio exquisita.  
Ex argumentis uerò, quæ uim habent refellendi, magis  
excellunt, quàm quæ confirmant: quæ enim refutatio-  
nem continent, maiore ui conclusa esse planum est pro-  
pterea, quòd inter se collata contraria sunt euidentiora.  
nam, quæ contra aduersarium dicuntur, non diuersam  
habent speciem, sed sunt è probationum numero, partim  
enim resistendo atq; occurendo soluuntur, partim con-  
trà argumentando. Oportet autem eum, qui uel in deli-  
beratione, uel in iudicio prior dicit, causam primò suam

confirmare; deinde illis, quæ contrà dici possunt, occurrere, & ea dissoluere, atq; extenuare. sed tamen, si multa sunt, quæ in contrariam partem dici possunt, prius erunt illa refutanda: quemadmodum fecit Calistratus in concione Messanica, prius enim ea refutauit, quæ contrà dici poterant, deinde sua confirmauit. Quod si quis secundo loco dicat, prius ea, quæ obiecta sunt ab aduersario, refutare debet uel dissoluendo, uel contrà argumentando: & præcipue si illa fidem fecisse uisa fuerint. sicut enim animus eum hominem non recipit, qui multis criminibus insimulatus fuerit, eodem modo neq; orationem, si aduersarius uerè dixisse uisus fuerit. Oportet autem auditoris animum ad futuram orationem præparare, quod facile fiet, si contraria refutaueris quæ cum uel omnia reprehenderis aduersariorum argumenta, uel ea quæ maxime firma sunt, uel quæ excellent, uel quæ facile refelli possunt, tunc rationes tuas confirmare debes:

Primò refellam, quæ deis obiecta sunt.

Iunonem ego: =

in his enim id primum attigit quod erat infirmisimum.

Ac de confirmationibus quidem hæc dicta sunt. Quod ad mores attinet, quoniam de se ipso prædicare, uel inuidiosum est, uel prolixum, uel habet qui contradicant, & de altero dicere, uel conuicium, uel rusticitatem ostendit: opus est aliquem, qui hoc faciat, conformare, quod Isocrâtes facit in oratione, quam ad Philippum misit, & in ea, quæ antidosis dicitur: quo modo uituperat etiam Archilocus, nam in iambicis suis patrem,

de filia sic loquentem inducit ;

Nil prorsus est, quod non fiat pecunia ;

Aut, quod futurum non queat iurare :

Et Charonem fabrum inducit in els iambicis, quorum principium est ;

Nil curo opes Cygls : =

quem admodum etiam Sophoclès Amonem inducit, cum patre pro Antigona loquentem, tanquam ea dicerent alij. Quin interdum licebit argumenta commutare atq; ex els sententias facere : ut, Sunt autem à prudentibus cum hostibus fœdera ferienda, cum fortunam habent prosperam, sic enim maximè poterunt esse superiores. argumentando uerò sic proferetur ; Si fœdera cum hostibus ferire oportet, quo tempore sunt utilisima, & cum meliores conditiones esse solent ; tuuc maximè ferienda sunt, quādo fortuna est prospera.

Q U O D ad interrogationem attinet, maximè opportunum est ea uti, cum alteram partem aduersarius ipse dixerit, ut deinde ex interrogatione sequatur id, quod absurdum est : ut Periclès Lamponem interrogauit de initiatione sacrorum deæ Salutaris : & cum ille dixisset nefas esse illa audire, nisi quis esse initiatus ; petiuit, num ipse eas ciret : quod cum affirmasset, Et quomodo, inquit, cum minimè sis initiatus ? Secundo tempestiuum est interrogare, cum alterum planum est, alterum non est dubium, quin is, qui interrogatur sit concessurus. cum autem unam propositionem interrogaueris, non debes iterum id interrogare, quod perspicuum est, sed concludere, quem admodum Socras



tes, cum Melitus dixisset, cum non putare deos esse, periiuit ab eo, num existimaret demonium aliquid esse: quod cum ille fateretur, dixit, Demones uel deorum filij sunt, uel aliquid in se diuinum habent. quod postquam ille affirmasset, Fieri ne potest, inquit, ut aliquis putet deorum filios esse, ipsos autem deos esse non putet? Tertio debes interrogare, cum ostendere uis, ipsam aduersarium sibi ipsi contraria dicere, uel quae sint ab opinione communi aliena: quarto cum nihil habet, quod respondeat nisi fallaciter & captiosè. nam, si ita responderit, Est sanè, & Non est, uel Partim quidem est, partim non, uel Ex aliqua parte est, ex aliqua non; perturbantur auditores, ac dubitant. Aliter autem in interrogatione uti non debes. nam si tibi occurrerit aduersarius, superatus esse uideberis. Neque enim multa licet interrogare, propter auditoris infirmitatem, quare etiam argumenta, quammaximè fieri potest, contrahenda sunt. Cum autem ad ambigua respondendum est, tunc distinguere opus est, & longa uti oratione, non autem concisa. Ad ea uerò, quae contraria uidentur, statim in responsione solutio adhienda est, prius, quam, quod reliquum est, interroget aduersarius, & concludat. neque enim difficile est uidere, quanam in parte sit ratio: sed ex Topics, cum hoc intelligi potest, tum etiam, quae solutiones adhibendae sunt. Verum, qui concludit, si ex interrogatione concludit, causam debet adiungere: ut Sophocles interrogatus à Placando, num ipse sententia sua, sicut alij publici consilij auctores, dominatum Quadringentorum confirmasse, ita

respondit: Quid? ait ille, non ne res improba tibi illa uidebatur? Ita, inquit. Ergo tu sponte rem improbam confirmasti? Certe, inquit, neq; enim erant alia meliora. Sic etiam Lacon, cum magistratus sui rationem redderet. Ephorus enim fuerat interrogatus, an eius socij, & collegæ iustè condemnati uiderentur, respondit, uideri. Quid? non ne tu eadem Censuisti? Censui, inquit. Ergo etiam tu iustè condemnari debes. Minimè, ait ille: nam collegæ, pecunia corrupti, illa censuerunt, ego uerò non pecunia, sed quia ita sentiebam. Itaq; post conclusionem nihil interrogare oportet, neq; etiam ipsam conclusionem, nisi, cum adedò uera & certa est causa, ut labefactari non possit. De ridiculis uerò, quoniam usunt aliquem in forensibus causis habere uidentur, & Gorgias dixit, res serias aduersariorum risu discuti debere, contraq; risum rebus serijs, satis dictum est in ijs, quæ de arte Poëtica sunt à nobis tradita: nam ibi, quot ridiculorum species sint, ostendimus. Sunt enim ridicula, quæ libero atq; ingenuo homini conueniant, sunt etiam quæ non conueniant. ita uidendum est, ut apta sibi quisq; sumat. Dis simulatio uerò magis ingenuum decet, quam scurrilitas. nam dissimulatio propriæ uoluptatis gratia ridiculis utitur: scurra uerò, ut alterum obiectet.

I A M uerò peroratio quatuor ex partibus constat, primùm ex ea, quæ efficit, ut auditor nobis bene uelit, aduersarijs malè, deinde ex amplificatione, & diminutione, tum ex animorum commotione, ut afficiatur auditor, postremò ex enumeratione. fit enim hoc natu-

ra quodam ordine; ut, postquam orator ostenderit, se  
 uera dicere, aduersarium autem falsa, tunc laudet, & ui-  
 tuperet, & causam urgeat, atq; expoliat. Alterum  
 autem ex duobus considerare oportet: uel, ut ostendat,  
 se bonum ipsis auditoribus fuisse, uel generaliter bo-  
 num; aduersarium uero uel ipsis auditoribus malum,  
 uel absolute malum. Sed alibi sunt à nobis iam expo-  
 siti loci, unde bonos aut malos conformare homines pos-  
 simus. Postquam autem hoc demonstratum fuerit,  
 tunc naturæ ordine sequitur, ut uel augcamus uel im-  
 minuamus: opus est enim, ut res sint concessæ prius,  
 quam de earum magnitudine disputari possit. nam etiam  
 corporum auctio atq; incrementum fit ex eis, quæ iam  
 prius aderant. Sed, unde uel amplificatio uel immi-  
 nutio ducatur, iam supra loci sunt expositi. Postea ue-  
 rò, cum iam perspicuum est, quæ, & quanta sint ea,  
 quæ tractantur; permiscere motus animorum opus est.  
 Sunt autem hi potissimum; misericordia, indignatio,  
 ira, odium, inuidia, æmulatio, simulas: qui quidem  
 unde sumantur, antea declaratum est. Itaq; reliquum  
 est enumerare, quæ sparsim antea dicta sunt. Hoc au-  
 tem commodè fit, si id seruetur, quod in præcæmijs  
 quidam debere seruari non rectè iubent, aiunt enim ea-  
 dem sæpius in præcæmio repeti debere, ut facilius per-  
 cipiantur. Sed ibi rem tantum exponere opus est; ut  
 ne lateat id, de quo futurum est iudicium: hic uero sum-  
 matim ea repetere oportet, quæ demonstrata sunt. Ini-  
 tium autem enumerationis illud erit, cum dicet ora-  
 tor, ea se præstitisse, quæ pollicitus fuerat. itaq; repe-

tere oportet, quæ sunt exposita, & quare. Quin ex  
aduersariorum contentione dicuntur ea, quæ in peror  
atione repetuntur. conferre autem oportet uel quæ de  
eadem re ambo dixerunt, uel quæ non exaduersò; ut,  
Iste quidem de hac re sic dixit; ego uerò hæc atq; hæc  
de causa: uel per ironiam; ut, Iste quidem hæc com  
memorauit, ego uerò hæc: & , Quidnam fecisset, si  
hæc probasset, non autem illa? per interrogationem,  
ut, Quid à me non exquisitè probatum est? uel, Iste  
quid confirmauit: uel igitur hoc modo per collationem,  
uel ordine naturæ non immutato, sicuti res antea  
dictæ sunt, hoc modo: ut si prius ea repetas, quæ  
ipse probasti, deinde si uolueris etiam seorsum  
quæ dixit aduersarius. In peroratione

cónuenit illud dicendi genus, quod dis  
solutum uocatur; ut peroratio,  
non autem oratio sit: Dix  
xi, audiuiſtis, rem tes  
netis, iudicate.

FINIS.

Venetijs Apud Ioannem Patauinum  
M. D. LII.



203.542















